



BIBLIOTECA NAZ.
Vittorio Emanuele III

XXXIV


E

22

NAPOLI



XXXIV-E-22.



DAVIDIS GREGORII

M. D. ASTRONOMIÆ PROFESSORIS SAVILIANI
OXONIÆ, ET REGALIS SOCIETATIS
LONDINENSIS SODALIS

ASTRONOMIÆ
PHYSICÆ & GEOMETRICÆ
ELEMENTA.

Secunda Editio revisa & correcta.

ACCESSERUNT

*Prefatio Editoris; Cometographia HALLEIANA in modum Appen-
dicis; brevis ad Calculum Horologiorum Sciotericorum tractatus &
duplex Index, primus Sectionum & Propositionum, alter Rerum
& Verborum copiosus.*

TOMUS PRIMUS.

INDUSTRIA MALA LEVAT.



Desseins de

Chapuy del.

GENEVÆ,

Apud MARCUM-MICHAELEM BOUSQUET & SOCIOS.

M. DCC. XXVI.









SERENISSIMO PRINCIPI
LUDOVICO
 AURELIANENSIVM DUCI.



ERENISSIME
 PRINCEPS,

*Ea est NOMINIS TUI MA-
 JESTAS, ut non temerè debeat in
 † cu-*

D E D I C A T I O.

*cujuslibet Operis Tutelam vocari, nec
 deceat sub Auspiciis tuis prodire quid-
 quam, nisi quod sit re ipsâ præstan-
 tissimum; neque nesciesus tamen, Co-
 mitas illa atque Humanitas, quæ
 PATRIS TUI veluti propriæ vir-
 tutes fuerunt, quàm cumulatè nunc à
 TE feliciterque repræsententur: quin
 & persuasum est nobis, si fortè ad res
 tenuioris pretii, AUGUSTAM
 NOMINIS TUI AUTORI-
 TATEM invocemus, TE ultro
 precantibus (quæ TUA est ad Bene-
 faciendum propensio) Concessurum: id
 ratum*

DEDICATIO.

ratum scilicet tanto certius ad Gloriam solere Principes ascendere, quanto Libentius ex ipso Gloriæ fastigio videntur Clementiâ suâ & Benignitate descendere.

At verò , nisi nos fortasse nimius Operis suscepti amor decipit , hoc spondemus audacter , quod TIBI munus Consecratum hodie cupimus , dignissimum esse cui faveas: utque Libro huic nostro maximæ gloriæ futurum est , quod NOMINE TUO , populis omnibus venerando atque caro , insignitus prodeat , sic TIBI non minimæ
† 2 *Laudi*

DEDICATIO.

Laudi fore, quod Libri in Orbe Litterato celebratissimi Patronus per omnem latè Europam publico Monumento declareris.

Autorem habet Gregorium, quem suum Britannia Cassinium, aut Varinonem, appellare jure possit. Qui quidem Mathesecos Rerumque Physicarum intelligentiâ sic inclaruit, ut Eum Eruditæ Gentes non modò lugere mortuum, sed etiam natum invidere quodam modo Britannicæ possint; Quando Imperiorum ut Præsidium sunt Egregii Bellatores, ita sunt Eximii

DEDICATIO.

mii Scriptores Decus & Ornamentum.

Hanc autem Gregorii, quam suscepimus Editionem, pulcherrimam sanè atque locupletissimam, Doctis profectò Germanis, apud quos acrius, quàm ubicunque Terrarum, studia Matheos vigent, animo destinavimus. Porro Qui potest iis acceptior Liber esse, quàm qui Nomen & Effigiem præferat ejusmodi PRINCIPIS, quem non minus ament, colant, suspiciant, quam ipse à suis Gallis (quo quid amplius dici queat?) amatur, colitur, suspicitur.

DEDICATIO.

Sic est, SERENISSIME PRINCEPS; non soli Galliae tuae spectata tua Virtus est: novit & Germania, quàm sincerâ Fide, quàm non fucatâ Pietate, Divina Christianae Religionis Effata prosequi, ejusque Sanctissima Mysteria consueveris ab ineunte aetate revereri. Novit quàm Sapientem TE, quàm Prudentem. suprema negotia comprobent; quàm Clementem, quàmque sui amantem Populus sentiat. Novit inprimis quàm non violabili amoris fœdere devinctum TE habeat AUGUSTISSIMA CON-

DEDICATIO.

*CONJUX, quam ipsa TIBI
Germanica Tellus Sinu suo, Sanguine
Nobilissimam, Ingenio Locupletissimam,
Virtutibus Spectatissimam, aluit
atque educavit : gratesque habet Deo
Immortales, quod felix Conjugium,
suis initum auspiciis, munere, quàm
potuit esse amplissimo, donare prope-
ravit, Filio scilicet, quem tum Pa-
ternæ, tum Maternæ Virtutis Hæ-
redem aliquando fore & optamus &
speramus.*

*At TU, SERENISSIME
PRINCEPS, munus hoc quale-
cum-*

DEDICATIO.

*cumque nostrum, Bonus accipe, ne-
que magis munus hoc dixeris Tuum,
quàm ipsos offerentium animos, quos
quamdiu vivent, Tempus omne com-
probabit,*

CELSITUDINIS TUÆ

Geneva die 1^a. April. 1726.

Cultores Observantissimos ;
Studiofissimos, addicissimos,

MARCUM - MICHAELEM BOUSQUET
& SOCIOS, GENEVENSES Bibliopolas.

PRÆFATIO

AUCTORIS.

Librum hunc eo consilio publicum feci, ut illa, quam subodoratus est sagacissimus *Keplerus*, quamque Geometrarum Princeps *Isaacus Newtonus* ad eum, quem omnes suspiciunt, apicem perduxit, Physica Cœlestis, meis etiam curis illustrata, Philosophiæ & Astronomiæ studiosis paulo facilius innotesceret. Satis indicat ipse operis hujusce titulus omissam esse hic omnem Astronomiam Arithmeticam sive calculatorem, posthac forte suo loco proferendam: Physicam vero à laudatis modo Authoribus depromptam Astronomiæ debite, ubi conveniebat, immiscui; pleraque Geometrica vel aliunde repetita & citata, vel in Lemmatibus demonstrata exhibui; & ita quid in quavis Sectione præstitum sit in ipsius vel titulo vel præfatione exposui, ut qui in reconditori Geometria minus versati, aut de Physica parum solliciti sunt, possint ea præterire, & solam Astronomiam ab iis distinctam evolvere.

Est autem Astronomia Physica inter disquisitiones

a

natu-

P R Æ F A T I O

naturales non tantum dignitate, sed & ordine prima, quippe facillima. Sol enim & Planetæ tam immensa distantia à se invicem separantur, ut vires pleraque, quibus corpora in se mutuo agunt, minime possint ad tantum intervallum exercere; adeoque his præter universalem Gravitatis vim alia nulla, quâ se invicem afficere valeant, virtus superfit: At in illis, quæcunque apud Terram occurrunt, Phænomenis exerunt sese aliæ innumera virtutes, quas quidem difficillimum est distinguere; quas tamen nisi probe distinguimus, frustra aliquod naturæ examen instituimus. Erit itaque quodvis problema in Terrestri Physica valde operosum & perplexum, in Cœlesti vero longè simplicius faciliusque; quanquam etiam & in hac, pro varia corporum Cœlestium distantia & magnitudine, varia sint difficultatum momenta. Fixæ enim inter se tam immane distant, ut nihil omnino in se mutuo agant, quod à nobis Terricolis observari queat. Planetæ primarii tantum à se mutuo remonentur, ut aliquam quidem in se invicem vim & effectum habeant, qualis tamen à nobis non nisi post multorum annorum observationem percipi possit. Planetæ secundarii non ita aut à primariis suis, aut à Sole distant (respectu habito ad quantitatem materiæ quæ
in

A U C T O R I S.

in his est) quin utriusque virtutem satis notabilem sentiant, unde orta est multiplex eorum inæqualitas; qualis est quæ in Luna nostra manifeste se prodit, quæ tamen quasi nulla est, si cum inæqualitate Terrestrium, quæ corporum undique prementium viribus tam innumeris tamque variis agitata sunt, conferatur. Adeo ut infeliciter naturali scientiæ incumbere videantur, qui hanc Astronomiæ partem prætereunt, unde præcipuæ & simplicissimæ Naturæ leges sunt hauriendæ.

Ne cui vero Physica hæc tradita, quasi novum aliquid & insolens in Astronomia videatur, eandem vetustissimis Philosophis notam, ab iisque sedulo excultam esse ostendam. Quo in argumento diutius paulo morabor, quia nihil necesse erit plura præfari, aut de operis hujus ordine, qui ex Indice satis constat, aut de Astronomiæ usu, dignitate, historia, progressu, aut etiam de vero hoc Mundi Systemate *Pythagoræ* aliisque Veteribus probato; quæ omnia ab Astronomiæ Scriptoribus jamdiu fusè tractata sunt: id, inquam, jam ostendam, quod nos adhuc in Astronomia Physica Veterum vestigiis insistamus; quod nempe norint illi corpora Cœlestia in se mutuo gravia esse, & vî Gravitatis in orbitis suis retineri; quod etiam Gravitatis hujusce Legem perspectam habuerint.

P R Æ F A T I O

Si enim ad ipsam Astronomiæ originem recurrimus, eamque à prima quasi infantia repetimus, nihil antiquius esse reperiemus, nihil per omnes Philosophorum sectas latius disseminatum, quam illam de corporum Cœlestium Gravitate sententiam. Notum est dictum illud quod sæpe usurparunt *Anaxagoras* ejusque discipuli *Archelaus* & *Euripides*, Solem nempe & Stellas esse lapides candentes, aut aureas glebas; idem etiam sensere *Democritus*, *Metrodorus* & *Diogenes*. Quibus verbis nihil aliud intelligebant quam corpora gravia, densa & fixa (saxorum instar) ut ignem sustinere possent: & hanc esse eorum mentem luculenter constabit, si hujusce sententiæ authores altius adhuc exquiramus. Recte enim monuit *Democritus* non esse has de Luna Stellisque opiniones ad *Anaxagoram* referendas, qui eas ab antiquioribus suffuratus est. Unde vero eas furripuerit, aut à quibus ad eum derivatæ fuerint, non est investigatu difficile. Illas enim acceperat

^a Οὐτὸς εἶπε τὸν ἥλιον μύρον εἶναι διαφανές. Diog. Laert. in Anaxag. τὸν μὲν ἥλιον λεῖπον φεῖν εἶναι, τὸν δὲ Σελήνην γῆν. Plat. in Apol. Socr. ^b Μύρον ἴσμεν εἶναι τὰς ἀστέρας, διαφανές δέ. Stob. Ecl. Phys. cap. 25. ^c φεῖν Εὐριπίδην χροῖον εἶναι ἀπὸ τὸν ἥλιον. Diog. Laert. in Anaxag. ^d Plutarch. de Placitis Philos. Lib. II. cap. 20. e ibid. c. 13. ^f Φαλακρινὸς δὲ φεῖν οὐ παλαιοὶ ἔχοντες λέγοντες Διμοῦσιν περὶ Ἀναξαγόραν, οἳ ἐν ἑσπερίῳ αὐτῶν αἱ εἰσὶν αἱ περὶ ἡλίου καὶ Σελήνης, ἀλλὰ ἀρχαῖαι, τὴν δὲ ὑποῖοντες. Diog. Laert. in Democrit.

AUCTORIS.

à Præceptore suo ^a *Anaximene*, qui igneam esse Stellarum naturam, sed ipsis permista quædam terrena corpora judicavit, quæ nobis non conspecta circum illas versarentur: quibus verbis plane innuit Planetas terrestres in Fixæ cujusque Systemate suas periodos conficere. Hæc *Anaximenes* ab *Anaximandro*, *Anaximander* ab ipso ^b *Thalete* habuit, qui *Ionice* Philosophiæ Princeps opinionem de Syderum Gravitate per suam deinde sectam diffudit. Sed nec hic constitit illa de Syderibus doctrina, sed etiam in *Italicam* Philosophiam defluxit, cujus ⁱ sectatores Stellam quamvis Mundum esse, Terramque & Astra continere, & infinito in Æthere collocari; ^k Lunam vero non modò Terræ nostræ similem esse, sed à pulchrioribus etiam animalibus habitatam docuerunt.

Neque vero de Gravitatis natura ita absurde senserunt, quasi fieret per vim puncti alicujus intra Terram, sive centri, ad quod gravia undique

a. 3 ten-

^g Πυθαγόρῳ μὲν Ἀναξίμανδρὸς ἔλεγε τὴν φύσιν τῶν ἀστρον, παρῆσαν δὲ τινα γῆν ὅσῃ συμπεριφερθήσκει τότε, αἶρατα. Stob. Ecl. Phys. c. 25. ^b Θέλει γινώσκειν μὲν ἱκανοὶ εἶναι τὰ ἀστρα. ibid. Sic etiam Plut. de Plac. Philos. Lib. II. c. 13. ⁱ Οἱ Πυθαγόρειοι ἔλεγον τῶν ἀστρον κόσμον ὑπάρχειν γῆν περιέχοντα αἶρα τὴν ἢ αἰθήρα οὐ τὴν ἀπὸ γῆς αἰθήρα. Plut. de Plac. Philos. Lib. II. c. 13. ^k Οἱ Πυθαγόρειοι γινώσκειν φαίνονται τὸν Σελήνῳ διὰ τὸ περιεσφῆθαι τὸν κόσμον καὶ ὅτι τὴν παρ' ὅμιν γῆν μέγιστον ζῶντα καὶ φοβέσθαι καὶ αἰετὸν. ibid. Lib. II. cap. 30.

P R Æ F A T I O

tenderent; ¹ sed per vim totius in globo Terreſtri
materiæ omnia ad ſe trahentis factam eſſe: & quem-
admodum vis magnetis componitur ex conjunc-
tis ſingularium partium viribus, ſic Gravitatem
ad Terram totam ex Gravitate ad ſingulas illius
particulas ortam eſſe exiſtimarunt. Porro & eo-
dem modo cenſuerunt ^m Gravitatem fieri in Lu-
nam, Solemque, ac in Terram facta eſt; & ⁿ Plane-
tam quemque, tanquam lapidem in funda cir-
cumagitatum, ob hanc ipſam rationem in Orbita
ſua conſervari, & in ſublimi ſemper verſari. Imo
ex iis quæ de *Platone* memorat ^o *Diogenes Lae-
rtius*, quæque in ^p *Timeo* obſcure innuuntur, indu-
cor ut cum ^q *Galileo* credam divinum illum Philo-
ſophum cenſuiſſe corpora mundana jam primum
fabri-

1 Καὶ τῆς εἰ πᾶν σῶμα ἐλβεῖς εἰς τὸ αὐτὸ σκενὴν ἢ πρὸς τὸ αὐτὸ μίσην ὁ-
τρῆσαι πᾶσι τοῖς μετέωροις, ὥς οἱ μίσην ὅσα τὰ παντὸς ἢ γὰρ μᾶλλον ἢ ὡς ἕνα εἰσά-
σεται μέρος αὐτῆς ὅσα τὰ βάρος. Plut. de facie in Orbe Lunæ. Τὸ θε ἀσώ-
ματον ὡς εἶδος, ὡς βᾶλλον, τοσούτου ἔχον διώκεται ὅσοι πάντα κατατάναν ἐφ'
ἑαυτῷ ἢ πρὸς αὐτὸ σκενὴν. ibid. m Ἡ δ' ἡρὶς τῶν γῆν τῶν ἐνταῦθα σκενὴν
καὶ σῶμα ἐλβεῖται τὴν τρέπον, ἢ μίσην τὰ ἐντὶ σκενὴν πρὸς Σελήνῃ εἶδος
ἔχον. ibid. n Τῇ δ' Σελήνῃ βεβῆκε πρὸς τὸ μὴ μίσην ἢ πρὸς αὐτὸ, καὶ τὸ
βῆκε τῇ περιτροπῇ ὥστε ὅσα τὰς σκενὴν ἐνταῦθα τῇ κατατροπῇ πάλιν
εἰς ἑαυτὸν τὸν κύκλον περιβόηται, διὰ τὴν Σελήνῃ ὡς ἄγει τὸ βάρος ὡς γὰρ περι-
φορᾷ τὸν κύκλον ἐπερὶ τὸν. ibid. o Ταῦτα γὰρ πρὶν μετ' ἀλλήλων κινεῖσθαι καὶ
αἰτάναι, τὰ δ' ἢ ἤσαντο σκενὴν τὴν κόσμον, ἐν τῇ ἐνδοχρῶν ὡς τὸ θε συμ-
μέτρει καὶ τελεχόμενος γενέσθαι. Diog. Laert. in Plat. p Κίνεσιν γὰρ ἀντιπρὸς
αὐτῷ τὴν τὸ σῶμα εἰσάγειν (i. e. directum) & paulo post διὸ ἢ κατὰ ταῦτα
ἐκείνην κύκλον κινεῖσθαι περιβόηται. Plat. in Timeo, q Sitem. Cosmici.

A U C T O R I S.

fabricata motu recto (Gravitate id efficiente) agitata fuisse, sed postquam ad determinata loca venissent paulatim in gyrum revolvi cœpisse, motu recto commutato cum circulari. Ex hac Gravitatis doctrina, qua nempe omnia corpora ad se mutuo gravitant, *Lucretius*, ab *Epicuro* & *Democrito* doctus, contendit nullum esse Universi centrum, sive locum infirmum, sed infinitos esse in spatio infinito Mundos huic nostro similes. Argumentum ejus ita se habet: Si rerum natura alicubi finiretur, corpora extrema, cum nulla haberent exteriora quæ gravitatis vi appeterent, non starent in æquilibrio, sed ad inferiora necessariâ gravitatis inclinatione tenderent; adeoque in infinito tempore confluendo jam dudum in medio totius tanquam in imo loco jacuissent. Hinc itaque patet *Lucretium*, eosque quos ille secutus erat, existimasse unumquodque corpus grave esse in materiam circumquaque positam, & a gravitate præpollente ferri in regionem ubi materia est copiosior.

Sicuti constat antiquos corporum omnium in se invicem Gravitatem deprehendisse, ita etiam quam Legem & quam pro diversa mole & distantia

r Præterea spatium summi totius omne
Undique si inclusum certis consisteret oris,
Finitumque foret: &c. *Lucr. Lib. I. v. 983.*

P R Æ F A T I O

tia proportionem observaret Gravitatis actio non ignorarunt. Gravitationem enim proportionalem esse quantitati materię ex qua constat grave, satis declarat *Lucretius*, & corpora quę levia dicuntur non sponte sed vi subigente ascendere, perinde ut in aqua lignum; omnia autem corpora, tam graviora quam minus gravia, æquali celeritate (in vacuo) descendere. Enim vero præclarissimum illud Theorema de proportionem, quā Gravitās recedendo à Sole decrefcit, faltem *Pythagora* non ignotum fuiſſe ex ſequentibus liquebit. Hoc enim ille & illius afſectæ adumbrarunt per Harmoniam Sphærarum: Finxere nimirum Apollinem Lyram ſeptem chordarum pulſare, quo ſymbolo, ut ex *Plinio*, *Macrobio* & *Cenſorino* abunde conſtat, intellexere Solem cum ſeptem Planetis; illum nempe Hebdomageram & naturę moderatorem conſtituerunt, & cenſuerunt Vi ſuâ attractivâ agere in Planetas (quem ideo Jovis Carcerem vocabant, quia

f Denique cur alias aliis præſtare videmus
Pondere res rebus nihilo majore figurâ? &c. *ibid*: v. 359.

z Nunc locus eſt, ut opinor, in his illud quoque rebus
Confirmare tibi, nullam rem poſſe ſuâ vi
Corpoream ſurſum ferri, &c. *Lucr.* Lib. II. v. 184.

u Omnia quapropter debent per inane quietum
Æque ponderibus non æquis concita ferri. *ibid.* 238.

x *Plin.* Lib. II. cap. 22. *Macrobi.* Lib. I. c. 19. *Cenſorin.* c. 11.

y Τὴν τῷ Διὶ φουδανύ.

A U C T O R I S.

quia nempe Planetas in Orbibus suis hæc Vi retinet ne in rectis abeant) in ratione illa Harmonica distantiarum. Vires enim quibus æquales tensiones agunt in chordas diversarum longitudinum (cætera æquales) sunt reciproce ut quadrata longitudinum chordarum. * Nam *Pythagoras*, dum præteriret officinam fabri ferrarii, occasionem reperit experiendi quod soni, quos mallei ferrei emittunt, acutiores essent vel graviore pro variis ponderibus malleorum; deinde intestina ovium vel boum nervos, variis etiam ponderibus alligatis, tendendo didicit quod soni ponderibus similiter responderent. Ubi hoc compertum habuit, deinde deprehendit etiam numeros, ex quibus soni sibi consoni nascerentur. Sive autem vera sit hæc historia sive fabula, certum est *Pythagoram* reperisse veram rationem, quæ est inter sonos chordarum & pondera appensa. Tensio eadem in chordam duplo brevior quadruplo potentius agit: Octavam enim generat, & Octava per vim quadruplo majorem editur; nam si chorda dato pondere tensa datum tonum edit, eadem quadruplo pondere tensa Octavam edet. Similiter, eadem tensio in chordam sub-fesquialteram agit in ratione dupla sesquiquarta: nam Quintam sive harmoniam Diapente efficit, & chorda, quæ dato pondere datum tonum edit, pondere

b

du-

* Macrobius Lib. II, in Somn. Scip. cap. 1.

PRÆFATIO AUCTORIS.

• duplo sesquiquarto tendi debet ut Quintam efficiat. Et universaliter, pondera, quibus toni omnes in chordis æqualibus audiuntur, sunt reciproce ut quadrata longitudinum chordarum æqualiter tensarum, quibus instrumentum musicum tonos eosdem emittit. Proportionem his experimentis inventam *Pythagoras* applicuit ad Cœlos, & inde didicit Harmoniam Sphærarum. Ideoque conferendo pondera illa cum ponderibus Planetarum, & intervalla tonorum cum intervallis sphærarum, atque adeo longitudines chordarum cum distantis Planetarum ab orbium centro, intellexit per Harmoniam Cœlorum quod Gravitates Planetarum in Solem (ad cuius utique Lyræ omnes saltant) essent reciproce ut quadrata distantiarum eorum à Sole.

Haftenus ostensum est quænam fuerit de Gravitate veterum Philosophorum sententia; iisque persuasum esse constat, quod Gravitatis non modo Teræ sed & corporibus Cœlestibus competat, quod corpora omnia in se mutuo gravia sunt, quodque Planetæ vi Gravitatis in Orbitis suis retineantur, quod denique Gravitates Planetarum ad Solem sint reciproce ut Quadrata distantiarum ab ipso. Quænam hisce Veterum inventis incrementa adjecerit Recentiorum solertia, sequentes paginae fuscè ostendunt.

EDL

EDITORIS PRÆFATIO.

ECce nova tandem, ac plurimorum votis exoptata, atque a nobis promissa prodit Astronomiæ Gregorianæ Editio. Quid in hoc præclaro Opere contineatur, quæve sit Clarissimi Autoris in hisce Astronomia Elementis tradendis methodus, satis superque Index Sectionum & Propositionum docebit. Quid autem in hac Secunda Editione novi accesserit, ex ipso Titulo Lector facile animadvertet, quem tamen pauca monendum esse putamus.

1°. Editionem Oxoniensem anni 1702 secuti sumus quam ab erratis qua in ea irrepserant, quoad fieri posuit expurgavimus.

2°. Schemata quæ in dicta Editione ligno incisa sunt, ære eleganter incidi Curaverunt Librarii, & in Tabulas referri, quas ad faciliorem legentium usum opportunis in locis librorum compactiores collocare debebunt.

3°. Nonnullas lineas in figuris aliquot immutavimus, sed parce ad modum, & ubi tantum ex levissima immutatione majorem perspicuitatem oriri posse judicavimus.

Hæc pauca dixisse sufficeret nisi alia quadam polliciti essemus. Promissimus enim annotationes aliquot in totum Opus distribuendas, & brevem ad finem totius Operis Horologiorum Solarium describendorum methodum nos addituros. Ac methodum quidem illam adjecimus, sed notas quod attinet, quum per Typographorum in adornanda hac Editione diligentiam, promissis stare non licuerit, nosque ipsos cum Auro Clariss. Gregorii quisquiliis nostras intermiscere puduerit, aliqua tantum in hac nostra Præfatione adjiciemus qua incipientibus fortasse inutilia non erunt sive ad intelligendas aliquas Gregorii Propositiones; sive ad Consulendos Autores ex quibus nonnullarum explicationem petere queant; sive tandem ad corrigendas quasdam assertiones in quibus à vero non-

II. EDITORIS

nihil aberrasse Noster videbitur. Ac primo quidem ut possint. Tirones, si libuerit, Autoris Demonstrationes Geometricas & Physicas cum Illustrissimorum Astronomorum Observationibus, & cum rationibus Arithmeticis comparare, à brevi sed accurata Mundani nostri Systematis descriptione exordiemur. Deinde vero aliquot annotationes addemus eodem ordine quem Autoris methodus offeret.

BREVIS TOTIUS MUNDANI SYSTEMATIS. CONSPECTUS.

SOL ☉ in foco communi omnium Orbitalium quas Planeta Primarii describunt, positus censetur. Nam quamvis hūc & illuc distrahatur levissimo motu orto, ex eo quod in Planetas circumjectos gravites & ad eos proinde non nihil accedat, tamen quia motu illo parum admodum à centro communi gravitatis sua & Planetarum distat, quiescere dicitur, neque enim alium fere motum habere cernitur, præter motum rotationis, quo fit ut (comparative ad Tellurem, idest, quatenus è Tellure conspicitur) circa Æquatoris sui axem unam revolutionem peragat intra 27. dies & 12. horas circiter. Quemadmodum enim Terra suam Eclipticam habet & suum Æquatorem, sic etiam Sol Eclipticam suam saltem respectu Terra & suum Æquatorem habere censendus est. Et quidem Ecliptica ejus in eodem plano est ac Telluris Ecliptica, ac proinde axis Eclipticæ Solis parallelus est axi Eclipticæ nostræ. Sed Æquator Solis in eo differt à nostro quod, quum noster inclinatus sit ad Eclipticam gradibus 23 & 29'. Æquator Solis inclinatur ad Eclipticam grad. $7\frac{1}{2}$ quam proxime, ita ut axis Æquatoris Solis efficiat cum axe ejus Eclipticæ angulum graduum $7\frac{1}{2}$ Observandum est igitur quod si Tellus ad eam Orbitem suam puncta pervenerit, in quibus posita, invenitur versari in communi Sectione productæ Eclipticæ & Æquatoris Solis (quod accidit quum Sol esse videtur in 8° II & in

8° →) tunc *Æquator Solis* & ejus *Paralleli omnes* à *Terra* visi, projiciuntur in lineas rectas inter se parallelas in disco *Solis*, & *Poli ejusdem Æquatoris* sunt in ejusdem disci limbo. In omni alia positione *Terra* aut *Solis* in *Orbita* sua, tam *Æquator*, quam ejus *Paralleli omnes* projiciuntur in disco *Solis* per lineas curvas seu per dimidiatas *Ellipses* (informes tamen ob gibbositatem aut convexitatem disci *Solaris* in quo fit hac projectio) versus polum ejus superiorem seu *Borealem*, vel versus polum ejus inferiorem seu *Australem* magis minusve convexas, pro ut *Tellus* magis aut minus super planum *Æquatoris Solis* attollitur, nunc versus *Austrum*, nunc versus *Boream*. Indeque accidit ut si *Poli Æquatoris Solis* aliqua nota conspicui essent, viderentur intra annum spatium descripsisse duos circellos circa polos *Ecliptica Solis* & ab eis distantes gradibus $7\frac{1}{2}$. Hæc omnia constant ex observationibus accuratissimis macularum *Solis* quas observationes videre poteris Lector passim in *Historia* & *Commentariis Regiæ Scientiarum Academiæ Parisiensis*, & præsertim in *Historia* ejusd. Acad. anni 1707. in qua *Celiberrimus Dom. de Fontenelle* diserte & perspicue, ut solet, totam hanc *Theoriam* explicat. Caterum omittere non debeo qua ratione distinguantur *Poli Borealis* & *Australis* in disco *Solis*, & quo sensu super *Æquatoris* sui axem *Sol* circumvolvatur. Itaque supponatur *Sol* esse in *Meridiano* circulo. Cognito *Angulo Ecliptica* cum *Meridiano* per *Trigonometricum* calculum aut alia ratione, axis ejus habebitur in disco *Solis*, ut facile cuique patebit. In ea autem positione uterque polus *Solis* superior hic *Ecliptica*, ille *Æquatoris*, *Borealis* vocabitur; Inferiores autem *Poli* ambo *Australes* dicentur. In ea *Solis* positione *Macula Solares* describent aut lineas rectas inter se parallelas, aut dimidiatas *ellipses* quæ erunt vel *Æquatoris* vel *parallelorum* ejus projectiones, quæque magis minusve convexas erunt nunc versus unum polum *Æquatoris*, nunc versus alterum. Progredientur quæ *Macula* ab *Oriente* in *Occidentem*; adeo

b. 3,

ut si,

IV.

EDITORIS

ut si diu satis perseverent, ad eundem disci locum redeant post 27 dies & 12 horas circiter. Si Circelli de quibus antea describuntur & apte dividantur pro tempore dato; in gradus suos, habebitur positio & apparentia axis Aequatoris, quæ axis ad plana omnia tam Aequatoris quam ejus parallelorum perpendicularis semper est. Sed hac satis.

Iam ut ad Planetas Primarios deveniamus; omnes illi revolutiones suas periodicas in Orbitis conficiunt Ellipticis quorum focus unum communem omnibus Sol occupat.

Mercurius ☿ Soli proximus, juxta Keplerum revolutionem suam peragit in spatio 87 dier. 23 horar. 14'. 24". Motus diurnus 4°. 5'. 32". Maxima à Sole distantia 46955: media 38806: minima 30657: Excentricitas 8149: eaque omnia in partibus quarum Semiaxis major Orbita Telluris, (quam Orbitam Keplerus vocat Orbem Magnum) continet 100000. Juxta D. de la Hire in Tab. Astr. Motus ☿ in anno communi est 1. Sig. 23°. 43'. 15". (intellige præter 4 revolutiones 12. Signorum) motus 30 dier. 4. Sig. 2°. 46'. 18". motus diurnus 4°. 5'. 32". omnino ut Keplerus motus ejus medius anno 1700. completo (id est primo die Januarii an. 1701. meridie sub meridiano Observatorii Parisiensis) stilo novo, erat 3 Sig. 6°. 14'. 40". Aphelii ejus Longitudo erat eod. an. 8 Sig. 13°. 3'. 40". Aphelii motus annuus 1' 39". Maxima Orbita ad Eclipticam inclinatio Juxta D. de la Hire 6°. 52'. 0". motus ejus Nodi ☿ ascendantis seu Borealis eod. anno 1 Sig. 14°. 53'. 14". Si excentrici Mercurii semidiameter supponatur partium 100000. excentricitas erit ex Keplero 21000. earundem partium.

Venus ♀ Periodum suam absolvit in spatio 224 dier. 17 hor. 44' 55" 14" ex Keplero, & proinde motus ejus diurnus est 1°. 36' 8". Maxima à Sole distantia 72900, media 72400 minima 71900. Excentricitas 500 in partibus 100000 mis semidiametri excentri Telluris. Juxta D. de la Hire Motus ♀ in an. communi est 7 Sig. 14°. 47' 36" (intellige

P R Æ F A T I O. V.

tellige præter unam revolutionem 12. Signorum : motus diurnus $1^{\circ} . 36' . 8''$. ut Keplerus , anno 1700 completo intelligatur semper stilo Gregoriano seu novo.) motus medius & erat 5 Sig. $23^{\circ} 55' . 18''$. Aphelium erat 10. Sig. $6^{\circ} 56' 10''$ Motus Aphelii in an. communi sive annuus $1' 26''$. Maxima Orbita ad Eclipticam inclinatio $3^{\circ} 23' 5''$. Motus Nodi ☿ eod. anno erat 2 Sig. $13^{\circ} . 54' 19''$ Motus annuus Nodi ab Equin. (sic intellige de omnibus motibus) est $46''$. Si excentrici Veneris semidiameter supponatur partium 100000 excentricitas erit (ex Keplero) 694 earum partium.

Tellus nostra $\frac{1}{8}$ revolutionem suam perficit 365 Diebus 5 hor. $49' 24''$. Sed ut facilius ejus Theoria reddatur fingemus Terram immotam esse & Solem ☉ circa eam cursu annuo deferri. Itaque.

Sol ☉ circa Terram revolvitur in spatio 365 dier. 5 hor. $49' 24''$ in Ecliptica, qua cum Equatore angulum declinationis seu Obliquitatis maximum efficit $23^{\circ} . 29'$. juxta D. de la Hire, vel $23^{\circ} . 28' . 24''$. ex Calculo & Observationibus Clariss. Dom. Equitis de Louville (in Actis Acad. Reg. Paris. an. 1720.) cujus hic Theoriam sequemur. Hoc ipso anno 1726 inenunte (id est 1° . die Januarii meridie Tempore Medio sub Meridiano Observatorii Parisiensis) Anomalia media erat $181^{\circ} . 30' . 42''$. Longitudo Apogei $98^{\circ} . 18' . 57''$. hac addita dant motum Medium anno 1726 inenunte, Tempore Medio (quod semper supponendum) $279^{\circ} . 49' . 39''$. seu 9 Sig. $9^{\circ} . 49' 39''$. Motus annuus ab Apogeo 11 Sig. $29^{\circ} . 44' . 49''$. cui si Longitudo Apogei annua $0^{\circ} 0' 51''$ addatur. Motus medius erit annuus 11 Sig. $29^{\circ} 45' 40''$. Si Major semiaxis Orbis elliptici Solis supponatur 10000000 partium, maxima Solis à Terra distantia erit 10166915, media 10000000, minima 9833085, excentricitas duplex seu distantia Focorum 333830, distantia foci utriuslibet à centro ellipsis 166915, minor semiaxis erit 9998607. Quæ omnia colligo ex Calculo Cl. D. Equitis de Louville in Tab. ejus Solaribus præstantissimis
qua

VI. EDITORIS

qua habentur in Actis Reg. Scient. Acad. Paris. an. 1720

Iuxta D. de la Hire Medius Motus \odot erat an. 1700 completo, stylo Novo 9 Sig. $10^{\circ} 52' 27''$. motus in an communi est 11 Sig. $29^{\circ} 45' 40''$. motus diurnus $59' 8''$. Eodem an. 1700 completo Longitudo Apogai 3 Sig. $8^{\circ} 7' 30''$. Apogai Longitudo annua $1' 2''$ Iuxta Keplerium Orbita elliptica Solis vel Terra dimensiones sunt sequentes. Distantia maxima Solis à Terra 101800, media 100000 minima 98200. excentricitas 1800. Sed observare Lectores debent per excentricitatem apud Keplerum intelligi in forma elliptica, distantiam foci alterutrius à centro ellipsis, & proinde distantiam foci unius ab altero foco, quam D. de Louville & alii excentricitatem duplam vocant, esse apud Keplerum partium 3600 qualium media distantia vel semiaxis major (hac enim idem sonant) est 100000. Siquidem excentricitas in Hypothesi Circulari ex observationibus & calculo reperta, si ad ellipticam Hypothesin transferatur, aequalis est distantia focorum ab invicem, vel duplici distantia foci utriuslibet à centro ellipsis, unde fit ut apud non nullos distantia foci à centro vocetur excentricitas simpla, & distantia foci unius ab altero foco dupla excentricitas nominetur. Keplerus enim animadvertens Hypothesin excentrici circularis qua satis quidem Solis motibus explicandis apta censeretur poterat non convenire aliorum Planetarum ac praecipue Martis motibus; & deinde hanc ipsam Hypothesin minime congruere veris distantii Solis à Terra quas Semidiametrorum apparentium Solis rationes suppeditant, (quum distantia maxima sit ad minimam; ut maxima semidiameter apparentis Solis $32' 33''$ in Perigaeo seu ex distantia minima visi, ad semidiametrum ejusdem apparentem minimam $30' 22''$ quum videtur ex maxima distantia vel in Apogaeo) Hac inquam omnia Keplerus pro acutissimo quo pollebat ingenio prospiciens, & videns ex veris quas dixi distantii excentricitatem duplo minorem colligi quam qua ex Hypothesi Circulari consequitur, demonstravit 1^o. Planetarum Orbitas esse ellipticas, in
quarum

P R Æ F A T I O VII.

quarum foco uno communi Sol versatur. 2º. excentricitatem in Orbe excentrico Circulari per calculum inventam, in duas partes aequales dividi debere, adeo ut in Orbe elliptico illa eadem excentricitas tota quam duplam excentricitatem vocare licet sit aequalis distantia foci unius ab altero, & dimidia excentricitas, quam simplicam nominabimus, sit aequalis distantia foci utriuslibet à centro Orbis elliptici. 3º. nullum dari punctum in axe majore, in quo centrum motuum mediorum seu æquabilium per angulos temporibus proportionales exhibitorum sumi queat. 4º. mensuras motus medii esse ipsamet tempora, aut ipsamet areas ellipticas quas cum axe majore radius Planeta vectorius è Sole proficiens verrit; eas quippe areas esse semper temporibus proportionales. Area illa Anomalia Media dicuntur & repræsentant motus medios ab Apogeo aut ab Aphelio quum illa sint, sicuti & medii motus illi Temporibus proportionales. 5º. Anomaliam veram seu coquatam esse angulum quem radius Planeta vectorius efficit cum linea Apsidum aut cum axe majore in eo foco in quo Sol aut terra versari supponitur. Hac omnia fuscè explicata Lector videre poterit apud Auctorem nostrum locis propriis.

Dum Sol motu annuo fertur in consequentia ab Æquinoctio verno quod vocant Arietem ♈ seu Sectionem vernam, Sielle Fixa de vehuntur quoque in consequentia motu lentissimo in circulis Ecliptica parallelis, quo fit ut illa nunquam latitudinem mutant, sed bene quidem longitudinem, & declinationem, & ascensionem rectam. Annis 300 ante Æram vulgarem prime ♈ Longitudo erat 49 21" anno vero 1700 completo fuit 29º. 1. 0". Motus ille Fixarum annuus est 51", omnino ut motus annuus Apogei in Theoria D. de Louville. Hac est causa hæc Sectionis vernæ regredi in Antecedentia videatur, quum aliis atque aliis retro Stellis Fixis respondeat, quæ in consequentia promoventur, ut jam dictum est. Et hæc est ratio Precessionis Æquinoctiorum in Hypothesi Terre immota.

Aliud quoque animadvertendum, videlicet quod, interea
c dum

dum Sol & Fixa omnes (à quarum motu proprio nunc abstracto) motu perniciosissimo (ac proinde impossibili & apparenti tantum) abripiuntur ab Oriente in Occidentem. Sol quidem integram revolutionem perficiat 24. horarum spatio; sed quia motu contrario sibi proprio deferitur in consequentia id est ab Occidente in Orientem, inde accidit ut si sub Meridiano aliquo nunc temporis cum aliqua Fixa versetur, post 24 horas discedat ab ea stella versus Occidentem minutis primis 59 & 8" plus minusve. Igitur Stella citius ad dictum Meridianum perveniet tota temporis differentia qua in Aequatore competis motui diurno Solis in Ecliptica, qua quidem differentia est 3' 55" 54" temporis medii. Nam quum Fixa de qua supra, post unam revolutionem Caeli stelliferi pervenit ad eundem Meridianum, desunt ad huc 3' 55" 54" quin Sol ad eundem Meridianum appulerit, adeoque si Dies Solis medius sit 24 horarum, dies Caeli stelliferi erit 24 hor.— 3' 55" 54" id est erit tantum 23 hor. 56' 4" 6". Si autem Dies Caeli stelliferi 24 horarum supponatur, (quod tamen usu non receptum est) erit Dies Solis Medius 24 horar. 3' 55" 54". Hac est Acceleratio Fixarum supra Motum Medium Solis. Cujus Accelerationis Tabula reperitur in fine Tabularum Astronom. D. de la Hire.

Qua de Solis motu circa Terram hæcenus dicta sunt hac pro meris figmentis haberi debent omnia. Hoc tamen commodi habent, quod iis suppositis facilius ad Telluris Theoriam assequendam iter pateat. Itaque ad habendam Telluris Orbitam & locum ejusdem Telluris in Orbita sua, describatur ut cumque Ellipsis A S B C cujus major semi axis A O supponatur partium 100000 & distantia Centri O à Foco T supponatur partium earundem 1669 juxta calculum D. de Louville. Terra sit in T Sol in S. Collocentur que signa eo ordine qui hic cernitur habita ratione longitudinis Apogei A ab V hac Ellipsis representabit Orbitam Solis, in qua linea A B erit linea Apsidum seu Angium; Arca elliptica A S T exhibit

Tab. Ptaf.
Fig. 1.

bibit motum medium Solis ab Apogao, & Angulus $\angle T S$ erit
 Anomalia coequata. Ut autem signa debito ordine disponantur,
 ducatur per locum Terra T linea $\perp T V$ faciens cum axe A
 T in puncto T , angulum $\angle T V$ aequalem longitudini Apogai
 petita ex Tabulis Astronomicis, aut per observationes & calculum
 cognita; habebuntur que puncta V & \perp : & ut habeantur
 quoque puncta \perp & \times ducatur per punctum T linea \perp
 $T \times$ ad Lineam $\perp T V$ perpendicularis & habebuntur puncta
 \perp & \times . Quod si addantur simul Anguli $V T A$ & $A T S$,
 inventi ut libuerit, Angulus $V T S$ erit longitudo vera Solis
 ab Aequinoctio verno. Facili autem negotio hac Solis Or-
 bita, in Telluris Orbem magnum converteretur, si modo Signo-
 rum servato semper ordine in Consequentia eorum loca opposi-
 to situ disponantur, ut cuius facile patebit ex secunda Figu-
 ra, in qua remanentibus angulis omnibus qui in figura pri-
 ma expressi sunt atque iisdem Terra à Sole distantius, Sol col-
 locatur in foco s & Terra in puncto T : nam linea $a b$ est li-
 nea Apsidum, punctum a est Aphelium Terra, punctum b Pe-
 ribelium, area elliptica $a T s$ est Anomalia media. Angulus
 $T s a$ Anomalia coequata. Angulus $\perp s a$ longitudo Aphelii
 à \perp . Angulus $\perp s T$ longitudo Telluris vera à \perp &c. Qua
 omnia eadem sunt (mutatis mutandis) ac eaque expressa fue-
 rant in supposititia Solis circa Terram Orbita. Addendum
 duntaxat quod si datus aliquis motus Solis in Terram tran-
 ferendus proponatur, sic nullo negotio fiet. Ad datum quippe
 locum Solis addantur semper sex signa, & si aggregatum non
 superet 12. Signa, dabit illud aggregatum locum convenien-
 tem in Telluris Orbita. Si vero aggregatum majus sit 12 Si-
 gnis, 12 Signa subtrahantur, & reliquum dabit locum qua-
 situm in Terra Orbita. Exempli causa Apogai Solis Longi-
 tudo initio anni hujus 1726 fuit 3 Sig. $7^{\circ} 56' 40''$ addan-
 tur 6 Signa summa 9 Sig. 7° &c. fuit eodem tempore lon-
 gitudo Aphelii Terra in sua Orbita; nempe in \times $7^{\circ} 56' 40''$.
 Locum Solis longitudo ab V sit 0 id est sit Sol in sectione V ad-

Tab. Pref.
 Fig. 2.

dantur sex Signa & erit loci Terra longitudo 6 Sig. Denique sit Solis Longitudo observata aut quomodocunque inventa 10 Sig. 2° 15' 4" addantur 6 Signa & à summa 16 Sig 2° &c. detrahantur 12 Signa, residuum 4 Sig. 2° 15' 4" erit longitudo Terra ab ♄ in sua Orbita.

Non silentio prætereundum quod quum Terra Orbitam suam cursu annuo peragrat in consequentia circa Solem, alio quoque motu (vertiginis nempe) circa axem sui Aequatoris circumvolvatur intra 24 horas circiter ab Occasu in Ortum, quo motu accidit ut Sol & Planeta & Coelum totum stellerum videantur circa Terram diurno motu circumferri & revolutionem unam diurnam perficere, cum certis quibusdam re'pectivis legibus & differentiis qua omnes partim à Planetarum motu proprio, partim à Telluris motu annuo, aut ab axis ejus trepidatione, axis ve ejusdem lentissimo quodam rotationis motu oriuntur. Hic motus rotationis axis fit circa axem Eclipticæ, in Antecedentia seu contra signorum ordinem, necessariusque est ad explicandam Præcessionem Aëquinoctiorum, & motum apparentem Fixarum in Consequentia circa Polos Eclipticæ. Motus ejus annuus est 51'. Ceterum quum Aëquator ad Eclipticam inclinatus sit 23 grad. & 29' circiter, inde accidit ut axis Aëquatoris, qui simpliciter axis Terra vocatur, efficiat semper cum plano Eclipticæ Angulum 66° 31', semperque sibi parallelus incedat, quo posito motu explicantur facile cur certis anni Tempestatibus Poli Telluris vicissim à Sole illustrentur, aut in tenebris jaceant, aliis vero Aëquinoëtia per omnes Terra tractus celebrentur. Qua omnia apud Auctorem nostrum fusc ac diserte explicantur. Sed hac de Telluris Theoria sufficiant, jamque ad ceteros Planetas properemus.

Mars & ex Keplero periodum suam absolvit circa Solem spatio anni Aëgyptii 1. 321. diē. 23 horar. 31' 56" 49" & motus ejus diurnus est 31' 26" 39" Distantia ejus à Sole maxima est 166465 media 152350 minima 138235 excentricitas 14115 in partib. quarum semi-axis major Orbita Terra

Terræ est 100000. Sed si excentrici & semi-axis major supponatur 100000, excentricitas erit 9263. Iuxta D. de la Hire Medius Motus & in anno communi est 6 Sig. 11° 17' 8" Motus diurnus 31' 27" Longitudo ab φ erat an. 1700 compl. 0 Sig. 3° 12' 37". Aphelii ab Æquino. motus eod. anno 5 Sig. 0° 35' 25" Aphelii motus annuus 1' 7" Inclinatio maxima Orbitæ ad Eclipticam 1° 51' 0" Nodi Σ longitudo ab φ an. 1700 compl. 1. Sig. 17° 25' 20" Nodi ejusd. motus annuus 37".

Jupiter Σ Periodum suam conficit Iuxta Keplerum spatio annorum Ægyptiorum (quorum quilibet est 365 dierum) 11' 317 dier. 14 hor. 49' 31" 56" unde motus ejus diurnus 4' 56' 26" Maxima ejus à Sole distantia 544708 media 519650 minima 494592 excentricitas 25058 in partibus quarum semi-axis major Orbitæ Telluris est 100000, Sed si semi-axis major Orbitæ Σ supponatur partium 100000. excentricitas erit 4822 earum partium. Ex Tab. D. de la Hire Motus Σ annuus est 1 Sig. 0°. 20' 32" diurnus 4' 52". an. 1700 compl. stilo novo (quod ubique intelligendum) Longitudo Σ ab φ erat 10 Sig. 16° 16' 9". Longitudo Aphelii ab φ eod. anno 6 Sig. 10° 17' 14". Motus Aphelii annuus 1' 34". Inclinatio maxima Orbitæ ad Eclipticam 1° 19' 20". Nodi Σ Longitudo ab φ an. 1700 3 Sig. 7° 11' 44". Nodi Σ motus annuus in Consequentia (quod intelligatur de omnibus) 14".

Saturnus Σ motu medio Orbitam suam metitur spatio annorum Ægyptiorum 29. 174 dier. 4 hor. 58' 25' 30" & proinde motus ejus diurnus est 2' 0' 36" Maxima ejus à Sole distantia 1005207, media 591000, minima 896793; ergo excentricitas 54207 in partibus quarum semi-axis Orbitæ Telluris est 100000. Sed si media distantia Saturni à Sole supponatur 100000, excentricitas erit 5700 earum partium. Hæc ex Keplero. Iuxta Tabulas D. de la Hire motus Σ annuus est 12° 13' 29"; diurnus 2' 1", Longitudo ejus ab φ an. 1700 11 Sig. 21° 16' 1", Aphelii ab φ lon-

gitudo eod. anno 8 Sig. $29^{\circ} 14' 41''$, Aphelii motus annuus $1' 22''$. Maxima inclinatio Orbitæ ad Eclipticam $2^{\circ} 33' 30''$. An. 1700 longitudo Nodi ♄ erat ab ♄, 3 Sig. $21^{\circ} 56' 29''$. Motus Nodi ♄ annuus est $1' 12''$.

Præter Planetas Primarios quorum Theoriam hic exposuimus sunt & plurimi alii, Cometa dicti qui liberrime per totum Systematis nostri spatium in omnes partes pervagantur, cursus que suos perficiunt in Orbitis fortassis ellipticis, sed quarum focus unus à Sole occupatur alter vero longissimè à Sole distans est; unde fit ut sine errore sensibili Orbita Cometarum pro Parabolis Conicis haberi possint, in quibus multo facilius Calculus motuum evadit ob Parabola quadraturam nulli Mathematico non notam: Omnis enim Parabola Conica portio per ordinatam quamvis terminata, æqualis est summa quantitatum infinitarum Progressionis Geometrica decrecentis in proportionem quadrupla, & cujus progressionis primus & maximus terminus est maximum triangulum in dicta portione inscriptum ut ex Conicis patet. Caterum ex Cometarum Motibus perspicue demonstratur quam longè à vero aberrant qui Planetarum fluida deferentia comminiscuntur, quique volunt densiores Planetas à densioris materia fluminibus circa Solem abripi quales sunt Mercurius & Venus, rariores vero & leviores Planetas ab atherea materia levioris & rariores vortice circumagi. Sed quid dicendum de iis qui Tellurem statuentes immotam in Systematis nostri Mundani meditullio, assumpto que systemate Tychonico, alia aliis fluida magis ac magis rariores Telluris nostræ Atmosphæra super imponunt, in quibus nati & deferantur Coelestia & Spiritualia forsitan Planetarum corpora. Profecto materia fluida qua Solem deferi rarissima est (juxta hanc Hypothesin) ut pote qua Solem à nobis longè distans devehat, sed tamen multo gravior est & spissior quam qua Mercurium Venerem Martem circa Solem devehit, & sic deinceps. Sol enim in aliorum Planetariorum vorticum centro constituitur sicut Terra in centro vorticis

cis Solis. Sed quaro qua ratione fieri possit ut materia qua devehit verbi gratia Venerem circa Solem, quaque levior esse debet quam ea qua Solem deserit circa Terram, nunc fiat levior quum nempe Sol Venerem inter & Terram versatur; nunc vero gravior, quum nempe Venerem inter Solem & Terram adducit. Materia enim illa quum erit inter Terram & Solem respectu Telluris erit multo gravior quam deferens fluidum Solis quod multo altius est. Idem dicendum de Marte; & difficultas longe major est, quum Orbita ejus Terram ambiat in Tychonico Systemate. Maxima Martis à Tellure distantia est Semidiametrorum Telluris 59000, media 33500, minima 8000 ex Dom. Cassino. Itaque quum in maxima à Terra distantia versabitur, materia vorticis ejus circa Solem erit multo levior quam materia in qua Sol minus distans innatat; quando verò ad eas Orbitæ suæ partes pervenerit, in quibus 22000 Terræ diametris distabit à Terra, erit illa materia ejusdem specificæ gravitatis ac materia Solis vectoria, tanta est enim distantia mediocris Solis à Terra, ad quam distantiam materia fluida ejusdem est gravitatis quam ea qua Solem deserit. Sed quando Mars aberit tantum à Tellure 8000 diametris erit materia vectoria Martis longe gravior quam ea qua Solem rapit, quum materia tanto gravior futura sit, quanto propius ad Terram accedet. Plurima sunt alia in hac Hypothesi (licet à viro Doctissimo & Dissertissimo conspectâ) difficultates non contemnendæ; adeo ut satius foret (missis illis omnibus deferentibus fluidis, & tam incomprehensibili Gravitatis Universalis Systemate) Planetarum & Stellarum omnium motus moderandos & dirigendos Intelligentiis Cælestibus committere, ut ipse Rever. Autor fieri innuit, quod quidem facile erit & expeditum, dummodo ille jubeat penes quem jubendi jus est & potestas, & satis multi Syphis Calicola inveniantur, qui æternum volvendis ac revolvendis illis Corporum.*

* *Traité de Physique sur la pesanteur universelle des Corps par le R. P. Castel.*

porum immensoformum vanis simulachris, verius quam Corporibus (ut ex illa Hypothesi consequitur, additi sint.

Sed ad Theorias nostras revertimur & iis qua supra; sequentia addimus. Venus circa axem revolvitur intra 23 horas circiter. Mars intra 24 hor. 40'. Iupiter 9 horarum & 56' spatio. De Mercurii & Saturni circa axes respectivos revolutione, non constat quanto tempore absolvatur.

Mercurius & Venus Planeta inferiores, Mars Iupiter & Saturnus superiores appellantur.

Ex Dom. Cassino Distantia Solis & Planetarum à Terra in Semidiametris Telluris sequentes sunt.

MERCURII ☿

Maxima	-	-	-	-	-	33000
media	-	-	-	-	-	22000
minima	-	-	-	-	-	11000

VENERIS ♀

Maxima	-	-	-	-	-	38000
media	-	-	-	-	-	22000
minima	-	-	-	-	-	6000

SOLIS ☉

Maxima	-	-	-	-	-	22374
media	-	-	-	-	-	22000
minima	-	-	-	-	-	21626

MARTIS ♂

Maxima	-	-	-	-	-	59000
media	-	-	-	-	-	33500
minima	-	-	-	-	-	8000

Jovis ♃

J O V I S ♃

Maxima	-	-	-	-	-	-	143000
media	-	-	-	-	-	-	115000
minima	-	-	-	-	-	-	87000

S A T U R N I ♄

Maxima	-	-	-	-	-	-	244000
media	-	-	-	-	-	-	210000
minima	-	-	-	-	-	-	176000

L U N Æ ☾

Maxima	-	-	-	-	-	-	61
media	-	-	-	-	-	-	57
minima	-	-	-	-	-	-	53

Per maximam mediam & minimam distantiam Planeta cujuslibet sive à Sole sive à Terra non agitur de proportionem Geometrica sed Arithmetica, in qua maxima superat mediam eodem excessu, quo media superat minimam.

Ad describendas Planetarum Orbitas in ea positione quam observant inter se & in ea proportionem quam distantia eorum à Sole mediocres postulant, (non neglectis Apheliorum & Nodorum locis respectivis) sufficit describere circulos quorum diametri respectivi secantur in ratione maxima & minima distantia qua convenient Orbitis describendis, curando etiam ut Apheliorum & Nodorum loca ex singulorum Planetarum Theoriis supra descriptis, aut ex Tabulis Astronomicis deducta notentur in eorundem Planetarum Orbitis. Hac omnia si accurate describantur, non inutilia erunt ad explicandas directiones retrogradationes & stationes Planetarum, eorumque

d

que

que alia Phenomena ex Terra vel ex alio quocunque Planeta visa.

Præter Planetas Primarios quos enumeravimus, sunt & alii decem Planeta Secundarii. Nempe Luna qua menstruo spatio circa Terram Orbitam suam peragrat Ellipticam in cuius foco uno Tellus collocatur; quatuor Luna seu Satellites qui circa Iovem, & quinque Satellites qui circa Saturnum in ellipsis revolutiones suas peragunt: ita ut Iupiter sit in foco communi omnium Orbitalium suorum Satellitum, & Saturnus focum communem unum suorum Satellitum Orbis teneat.

Planeta omnes sive Primarii sint, sive Secundarii, (excepta Luna nostra, qua unica est circa Tellurem) hanc legem a Keplero observatam determinatamque sequuntur, quod videlicet Tempora omnia Periodica Planetarum Primariorum sint inter se in se squiplicata ratione distantiarum mediarum eorum à Sole; & quod Tempora Periodica omnium Secundariorum sint inter se in ratione sesquiplicata distantiarum mediarum respectivarum eorum à suo Primario. Per distantias medias intelliguntur majores semi-axes Ellipsium seu Orbitalium ad quas referuntur, quumque sint semidiametri qualibet inter se ut diametri respectivè, (nam $\frac{a}{2} : \frac{b}{2} :: a : b$.) in omnibus Planetis Primariis erunt Tempora Periodica in sesquiplicata ratione Diametrorum maximorum Orbium quos describunt circa Solem; & in Planetis Secundariis erunt Tempora quibus suas periodos absolunt in ratione sesquiplicata majorum axium Ellipsium quas circa suum Planetam Primarium percurrunt. Porro Sesquiplicatam rationem voco, eam qua intercedit inter radices quadratas duorum Cuborum aut inter duas quantitates qua sint ut dua tales radices: quod ut intelligatur, sciendum est demonstrari hanc propositionem, videlicet quod quadrata Temporum Periodicorum sint inter se ut Cubi distantiarum; qua propter si Tempora exponantur per T , t , & media

dia distantia per D, d , habebitur $T^2, t^2 :: D^3, d^3$. & extrahendo radices quadratas $T, t :: D^{\frac{3}{2}}, d^{\frac{3}{2}}$ atqui $D^{\frac{3}{2}}$ & $d^{\frac{3}{2}}$ in Sefquuplicata ratione ejus qua est inter D & d ergo T est ad t in Sefquuplicata ratione ejus qua est inter D est d ; id est in Sefquuplicata ratione Distantiarum (suple mediarum, & proinde etiam majorum axium) Sumatur iterum eadem Propositio $D^3, d^3 :: T^2, t^2$. si extrahantur Radices cubica habebitur ista alia Propositio $D, d :: T^{\frac{2}{3}}, t^{\frac{2}{3}}$ atqui $T^{\frac{2}{3}}$ est ad $t^{\frac{2}{3}}$ in Subsefquuplicata ratione ejus qua est inter T & t ; ergo D est ad d in Subsefquuplicata ratione ejus qua est inter T & t ; hoc est in Subsefquuplicata ratione Temporum Periodicorum. Sefquuplicata autem ratio sic vocatur, quia aliquam affinitatem habet cum ratione sefqui-altera cujus exponents est $\frac{3}{2}$. Est Subsefquuplicata ratio sic nominatur, quia quidpiam similitudinis habet cum ratione subsefquialtera cujus exponents est $\frac{2}{3}$. Nam veluti ratio sefquialtera cujus exponents est $\frac{3}{2}$ composita est ex ratione tripla, cujus exponents est $\frac{3}{2}$ & ex ratione subdupla cujus exponents est $\frac{1}{2}$, ita etiam ratio Sefquuplicata composita est ex ratione triplicata & subduplicata. Est sic invenietur rationem subsefquuplicatam compositam esse ex rationibus duplicata & subtriplicata, quemadmodum ratio subsefquialtera composita est ex rationibus dupla & subtripla.

In numeris res clavior fiet. Tellus Perindum suam absolvit in 365 diebus. Iupiter in diebus 4332 neglectis ex utraque parte horis & minutis. Horum numerorum quadrata sunt 133225 & 18766224 quorum radices cubicae sunt circiter 51 & 265. Fias igitur ut 51, ad 265:: ita 100000 distantia media Terra à Sole, ad quartum numerum. Is erit 519608 qui in Theoria Iovis supra allata est 519650 media scilicet distantia Iovis à Sole in partibus media distantia Terra à Sole. Error in nostro calculo inde oritur quod quadam neglexerimus sive in Temporibus Periodicis, sive in approximatione radicum extrahendarum.

XVIII.

EDITORIS

Iam vero ut ad Planetas Secundarios deveniamus, Orbes Satellitum Iovis non differunt sensibiliter à circulis Iovi concentricis, in quibus moveri satù aquabiliter videntur, adeo ut motus angulares seu arcus descripti sint temporibus proportionales saltem ad sensum. Porro ex Observationibus satù constat Tempora eorum Periodica esse in sesquiplata ratione semidiametrorum Orbium. Ista ex Cl. D. Newtono (Phil. Nat. Principiis Mathem. Lib. 3) excerpo cujus Tabulas sequentes hic transcribere non pigebit.

[SATELLITUM IOVIALIUM TEMPORA

PERIODICA.

$\begin{array}{c|c|c|c} 1 & 2 & 3 & 4 \\ \hline 1^d. 18^h. 27^m. 34^s & 3^d. 13^h. 13^m. 42^s & 7^d. 3^h. 41^m. 36^s & 16^d. 16^h. 32^m. 9^s \end{array}$

Distancia Satellitum à centro Iovis in partibus Semidiametri Iovis.

ex Observationibus - -	1	2	3	4
Borelli - - - -	$5 \frac{2}{3}$	$8 \frac{2}{3}$	14	$24 \frac{2}{3}$
Townlei per Microm. - -	5.52	8.78	13.47	24.72
Cassini per Telefc. - -	5.	8.	13.	23.
Cassini per Eclips. Satell.	5.	9.	$14 \frac{23}{60}$	$25 \frac{2}{10}$
ex temp. periodicis. = =	5,667.	9,017.	14,384.	25,299.

SATELL.

SATELLITUM SATURNIORUM TEMPORA
PERIODICA ex CASSINO.

1	2	3	4	5
1 ^d . 21 ^h . 19'	2 ^d . 17 ^h . 41'	4 ^d . 13 ^h . 47'	15 ^d . 22 ^h . 41'	79 ^d . 22 ^h . 4'

Distantia Satellitum à centro Saturni in semidia-
metris Annuli.

	1	2	3	4	5
ex Observationibus.	1 $\frac{19}{20}$	2 $\frac{1}{2}$	3 $\frac{1}{2}$	8	24
ex temp. periodicis.	1, 95.	2, 5.	3, 52.	8, 09.	23, 71.

Tam Iovis quam Saturni Satellitas, radiis ad suum Pri-
marium Planetam ductis areas verrunt temporibus propo-
tionales.

Qui de Satellitibus Plura volent, Gregorium nostrum
consultant, cui addere poterunt, Hypotheses & Tabulas Sa-
tellitum Iovis reformatas, juxta novas observationes in
libro cui titulus Observations de Mrs. de l'Academie Fol.
Parisiis 1693. Adire quoque poterunt Commentaria Reg.
Scient. Acad. Paris. plurimis locis. Sed præsertim annis
1705 Artic. 4 in quo nonnullas considerationes profert D.
Cassinus circa Observationes Satellitum & Annuli Saturni.
1712 Artic. 19. ubi Inclinatione Orbita quarti Satellitis Io-
vis ad planum Ecliptica seu Orbita sui Primarii probatur
& confirmatur argumentis ex rara quadam Observatione de-
ductis. Per Dom. Maraldum. 1714 In Historia; & in
Commentariis Artic. 27. In his duobus articulis Phæno-
mena quadam recenter Observata Proponuntur circa Saturni
Annulum, ejusdemque Satellitum motus. Per D. Cassinum.
Sed Præclara & prope absoluta Satellitum Saturniorum Theo-
ria invenitur in Historia & Commentariis annor. 1716.

& 1717. per eundem D. Cassinum. Non omittendus quoque eris egregius de Systemate Saturnio tractatus, cujus auctor Clar. & Celeber. Christ. Hugenus, qui Annulum Saturninum primus omnium detexit anno 1655, & Satellitem unum qui quartus est: Cateri enim a Celeb. D. Dominico Cassino primum observati sunt; sicuti Galilæi Observationibus Satellitum Iovialium prima cognitio debetur. Superest nunc ut de Luna Nostra Theoria pauca dicamus.

Luna revolutiones suas peragit circa Terram in Peripheria ellipsis mutabilis & positione & specie, cujus focus unum Tellus tenet, radioque à Luna ad centrum Terra ducto area elliptica eo radio & Linea apsidum intercepta, sunt temporibus proportionales.

Luna revolutio media Synodica in Syzigiis, id est, inter duas conjunctiones vel oppositiones cum Sole, juxta observationes accuratissimas est 29 dier. 12 hor. 44' 3" 11". cui temporis motus medius Solis debetur 29° 6' 24" 7", tantundem igitur Luna periodum suam prætergressa est ut Solem attingeret, aut ut Soli opposita rediret. Itaque si hic excessus addatur 360 gradibus quos emetiri debuit Luna unius revolutionis Periodica tempore habebuntur 389°. 6' 24" pro itinere unâ revolutione Synodica percurso. Fias igitur ut 389°. 6' 24". ad 360°. ita revolutio Synodica una 29 d. 12 h. 44' 3" ad unam revolutionem Periodicam qua invenitur 27 d. 7 h. 43' 5". Sic invento motus Periodici tempore quo Luna unam revolutionem perficit, habebitur per regulam trium motus ejus medius diurnus ab ☿ videlicet 13°. 10' 35". à quo si subducatur Solis motus medius unius diei 59' 8" supererit motus medius Luna à Sole 12°. 11' 27". Apogæum Luna fertur in consequentia motu annuo 1 Sig. 10°. 39' 52' motus ejus diurnus 6' 41". Si à motu medio subtrahatur longitudo Apogæi, supererit motus ab Apogæo seu Anomalia media. Nodi deferuntur in Antecedentia seu contra ordinem Signorum. Motus Nodi ☾ annuo spatium est ab ☿ in Antecedentia

dentia (ut dixi) $19^{\circ} 19' 43''$. diurnus motus $3' 11''$. Si Motui Medio Luna addatur motus medius \mathfrak{S} habebitur motus medius Luna a Nodo \mathfrak{S} qui & Argumentum Latitudinis vocatur. Maxima Orbis Luna cum Ecliptica inclinatio vix excedit $5^{\circ} 1' 30''$ Lansbergius tamen maximam obliquitatem statuit $5^{\circ} 16'$. mediam $5^{\circ} 8'$. minimam 5° .

Ex maxima & minima distantia Luna à Terra, tota Orbita Luna determinatio pendet: ea autem sic definiri potest. Observatum sit maximam Luna diametrum apparentem esse $33' 30''$ sive $2010''$ minimam vero $29' 30''$ seu $1770''$. hinc concludetur maximam distantiam esse ad minimam ut 201 ad 177 & ex ea ratione ceterarum omnium Orbita Lunarum (si elliptica supponatur) dimensionum rationes obtinebuntur. Major quippe axis erit 378 distantia focorum ab invicem 24. distantia Foci utriuslibet à centro 12. sed si per Parallaxin habeatur distantia quævis maxima aut minima in semidiametri Telluris partibus, præcedentes numeri, (servatis iisdem proportionibus) in alios commutabuntur; qui tales erunt ex Calculo & Observationibus D. de la Hire (in Comment. Reg. Scient. Acad. Paris. an. 1710) Major axis erit 11953. maxima distantia 6356 minima 5597. &c. omnia in partibus quarum una quaque æqualis est uni centesima semidiametri Telluris parti, idest 15 leucis quales leucae sunt, aut esse supponuntur in semidiametro Terra 1500.

Quum Luna Plurimis inæqualitatibus obnoxia sit, motuum ejus Calculus præ ceteris omnibus difficilis & intricatus est. Nam. 1^o si Terra in maxima à Sole distantia versetur tunc motus Luna, qua etiam tunc temporis à Sole maximè distat, aliquantum acceleratur; si vero Tellus in minima a Sole distantia sit, tunc Luna qua etiam proximè ad Solem accedit lentius progreditur, quo fit ut Tempus Luna periodicum Tellure in Aphelio posita, sit brevius, quam quum Tellus Perihelion occupat, & menses Periodici proinde inæuales inter se sint. 2^o Luna in Syzigiis celerrime movetur, in quadraturis

draturis remissiori gradu incedit. 3^o Luna motus à conjunctione cum Sole usque ad primam quadraturam retardatur; inde ad oppositionem acceleratur, à qua oppositione ad tertiam quadraturam iterum retardatur, unde ad conjunctionem demum acceleratur. 4^o Luna sicut ceteri omnes Planeta in Apogao lentius, in Perigao celerius movetur. 5^o Lunaris Orbita excentricitas mutabilis est. Maxima est quando Linea apsidum coincidit cum linea qua junguntur centra Solis & Terra in Syzigiis: hoc est, si Luna posita in Syzigiis, in Apogao aut in Perigao etiam versetur, tunc maxima erit Lunaris Orbita excentricitas, & eadem distantia quas supra diximus obtinebunt. In aliis omnibus Syzigiarum positionibus, excentricitas magis minus ve curtabitur; quo fiet ut Orbita Luna species semper mutetur. Exempli gratia si Luna in quadraturis existens, Apogaeum aut Perigaeum tunc occupet maxima Luna à Terra distantia supra dicta 6356 eadem quidem erit, minima vero 5597 locum non habebit, sed alia nempe 5769, unde & Luna Orbita diversa prorsus erit. 6^o Ipsum Apogaeum Lunare (juxta D. Keillium cujus hic verba transcribo) inaequali fertur motu; quando nempe est in Syzigiis cum Sole progreditur, in quadraturis regreditur, & progressus & regressus illi non sunt aquabiles, sed Luna in quadris versante tardius progreditur, vel forsan etiam regreditur. In Syzigiis versante Luna, Apogaeum celerius progreditur. 7^o Nodorum motus in Antecedentia non est aquabilis, moventur celerrime, quum sunt in Aspectu Quadrato cum Sole: si vero sint in Syzigiis quiescunt penitus, in locis intermediis regrediuntur tardius. Sed in eadem Satellitis revolutione (ceteris paribus) regrediuntur celerius, quando Satelles in Syzigiis versatur.

De Eclipsis tam Lunaribus quam Solaribus fortasse hic aliquid addendum foret, sed quicquid eas attinet luce clarius expositum videre Lector poterit apud Autorem nostrum. Duas tantum hoc loco Tabulas ex Keillio excerptas transcribam.

PLA.

PLANETARUM PERIODI ET DISTANTIAE MEDIAE

Periodica Tempora				Distantiae mediae
♄	10759	dies 6 horae	36' 26"	953800
♃	4332	12 - -	20 25	520110
♂	686	23 - -	27 30	152369
☉	365	6	9 30	100000
♀	224	16	49 24	72333
♂	87	23	15 53	38710

Observandum est circa hanc Tabulam; 1^o. eam Constructam esse juxta receptum ab omnibus recentioribus Astronomis Placium, quod nempe Quadrata Temporum Periodicorum inter se sint ut cubi Distantiarum, seu in triplicata ratione earundem. 2^o. Periodus ☉ quae in tabula ponitur 365^d. 6^h. 9' 30" quaeque differt à Periodo nostra supra allata 365^d. 5^h. 49' 24" vocatur à Keillio Periodus Anomalistica seu Annus Anomalisticus ut autem ratio hujus diversitatis intelligatur, meminisse oportet axem Aequatoris usque ad Caelum stelliferum productum describere motu lentissimo circellos hinc & inde circa Polos Ecliptica, & ab eis distantes 23° 29' hunc que motum fieri in antecedentia motu lentissimo, hoc autem motu (qui ad explicandam Praecessionem Aequinoctiorum necessarius est) evenit ut quum Tellus, à Sectione Verna profecta, ad sectionem aliam Vernam retro positam advenerit, nondum revolutionem unam integram peregerit, desitque ad eam revolutionem tempus cui convenit motus annuus Praecessionis Aequinoctiorum. Porro Keillius motum annum hujus Praecessionis statuit 50^o. Periodum autem communem ponit 365^d. 5^h. 48'. 57". quae differt a Periodo Anomalistica supra posita 365^d. 6^h. 9'. 30". scrupulis horariis 20'. 33". & huic differentiae competit motus medius 50^o ergo recte constituit Periodum Anomalisticam qua in Tabula supponitur.

c

Satur-

Diameter Solis est ad Diametrum	Saturni	- - - -	137
	Iovis	- - - -	181
	Martis	- - - -	6
	Terræ	- - - -	7
	Veneris	- - - -	12
	Mercuri.	- - - -	4

Quumque Sphæræ sint inter se ut Cubi Diametrorum.

erit Sol ad	Saturnum	- - - -	2571353
	Iovem	- - - -	5929741
	Martem	- - - -	216
	Tellurem	- - - -	343
	Venerem	- - - -	1728
	Mercurium	- - - -	64

Hac omnia eliciuntur ex Observationibus & ex calculo Celeb. Hugenii in *Systemato Saturnio*, ex quo addendum, Diametrum Saturni esse ad Diametrum ejus annuli ut 4 ad 9 quam proximè: nisi potius dicendum: Ex Hugenio: Diameter Solis est ad Diametrum Annuli ut 1000 ad 297. sed per Tab. Præced. Diameter Solis est ad Diametrum Saturni ut 1000 ad 137. ergo Diameter Annuli est ad Diametrum Saturni, ut 297 ad 137 quæ ratio est ut 9 ad 4 $\frac{1}{3}$.

Qua hæcenus de Mundi Systemate diximus, quum ex Celeberrimorum Astronomorum Observationibus & ratiociniis deprompta fuerint, ea ostendunt per se satis quid faciendum ei incumbat qui Cælestium motuum rationes Physicas & Geometricas assignare voluerit. Mirabunturque Lectores Autoris nostri sagacissimum ingenium in deducendis motuum veris causis, ex paucis inconcussisque principiis; puta ex Gravitate quam obtinere in toto Mundano nostro Systemate experientia demonstrat; ex legibus virium centralium; ex motuum com-

possi-

P R Æ F A T I O. XXV.

positorum natura; ex proportionibus diversis velocitatum, virium, qualitatum ve, juxta varias distantias ac directiones agentium aut resistentium Corporum; ex Geometricis Curvarum, figurarum, linearumque proprietatibus; &c. Sed jam superest ut de iis omnibus non nihil attingamus & Praestantissimum Gregorii Nostri Librum, Opus (ut ait Keillius) cum Sole & Luna duraturum, paucis evolvamus.

BREVE IN ASTRONOMIÆ PHYSICÆ ET GEOMETRICÆ ELEMENTA CONSIDERATIONES.

Totum hoc Opus in Sex Libros partitur Gregorius. Primus *Systema Copernicanum, Keplerianum potius, quod exposuimus adstruit*, Cetera alia ad examen vocata rejicit. Secundus de *Primi Mobilis motu, de Temporis divisione, de Primi Mobilis Problematum per Machinas & calculum resolutione, de Parallaxibus & Refractione Syderum &c. disputat*. Tertius *Planetarum Primariorum Theoriam exponit*. Quartus *Planetarum Secundariorum, id est, Satellitum Theoriam explicat*. Quintus totus est de *Cometis*. Sextus de *Astronomia Comparativa, id est, de Phenomenis Planetariorum motuum tractat, posito spectatore aut in Sole aut in quovis Planeta Primario vel Secundario*.

LIBER PRIMUS.

1^o. Si Planetarum Primariorum circa Solem gyantium motus è Sole spectentur, moveri Planeta illi videbuntur secundum Ordinem Signorum, lentius quidem in Apheliis respectivis, velocius in Periheliis (propter Orbitalium Excentricitates) sed semper tamen Directi, nunquam vero Stationarii, aut Retrogradi apparebunt radiisque quolibet Planetam vehentibus ad Solem ductis arca elliptica describentur Temporibus proportionales. Quia autem varia Orbium est in-

62 terse

verse inclinatio, in quorum omnium planis Sol constitutus est, alii alii repetitū Equatoris Solis nunc superiores, nunc inferiores conspiciuntur, neque secundum lineam rectam cum Sole positi duo simul apparebunt, nisi quum illi in Orbita sua cuiusque Nodis versabuntur. Sed & illis apparentis accensenda quoque illa erunt que ex Apheliorum motu in consequentia, nascuntur: addendum que præterea; quod quum Sol circa axem suum revolutionem unam peragat etiam in consequentia Signorum 27 dier. $\frac{1}{2}$ spatio respectu ad Terram. Sed 25 diebus habita ratione ad Fixas, videbuntur Fixæ omnes, & omnes Planeta motu quodam communi Primi Mobilis abripi contra ordinem Signorum, 25 dierum spatio in circulis Equatoris Solis parallelis, qui Equator, ad Eclipticam inclinatus est gradibus $7\frac{1}{2}^{\circ}$. Nodis existentibus in 8 Geminorum & in 8 Sagittarii. Ex quibus emendandum est quod Gregotius ait pag. 49. Axem Equatoris Solis inclinatum esse ad Planum Eclipticæ angulo quasi $83\frac{1}{2}$ cuius loco dicendum $82\frac{1}{2}$.

Nunc vero si Fixarum errantium que Stellarum motus & Terra nostra conspiciantur, nova cæli facies apparebit. Revolutiones Primi mobilis non jam erunt ut in Sole 25 dierum, sed 24 horarum; Sydera que omnia moveri videbuntur motu diurno in circulis Equatoris nostro parallelis id est in circulis parallelis Circulo cuidam ad Eclipticam inclinato 23° . $29'$. quum è contra è Sole spectata videantur moveri motu Diurno Solari in Circulis parallelis Equatoris Solis qui ad Eclipticam inclinatus est gradib. $7\frac{1}{2}$ & cuius nodi sunt in gradib. 8 II & ♋ non vero ut nostri Equatoris in ♍ & ♎. Tota Prima Sectione versatur Autor in explicandis Planetarum Phænomenis ex eorum longitudine & latitudine ortis, si è Sole aut ex Tellure Cælestium Corporum motus spectentur.

2^o. Secunda Sectione demonstrat Autor Corpora Omnia, si ad

si ad centrum quoddam in gravitatis tendant, & moveantur simul interea secundum lineam rectam positione datam, ex motu illo composito oriri lineam trajectoryam curvam, versus centrum dictum cavam, in qua area sub curva portionibus & sub rectis ad centrum ductis comprehensa Temporibus sunt proportionales. Hac eadem propositio à Cl. Newtono. demonstratur quoque (Phil. Natur. Princ. Math. lib. 1. pag. 34.) Porro ex propositionis hujus conversa nempe quod si Corpus aliquod describat Curvam, versus aliquod punctum semper cavam, & area sint Temporibus proportionales corpus illud ad dictum punctum tendat; ex hac inquam conversa qua vera esse probatur, demonstrat Autor Planetas Primarios tendere non versus Terram sed versus Solem. Et quidem si de Mercurio & Venere res agatur, assertio patet, quum illorum Planetarum orbita non secundum suas omnes partes versus terram cava, sed ex aliqua parte Cava, ex aliqua vero convexa sint. De omnibus vero Planetis idem demonstratur nempe eos ad Terram non tendere quippe qui nunc retrogradi, nunc directi, nunc stationarii sint, nec radiis ad Terram ductis areas describant Temporibus proportionales, sed tantum circa Solem juxta dictas leges progrediantur. Quodque de Planetis Primariis dictum, idem de Cometis dicendum.

3°. Tertia Sectione exponuntur primo Planetarum Secundariorum ordo & distantia à suis Primariis, & revolutionum Periodicarum eorundem Tempora, nec non & Luna nostræ motuum Phenomena, qua omnia Priori hujus Præfationis parte accuratè satis descripsimus. Deinde de Luna Phasibus, de Lunaribus & Solaribus Eclipsibus discritur, quas contingere necesse est Solares quidem in Luna & Solis conjunctionibus, Lunares vero in Oppositionibus, si modo Luminaria duo aut sint in Nodo eodem aut in nodis oppositis in quibus casibus totales erunt Eclipses: Aut certe si Latitudo Luna aliquanto minor sit quam summa semidiametrorum apparentium Solis & Luna in quibus casibus considerata est Paral-

laxis Luna, qua aliquando Eclipsin Solis aliqui futuram impedit, aliás vero non futuram adducet, Tertio Probat Secundarios Planetas tendere versus suum Primarium (puta Satellites Iovis versus Iovem, &c. & Lunam nostram versus Tellurem,) areas que radii ad Primarium suum ductis describere temporibus proportionales.

4°. *Sectione quarta probatur ex omnium Planetarum Primariorum circa Solem & Secundariorum circa suum Primarium Periodicis revolutionibus, eorundem que distantii respectivis observatis ita esse Quadrata Temporum Periodicorum; ut Cubos Distantiarum (supple mediarum) sed quia huiusce modi demonstrationes que ex enumerationibus observationum eruntur parum accurata videri possunt, ideo Gregorius Noster ad Geometricas rationes recurrit quas in tota reliqua Sectione multis verbis & mirum in modum explicat.*

5°. *Sectione quinta de Motu Primariorum circa axes Proprios, eorundem que figura disserit. De motu illo rotationis non nihil superius adduximus. Figuram quod spectas verisimile est quod quum Planeta omnes formationis sua initio ex materia fluida aut saltem molli coaluerint eam rotando figuram induerint qua in love animadvertitur; nempe quod in Spharoides versus extremitates axis circumvolutionis depressas, & versus Æquatorem suum prominentes abierint. Res autem aliter se habet in Tellure nostra qua versus Æquatorem depressior versus polos oblongior esse experimentis deprehenditur quemadmodum a nobis observatum est pag. 51. ubi circa hanc questionem de Figura Terra Lectores ad Historiam & Commentarios Reg. Scient. Acad. Parisiensis remissimus. Verum in eorum gratiam quibus ex ipsis fontibus haurire non licebit, pauca his addemus. Ex Observationibus primum à D. Richerio in Cayenna Insula factis anno 1672. (cujus Insula Latitudo Borealis est grad. 4.) aliis que plurimum accuratissime habitis, constat longitudinem Penduli cujus Oscillationes singula singulis minutis secundis horariis Parisiis*

pera-

peraguntur, esse aliquanto majorem prope Æquatorem, ut eodem tempore Oscillationes illis describantur, ita ut si longitudo Penduli sub Æquatore, & Parisiis aequales sint, Oscillationes sub Æquatore sint minus accelerata quam Parisiis. Inde concluditur vim acceleratricem gravitatis sub Æquatore minorem esse, crescere vero, prout ad Polos magis accesseris, Aquum que vis acceleratrix gravitatis minuat in ratione inversa quadratorum distantiarum à centro gravium, id est quum gravitas acceleratrix minor sit in majori distantia gravium à centro hinc sequi videtur Tellurem prominentiorem esse sub Æquatore (quum illic gravitas acceleratrix minor esse deprehendatur) & inde magis ac magis deprimi cundo ad Polos. Præterea si Tellus initio formationis sua ex materia molliori coaluerit (quod ex lapidum omnium generationis attenta consideratione extra dubium positum videtur) simulque rotationis motu super axem donata fuerit, dubitari vix potest quin vis centrifuga major fuerit sub Æquatore, unde ad Polos progrediendo, magis ac magis decrescens, in ipsis demum Polis, nulla existeret; ex quo sequitur eadem figura Telluris qua supra: Materia enim versus Æquatorem vi gravitatis centrifuga Telluris circa axem rotantis assurgere debuit & recedere a centro, ac demum Tellus ipsa Sphæroidis figuram induere versus Polos depressam. Hujus autem figura consuetudinem est quod gradus meridiani cuius libet inæquales sint, id est quod minores sint prope Æquatorem, indeque cundo ad Polos magis ac magis augeantur. Sed extant Observationes accuratissima & a viris peritissimis instituta Occasione Meridiana Linea que ex Observatorio Regio Parisiensi per maximam fere Gallia dimensionem illinc ad Boream, hinc ad Austrum producta est, ex quibus Observationibus non per consuetudinem sed directè & per sensibilem experientia demonstrationem constat gradus Meridiani circuli minores ac minores semper evadere accedendo ad Polum, ex quo sequitur Terra figuram esse oblongam & Æquatorem esse Meri-

Meridianis aut circulis latitudinis minorem. Non hujusce loci est explicare qua ratione fieri possit ut quanquam vis acceleratrix gravitatis minor sit sub Æquatore, quam versus Polos (quemadmodum patet ex penduli ejusdem longitudinis Oscillationibus diuturnioribus sub Æquatore quam versus Polos) non tamen inde sequatur Tellurem esse Spharoidem versus polos depressam (quod omnino experientia repugnat) addoque penduli Phanomenorum rationes peti posse ex eo quod vis centrifuga major sit sub Æquatore; unde sequitur Gravia aliquanto minus gravitare circa Æquatorem quam cundo ad Polos; majorem que futuram sub Æquatore levitatem si Terra figura esset (ut prisci fortasse temporibus fuit) Spharoidis depressa versus Polos. Quis enim post ingentes strages quibus sola Telluris facies non semel subversa est, ut ex montium immensis innumerisque ruderibus, ex concharum fossilium atque terra obrutarum magnis molibus apparet, & ut maxime ex piscium, plantarum exoticarum, conchyliorum que & ossium omnis generis reliquiis aut impressis vestigiis perspicuum est, qua in marmorum, aliorum que lapidum visceribus inclusa reperiuntur, quis inquam iis omnibus non paucarum mutationum indicibus certissimis attento animo consideratis, affirmare audeat, quamnam sit Telluris figura, qualis ve olim fuerit; an primigenia ejus figura qua Spharoidis depressa forsitan fuit, aut fortassis etiam oblonga, eadem etiamnum perseveret, an verò non in alias atque alias Seculorum decursu figuras immutata fuerit. Sed Hac satis. Qui plura volent, eaque ex profundioris Physica & Geometria penetrabilibus desumpta, adeant Historiam & Commentarios Reg. Academiæ de quibus supra. Verum ut ad rem redeamus. Ex Telluris motu diurno circa axem proprium ab occasu in ortum, alia omnia Sydera tam fixa quam errantia, spectatori in Terra degenti videntur velocissimo impetu abripi in contraria Signorum, id est, ab Ortu in occasum, ut jam dictum, & ab Autore fuse explicatur.

6°. *Seçtio sexta, de Planetarum Orbitis, Orbitalium, que figura tractat. Probatnr in ea Primarios describere ellipses quorum focum unum communem Sol tenet; Cometæ disferri in Seçtionibus Conicis, in quarum foco interno Sol positus est; & Planetas Secundarios revolutiones suas perficere circa Primarium suum in Orbitis Ellipticis quorum focus unus à Primario occupatur. Vires deinde quaruntur quibus sit ut omnes in Orbitis suis retineantur. Qui voluerint Geometricas Auctoris nostri demonstrationes facilius intelligere, consulere poterunt Philosoph. Nat. Princ. Mathem. Clar. Newtoni, Phoronomiam D. Hermanni, Opuscula varia D. Varignonii in Commentariis R. Scient. Acad. Paris. præsertim annis 1692 de Motu Motûsque regulis in genere. 1693 de Motibus acceleratis. 1700 de Viribus Centralibus Planetarum necessariis ut Orbitali suas describant. 1701. 1703 & sequentibus annis plurima occurrunt circa idem argumentum.*

7°. *Seçtione septima ostendit Gregorius Planetas & Cometæ omnes in Orbitis suis retineri per Gravitatem, cujus leges non differunt ab ea quam experimur obtinere in projectionibus gravium, puta in Globi ferrei emissionem per mortarium, aut in alia quavis impetuosa gravium emissionem. Istud Auctor demonstrat Calculo arithmetico in motu Luna circa Tellurem, idemque confirmat sequenti argumento. Ex aliquo eminentiori loco supra Tellurem posito projiciatur corpus aliquod grave secundum directionem Horizonti parallelam, si minima aut nulla vi projiciatur, per rectam lineam verticalem nimirum in Terram deciderit; si majori vi projiciatur describet curvam & ad Terram perveniet in aliquo puncto minus magisque à pede verticalis linea remoto, prout minori majorive impetu projectum fuerit, sed si vis projiciens eo usque augeatur, ut Terram non attingat, donec ultra punctum in Terra pedi verticalis Linea e diametro oppositum pervenerit, tum rursus ex alia parte ascendens, Ellipsin complebit; atque eandem rursus perpetuo non impeditum describet; & Planeta fiet &c. Idem*

f

omnino

omnino affirmat D. de Louville (in Comment. R. Scient. Acad. 1720.) & verum censeri debet, si modo vis centrifuga e projectione in lineam rectam orta, ita cum vi centripeta seu gravitate attemperetur ut demum in toto Orbita decursu compensatis viribus contrariis summa tota ad aequalitatem redeat. Imo vero ut Gregorius addis poterit eo usque vis centrifuga ex Projectionis vehementia profecta augeri, ut Corporis gravius Trajectoria in Parabolam desinat aut etiam in Hyperbolam. Hinc Autor demonstrat Omnes Planetas Primarios in Solem, Secundarios vero in Primarium suum graves esse, & vi gravitatis in Orbitis suis retineri. Gravitatis autem ea lex esse demonstratur, videlicet quod vires centripetae seu gravitatis, inter se sunt in ratione reciproca quadratorum distantiarum à centro versus quod tendunt; quod quidem ita perspicuum est de viribus omnibus aut à centro quopiam profectis veluti sunt calor, Lux, virtutes Magneticae, &c. aut ad centrum aliquod vergentibus, ut vix demonstratione indigeat. Postremo addis Gravitates acceleratrices Corporum duorum vi centripeta se appetentium in eadem distantia esse inter se ut corpora versus qua accelerantur id est v. g. Gravitatis acceleratrix Luna ad Terram tendentis est ad gravitatem acceleratricem Terra in Lunam gravitantis ut Tellus versus quam Luna tendit ad Lunam versus quam Tellus dirigitur.

8°. Sectione Octava agitur de motu corporum se mutuo attrahentium. In ea Sectione Probatur quod si duo corpora se mutuo attrahant, & interea circum se invicem revolvantur, non unum circa aliud proprie, sed utrumque circa commune centrum gravitatis revolvantur. Plurima in eam rem adducuntur & demonstrantur qua Lector videre apud ipsum Autorem poterit.

9°. Sectione nona, ex supra demonstratis probatur Planetas Primarios non circa Solem sed circa commune centrum Gravitatis Solis & eorundem Planetarum periodos suas absolute
vere 2

vere: quod etiam revolutionibus Secundariorum circa Primarios suos applicari debet. Nec propriè Tellus v. g. sed ejus & Luna gravitatis centrum commune Orbitam describit ellipticam. Inde judicari facile potest deviationes & errores oriri in Planetarum tam Primariorum quam Secundariorum motibus, sive secundum Longitudinem, sive secundum Orbitalium inclinationes mutuas; quæ omnia clarè ac dilucide explicantur. Caterum Quod ait Gregorius Prop. 64. propter figuram Terra puncta Equinoctialia regredi; & Axem Terra singulis revolutionibus annuis bis mutare inclinationem ad Eclipticam, & bis redire ad inclinationem priorem; Id parum certum videbitur si demonstratum maneat figuram Telluris aliam prorsus esse quam ab Autore supponitur. Itaque alia querenda erit horum Phenomenorum ratio, quæ fortassis rectius petetur ex figura Telluris versus polos oblongiore, aut fortassis etiam ex mutua Gravitate Luna in Tellurem, & Telluris in Lunam.

10°. Sectione decima varia Philosophorum sententia circa causas motuum Planetarum, exponuntur & refelluntur. Causas Physicas Motuum Planetarum à Keplero allatas exponit Autor & quæ in Kepleri Physicis explicationibus à vero discedere videntur notat & rejicit. Sic Cartesii Physicam Caelestem, nempe vortices Planetarum à Sole super axem rotante abrepso in medium affert, & ex accurata Geometria petitis demonstrationibus confutat. Sic Clariss. Leibnitii Hypothesin deferentium fluidorum ad examen vocat, & pariter ut parum Physicis rationibus consentaneam reprobat.

11°. Sectione undecima Systemata varia mundana expendit Noster. Systema Semi-tychonicum in eo Solum a Tychonico differt quod illud motum Telluri super axem proprium concedat quem Tychonicum ipsi denegat: utrumque Gregorius examinat & ostendit in utroque Leges gravitatis simul contrarias supponendas esse si alterutrum verum esse supponatur, parique methodo Systemata Ptolemaicum, Aegyptium, vel

Ricciolicum examinat, & qua gravitatis leges ad ea conservanda esse necessaria videntur indicat.

LIBER SECUNDUS.

Libro Secundo Gregorius Doctrinam primi Mobilis tradit.

1°. *Prima Sectione varios Sphæra Circulos explicat. Sphæra recta, obliqua, parallela Phenomena & proprietates exponit. Crepusculi causas affert & limites præscribit, nec silentio prætermittit Lumen quoddam quod primum anno 1685 observatum est vespere à Dom. Cassino & D. Fatio paulo ante Equinoctium Vernalium, à Sole orientem versus secundum Eclipticam protensum (Videatur Hujusce Phenomeni descriptio apud Nostrium pag. 188. & maxime in Biblioth. Universali D. Clerici Tom. 3. an. 1686 pag. 145.) denique Stellarum ortum & occasum Poëticum triplicem, nempe Cosmicum, Achronicum, & Heliacum enumerat & explicat.*

2°. *Secunda Sectione de Temporis divisione agitur, in Dies, Horas, Menses & Annos, quarum omnium Temporis partium species omnes indicantur. Illic de Annis Egyptiacis Julianis & Gregorianis differitur. Tum Epocha Celebriores recensentur, puta Nativitatis Christi, quæ & Æra Christiana dicitur. Cujus initium sumitur ipso die Kalendarum Januarii qui proxime sequitur Christi Nativitatem; 45 annis post correctionem Kalendarii Julii Cæsaris jussu factam. Antiquiores sunt Epochæ Olympiadum, Epochæ Urbis condita &c.*

3°. *Sectione tertia traduntur descriptiones Sphæra armillaris & Globorum Cælestis & Terrestris, Globorumque præcipui usus explicantur.*

4°. *Sectionis quarta docet qua ratione per observationes determinari, queant meridianus circulus Poli, & Equatoris altitudo,*

titudo, Syderum declinatio, Inclinatio Ecliptica ad Aequatorem, ejusque & Colurorum, & Tropicorum & circulorum Polarium respectu Aequatoris positio. Mirum est quanta fuerit apud Astronomos opinionum diversitas circa maximam Obliquitatem Eclipticae ut apud Autorem nostrum, & in Astronomia P. De Chales 2. edit. Pag. 369 & alibi passim videre licet. Sed missis ceteris opinionibus. Clariss. D. de Louville sententia aut conjectura est Ecliptica Obliquitatem 100 annis uno gradus minuto, seu scrupulo primo minui. Illud autem ex veterum observationibus eruditissimo criterio disquisitionibusque sagacissimis colligit, in hunc fere modum. Extabat apud Aegyptios teste Herodoto, quasi per manus accepta & tradita opinio, Eclipticam quondam ad Aequatorem perpendicularem fuisse, sed hujusce Opinionis alia ratio assignari non potest, nisi quod ex plurimorum Saeculorum observationibus Aegyptii videntes obliquitatem Eclipticae minorem ac minorem semper evadere, inde collegerunt eam prius Saeculis 90 graduum observatam fuisse. Fabulosa sane sit ea immensa Obliquitatis Eclipticae observatio, constat saltem observatum esse Eclipticam magis ac magis ad Aequatorem accedere. Praeterea Diodorus Siculus refert Chaldaeos à primis observationum suarum Astronomicarum initiis ad eum usque annum quo Alexander Magnus Babylonem ingressus est numeravisse 403000 annos, qui numerus portentosus profecto & incredibilis censeri debet, sed si veritatem a fabula hic discernere velis facili negotio fiet. Observaverant scilicet per plurima secula certo quodam annorum suorum numero obliquitatem Eclipticae minorem fieri certa quadam quantitate, indeque collegerant à tempore Alexandri ad ea tempora quibus Ecliptica Aequatorem ad Angulos rectos secare debuisset effluere potuisse 403000 annos atque ita jactabant se totidem annorum suorum observationes habere, quo vetustioris originis dignitate gaudere possent. Habebitur igitur ratio tam superba Chaldaeorum jactantia, si modo constet Epocham Eclipticae

tica ad Aequatorem recta talem quam proxime esse potuisse quale initium observationum suarum constituebant. Porro ex calculo D. de Louville ea Epocha debuit esse ante tempora Alexandri Magni (posito Obliquitatis Ecliptica decremento unius scrupuli primi per 100 annos) 397150 annorum nostrorum quorum singuli sunt dierum $365 \frac{1}{4}$ (tales enim anni 100 dant decrementum scrupuli unius primi) Probat autem D. de Louville Annos Chaldaeorum & Aegyptiorum fuisse tantum iis temporibus dierum 360. Multiplicetur itaque Epocha 397150 annorum nostrorum per $365 \frac{1}{4}$ & productus numerus dividatur per 360 habebiturque Epocha eadem in annis Chaldaeorum 402942 qua differt ab ea quam supponebant Chaldaei videlicet à 403000 tantum 58 annis. Mirus sane hic consensus opinionis D. de Louville reperietur cum Observationibus veterum ex quibus ad tam longinqua retro Saecula excurrendi occasionem arripuerant. Sed ad Autorem nostrum redeamus.

5^o. Sectione quinta Stellas fixas in Classes distribuit, Constellationes enumerat; Fixarum Ascensionem rectam per observationes determinare docet, & declinationem invenire, & Longitudinem definire. &c. de Fixarum Catalogis condens agit, & de Catalogorum illorum Autoribus inter quos praecipuum locum obtinet Hevelius. Fixarum vero Catalogum promiserat omnium amplissimum & observationibus accuratissimis omnino innixum Clariss. D. Flamsteedius. Mutationes deinde aliquot inter Fixas recenset Autor noster, quibus addere Lectores debebunt qua de eodem argumento occurrunt passim in Commentariis Reg. Scient. Acad. Paris. Docet insuper invenire Fixarum Motum in consequentiâ, unde Praecessio Aequinoctiorum pendet, & eorum loca reperire tempore dato.

*6^o. Sectione sexta datur methodus ad solvenda Problema-
ta primi mobilis, & alia qua ad Geographiam spectant, ea-
que*

que omnia per communem Triangulorum Sphericorum calculum. Inter Problemata illa primum sibi locum vendicant Propos. 41. qua docetur parallatum invenire, in quo Sol versatur tempore Minimi crepusculi & Prop 42. in qua, dato positione plano cui Horologium Sciotericum inscribendum est, Linea Meridiana, Angulus styli, & Linea substylaris inveniendi proponuntur. Sed hac Propositio & dua sequentes qua de eodem argumento tractant potuissent fortassis clarius aliquanto exprimi.

7°. Sectio septima agit de Syderum Parallaxi cujus species varia distinguuntur; sed primaria est Parallaxis Altitudinis ex qua caetera nempe Parallaxis Longitudinis, latitudinis, Ascensionis Recta, &c. originem trahunt. Longior essem si omnia enumerarem, qua utilis profert Noster circa hanc materiam.

8°. Sectio octava Refractionem Syderum explicat. Parallaxis Altitudinis Sydus visum deprimis, Refractio aquo altius ostendit. Docet Autor qua ratione definiri possit quanto per Refractionem Stella altior appareat quam revera sit, & Tabularum Refractionum condendarum methodum proponit.

9°. In Sectione nona de Compositione Tabularum Primi motus seu Primi Mobilis differitur. Tres Tabula hujusmodi simul disponi possunt qua in unam coalescent, nimirum Tabula Declinationis & Ascensionis Recta singulorum Ecliptica graduum, & Angulorum Ecliptica cum Meridiano: ad illam Tabulam ex tribus compositam adduntur sequentes, videlicet Tabula conversionis partium Aequatoris in tempus medium, & Tabula conversionis Temporis medi in partes Aequatoris. Tabula Ascensionis Recte & Declinationis Praecipuarum Fixarum pro certo tempore dato, cum differentiis tam diellarum Ascensionum rectarum quam Declinationum pro certo annorum numero; Tabula Refractionis Syderum & alia quas Autor in hac Sectione libri secundi ultima indicat.

1^o. Iam diximus *Anomalias Medias* non posse exprimi in Planetarum Orbibus juxta Kepleri sententiam, omnium Astronomorum recentiorum & peritissimorum calculo comprobata, nisi per areas Ellipticas Temporibus proportionales, monuimusque angulos quos in Foco radii Planetam vehentes cum Linea Apsidum comprehendunt, *Anomalias coaquatas* aut veras vocari. Quæritur ergo ut data *Anomalia media* inveniantur *Anomalia coaquata*. Hoc est celeberrimum illud Problema à Keplero propositum, & cujus ille Solutionem directam impossibilem esse judicans, regulas Positionum adhibuit, supponens *Anomaliam excentri datam* &c.

Quoniam igitur hujusce Problematis solutio difficillima est, ideo nihil Autor noster negligit, ut sive methodo directâ sive indirectâ, sive per utiles approximationes quæstioni fiat satis. Prima Sectionis hujus prima propositione præmissa lemmate præparatorio ex quo consequitur perinde esse si semi-circulum semi-ellipsi circumscriptum, aut si ellipsim ipsam ex Foco dato divides in Areas temporibus proportionales, docet ex semi-circulo sic diviso ellipsim etiam facili negotio secundum easdem proportionem dividere. Secunda propositione docet ex data *Anomalia excentri* *Anomalias veras* & ex veris *mediis* correspondentes invenire. Hac methodo Keplerus uti solebat ad construendas Tabulas *Anomaliarum mediarum* & *coaquatarum*, nec ullam faciliorem expeditiorem que esse viam nonnulli fortasse judicabunt ad construendas Tabulas illas, quamvis per eam neque *Anomalia coaquata* neque *Anomalia Media* gradus exacti & accurati inveniantur, recurrendumque sit ad duplices partes proportionales. Propositione IV. tradit Gregorius Solutionem directam unam Problematis Kepleriani: Alteram optimam & perspicuam apud D. Keillium invenio in Introduct. ad veram Astronomiam, Lcctione XXIII. &

tertiam suppeditat R. P. Reyneau (in libro cui titulus Analyse démontrée pag. 713) qua ultima Solutio clara (ut opinor) haud paucis videbitur. Sed omnes illa solutiones quanguam directæ & Physica ac proinde aliis quibuscunque præstantiores, ducunt ad Series infinitas, qua Artificum seu Logistarum Calculis minime conveniunt. Dantur deinde apud Autorem Solutiones hujus Problematis utiles quidem nec contemnenda, imo & plerumque sufficientes, sed minimè Physica, nec satis in Orbibus valde excentricis accurata, quales sunt solutiones Sethi Wardi, Bullialdi & Comitis de Pagan, in quibus, quid habeant commodi aut minus accurati notatur. Qui solutiones directas aut indirectas approximationis utiles volent, consulant Commentarios Reg. Scient. Acad. Paris. annor. 1710, 1719 & 1720. Nihil in tam difficili negotio magis juvat, quam si plurimas solutiones habeas, ex quarum collatione Calculus fiat & tutior & accuratior. Denique Ellipticam Orbitam à Dom. Cassino inventam Autor discutit & veluti minus aptam explicandis veris Planetarum motibus rejicit. Proprietas Ellipsium Conicarum notissima, est quod si à Focis dua linea recta ducta concurrant in aliquo peripheria puncto, illa dua simul sumpta aequales sint axi majori, quantacunque sit excentricitas, etiamsi sit aqualis semi-axi majori. in quo casu ellipsis desinit in lineam rectam. Sed Cassiniana Ellipsis hoc habet singulare, quod rectangulum sub duabus lineis supra dictis, qua a Focis ducta in uno puncto circumferentia concurrunt, aequale sit rectangulo sub maxima & Minima distantia, seu quadrato media distantia qua media geometricè proportionalis est in hac Ellipsi inter maximam & minimam distantiam. Inde sequitur quod si excentricitas sit maxima, rectangulum sub maxima & minima distantia & proinde quadratum media distantia & media distantia erunt tanto minora, poteritque distantia media esse tam parva ut ellipsis futura sit versus medium interius convexa ac etiam in duas abire possit conjuga-

tas figuras. Hac omnia fufe explicantur, præfertim in additione ad Propof. VIII. quam additionem excerptimus ex Tranfactionibus Philofophicis anni 1704.

2. Docet Autor in fectione fecunda, qua ratione Telluris Orbita determinari queat. Id quidem fiet fi obfervetur diametri apparentis Solis quantitas in maxima diftantia quum moveri lentiffime videtur, & in minima diftantia, quum motu velociffimo ferri appareat: illa enim Obferuationes dabunt ex motu apparente Solis pofitionem lineæ Apsidum, refpectu Fixarum, & rationem qua intercedit inter maximam & minimam diftantiam. In propofitionibus fequentibus inveniuntur per obferuationes, Equinoctiorum & Solftitiorum tempora, anni verteris, & anni fyderei quantitas. Ex datis tribus Solis locis, & tempore Telluris Periodico, Orbita Telluris fpecies, Apsidum lineæ fuis, & Tempus quo Terra fuit in Apelio definiuntur, & corriguntur qua in iis determinandis parum accurata occurrunt. Docetur Propofitione XVI. qua ratione ad datum tempus, Telluris locus à Sole vifus, ejusque à Sole diftantia inveniri queat. Propof. XVII. de inæqualitate Dierum naturalium differtur & methodus Temporis æquandi traditur.

3. Sectione tertia agitur de reliquorum Planetarum Primariorum Orbitis determinandis eorumque Theoria fivè à Sole, fivè à Tellure fpeculentur. Patebit fatis ex Indice Propofitionum quid in ea præftetur. Idem dictum velim de Sectionibus fequentibus Quarta videlicet de Planetarum Elongatione maxima à Sole, Directione, Statione, & Retrogradatione. Quinta de Planetarum Primariorum Tabulis & earum ufu; & Sexta de Planetariorum Orbium magnitudine. Nihil enim circa hac omnia peculiare habeo quod Lectorem moneam.

4. Docetur Sectione feptima quomodo Magnitudo, Quantitas materia, & Densitas Solis & Planetarum Primariorum determinari poffint. De Magnitudine non nihil dicam. Sit per Micro-

SCOTME.

crometrum observata Diameter apparent Solis, media inter maximam & minimam, 32'. 10". qualis est quum Sol in media a Terra distantia positis cernitur, erit semidiameter Solis ad mediam ejus à Tellure distantiam, ut tangens Anguli 16'. 5". ad sinum totum. Sed minime cognosci poterit quæ sit ratio Semidiametri Solis ad Semidiametrum Terra, nisi per Parallaxim horizontalem accuratam innotescat quæ sit ratio Media distantia ad semidiametrum Terra. Igitur si nulla sit Parallaxis Solis aut si incerta sit, tunc aut nulla ratione aut incerto tantum calculo determinabitur magnitudo Diametri Solis comparative ad Diametrum Telluris. Atque idem quoque dicendum erit de Comparatione incunda inter Ceteros Planetas & Tellurem. Si supponatur Parallaxis Horizontalis Solis esse 6". erit media Solis à Terra distantia 34364 in semidiametris Terra. Deinde si fiat ut sinus totus, 10000000, ad mediam distantiam inventam 34364 :: ita tangens 16'. 5". 46784 ad semidiametrum Solis; invenietur illa Diameter $160\frac{77}{100}$ in semidiametris Telluris. Iuxta Dom. Cassinum media Solis à Terra distantia est 22000 (ut supra dictum est) sed Parallaxin supposuit 9". vel etiam aliquanto majorem; unde sequitur minor distantia quam qua mox supra inventa est supponendo Parallaxin tantum 6". nam, reliquis paribus, quo major est Parallaxis, eo minor distantia sequitur, & minor ratio Diametri Solis ad Terra diametrum. Constat ergo quantum incerta & difficilis sit determinatio rationis quæ intercedit inter Diametros Solis & Planetarum Primariorum ad Telluris Diametrum. Sed res longe certior evadet, si relicta Telluris Diametro tanquam mensura Distantiarum nimis lubrica quaratur ratio Solis Diametri, ad aliorum Planetarum Diametros. Nam quia Quadrata Temporum Periodicorum sunt inter se in triplicata ratione Distantiarum Mediarum, inde innotescunt majores Orbitalium axes, ac si semel definita fuerint linea Apfidum positio, & excentri-

citas &c. cujuslibet Orbita, Habebitur ratio distantia Planeta à Terra pro tempore dato; si modo cognoscatur & Terra locus in sua Orbita, & Planeta locus in sua Trajectoria. Vtrum ut res Clavior fiat, sit observata Iovis diameter quum Terris proximus est, videlicet quando versatur in opposizione cum Sole: observata inquam sit hac diameter apparens 1' 4". vel 64". Sisque cognita tunc ratio distantia Iovis à Terra qua sit ad distantiam mediam Solis à Terra ut 26 ad 5. Sit etiam observata diameter apparens Solis in media distantia 30' 30". (sequor Observationes & Calculum Hugenii) His positis si iam propinquus nobis esset Iupiter quam Sol è media distantia visus, sub majori angulo Iupiter appareret, quam qui observatus est, & tunc ob distantias aequales Solis & Iovis à Terra, vera ratio haberetur diametri utriusque. Fias igitur ut distantia minor 5 ad distantiam majorem 26: ita diameter Iovis 64". è majori distantia dicta visi, ad diametrum ejusdem, si ex ea distantia cerneretur: invenietur que 333" seu 5'. 33". itaque vera ratio Diametri Solis ad Diametrum Iovis est ut 30'. 30". ad 5'. 33". reliqua ut facilia omitto, sufficitque methodum indicasse qua facile Planetariorum magnitudinum rationes vera determinari queant. Docet Autor in XLVIII. Propositione invenire rationem Quantitatis Materia in Sole ad Quantitatem Materia in aliquo Planeta Primario, si modo Satellitem habeat, & Propos. sequente quarit rationem Densitatis Solis ad Densitatem Planeta Satellitis donati; sed circa hac Omnia & nonnulla alia Autor ipse consulatur.

5. Sectione 8. agitur de Figura Solis & Planetarum de quibus omnibus affirmatur eos esse Spharoides versus Poles suos depressas. Sed maxime probatur hac esse Telluris figura, quod & de Sole quoque assertur. Talis forsasse fuit Terra Figura primigenia, sed variis in locis immutatam eam esse probabile est ob rationes superius allatas.

6. Sectione 9. de Distantia Fixarum sermo habetur, qua
qui-

P R Æ F A T I O. XLIII.

quidem Distantia non potest determinari nisi per Parallaxim Magni Orbis seu Orbitæ Telluris. Nonnulla de ea Parallaxi passim Occurrunt in Historia & Commentariis Reg. Scientiar. Acad. Paris. sed sive ob nutationem Axii Telluris, sive ob exiguitatem Diametri Orbis Magni, habita ratione ad Distantiam Fixarum nihil adhuc certi super ea re affirmari posse videtur: Adeo ut à vero non multum discedant qui censent Orbem Magnum instar esse puncti exigui si cum distantia Fixarum diametri ejus Comparatio instituaturs, quod profecto minus mirandum erit, si attendamus axem Orbitæ Telluris spectatori in Saturno posito adeo exiguum videri, ut vix subleuat arcum duodecim graduum Circuli, cujus radius aequalis sit medię distantia Saturni à Sole.

L I B E R Q U A R T U S.

Planetarum Primariorum Theoria longe facilior est quam Secundariorum. Motus enim illorum circa Solem quum Compositus sit ex motu uniformi secundum lineam tangentem cuiusque Orbitam & ex motu gravitatis qua descendunt aut accelerantur versus Solem, satis facile explicatur: præsertim quum ab aliis Planetis ut pote nimium distitis à via Regia quam sequuntur non sensibilibiter hinc aut illinc abstrahi videantur.

Sed Planetarum Secundariorum (Luna verbi gratia) aberrationes & irregularitates sive secundum longitudinem, sive secundum Orbium figuram aut inclinationem, ita Oculatorum Astronomorum calculis se subducunt, ut ad novas ac novas semper Hypotheses prout recentiores observationes postulant recurrere necesse sit. Tot ac tantorum errorum Causa & origo in genere est quod secundarii non tantum eo motu composito quem diximus circa suum Primarium deferantur, sed etiam à Sole in eadem fere distantia ac sui primarii diversimode attrahantur. Causas igitur Physicas illarum deviationum à

Clariss. Newtono excogitatus Auctor noster hic explicare aggre-
ditur.

1. *Et prima quidem sectione errores secundariorum per causas Physicas & Geometricas explicat, si in Orbibus Primariis Concentricis revolutiones suas peragere supponantur; rationes reddit cur Satelles à Quadratura cum Sole ad Syzygiam proxime sequentem perpetuo acceleretur, à Syzygia vero ad Quadraturam retardetur, quo fit ut Satelles prope Syzygias velocius, prope Quadraturas tardius progrediatur. Principium quo tota errorum Satellitis Theoria innititur illud est; quod videlicet attractiones binorum quorumcunque Planetarum, veluti Primarii & sui Satellitis, in tertium (puta in Solem) sint inter se reciproce ut quadrata distantiarum ab eodem tertio, quo fit ut inspecta figura Propositio pateat. Demonstratur deinde cur Satellite existente in Quadraturâ Orbis ejus magis curva evadat, Satelles que magis à Primario recedat quam in Syzygiis.*

2. *Secunda scilicet errores Satellitis explorat à Sole ortos, quum ejus Orbita à Primario est excentrica. In hoc Casu non tantum Satelles sed etiam Satellitis orbita circa Primarium revolvuntur. Posita ergo Satellitis Orbita una immobili, & alia simili revolvente querenda est lex vis centripeta qua Corpus unum in Orbita revolvente movetur, dum Corpus aliud in simili & aequali Orbita quiescente deseritur. Patet in hoc Casu Corpus in Orbe revolvente motum describentem quo ad apparentiam, Curvam quandam cujus imago ac similitudo quapiam cernitur in Propos. III hujus libri & cujus proprietatem in notula indicavi. Porro pramissis nonnullis Lemmatibus ex Profundiori Geometria petitis, docet Auctor Propos. VI ex data lege Vis Centripeta determinare motum Apsidum; & ex dato motu Apsidum, invenire legem Vis centripeta qua omnia ad Calculos revocat, atque eadem fere præstat Prop. VII in Orbibus parum ellipticis, & sub certa quadam conditione. Tota hac Autoris doctrina inci-*
piem

pien'ium capui parum accommodata est. Docetur Propof. VIII Lineam Apsidum Orbita elliptica Satellitis bis progredi nempe quum Satelles est in Syzygiis cum Sole & bis regredi in Quadraturis ejusdem Satellitis eorumque Phenomenorum Causa assignantur. Ista tamen Propofitio intelligenda est, cum ea cautione, quod quum in singulis revolutionibus Satellitis Apsides magis Progrediantur quam regrediuntur, inde eveniat ut ob excessum progressus, revera moveantur in consequentia. Si in una Satellitis revolutione Apsides sint in Syzygiis Satellitis cum Sole, magis progredientur quam regredientur; regredientur vero magis quam progredientur, in alia aliqua revolutione in qua dicta Apsides erunt in Quadraturis Satellitis cum Sole; sed quia in Syzygiis suis velocius progrediuntur, tardius vero regrediuntur in Quadraturis, in quavis Apsidum revolutione feruntur in consequentia. Hac probantur Propositione XI. Bis in unaquaque Satellitis revolutione excentricitas Orbita ejus (si sit excentrica) mutatur: maxima est cum Satelles est in Syzygiis, minima vero si sit in Quadraturis cum Sole: à Syzygiis ad Quadraturas perpetuo minuitur, à Quadraturis ad Syzygias perpetuis incrementis augetur. Hac habentur Prop. XII. Iam monui in Luna Theoria, maximam Lunarum Orbita excentricitatem, (quod de ceteris Satellitum Orbibus excentricis dicendum) obtinere, quum in linea Apsidum posita, versatur etiam eodem tempore in Syzygiis. Hujusce Phenomeni ratio redditur Propof. XIII quatenus omnibus Satellitibus in Orbibus excentricis revolutis commune est.

3. Si Satellitis Orbita in eodem cum Primarii Orbita plano revolveretur, non alii forent errores Satellitis à Solis attractione Orti quam qui priori Sectione descripti sunt, sed si Satellitis Orbita ad Primarii Orbitam inclinata sit, ex Solis attractione Nodorum deviationes aliquot, mutationesque nonnullae obliquitatis Orbita Satellitis orientur. Igitur Auctor sectione tertia de omnibus illis irregularitatibus differit.

ratio,

rationesque affert cur Nodi nunc quiescant, nunc vero tardius, aut velocius, ferantur in Antecedentia, &c. Explicat omnes mutationes qua circa Orbita Satellitis inclinationem accidunt. Hac omnia habentur fusc & perspicue in Propositionibus XIV. & XV. probaturque Prop. XVI. omnes supra dictos errores Satellitis tam secundum Longitudinem, quam secundum Latitudinem sive in Orbita Satellitis concentrica sive in excentrica, aliquanto majores esse (ceteris paribus) in Conjunctione Satellitis cum Sole quam in oppositione.

4. Sectio quarta agit de Erroribus quos Sol producit in motu Satellitis, quum Primarius movetur in Orbe excentrico circa Solem.

5. In Quinta sectione Auctor ad Luna motum applicat qua supra de inaequalitatibus in motu Satellitum a Sole profectu differuit. Primo Luna inaequalitates explicat. Secundo docet quo pacto per unicam Eclipsin Lunarem distantia Luna à centro Terra inventiri queat. Tertio eandem distantiam dato tempore per Observationem determinat. Quarto per Observationem inaequalitates Luna, ejusque errores distinguere docet. Quinto assignat qua sit ratio inter vires Luna motum perturbantes & inter Gravitationem omnibus notam.

6. Sectione sexta recensentur Tabulae Lunares qua in Tabulis Astronomicis occurrunt, earumque usus traditur, Propositione XXIX. Indicat Gregorius quas Correctiones ad Luna motum pertinentes Tabularum Autores adhibuerunt, & quas neglexerunt. Additque Praeclaram Lunæ Theoriam qualis à Clarissimo Viro Newtono exposita est. Propositione sequente methodus indicatur determinanda media Conjunctionis aut Oppositionis Solis & Luna proxime insequentis ad Tempus datum. Et Propof. XXXI Syzygiarum verarum inventio traditur.

7. Sectio septima Lunaris Eclipsis Theoriam & Calculum docet. Octava verò circa Eclipsin Solis tota versatur. Plurima

rima amba illa sectiones habent scitu dignissima; qua ex Autore ipso petantur.

8. In Sectione nona Autor considerat Errores in motibus aliorum Satellitum ex Sole Oriundos; qua sint Errorum illorum rationes varia in diversis casibus demonstrat; docet inaequales illos motus determinare; ac motus Apfidum Satellitum Saturni & Iovis per Propos. XI hujus libri inventos corrigere.

9. Decima Sectione de motu Satellitum circa proprios axes discribitur. Hujusce motus exemplum datur in Luna, qua circa axem revolvitur, eodem precise tempore quo revolutionem unam Periodicam in Orbita sua absolvit. Motus ille hic explicatur, sicuti & Librationes varia & mutabiles Luna.

10. In Sectione undecima qua de Satellitum magnitudine tractat, 1^o quaeritur qua sit magnitudo Luna respectu Telluris, quod quidem facillimum est ob sensibilem Luna Parallaxin. 2^o Quantitatis Materia in Luna ratio, ad Quantitatem Materia in Tellure definitur. 3^o Ratio Densitatis Luna ad Densitatem Telluris determinatur. 4^o Ratio Gravitationis acceleratricis Luna in Terram, ad Gravitationem acceleratricem Terra in Lunam assignatur.

11. Si sola Planetarum circa axem Aequatoris sui cuiusvis rotatio spectetur, inde sequetur quod si Corpora illa ex molli materia initio coaluerint, Vis Centrifuga eo major fuerit quo propius ad Aequatorem materia accedebat, quo effectum est ut materia sub Aequatore, & circum circa assurgente Planeta sphaeroidis figuram induerint versus Aequatorem prolatam, versus polos depressiorem. Ea de Causa Luna circa axem suum revolvendo eandem debuit figuram sumere, sed quum menstruo tantum spatio unicam circa axem revolutionem absolvat, vix ac ne vix quidem sensibilis debuit esse figura illa in Luna. Imo vero ex alia ratione debuit Luna figuram assumere sphaeroidis oblonga, cujus axis major productus transcat per centrum Terra; nam quum Luna partes gravi-

rent eò magis in Terram, quò magis directe ei sunt obversa; quum que olim aquis cooperta fuerit, recedentibusque aquis, ex molliori materia coaluerit, qua successu temporum arefacta exsiccataque induruit, ut ex ejus montibus ingentibus plus satis constat, debuerunt illa partes qua magis directe Tellurem spectabant tanto magis ad Tellurem accedere. Idem dicendum foret de Terra si aquis cooperta esset, deberet totum illud fluidum abire in spharoides oblongas quarum axes majores producti per centrum Luna transirent. Hec omnia fusc explicantur in sectione duodecima, in qua agitur de Figura Satellitum & Primariorum, ex mutua gravitate oriunda. Ceterum nemo non videt quam commodè ex sola gravitatis vi explicetur fluxus & refluxus maris. Aqua enim in spharoides oblongas assurgunt quarum axis productus per Luna centrum transit: ex quo fit ut continuo motu reciproco, & ad Luna motum diurnum composito, unda è circumjunctis locis affluentes intumescant, & inde refluentes versus partes circumpositas subsidant. Neque omitendum quod quum Luna in Syzygiis versatur, tunc aqua gravitantes non solum in Lunam sed etiam in Solem simul & cum eadem directione, assurgere & intumescere quoque magis debcant; unde & sequitur agnoris subsidentis & in oras maritimas sese effundentis major moles & impetus vehementior. Atque Æstus illi maritimi omnium maximi erunt, quum Luna in Syzygiis temporibus Æquinoctiorum versabitur. Tunc enim vires attractivæ Solis et Luna conjunctæ simul, secundum eandem directionem concurrent cum vi Centrifuga aquarum qua nusquam ceteris paribus major, quam sub Æquatore existere potest. Hec omnia apud Autorem nostrum doctius longe & fusc explicata, Lector videre poterit.

12. Sectione decima tertia agitur de Saturni Annulo ejusque Phasibus. 1°. Tota ejus Theoria exponitur. 2°. Phases ejus quatenus è Sole conspiciuntur describuntur. 3°. Eadem ex Tellure visa determinantur. De Saturni Annulo breviter dicam.

P R Æ F A T I O. XLIX.

dicam. Annulus ille quo cingitur nulla ex parte ipsi Saturno adheret, sed fornicis instar eum ambit. Diameter Annuli est fere Dupla sequiquarta Diametri Saturni, idest, ut 9. ad 4. Distantia ergo qua intercedit inter Saturnum & Convexitatem Annuli est 5. eorundem partium quod quidem spatium si bifariam dividatur, dabit $2\frac{1}{2}$ pro distantia qua interjacet, inter superficiem convexam, & superficiem concavam ejusdem Annuli. Reliqua partes $2\frac{1}{2}$ distantiam comprehendens qua superficies concava Annuli à Planeta distat, quaque vacua est. Spissitudinem aliquam Annulus habet, sed quum non adeo magna sit, sique præterea Annuli superficies convexa structura fortassis non satis salebrosa & aspera, ut lumen à Sole acceptum longius reflectere queat, non potest à Tellure conspici. Verisimile est Annulum esse in Plano Æquatoris sui Planeta aut certe esse in plano maximi circuli producti ejusdem Planeta, qui circulus quem Annuli planum nominabimus inclinatus est ad Orbitam Saturni angulo grad. 23 30', si nonnullis creditur. Sed quidquid sit per 15. fere annos facies Annuli qua Soli obversa est continuo lumine quædet, dum facies opposita in tenebris jacet; donec Saturno in alteram Orbis sui partem ultra Æquatoris & Orbita sua nodos transito per alios quindecim annos facies hactenus illuminata obscuretur, & qua prius obscurata fuerat, Solis radiis illustretur. Hac omnia fuscè exponit Autor noster, nec non & Annuli à Tellure conspecti Phases diversas. Sed si majorem perspicuitatem & accuratiorem sive Annuli, sive Saturniorum satellitum Theoriam Lector desideret, consulat Historiam & Comment. Reg. Scient. Acad. Paris. annor. 1714. 1715 & 1716.

LIBER QUINTUS DE COMETIS.

I. Sectione prima Gregorius Philosophorum opiniones de
h 2 Come.

L: EDITORIS

Cometarum Duratione & Loco exponit, quos Cometas nonnulli Mundo coeva seu aeterna corpora esse existimaverunt, & Periodos suas statis temporibus absolvere. Ita senserunt Pythagorei, aliique nonnulli. Peripatetici vero ne generationes, corruptionesque in Caelis agnoscerent, Cometas statuerunt in regionibus sublunaribus ex terrestribus exhalationibus coalescere, & sensim sine sensu in auras resolvui & evanescere. Sed Tycho Brahe & Keplerus nullam animadvertentes in Cometis Parallaxin, eos in regionibus supra-lunaribus Trajectorias suas habere & describere definierunt, qua opinio plurimis postmodum observationibus confirmata est. Hac fere Propos. I^{ma}. explicantur. Propositio secunda multa habet scitu dignissima circa opiniones Philosophorum recentiorum de Origine Cometarum, eorumque Trajectoriis, qua omnia ab Autore discrete adeo exponuntur ut nihil ultra desiderandum super sit: Censet Porro Gregorius Cometas revolutiones suas peragere in Sectionibus Conicis puta in Ellipsis maxime eccentricis, aut etiam in Parabolis: qua Hypothesis convenit cum omnibus observationibus ex quibus apparet Cometarum alios describere lineas rectas, alios Curvas percurrere, eorumque qui in curvis deferuntur, aliquos peragere Curvas respectu Telluris convexas, nonnullos vero in curvis respectu ejusdem Telluris concavis cursus suos perficere. Tertia Propositione Lemma demonstratur de immensa raritatis & ingentis extensionis Aeris nostri possibilitate. Talis est Propositio qua ad explicandas Caudarum in Cometis causas necessaria est: Patet Aerem nostrum ad distantiam semidiametri Telluris, multo rariorem esse quam in Telluris superficie, si modo verum sit quod experimentis constat, nempe tanto magis Aerem rarum fieri & in majus volumen extendi, quanto minori pondere comprimitur. Hoc presito sit Globus Aeris nostri crassioris quem haurimus, sit inquam globus ille digitum unum latus, supponaturque crassior Aer globo illo contentus aequae raris fieri atque Aer ad altitudinem semidiametri Telluris.

P R Æ F A T I O. LI.

Telluris rarus est, demonstratur Acrem globulo illo contentum impleturum omnes Planetarum regiones ad usque Spheram Saturni & longe ultra. Premisso hoc Lemmate, referuntur Propositione IV. Philosophorum recentiorum opiniones de Cometarum Caudis quibus omnibus opinionibus confutatis, censet Autor cum Clariss. Newtono, Cometa Caudam esse vaporem tenuissimum & rarissimum, quem Cometa nucleus ob calorem ex vicinia Solis in Perihelio contractum, longe lateque diffundit, cujusque vaporis tractus ingens à Sole opposito illustratus Cauda speciem præ se fert. Cætera Lector apud Autorem videat.

2. *Sectione secunda, de Determinandis viis, locisque Cometarum apparentibus prope veris. Tertia de definienda vera Cometa Trajectoria agitur.*

3. *Docetur in Sectione quarta quibus rationibus inveniri queat in Trajectoria Cometa supra inventa, locus ejusdem Cometa tam Heliocentricus quam Geocentricus ad tempus datum; ac tandem Propositione Hujusce libri ultima Methodum tradit Autor, Tabularum describendarum, quarum ope Cometarum loca & Periodi prompte atque expedite inveniantur. Si cometarum inquit, istorum omnium, de quibus Observationes accuratæ satis extant, Determinatæ fuerint præter propter Orbitæ, illorum Periodi simul innotescunt (ut Schol. Prop. XXXI. ostensum est) & Tempora quibus denuo visui nostro subjicientur, & ex Observationibus eum instituendis corrigentur; . . . Hoc in 24 Cometis (quorum scilicet habentur loca ab Astronomis observata) hætenus à D. Halleio factum esse audio &c. Quod à Clariss. Halleio præstitum audierat Gregorius illud idem in Transectionibus Philosophicis an. 1705 N^o. 297 invenimus & ad calcem Astronomiæ Gregorianæ Addidimus tanquam Appendicem non utilem tantum sed prope necessariam ad ea qua habet Autor noster de Cometis. Inveniet Lector in quærcio illo opusculo quicquid 24 Cometarum supra dictorum*

Theoriam spectat ita accurate expressum in Tabulis summa cum diligentia ab Autore Halleio computatis & elaboratis, ut earum ope facile sit cuivis rerum mathematicarum non profusus ignaro, Cometarum vias seu Trajectorias graphice delineare, eorum Periodos prater propter determinare, locaque ad datum tempus quantum per rei obscuritatem licet designare. Et sane quod graphicam Orbitalium Cometis 24 supradictis propriarum delineationem spectat, ope Tabularum Clariss. Hallei, extat ampla systematis Solaris Mappa à V. Clariss. Wistono descripta, in qua non solum Planetarum, sed etiam Cometarum illorum cursus accurate expressit secutus in describendis Cometarum Trajectoriis easdem Tabulas de quibus supra. Quum vero ea Mappa nominibus & explicationibus Anglica lingua conscriptis referta esset, a viris quibusdam eruditis Mappa eadem in publicum data est, cum nominibus Gallice redditis, explicationesque separatim Gallice quoque edita sunt, Quae omnia inveniuntur in libro cui titulus Memoires Historiques & Critiques du Samedi XXVIII Fevrier 1722 Opusculi vero titulus est, Carte du Systeme solaire contenant les Orbites des Planetes & des Cometes suivant le Systeme du Chevalier Newton par Mr. Guilh. Wiston M^e. ès Arts.

LIBER SEXTUS.

De Libro sexto vix necesse est quicquam dicere. Decem omnino Propositionibus Constat in quibus Phænomena ex Planetarum motibus orta explicantur, si oculus supponatur 1^o. in Sole. 2^o. in Mercurio. 3^o. in Venere. 4^o. in Marte. 5^o. in Iove. 6^o. in Saturno. 7^o. in aliquo Cometa. 8^o. in Luna nostra. Hac habentur in Octo prioribus Propositionibus. Propositione vero nona describuntur precipua Telluris Phænomena si ex Luna conspiciantur.

P R Æ F A T I O. LIII.

tur. Ac denique Propositione decima Phænomena præcipua ex aliquo Satellitum Iovis aut Saturni visa explicantur.

C. Huart. M. & P. S.



ADDITIO.

ADDITIO.

Quoniam nonnulli desiderarunt ut de Anomaliis aliquid dicerem, sive in Hypothesi Circulari, sive in Hypothesi Elliptica, ideo breviter eas, adjunctis figuris, exponere pro virili conabor.

HYPOTHESIS CIRCULARIS.

Describatur (Fig. 3.) Circulus $\Psi \text{ } \overline{\text{D}} \text{ } \underline{\text{X}}$ representans Eclipticam usque ad Primum Mobile protensam, cujus centrum T à Tellure occupetur. Ducantur amba Diametri $\Psi \text{ } \underline{\text{D}}$, $\overline{\text{D}} \text{ } \underline{\text{X}}$, se interfecantes invicem ad angulos rectos in centro T , habebunturque puncta Equinoctiorum, Ψ , $\underline{\text{D}}$, & Solstitiorum $\overline{\text{D}}$, X , sumatur jam arcus $\Psi \text{ } \overline{\text{D}} \text{ } \text{Q}$ aequalis longitudini Apogei ab Ψ , & ex puncto Q per centrum T , ducatur linea QTR , qua erit positis linea Augium seu Apsidum, in qua sumpto puncto C ad arbitrium, quod non adeo à puncto T remotum sit, describatur è puncto C tanquam centro excentrici & radio quovis CA excentricus AHPG , ducaturque per centrum C recta HCG parallela lineae $\underline{\text{D}} \text{ } \underline{\text{T}}$ Ψ , & puncta H , G , representabunt puncta Equinoctialia in excentrico. His positis, Radius AC supponatur 100000 partium & TC excentricitas 3600 earundem partium juxta Keplerum, vel 3338 juxta Calculum & Observationes D. de Louville. Apogaeum erit in A . Perigaeum in P . Sol in hac Hypothesi movetur aequaliter in excentrico GAHP secundum ordinem signorum (quod dicendum erit de Tellure, mutatis mutandis, in Hypothesi Terra mota.) Igitur si Sol supponatur esse in E , ductis lineis CE , TE , erit Angulus ACE Anomalia media, Angulus ATE Anomalia coaequata & angulus CET erit Prosthapheresis seu aequatio centri, qui quidem angulus aequalis est differentia angulorum ACE Anomalia media,

P R Æ F A T I O. LV.

media, & ΔTE Anomalia coequata ut patebit si ducatur C D parallela ipsi FG . Cæterum in Triangulo CTE data sunt latera EC , 100000, radius excentrici; CT excentricitas 3600; & angulus comprehensus ECT reliquus nempe anguli ACE Motus Medii ad duos rectos; qua propter Prosthaphæresis CET non latebit, qua subtrahenda eris ab Anomalia Media in primo Anomalia semicirculo AEP , ut Anomalia coequata ATE habeatur. Simili modo solvetur aliud quodcumque triangulum Anomalia Media data conveniens. Sufficiet autem ad Tabulam Prosthaphæresium condendam, invenire Prosthaphæreses pro singulis gradibus primi semi-circuli Anomalia Media. Eadem enim Equationes Centri seu Prosthaphæreses obtinent in altero Anomalia semi-circulo sed observandum est Prosthaphæresim in eo semi-circulo (qualis est angulus CFT) addendam esse Anomalia Media ad habendam Coequatam; nam angulus PTF qui cum semi-circulo AEP mensura est Anomalia coequata, major est angulo PCF , qui cum eodem semi-circulo AEP , mensura est Anomalia media, Sole in F existente.

HYPOTHESIS ELLIPTICA.

Sit Ellipsis $AIPR$ Solis Orbita in Hypothesi Terra quiescentis aut immotæ, cujus centrum O , dupla excentricitas seu distantia Focorum TF partium 333830, quales semi-axis major vel Radius Circuli circumscripti OA vel OQ est 1000000 itaque excentricitas simplex OT 166915 (sequor Calculum D. de Louville) AP linea Apsidum; AT maxima distantia Solis in Apogæo A 10166915; minima 9833085. Semi-axis minor 9998607. His positis, si Sol sit in S , & Terræ in T , Tempus ipsum quo labente Sol pervenit ab Apogæo A ad punctum S describens arcum AS , eris Anomalia Media, quæ quæ Area Elliptica AST eandem rationem habeat ad Arcum totius Ellipsis, quam Tempus quo decurrente Sol descripsit

cripsit arcum $A S$, habet ad totum Tempus Periodicum, quo fluente Sol totam peragrat Orbitam, Area quoque illa Elliptica $A S T$ censbitur esse Anomalia Media, quæ semper data est, quum sis semper Tempori proportionalis. Sed Angulus $A T S$ erit Anomalia Coaxuata seu vera, & vocabitur etiam angulus ad Terram si Terra sit T , vel angulus ad solem si Sol sit in T . Quæritur ut data Anomalia Media seu Area Elliptica $A S T$, inveniatur angulus $A T S$. En celeberrimum illud Kepleri Problema de quo supra verba fecimus. Porro si per punctum S , in quo Sol esse supponitur, ducatur recta $B S C$ ad lineam $A P$ perpendicularis in C , linea illa recta $B C$, arcum designabit $A B$ in Circulo circumscripto, similem arcui Elliptico $A S$: Neque enim alio modo dividitur Ellipsis, ut $A B P$, in apparentias graduum aut partium aequalium, quam per Ordinatæ quæ ex partibus aut gradibus aequalibus in Circulo circumscripto sumptis, ducuntur perpendiculariter ad Ellipseos axem majorem. Deinde si ex centro O ducantur ad puncta B & S rectæ $O B$, $O S$, & ex Foco T ad B , linea recta $T B$, Area $A B T$ in circulo representabit quoque Anomaliæ mediam, quippe quæ sit etiam Tempori proportionalis; & perinde erit si solvatur Problema Keplerianum in Circulo, aut si solvatur in Ellipsi. Sed angulus in centro $A O B$ erit Anomalia excentri. Triangulum $B O T$ vocatur apud Keplerum Triangulum Equatorium, quod si addatur illud triangulum computatum in partibus quales sunt 360 in tota area Circuli circumscripti, si inquam addatur illud triangulum cum area Sectoris circularis $A O B$, habebitur tota area $A B T$, quæ divisa per certum quemdam numerum, exurget in gradibus Circuli circumscripti Motus medius ab Apogæo seu Anomalia media. Similiter, si (quod minime necessarium est) Triangulum aliud Equatorium $O S T$, addatur Sectori Elliptico $A S O$, habebitur area Elliptica $A S T$, quæ si computata fuerit in partibus, quales sunt 360 in Circulo æquali Ellipsi, & divisa fuerit per certum quemdam numerum, dabitur arcus in isto circula.

P R Æ F A T I O. LVII.

circulo aqualis Anomalia media per gradus & scrupula expressa. Keplerus duas partes constituēbat *Æquattonis*, unam *Physicam*, nempe aream trianguli $BO\tau$ in circulo, vel aream trianguli OST in Ellipsi: alteram *Opticam* appellabat, nempe angulum $OB\tau$ in Circulo, vel angulum OST in Ellipsi, & quia illa dua partes reperiuntur in eodem triangulo $BO\tau$, vel OST , ideo illa triangula *Æquatoria* vocabat. Caterum ad Componendam Tabulam *Anomaliarum*, sequentem methodum adhibere solitus erat. 1^o. ex data excentricitate OT , & *Anomalia* excentri AOB quarebat *Anomalia* mediam expressam in gradibus Circuli circumscripti, & etiam distantiam TS . 2^o. ex data excentricitate OT , *Anomalia* excentri AOB , & distantia TS , quarebat *Anomalia* coquatam, seu angulum ATS ad Solem, qui hic est angulus ad Terram. *Prosthaphæresis*, qua & *æquatio* Centri dicitur, est differentia inter *Anomalia* mediam prius inventam, & inter *Anomalia* coquatam. Totius rei Cardo in eo vertitur, ut exprimatur *Anomalia* media in gradibus & scrupulis Circuli circumscripti, quod quidem fiet si area data $AB\tau$ *Anomalia* media, cujus apex est in Foco τ , convertatur in sectorem aequalem ejusdem circuli, cujus apex sit in centro ipso O , tunc enim tandem diviso illo sectore per certum quemdam numerum, habebitur *Anomalia* media expressa in gradibus & scrupulis Circuli ejusdem, quo fiet ut tunc facile illa cum Angulo ad Solem vel ad Terram ATS comparari queat, imo vero ne hoc quidem necessarium est, sufficietque Triangulum *Æquatorium* $BO\tau$ converti in Sectorem aequalem Circuli ABP , cujus Sectoris Apex sit aut intelligatur esse in Centro O . Nam si angulus hujusce Sectoris per Calculum innotuerit, & additus fuerit *Anomalia* excentri data ACB , habebitur *Anomalia* media expressa in Gradibus & scrupulis Circuli circumscripti ABP . Pates ergo ex data *Anomalia* excentri & excentricitate facile cætera haberi posse. Sed non pari facilitate *Anomalia* coquata seu Angulus ad Solem vel ad Terram ATS ex datis excentricita-

se & Anomalia media obtineri poterit. Quamobrem sic ait Keplerus (Epit. Astron. Copern. pag. 695.) „Hic via directa nulla est sed adhibenda est ei qui hoc sine tabulis vult computare, regula Positionum: Ponendo scilicet Anomaliā Excentri (A B Fig. 4.) tantam vel tantam, eique sic sumpta comparando suam Anomaliā Mediam (A B T) Nam si ea tanta prodit, quanta proposita fuit, bene erit posita Anomalia excentri (A B) at si non tanta prodit, ex eo quod prodit emendanda erit Positio, laborque repetendus.

Quod si Anomalia congnata $\angle T S$ data fuerit & excentricitas $O T$ & quaratur Anomalia Excentri $\angle O B$; Reliquis ut in figura 4 manentibus, ducatur ex altero Foco F ad S , recta $F S$, tuncque in triangulo $T F S$ tria cognita erunt, nempe 1°. summa duorum laterum $F S$ & $T S$ quæ ambo simul aequalia sunt axi majori $A P$: 2°. latus $F T$ duplex excentricitas: 3°. angulus datus ad Solem vel ad Terram $\angle T F$. Ad solvendum hoc triangulum, producat $T S$ in K , ita ut $S K$ sit aequalis ipsi $S F$ & ducatur $K F$. Iam in triangulo $K F T$ cognitis lateribus, $F T$ quod aequale est duplici excentricitati, & $K T$ quod aequale axi majori, & Angulo Comprehensio $\angle K T F$, cetera cognoscantur; nempe Angulus in K , & latus $K F$, in quod ex puncto S demittatur perpendicularis $S M$, illa secabit $K T$ in duas partes aequales, ob triangulum Isosceles $K S F$. Itaque in triangulo $K S M$ rectangulo in M , omnes anguli cogniti erunt, & latus $K M$ erit etiam Cognitum, utpote dimidium inventi $K F$ igitur cognoscetur & linea $K S$, quæ subtrahatur a linea $K T$ aequalis Axi majori, supereritque distantia $S T$ cognita. Igitur in triangulo $S C T$ rectangulo in C omnes anguli cogniti sunt & distantia quoque $S T$ mox inventa, cognoscetur ergo latus $S C$, atqui ex natura Ellipsis ut $O I$, ad $O Q$; ita $C S$, ad $C B$, sed $C B$ est sinus Anomalia excentri, ergo & illa cognita quoque erit.

Sed quares fortassis quispiam qua ratione triangulum aliquid

quod v. g. triangulum *Aequatorium* B O T, transformari queat in *sectorum* aequalum qui pertineat ad Circulum A Q R, quique apicem haberet in centro O ejusdem Circuli. Ergo quomodo id fieri posse intelligam paucis declarabo.

1°. Dividatur tota circuli circumferentia in scrupula secunda inveniantur que esse in toto Circulo 1296000°.

2°. Quia ratio accuratissima diametri ad Circumferentiam est ut 10000000 ad 31415926, & quia ut 10000000, 31415926 :: ita 20000000 ad 62831852, ideo Radius erit ad circumferentiam ut 10000000 ad 62831852. Si ergo multiplicetur 62831852 per dimidium Radii 5000000, habebitur area totius circuli 314159260000000.

3°. Quia sunt in Peripheria totius circuli 1296000°, tota area 314159260000000 tot parvulos sectores continebit, quot sunt scrupula secunda in tota Peripheria; id est, parvulos sectores continebit 1296000, quorum angulus in centro erit unius scrupuli secundi. Ut ergo unius cujusque sectoris scrupuli secundi area habeatur, dicatur: Si 1296000 parvuli Sectors unius scrupuli secundi dant arcem 314159260000000: quam dabit arcem unus sector hujusmodi. Divisione facta habetur 242406836 pro area sectoris unius scrupuli secundi.

4°. Fingamus igitur arcem Trianguli *Aequatorii* B O T inventam esse juxta regulas communes que in Trigonometria aut Geometria traduntur, supponendo semper sinum totum 10000000 partium; (id enim observandum, ut Calculus supra institutus locum habeat) Tuncque dicatur: Si 242406836 dat arcem sectoris unius scrupuli: area trianguli B O T, quot dabit sectores unius scrupuli secundi? aut quot dabit scrupula secunda? Si illa scrupula secunda inventa, addantur Anomalia excentri A B, habebitur Anomalia Media expressa in gradibus & scrupulis Circuli circumscripti.

En qua ratione (posita quadratura circuli) Anomalia me-

dia possit reduci ad gradus & scrupula expressa in Peripheria circuli circumscripti, si modo data sit Anomalia excentri $\Lambda O B$, & excentricitas $O T$, & inventa fuerit area Trianguli Aequatorii, in quo semper queri debet distantia $T B$, & angulus $T B O$, tunc enim producto Radio $B O$ in L & demissa ex puncto T perpendiculari $T L$ in Radium productum, fiat ut sinus totus ad distantiam $T B$; ita sinus anguli $T B O$, ad perpendicularem $T L$. Si inventa illa perpendicularis multiplicetur per dimidium radii $B O$, habebitur Area trianguli $B O T$, qua transformabitur in Sectorem Circuli Circumscripti per praecedentem methodum.

Supereft nunc ut doceam qua ratione Sectoris $\Lambda O B$ in centro O , Area haberi queat. Id enim maxime utile est praesertim ad habendam quadraturam Sectoris Elliptici veluti Sectoris $\Lambda S O$, aut Sectoris $\Lambda S T$, praeterquam quod per praecedentem methodum comparantur sectores Circuli cum gradibus linearibus, quod non satis elegans videri potest. Sit itaque Angulus $\Lambda O B$, vel ejus mensura arcus ΛB graduum 55 , si-ve minorum secundorum 198000 . 1° . quarendus est ille arcus in partibus quarum 10000000 sunt in radio & quarum 62831852 sunt in tota Peripheria. Fiat igitur ut 1296000° numerus scrupulorum secundorum qui sunt in tota Peripheria ad 62831852 ; ita 198000° , numerus scrupulorum secundorum qui sunt in arcu ΛB 55° . ad quartum numerum, qui subductis calculis invenietur 9599310 . Hec est longitudo arcus ΛB in partibus Radii. 2° . Multiplicetur 9599310 per dimidium Radii 5000000 . Invenieturque Area sectoris $\Lambda B O$ 47996550000000 . Iam vero periculum faciendum est num Divisor supra invenius 242406836 sit legitimus, si enim recte positus fuit, divisa Area sectoris $\Lambda B O$ per divisorem illum, debet exire circiter 198000° sed divisione facta exsurgit numerus 197999° $\frac{238874836}{242406836}$ qui numerus nihil pene differt à numero 198000° , ergo divisor supradictus valet.

P R Æ F A T I O. LXI.

Et. Si tamen aliquid accuratius desideretur, debet tota Circumferentia dividi in scrupula tertia, & tunc alius divisor minor habebitur, quamvis Calculis Astronomicis Divisor supra inventus sufficiat.

Nunc opera pretium est docere etiam qua ratione posita quadratura ellipsis & circuli possit inveniri area sectoris elliptici, v. g. sectoris $A S T$, in quo quidem nulla difficultas erit, si consideretur 1°. Arcam totius circuli circumscripti $A Q P N$ esse ad Arcam ellipsis $A I P R$ ut $Q O$ ad $I O$, vel, ut axis major ad minorem. 2°. Arcam circularem $A B T$ esse ad arcam ellipticam $A S T$ ut $B C$, ad $S C$, vel ut $Q O$ ad $I O$. Itaque his positis.

1°. Fiat ut major semi-axi $Q O$ 10000000, ad minorem $I O$ 9998607:: ita area sectoris circuli $A B O$ 47996550000000 ad arcam sectoris elliptici $A S O$ 47989864080585. (nam sectorem tantum $A S O$ exempli gratia Calculo subijcio.)

2°. Fiat ut 10000000 ($Q O$) ad 9998607 ($I O$) ita area totius circuli 314159260000000, ad arcam totius ellipsis 314115497605082.

3°. Supponatur circulus cujus area aequalis sit ellipsis area. Talis esset circulus cujus Radius medius geometricæ proportionalis foret inter semi-axem majorem & minorem, voceturque brevisatis causa circulus medius. In eo sumuntur mensura sectorum ellipticorum. Hoc posito tot sunt parvuli sectores unius scrupuli secundi in ellipsi vel in circulo illo medio cujus area est aequalis area ellipsis $A I P R$, quot sunt scrupula secunda in ejusdem circuli circumferentia, nempe sunt in eo 1296000 sectores, quorum unius cujusque angulus in centro est unius scrupuli secundi. Itaque ut unius scrupuli secundi area habeatur, dicatur: si 1296000 sectores unius scrupuli secundi dant arcam supradictam 314115497605082:: quam dabit arcam unus sector hujusmodi? divisione facta habetur 242373062. pro area sectoris unius scrupuli secundi in Circulo medio vel in Ellipsi.

4°. Di-

4°. Dicatur igitur: si 242373069 dat aream sectoris unius scrupuli secundi in Circulo medio; area sectoris elliptici $\Lambda S O$ supra inventa 47989864080585 quot dabit sectores ellipticos huiusmodi, aut quot dabit scrupula secunda in eodem Circulo medio? divisione facta inveniuntur 197999'
 $\frac{238791614}{242373069}$ quæ pene nihil distans ab Anomalia excentri quam supposuimus esse 55 grad. vel 198000". Cætera ut facilia omitto.

Sed ne quidpiam deesse nostris calculis videatur, computemus duo triangula QTO , & ITO , vel Anomaliæ Mediæ ΛQT in circulo circumscripto, & Anomaliæ eandem Mediæ ΛIT in Ellipsi, posito Sole in Media Distantia IT , id est, in puncto I . Quaramusque in hoc casu Triangulum $\Lambda Equatorium QTO$ in circulo, & Triang. ITO in Ellipsi.

Et primum quidem in circulo. Multiplicetur OT Excentricitas simplex 166915 per dimidium radii OQ ; videlicet per 5000000, habebiturque area Trianguli QTO , 834575000000, quæ si dividatur per divisorem supra inventum pro circulo, nempe per 242406836, reperientur 3442" seu 57', 22", pro Triangulo QTO , quod additum cum Anomalia Excentri ΛQO 90°. dabit 90°, 57' 22", pro Anomalia Mediæ ΛQT in circulo circumscripto.

Hæc eadem Anomalia Mediæ inveniri debet in Ellipsi, in qua Anomalia Excentri ΛIO est quoque 90°. Quod ut pateat, multiplicetur OT Excentricitas 166915, per dimidium semi-axis minoris 9998607, scilicet per 4999303 $\frac{1}{2}$, habebitur Area Trianguli ITO 834458743702, quæ divisa per superius inventum divisorem pro Ellipsi, videlicet per 242373069, inveniuntur 3442", sive 57' 22", omnino ut in circulo, &c. Quapropter habetur methodus, per quam (data aut concessa circuli & Ellipsis Quadratura) qualibet utriusvis portio, seu area inveniri facile potest, & dividi in partes.

P R Æ F A T I O. LXIII.

tes, quarum una quæque æqualis est area sectoris scrupuli unius secundi, sive in circulo circumscripto, sive in Ellipsi inscripta, dummodo cognita sit, præter excentricitatem, Anomalia Excentri, vel Anomalia Coæquata. De cætero, in triangulo I T O, invenietur angulus O I T $57^{\circ} 39'$, & proinde angulus I T O $89^{\circ} 2' 21''$. Sed Anomalia Media inventa est $90^{\circ} 57' 22''$, igitur si ab ea subtrahatur Anomalia Coæquata $89^{\circ} 2' 21''$, reliquum $1^{\circ} 55' 1''$, erit Prostaphæresis seu Equatio centri. Sed hæc sufficiant.



INDEX

LIBRORUM SECTIONUM & PROPOSITIONUM.

LIBER PRIMUS DEMUNDI SYSTEMATE.

SECTIO I. De Ordine, Distantiis, & Periodis Planetarum primariorum circa Solem gyrantium, & Phenomenis insignioribus inde ortis. Pag. 1.

Propositio I. Ordinem & motuum Periodos Planetarum primariorum circa Solem, & eorum à Sole Distantias, quidque de Cometis & Stellis Fixis sentiendum sit, generatim exponere. *Tab. I. fig. 1.* ibid.

Proposit. II. Phænomena, à supra descriptis Solis situ & Telluris motu orta describere. *Tab. I. fig. 2.* 3.

Proposit. III. Phænomena Planetarum è Sole visorum, quatenus in Orbitis moventur, quarum plana ad planum Eclipticæ sunt inclinata, describere. *Tab. I. fig. 3.* 5.

Proposit. IV. Phænomena, à Telluris & inferiorum Planetarum, Veneris & Mercurii, motu orta, è Tellure visa describere. *T. I. fig. 4.* 6.

Proposit. V. Phænomena Latitudinis inferiorum Planetarum, è Tellure visorum, describere. *Tab. II. fig. 1.* 8.

Proposit. VI. Phænomena Planetarum inferiorum, quatenus sunt corpora Sphærica, Opaca & à Sole illuminata, exponere. *T. II. fig. 2.* 9.

Proposit. VII. Phænomena à Telluris & superiorum Planetarum, Martis, Iovis & Saturni, motu orta describere. *T. II. fig. 4.* 11.

Proposit. VIII. Phænomena Latitudinis superiorum Planetarum, è Tellure visorum, describere. *Tab. II. fig. 5.* 12.

Proposit. IX. Phænomena Planetarum superiorum, quatenus sunt corpora Opaca, à Sole illuminata, exponere. *Tab. II. fig. 6.* 13.

Proposit. X. Phænomena motus Cometarum è Tellure visa describere. 14.

SECTIO II. De Directione Virium, quibus Planeta primarii in Orbibus suis retinentur. 16.

Proposit. XI. Si Corpus secundum Directionem datæ positione rectæ lineæ *a z* moveatur, & simul urgeatur à Vi Centripeta tendente ad datum punctum immotum *s*, extra predictam rectam situm; Linea à Corpore descripta Curva est, versus *s* Cava, tota in Immoto Plano per rectam *a z* & punctum *s* transeunte constituta, Et Area sub hujus Curvæ portionibus quibus

INDEX LIBROR. SECTION. ET PROPOSIT. LXV.

- quibusvis, & rectis ad centrum s ductis, comprehensæ eandem habent inter se rationem, quam Tempora, quibus dictæ Curvæ portiones à Corpore describuntur. *Tab. III. fig. 1* Pag. 16.
- Proposit. XII.* Corpus motum in Linea Curva A B C D, in Plano descripta, versus easdem partes Cava, &, radio ad s punctum immotum in eodem plano versus Curvæ cavitatem positum ducto, describens areas Temporibus proportionales, urgetur à Vi Centripeta tendente ad istud punctum s. *Tab. III fig. 2.* 18.
- Proposit. XIII.* Vires, quibus Planetæ Primarii, Mercurius, Venus, Mars, Jupiter, & Saturnus, à motibus rectilineis retrahuntur, & in orbitis suis retinentur, non tendunt versus Terram, sed versus Solem. 19.
- Proposit. XIV.* Vires quibus Cometæ in Trajectoriis suis (si hæ sint Curvilineæ) retinentur, non tendunt versus Terram, sed versus Solem. 20.

SECTIO III. De Ordine, Distantiis & Periodis Planetarum secundariorum circa primarios revolvendum, & horum Phenomenis; deque Directione Fritium, quibus isti in Orbitis suis retinentur. 21.

- Proposit. XV.* Ordinem & motum Periodos Planetarum secundariorum, sive Satellitum circa proprios Primarios, & illorum ab hisce Distantias exponere. *Tab. III. fig. 3.* ibid.
- Proposit. XVI.* Phænomena Lunæ è Terra visæ, quatenus est corpus Sphæricum à Sole illuminatum, exponere. *T IV fig. 1.* 22.
- Proposit. XVII.* Ad datum Tempus Lunæ Phasem delineare. *Tab. IV. fig. 2.* 23.
- Proposit. XVIII.* Phænomena Lunæ ex Opacitate Telluris Umbra projicientis orta. sive Lunæ Eclipsin exponere. *T. IV. fig. 4.* 27.
- Proposit. XIX.* Phænomena Solis è Terra visæ, ex Opacitate Lunæ orta, sive Solis Eclipsin exponere. *Tab. V. fig. 5.* 30.
- Proposit. XX.* Quivis è Planetis Secundariis, Prop. XV. enumeratis, urgetur à Vi composita ex Vi Centripeta tendente ad centrum Primarii, circa quem revolvitur, & ex Vi omni acceleratrice, quâ Primarius urgetur. Et igitur Vires, quibus dicti Satellites in Orbitis circum suos Primarios retinentur, tendunt versus suorum Primariorum centra respective. 33.

SECTIO IV. De Periodis Planetarum Primariorum circa Solem, ut & Secundariorum circa suum Primarium respectivum, inter se collatis, & eorundem Distantiis etiam inter se collatis; harumque mutua habitudine, ejusque rationis & causis. 35.

- Proposit. XXI.* Planetarum Secundariorum circa Primarium quemvis.

LXVI. INDEX LIBRORUM SECTIONUM.

vis revolvendum ita attemperatur Motus, ut Quadrata Temporum Periodicorum in eadem sint ratione cum Cubis Distantiarum eorundem à centro Primarii. Pag. 35.

Proposit. XXII. Planetarum sex primariorum Motus circa Solem ita attemperatur, ut Quadrata Temporum Periodicorum in eadem sint ratione cum Cubis Distantiarum eorundem à Sole. 36.

Proposit. XXIII. Spatia, quæ corpus, urgente quâcunque Virginità, describit, (sive Vis illa determinata & immutabilis sit, sive eadem continuo augeatur, vel continuo diminuatur,) sunt, ipso motus initio, in duplicata ratione Temporum. *T.V. fig. 7.* 37.

Proposit. XXIV. Subtensa nascens vel evanescens anguli contactus, in circulo quovis, est in ratione duplicata arcus contermini. *Tab. VI. fig. 1.* 38.

Proposit. XXV. Corpora, quæ diversos circulos æquabili motu describunt, urgentur à Viribus Centripetis ad centra eorundem circulorum tendentibus. Et Vires hæ sunt inter se sicut arcuum simul descriptorum Quadrata applicata ad circulorum radios. Quæ etiam vera erunt de Viribus Centrifugis corporum, ut dictum est, motorum. *Tab. VI. fig. 3.* 39.

Proposit. XXVI. Iisdem positis, dico Vires Centripetæ esse reciproce ut Quadrata Temporum periodicorum applicata ad radios circulorum; sive Vires illas esse in ratione composita ex ratione simplici Radiorum directe, & ratione duplicata Temporum periodicorum inverse. Idemque verum erit de Viribus Centrifugis prædictorum corporum. *Tab. VI. fig. 3.* 42.

Proposit. XXVII. Iisdem positis, si ita gyrentur corpora, ut Quadrata Temporum periodicorum eandem habeant rationem cum Cubis radiorum, Vires Centripetæ sunt reciproce ut Quadrata radiorum: Corporum autem Celeritates reciproce in subduplicata ratione radiorum; & vice versa. 44.

Proposit. XXVIII. Vires, quibus Planetæ Primarii perpetuo retrahuntur à motibus rectilineis, & in Orbitis suis retinentur, sunt reciproce ut Quadrata Distantiarum à Solis centro, quod respiciunt. 46.

Proposit. XXIX. Vires, quibus Planetæ Secundarii in Orbitis suis retinentur, sunt reciproce ut Quadrata Distantiarum à centro sui respectivi Primarii, quod hæ Vires respiciunt. 47.

SECTIO. V. De Planetarum Primariorum motu circa proprios axes, & Phenomenis hinc ortis. 48.

Proposit. XXX. Corporum Mundanorum Motus circa proprios Axes 48.

ET PROPOSITIONUM.

LXVIII.

Axes positione daros, horumque Periodos, exponere. Pag. 48.
Propos. XXXI. Solis & Planerarum, circa proprios axes rotatorum, figuram describere. 50.

Propos. XXXII. Phænomena orta ex Motu Telluris Diurno circa axem, è Tellure visa, exponere. 51.

Propos. XXXIII. Phænomena Solis è Tellure visa, orta ex Telluris Motu Diurno circa suum Axem, simul & annuo circa Solem; sive Diei & noctis vicissitudinem, harumque in diversis Terræ locis Annique Tempestatibus diversitatem. exponere. T. VI. fig. 4. 53

SECTIO VI. De Planetarum & Cometarum Orbitis, harumque figura; deque Virum Lege requisita, ut illi, in ejusmodi Orbitis moveantur. 58

Propos. XXXIV. Quilibet Planeta Primarius describit perimetrum Ellipsis, in cujus Umbilicorum altero est Sol. T. VII. fig. 1. ibid.

Propos. XXXV. Quilibet Cometa movetur in Sectione Conica, cujus umbilicorum alter est Sol. Tab. VII. fig. 2. 60.

Propos. XXXVI. Planeta quivis secundarius circa suum Primarium revolvitur in perimetro Ellipsis, in cujus umbilicorum altero est centrum Primarii. 62.

Propos. XXXVII. Si corpus secundum directionem rectæ cujusvis projiciatur, & simul urgeatur a vi Centripeta tendente ad Centrum s, ita ut motu ex hisce duobus composito, describar curvam A P p; hanc vero tangat in puncto quovis r recta z r, & à puncto v, ipsi r proximo, ducatur v d recta s r normalis, & v a eadem s r parallela; similisque fiat constructio ad aliud quodvis curvæ punctum p. Dico Vim centripetam in P esse ad Vim centripetam in p, sicut $\frac{S p q \times b d q}{b r}$ ad $\frac{S P q \times B D q}{B R}$ sive Vim centripetam in P esse reciproce ut solidum $\frac{S P q \times B D q}{B R}$, ubi figura P R B D est indefinite parva Tab. VII. fig. 3. 63.

Propos. XXXVIII. Si Ellipsin A P I, cujus foci s & F, tangat recta z r a in puncto quovis r, & huic per centrum c ducatur parallela diameter i k; rectæ s r, focorum alterutrum (ut s) & contactus punctum jungentis, portio e r interdictas parallelas intersecta, æqualis est Ellipsis semiaxi majori C A. Tab VII. fig. 4. 65

Propos. XXXIX. Revolvatur Corpus in Ellipsi; quæritur Lex Vis centripetæ tendentis ad Focum Ellipsis. Tab. VII. fig. 5. 66.

Propos. XL. Si corpora plura revolvantur circa centrum commune, & Vis centripeta sit reciproce ut Quadratum distantie a centro; k 3

tiq;

LXVIII. INDEX LIBRORUM SECTIONUM

tro ; dico quod Quadrata Temporum periodicorum in Ellipsis sunt ut Cubi transversorum axium. *Tab. VIII. fig. 4.* Pag. 71.

Proposit. XLI. Manente eadem Lege Vis centripetæ; dico quod corporum, circa Commune centrum revolventium, Velocitates in quibus vis punctis sunt inter se in ratione composita ex ratione subduplicata laterum rectorum principalium, pertinentium ab Lineas quas describunt, & ratione inversa perpendicularium a Comuni centro demissorum in rectas tangentes ad puncta ubi versantur corpora. *Tab. VIII. fig. 5.* 73.

Proposit. XLII. Planetæ primarii & Cometæ hac lege circa solem moventur, ut motus cujuslibet ex illis componatur ex æquabili secundum rectam tangentem Orbitam, & altero ad solis centrum tendente, in quo Vis acceleratrix est quadrato distantie à dicto centro reciproce proportionalis. 76.

Proposit. XLIII. Orbium Planetariorum Nodi & Apfides quiescunt. 77.

Proposit. XLIV. Planetæ & Cometæ in Cœlis quam liberrime moventur; & proinde eorum motus diutissime conservari potest. 78.

Proposit. XLV. Planetæ secundarii circa Primarios suos hac lege moventur, ut, præter Vim omnem acceleratricem quâ primarius urgetur, motus cujuslibet ex illis componatur ex æquabili secundum rectam Orbitam tangentem, & altero ad Primarii centrum tendente, in quo vis acceleratrix est quadrato distantie à centro reciproce proportionalis. 79.

SECTIO VII. *Planeta & Cometa in Orbitis suis retinentur per Gravitatem, eadem lege per Universum Systema Solare propagantur.* 80.

Proposit. XLVI. Vis, qua Luna ad Terræ centrum tendit, quæque in Orbita sua retinetur, eadem est cum vi Gravitatis, qua corpora terrestria quævis ad idem centrum tendunt. *Tab. IX. fig. 1.* ibid.

Proposit. XLVII. Planetæ secundarii Iovis gravitant in Jovem, satellites Saturni in Saturnum, & Planetæ primarii & secundarii graves sunt in Solem; omnesque vi Gravitatis suæ retrahuntur à motibus rectilineis, & in Orbitis suis retinentur. 83.

Proposit. XLVIII. Virtutis omnis à Centro, vel ad centrum, in lineis rectis undique per Regiones in circuitu propagatæ Vis, sive efficacia, in diversis locis est quadrato distantie loci à centro reciproce proportionalis. *Tab. IX. fig. 3.* 85.

Proposit.

Proposit. XLIX. Gravitates acceleratrices versus diversa corpora, in paribus distantis, sunt ut ipsa corpora versus quæ sunt, *Tab. IX. fig. 4.* Pag. 85.

SECTIO VIII. De Motu Corporum se mutuo attrahentium, huiusque symptomatibus; quæ omnia ad systema Solis & Planetarum primariorum applicantur. 88.

Proposit. L. Corpora duo se invicem trahentia, & circum se invicem revoluta, describunt & circum se mutuo, & circum commune centrum gravitatis, figuras similes. *Tab. IX. fig. 5. ibid.*

Proposit. LI. Si corpora duo s & r viribus quibusvis se mutuo trahant, & interea revolvantur circa gravitatis centrum commune c ; dico figuris quas corpora sic mota describunt circum se mutuo, posse figuram similem & æqualem circum corpus alterutrum immotum, viribus iisdem, describi. *Tab. IX. fig. 6.* 89.

Proposit. LII. Si corpora duo viribus quibusvis se mutuo trahentia circa se mutuo revolvantur, motus eorum iidem erunt, ac si non traherent se mutuo, sed utrumque a corpore tertio, in communi Gravitatis centro constituto, viribus iisdem traheretur. Et virium trahentium eadem erit Lex respectu distantiarum corporum a centro illo communi, atque respectu distantiarum totius inter corpora. *Tab. IX. fig. 5.* 91.

Proposit. LIII. Corporum duorum s & p , circa commune gravitatis centrum c revolventium, tempus periodicum est ad tempus periodicum corporis alterutrius P circa alterum immotum s (viribus iisdem trahens) gyantis, in subduplicata ratione corporis s ad aggregatum corporum s & r . *Tab. IX. fig. 7.* 92.

Proposit. LIV. Si Corpora duo s & r , viribus quadrato distantiarum suarum reciproce proportionalibus, se mutuo trahentia revolvantur circa gravitatis centrum commune; dico quod Ellipsis, quam corpus alterutrum r hoc motu circa alterum s describit, (modo Prop. 1. descripto,) axis major erit ad axem majorem Ellipsis, quam corpus idem r circa alterum s quiescens, (ut Prop. L 1.) eodem tempore periodico describere posset, in subtriplicata ratione summæ corporum s & r ad corpus quiescens s . *Tab. IX. fig. 7.* 93.

Proposit. LV. Manente eadem attractionis lege, dico corporis r Orbitam r a propius accedere ad Ellipsin, cujus focus est c commune centrum gravitatis corporum s & r , quam ad Ellipsin,

LXX. INDEX LIBRORUM SECTIONUM

fin, cujus focus est centrum ipsius s; & quod areae radiis ad τ ductis descriptæ sunt temporibus majis proportionales, quam areae radiis ad centrum ipsius s ductis descriptæ. *Tab. IX. fig. 8.* Pag. 94.

Proposit. LVI. Positis iisdem attractionum legibus, dico corpus exterius τ circa interiorum s & m commune gravitatis centrum c, radiis ad centrum illud ductis, describere areas temporibus magis proportionales; & orbem ad formam Ellipsis umbilicum in centro eodem habentis magis accedentem, si corpus intimum & maximum s his attractionibus, perinde atque cætera, agitur, quam si vel non attractum quiescat, vel multo magis vel multo minus attractum aut multo magis aut multo minus agitur. *Tab. IX. fig. 8.* 95.

Proposit. LVII. Corpora plura, quorum vires acceleratrices ad se mutuo sunt inverse in duplicata ratione distantiarum ab eorundem centris, moveri possunt in Ellipsis circa magnum, & radiis ad illud ductis areas describere temporibus proportionales quamproxime. *Tab. IX. fig. 9.* 96.

Proposit. LVIII. Ex actione mutua Solis & cujusvis Planetæ primarii, Planeta describit Ellipsin, cujus umbilicus est commune centrum gravitatis Solis & dicti Planetæ. Ex actione vero Planetarum primariorum in se mutuo, cujusque orbita est quam proxime Ellipsis, cujus umbilicus est commune centrum gravitatis Solis omniumque Planetarum se inferiorum. 97.

SECTIO IX. De Motu systematis corporum circa corpus aliud revolvētis; quæ omnia ad systema Solis, & Planetarum primariorum & secundariorum applicantur. 98.

Proposit. LIX. Systematis gravium duorum vel plurium circa se mutuo revolvētium in Ellipsis, commune centrum gravitatis moveri potest in Ellipsi, aut alia Sectione conici, circa aliud maximum in Ellipsis umbilico positum, & radiis ad umbilicum ductis, areas describere temporibus proportionales quamproxime. *Tab. IX. fig. 10.* ibid.

Proposit. LX. Si corpus minus L circa magnum τ revolvatur, (ut in Corol. 2. Prop. I. 1.) & horum systema revolvatur circa maximum s, (ut in præcedente,) & in tribus hîce corporibus, attractiones acceleratrices binorum quorumcunque in tertium sint inter se reciproce ut quadrata distantiarum ab eodem; propositum sit generatim ostendere Errores a corpore L commissos, horumque causas & rationes nempe; quo minus corpus

corpus ι , radio ad τ ducto, areas describat temporibus proportionales exacte, & percurrat perimetrum Ellipsis, cuius focus alter τ . *Tab. X. fig. 1. 2. 3.* Pag. 100.

Proposit. LXI. Iisdem positis, propositum sit corporis minoris ι circa magnum τ revolvētis. non in eodem plano in quo τ circa maximum s revolvitur, Errores quosdam, ex dictorum planorum inclinatione ortos, eorumque causas & rationes exponere. *Tab. X. fig. 4. 5.* 103.

Proposit. LXII. Corpus ι , radio ad τ ducto, describat areas temporibus magis proportionatus, & figuram ad formam Ellipsis, cuius umbilicus τ , magis accedentem; si τ eadem lege, quā ι , versus s attrahitur, quam si multo minus aut multo magis attrahatur, *fig. 4. 5. 106.*

Proposit. LXIII. Ex actione mutua Telluris & Lunæ, illarum commune centrum gravitatis in Orbe magno circa Solem moveatur. Similiter commune centrum gravitatis Jovis ejusque satellitum, & Saturni comitumque Saturniorum, in Orbitis Jovis & Saturni, *Prop. LVIII. definitis, feruntur.* 108.

Proposit. LXIV. Propter Telluris figuram, puncta Æquinoctialia regrediuntur; & Axis Terræ, singulis revolutionibus annuis, bis mutat inclinationem ad Eclipticam, & bis redit ad inclinationem priorem. *Tab. X. fig. 8.* ibid.

Proposit. LXV. Commune centrum gravitatis Solis omniumque Planetarum & Cometarum quiescit; quod proinde pro centro Systematis Solaris, ipsiusque adeo Mundi, habendum est. 111.

SECTIO. X. *De Causis & ratione motus Planetarum à Philosophis adductis.* 112.

Proposit. LXVI. Kepleri Physicam Cœlestem; sive Causam & Rationem, cur Planetæ in orbibus circa Solem deferuntur, quam adduxit *Jo. Keplerus*, summam & breviter explicare. 113.

Proposit. LXVII. Modum, quo ex allatis principiis Keplerus deducit periodica Planetarum tempora reperiri exactissime in proportionem suorum orbium seu circulorum sesquialterā, explicare. 114.

Proposit. LXVIII. Causas, cur Planetarum Orbitæ Excentricæ sunt, à Keplero allatas explicare. 116.

Proposit. LXIX. Causas, cur Planetarum Orbitæ sint ad Eclipticam inclinatæ, à Keplero adductas explicare. 119.

Proposit. LXX. Quæ in supra explicata Physica Cœlesti Kepleriana falsa reperiuntur, breviter indicare & refellere. 121.

Proposit. LXXI. Cartesii Physicam Cœlestem, sive Causam & Rationem cur Planetæ in orbibus circa Solem deferuntur, quam Re-

LXXII. INDEX LIBRORUM SECTIONUM

- natus Des Carres commentus est, summam & breviter explicare. Pag. 125.
- Proposit. LXXII.* Si circa eundem axem revolvantur corpora duo in eadem ab axe distantia, atque etiam alia duo similiter in alia quavis distantia; dico rationem differentie motus angularis priorum corporum ad differentiam motus angularis posteriorum componi ex ratione translationis corporum priorum à se invicem, & ratione distantie posteriorum ab axe ad distantiam priorum ab eodem. 130.
- Proposit. LXXIII.* Si curva D C E sit ita versus rectam A E, infinite versus E productam, relata, ut demissa ex quovis curvæ puncto ad A E recta perpendicularis C B sit reciproce cubus rectæ A B interceptæ inter B & A punctum in recta E A datum; erit spatium interminatum B C E E, inter rectas C B, B E & curvam C E comprehensum, inverse ut quadratum rectæ A B. 131.
- Tab. XI. fig. 3.*
- Proposit. LXXIV.* Si Corporum duorum contiguum unum super alterum gliscat, & idem fiat in aliis duobus corporibus, eadem Vi atque priora versus se invicem pressis; dico impressionem factam à frictione priorum in se mutuo esse ad similem impressionem posteriorum in ratione composita ex ratione translationis priorum ad translationem posteriorum, & ratione superficiei, quâ priora se mutuo contingunt; nempe in quibus impressiones fiunt. 132.
- Proposit. LXXV.* Si sphaera solida in fluido uniformi & infinito, circe axem positione datum, uniformi cum motu revolvatur, & ab huius impulsu solo agatur fluidum in orbem, perseveret autem fluidi pars unaquæque uniformiter in motu; dico quod tempora periodica partium fluidi erunt ut quadrata distantiarum à centro sphaeræ. *Tab. XI. fig. 4.* 133.
- Proposit. LXXVI.* Quæ in supra explicata Physica Cartesiana sunt erronea breviter indicare & refellere. 137.
- Proposit. LXXVII.* Causas Motuum Cælestium à celeberrimo Leibnitio adductas recensere & explicare. 143.
- Proposit. LXXVIII.* Quæ in supra recensitis Causis Motuum Cælestium, à D. Leibnitio in Tentamine assignatis, minus Physica sunt indicare. 147.
- SECTIO XI. De alijs Mundi Systematibus, & Viribus ad illa conservanda necessariis.** 152.
- Proposit. LXXIX.* Mundi Systema Semi-tychonicum describere. *ibid.*
- Proposit.*

Proposit. LXXX. Directionem ad Legem virium, quibus Systema Semi-tychonicum conservari posset, explicare. *Tab. XII. Pag. 153.*

Proposit. LXXXI. Mundi Systema Tychonicum describere. *Tab. XII. 155.*

Proposit. LXXXII. Directionem & Legem Virium, quibus Systema Tychonicum conservari posset, explicare. *Tab. XII. ibid.*

Proposit. LXXXIII. Mundi Systema Ptolemaicum describere. *Tab. XIII. 157.*

Proposit. LXXXIV. Directionem & Legem Virium, quibus Systema Ptolemaicum conservari posset, explicare. *Tab. XIII. 158.*

LIBER SECUNDUS DE PRIMO MOTU. 165

SECTIO L. *De Genesi circulorum Sphaerae, & Vocibus in Astronomia usitatis inde pendebus.* 167.

Proposit. I. Eclipticae & Zodiaci genesin & naturam, eorumque divisiones, item Secundariorum Eclipticae, horumque officia exponere, & Voces in Astronomia utilitas hinc pendentes explicare. *ibid.*

Proposit. II. Aequinoctialis Coelestis ejusque Secundariorum & Parallelorum genesin, naturam & officia exponere, & Voces in Astronomia utilitas hinc pendentes explicare. 170.

Proposit. III. Aequatoris Terrestris ejusque Secundariorum & Parallelorum naturam & officia exponere, & Voces in Astronomia & Geographia usitatas hinc pendentes explicare. 172.

Proposit. IV. Horizontis ejusque Secundariorum & Parallelorum genesin & naturam exponere, Vocesque in Astronomia usitatas hinc pendentes explicare. 177.

Proposit. V. Meridiani Coelestis aliorumque Circulorum Horariorum genesin & naturam explicare. 180.

Proposit. VI. Varias Sphaerae Mundi appellationes, aliasque Voces in Astronomia usitatas, à varia inclinatione Horizontis ad Aequatorem pendentes explicare. 183.

Proposit. VII. Latitudo loci est arcus similis arcui elevationis Poli supra Horizontem. *Tab. XIV. fig. 4.* 186.

Proposit. VIII. Crepusculi causas exponere, ejusque Limites definire. 187.

Proposit. IX. Quid per Stellarum Ortum & Occasum Poëticum intelligatur, explicare, ejusque species, Cosmicum nempe, Achro- nycum & Heliacum exponere. 191.

SECTIO II. *De Temporis Divisione, aliisque hinc pendebus.* 195.

LXXIV. INDEX LIBRORUM SECTIONUM

Proposit. X. Temporis divisionem in Horas, Dies & Hebdomadas, Vocesque in Astronomia usitatas hinc pendentes explicare.

Pag. 195

Proposit. XI. Temporis Divisionem in Menses, Annos, horumque varia genera & collectiones explicare. 198.

Proposit. XII. Epochas præcipuas & notabiliores recensere, & earum ad se mutuo relationem declarare. 205.

SECTIO III. De Sphæris, aliisque Machinis ad Motum Primum adumbrandum excogitatis, & earum usu. 208.

Proposit. XIII. Machinas vulgatiores, per quas Motum Primum sive diurnum imitantur Artifices & ad oculum demonstrant, oempe Globum Cælestem & Sphæram describere. ibid.

Proposit. XIV. Globum Terrestrum, qualem vulgò construunt Artifices, describere. 212

Proposit. XV. Varia Problemata circa Situm locorum Terræ ad se invicem, & Motum Astrorum diurnum, per Globos resolvere; hoc est, usum præcipuum utriusque Globi ostendere. 213

SECTIO IV. De Determinando per observationes situ & respectu, quem circuli Sphæræ ad se mutuo obtinent. 227

Proposit. XVI. Planum Meridiani Circuli, in data Habitatione, per observationes determinare. ibid.

Proposit. XVII. Alitudinem Poli & Situm Æquinoctialis circuli respectu Horizontis per observationes determinare. Tab. XIV. fig. 5. 229

Proposit. XVIII. Cujusvis Syderis Declinationem observare. Tab. XIV. fig. 6. 231

Proposit. XIX. Inclinationem Eclipticæ ad Æquatorem, sive Eclipticæ Obliquitatem observare, ejusque ac proinde Colorum, Troporum & Polarium situm respectu Æquatoris determinare. 232

Proposit. XX. Datâ Eclipticæ Obliquitate, Ascensionem rectam & Declinationem dati in ea puncti, item Angulum, quem ad dictum punctum comprehendit Ecliptica cum Meridiano, per calculum erueret; & è converso, Eclipticæ punctum, cui horum aliquod competit, definire, & proinde locum Solis in Ecliptica, ex observatione per Prop. XVIII. facta determinare. Tab. XIV. fig. 7. 235

SECTIO V. De Stellis Fixis, earum Locis per observationem definitis, aliisque huc attinentibus. 236

Proposit. XXI. Stellarum Fixarum classes varias explicare, in quas ob diversam magnitudinem apparentem dividuntur; hujusque differentiarum rationes reddere. ibid.

Propo-

Proposit. XXII. Constellationes, in quas Fixæ ab Astronomis distribuuntur, enumerare. Pag. 238

Proposit. XXIII. Datis Solis Theoriâ & Horologio Automato, Fixarum Ascensionem Rectam per observationes determinare. 241

Proposit. XXIV. Datis Declinatione & Ascensione Rectâ unius Syderis, & Declinatione alterius una cum Syderum Distantia, posterioris hujus Ascensionem Rectam invenire; & è converso, Syderum, quorum Ascensiones Rectæ & Declinationes dantur, Distantiam invenire. *Tab. XIV. fig. 8.* 243

Proposit. XXV. Datæ Stellæ Ascensionem Rectam per observationes determinare, mediante Phænomeno interdiu & noctu conspicuo. 244

Proposit. XXVI. Datis Altitudine Poli, Horâ à Meridie & Loco Solis, si præterea Syderis Altitudo & Azimuth observatione innotescant, invenire Syderis istius Ascensionem Rectam & Declinationem. *Tab. XIV. fig. 9.* 245

Proposit. XXVII. Datæ Stellæ Longitudinem & Latitudinem investigare. *Tab. XIV. fig. 10.* 246

Proposit. XXVIII. Datis Longitudine & Latitudine duorum Syderum, & Distantiâ tertii ab utroque, tertii istius Locum invenire. *Tab. XV. fig. 1.* 247

Proposit. XXIX. Fixarum Catalogum condendi modum describere; præcipuos ejus Conditores, methodosque, quibus sunt usi, indicare, & Globum Cœlestem construere. 248

Proposit. XXX. Mutationes aliquas notabiliores inter Fixas recensere. 255

Proposit. XXXI. Punctorum Equinoctialium Præcessionem veram, sive Fixarum Motum in consequentia apparentem definire; & ad datum tempus Locum cujusvis Fixæ ex dato Fixarum Catalogo determinare. 258

SECTIO VI. De Primi Motus Problematis insignioribus per Calculum resolvendis. 260

Proposit. XXXII. Datorum duorum in Telluris superficie Locorum Differentiam Meridianorum sive Longitudinum per observationes determinare, & Loca illustriora Telluris cum Latitudinibus & Meridianorum Differentiis in Catalogum referre, & Globum Terrestrem construere. ibid.

Proposit. XXXIII. Datâ Elevatione Poli, & Stellæ vel alterius in Cœlo puncti Ascensione Rectâ & Declinatione, ejusdem Differentiam Ascensionalem, adeoque Ascensionem Obliquam, Moram supra Horizontem, & Amplitudinem Ortivam invenire. 262

I XXVI. INDEX LIBRORUM SECTIONUM

Proposit. XXXII. Datâ Poli elevatione, si Stellæ, cujus Ascensio Recta & Declinatio sunt notæ, Altitudo observatione innotescat, Temporis momentum & Syderis Azimuthum invenire. *Tab. XV. fig. 3.*

Pag. 263

Proposit. XXXV. Datis Longitudine Loci, Diei Horâ & Solis Loco, situm Ecclesiæ respectu Horizontis determinare; hoc est, Ecclesiæ & Horizontis angulum, (sive gradus Ecclesiæ ab oriente puncto Nonagesimi Altitudinem supra Horizontem.) punctum Ecclesiæ oriens (indeque gradum Nonagesimum) punctumque Horizontis, in quo Ecclesiæ illum interfecat, invenire. *Tab. XV. fig. 4.*

264

Proposit. XXXVI. Iisdem datis, Syderis, cujus Longitudo & Latitudo dantur, situm respectu Horizontis, sive Altitudinem & Azimuthum invenire; item punctum angulumque, in quo Verticalis per dictum Syderis Ecclesiæ interfecat, determinare. *Tab. XV. fig. 5.*

265

Proposit. XXXVII. Datâ Elevatione Poli & Ascensione Obliquâ Stellæ, ejus Ortum Cosmicum & Achroicum invenire. *Tab. XV. fig. 6.*

266

Proposit. XXXVIII. Datæ Stellæ Ortum & Occasum Heliacum definire. *Tab. XV. fig. 7.*

267

Proposit. XXXIX. Datis Latitudine Loci & Loco Solis, initium Crepusculi Matutini & finem Vespertini invenire. *Fig. 8.*

ibid.

Proposit. XL. Si circulum in Sphæra maximum duo maximi ad angulos æquales secuerint, omnium huic parallelorum circulorum arcus à duobus secantibus intercepti sunt inter se similes; intersecantium vero arcus inter binos parallelos comprehensi sunt inter se æquales. *Tab. XV. fig. 9.*

268

Proposit. XLI. Parallelum invenire, in quo Sol versatur tempore Minimi Crepusculi.

269

Proposit. XLII. In dato positione plano, cui Horologium Sciotericum est inscribendum, Lineam Meridianam, Angulum Styli, & Lineam Substylarem determinare. *Tab. XVI. fig. 1.*

272

Proposit. XLIII. Invenire angulum, quem linea Horæ datæ comprehendit cum Meridiana in plano Scioterici; & inde Horologium Sciotericum in dato plano describere. *Tab. XVI. fig. 2.*

273

Proposit. XLIV. Horæ datæ lineam ducere in Horologio Scioterico, cujus planum per Polos transit; & inde Sciotericum Polare describere. *Tab. XVI. fig. 3.*

274

SECTIO VII. De Parallaxi Syderum.

276

Proposit. XLV. Parallaxis naturam describere, ejusque varias species enumerare.

276

enumerare. *Tab. XVI. fig. 4.*

Pag. 276

Proposit. XLVI. Distantia Phænomeni à centro Terræ est ad semidia-
metrum Terræ, ut sinus distantie apparentis à vertice ad sinum pa-
rallaxis. *Tab. XVI. fig. 6.*

278

Proposit. XLVII. Sinus distantiarum apparentium Phænomeni à ver-
tice sunt sicut sinus Parallaxium. *ibid.*

Proposit. XLVIII. Duorum Phænomenon inæqualiter à Terræ centro
remotorum, quorum æqualis est distantia apprens à vertice, Paral-
laxes sunt reciproce ut distantie à centro Terræ. *Tab. XVI. fig. 7.*

279

Proposit. XLIX. Ratio sinûs Parallaxis unius Phænomeni ad sinum
Parallaxis alterius Phænomeni componitur ex ratione inverfa distan-
tiarum à centro Terræ, & ratione directa sinuum distantiarum ap-
parentium à vertice. *ibid.*

Proposit. L. Phænomeni declinationem non mutantis, inter Polum &
verticem transeuntis, Parallaxin investigare. *Tab. XV. fig. 8.*

ibid.

Proposit. LI. Datâ summâ vel differentiâ duorum arcuum, una cum
ratione sinuum, ipsos arcus invenire. *Tab. XVI. fig. 9.*

280

Proposit. LII. Datâ utrâque altitudine meridianâ Phænomeni, ne-
que Declinationem mutantis neque occidentis, ejus Parallaxin in-
venire. *Tab. XVI. fig. 10.*

281

Proposit. LIII. Datâ utrâque altitudine Phænomeni, declinationem
non mutantis, in eodem verticali circulo observatâ, illius parallaxin
investigare. *Tab. XVI. fig. 12.*

282

Proposit. LIV. Datis duabus Alitudinibus Phænomeni eodem tem-
poris momento in datorum Locorum Terrestrium communi Azimu-
tho observatis, Phænomeni Parallaxin investigare. *Tab. XVII. fig. 1.*

283

Proposit. LV. Datis duabus altitudinibus Phænomeni è datis in Tellu-
re Locis, eodem temporis articulo etiam extra communem Azimu-
thum observatis, Phænomeni Parallaxin invenire. *Fig. 2.*

ibid.

Proposit. LVI. Phænomeni Parallaxin per methodum præcedentibus
duabus haud absimilem exactissime investigare, adhibendo vicinam
aliquam Stellam Fixam. *Fig. 3.*

284

Proposit. LVII. E Datis duabus observationibus Phænomeni fixi, hoc
est, cujus nullus est motus præter diurnum, ejus Parallaxin invenire.

Tab. XVII. fig. 5.

286

Proposit. LVIII. Sint duo triangula rectilinea ABC , DEF habentia
angulos A B C , D E F dates; sintque datæ rationes A B ad D E ,
 A C , ad D F , & B C ad D F - oportet ex dato latere A B utrumque
triangulum invenire. *Tab. XVII. fig. 6.*

287

Pro-

LXXVIII. INDEX LIBRORUM SECTIONUM

- Proposit. LIX.* E Datis ratione sinuum arcuum integrorum ad datum circulum pertinentium $A B, C D$, ratione sinuum arcuum ablato-
rum $A E, C F$ & ipsis arcubus relictis $E B, F D$; arcus integros & ablato-
rum $A B, C D, A E, C F$ invenire. *Tab. XVII. fig. 7.* Pag. 288
- Proposit. LX.* Ex datis duabus Altitudinibus Phænomeni declinationem non mutantis & Azimuthis correspondentibus ejus Parallaxin invenire. *Tab. XVII. fig. 8.* 189
- Proposit. LXI.* Ex duabus Phænomeni Altitudinibus, cum Azimutho earum alteri respondente & Tempore inter binas observationes, Phænomeni Parallaxin investigare. *Tab. XVII. fig. 9.* 290
- Proposit. LXII.* E Duobus Phænomeni Azim uthis, cum Altitudine eorum alteri respondente & Tempore inter binas Azimuthi obser-
vationes, Phænomeni Parallaxin investigare. 291
- Proposit. LXIII.* Datis Phænomeni loco respectu Eclipticæ & Parallaxi Altitudini datæ congruâ, item Solis loco & Diei horâ, Phænomeni Parallaxin Longitudinis & Latitudinis invenire. *Tab. XVII. fig. 10.* 292
- SECTIO VIII. De Refractione Syderum. 294
- Proposit. LXIV.* Propter Atmosphæram Æthere densiorem Telluri circumfusam, Stella quævis supra Horizontem elevatur in eodem circulo verticali apparet, quam appareret si nulla esset Atmosphæra. *Tab. XVIII. fig. 1.* 294
- Proposit. LXV.* Stellæ humiliores ex Refractione ad Atmosphæram magis elevantur, cæteris paribus, quàm altiores. *fig. 2.* 296
- Proposit. LXVI.* Quanto Stella in data Altitudine apparente per Refractionem elevetur, definire; & Tabulam Refractionis Stellarum construere. 298
- SECTIO IX. De Tabulis Primi Motus & Fixarum Libro Secundo innixis. 303
- Proposit. LXVII.* Tabulas describere omnibus Terræ incolis communes, quæ Motum Primum attinent. 303
- Proposit. LXVIII.* Tabulas describere omnibus Terræ incolis communes, quæ Stellæ Fixas attinent. 304
- Proposit. LXIX.* Tabulas enumerare vulgatiores, quibus Locorum Terrestrium insigniorum situs mutuus & respectu Equatoris describitur, quibusque Tempus in eorum aliquo numeratum ad Tempus secundum alterius usum reducit. 305
- Proposit. LXX.* Tabulas describere vulgatiores, quibus Primi Motus Problemata in diversis Terræ locis promptius solvuntur. 306

LIBER TERTIUS DE THEORIA PLANETARUM

PRIMARIORUM.

Pag. 309

SECTIO I. Generalia ad Planetarum omnium Theoriam spectantia. 112

Proposit. I. Si super Ellipseos PBA , cujus centrum C , majorem axem PA tanquam diametrum describatur circulus PDA , & à puncto G in circuli circumferentia ad libitum assumpto ad P a demittatur perpendicularis GE , Ellipsin ad L interfecans; & ab aliquo in axe A puncto (ex. gr. focorum alterutro S) ad G & L ducantur rectæ SG , SL ; erit trilineum AGS sub rectis SA , SG & curva circulari AG comprehensum ad integrum circulum, sicut trilineum ALS sub rectis SA , SL & curva Elliptica AL comprehensum ad integram Ellipsin. *Tab. XVIII. fig. 4.* ibid.

Proposit. II. Datâ Planetæ Orbitâ, quot libuerit Anomalias Medias & correspondentes Veras calculo determinare. *Fig. 5.* 113

Proposit. III. Datâ Anomaliâ mediâ Planetæ, cujus Orbita datur, Anomalias veras & Planetæ Distantiam à Sole per calculum invenire, & vicissim. *Tab. XVIII. fig. 5.* 115

Proposit. IV. Semicirculum, per rectam ex dato diametri puncto educam, in data ratione dividere. *Fig. 6.* 116

Proposit. V. Ellipsin haud admodum excentricam rectâ per focorum alterum ita dividere, ut Arcæ Ellipticæ portio inter majorem Axem & ducendam rectam comprehensa sit quamproxime ad integram Ellipsin in data ratione minoris inæqualitatis. *Tab. XVIII. fig. 7.* 119

Proposit. VI. Positâ approximatione modo descriptâ pro latius accurata, (id est, in Hypothesi *Wardi*,) ex data Anomalia media Anomalias cœquatam & Planetæ à Sole Distantiam invenire in Orbita data. *Tab. XVIII. fig. 8.* 122

Proposit. VII. Approximationis præcedentis correctionem à Cl. *Ismaele Bullialdo* adductam explicare; & quomodo (eâ positâ) Anomalia cœquata & Planetæ Distantia à Sole inveniantur, ostendere. *Tab. XVIII. fig. 9.* 124

Proposit. VIII. Describere Orbitam, in qua Planetam circa Solem deferri censet Celeb. Astronomus *Dominicus Cassini*, ejusque cum Causis Physicis & Phænomenis convenientiam & discrepantiam explicare. *Tab. XIX. fig. 1.* 126

Additio ad Proposit. VIII. præcedentem excerpta ex *Transact. Philosophicis Mens. Septembr. Anni 1704.* De Orbita Cassiniana. *Tab. XIX. n. 2. fig. 1.* 130

SECTIO II. De Telluris Orbita determinanda, & Theoria Telluris è Sole

LXXX. INDEX LIBRORUM SECTIONUM

<i>Sole vise, sive Solis è Tellure.</i>	Pag. 333
<i>Proposit. IX. Orbitæ Telluris Speciem, & Positionem Axis ; Telluris item Tempus periodicum per observationes definire.</i>	ibid.
<i>Proposit. X. Tempus Aequinoctii utriusvis per observationes determinare.</i>	335
<i>Proposit. XI. Tempus Solstitii utriusvis determinare. Tab. XIX. fig. 5.</i>	336
<i>Proposit. XII. Anni Vertentis quantitatem definire.</i>	332
<i>Proposit. XIII. Anni Syderei quantitatem definire.</i>	341
<i>Proposit. XIV. Ex datis tribus Solis Locis, Prop. xx. Lib. 1. definitis, & Telluris Tempore Periodico, proxime æquali Anno Sidereo per Prop. præc. definito, Orbitæ Telluris Speciem, Lineæ Apfidum Situm & Tempus quo Tellus Aphelium tenebat invenire. Tab. XX. fig. 1.</i>	ibid.
<i>Proposit. XV. Positionem Lineæ Apfidum & Orbitæ Speciem supra determinatas ad libitum corrigere.</i>	344
<i>Proposit. XVI. Ad datum Tempus Telluris Locum è Sole visum, ejusque à Sole Distantiam invenire. Tab. XX. fig. 2.</i>	345
<i>Proposit. XVII. Dierum Naturalium Inæqualitatem explicare, & quomodo Tempus æquetur ostendere.</i>	346
<i>Proposit. XVIII. Socis Locum è Terra visum, per Prop. xvi. inventum, corrigere.</i>	351
SECTIO III. <i>De relinquorum planetarum primariorum Orbitis determinandis, & horum cum è Sole, tum è Tellure spectatorum Theoria condenda.</i>	352
<i>Proposit. XIX. Positionem Lineæ Nodorum Orbis Planetarii, & ipsius Planetæ in Nodo versantis à Sole Distantiam per observationes determinare. Tab. XX. fig. 3.</i>	ibid.
<i>Proposit. XX. Cujusvis Orbis planetarii Inclinationem ad planum Eclipticæ per observationes definire. Tab. XX. fig. 4.</i>	353
<i>Proposit. XXI. Ex observatione Planetæ in Oppositione aut Conjunctione cum Sole, ejus Secundam Inæqualitatem exuere, & à Sole distantiam invenire.</i>	354
<i>Proposit. XXII. Ex unica Planetæ observatione quacunque ejus Inæqualitatem Secundam exuere, & à Sole Distantiam invenire. Tab. XX. fig. 6.</i>	355
<i>Proposit. XXIII. Cujusvis Planetæ Tempus periodicum circa Solem definire.</i>	356
<i>Proposit. XXIV. Longitudinem Axis majoris Orbitæ ejusvis Planetæ primarii invenire.</i>	357
	Pro-

Proposit. XXV. Datis tribus Locis Centricis Planetæ & Tempore periodico, ejus Orbitam describere, & Temporis momentum quo Planeta Aphelium tenebat invenire. Pag. 353

Proposit. XXVI. Datis umbilico & longitudine axis majoris, describere Ellipsin per data duo puncta transeuntem. Tab. XXI. fig. 1. 352

Proposit. XXVII. Datis duobus Locis Centricis Planetæ & à Sole Distantiis, una cum ejus periodico Tempore, Orbitam Planetæ determinare. Fig. 2. 360

Proposit. XXVIII. Ad Ellipseos A Γ F majorem axem A F ex umbilicorum altero S erigatur normalis S A Ellipti occurrens in A , per quod acta recta D A Ellipsin contingens cum axe A F producto concurrat in G , & ex G ad axem ducatur perpendicularis G F . Hisce positis, si ex quovis Ellipseos puncto L inclinentur duæ rectæ L S , L E , altera L S ad assumptum umbilicum S , altera L E ad F G normalis; dico L E esse ad L S in data ratione G F ad F S . Tab. XXI. fig. 3. 361

Proposit. XXIX. Ellipsin circa datum umbilicum describere, quæ transeat per data tria puncta. Tab. XXI. fig. 4. 362

Proposit. XXX. Datis tribus Locis Centricis Planetæ & à Sole Distantiis, ejus Orbitam Ellipticam describere. Tab. XXI. fig. 5. 364

Proposit. XXXI. Invenire diametros conjugatas Ellipseos, quæ per data quinque puncta transeat. Tab. XXI. fig. 6. 365

Proposit. XXXII. Invenire umbilicos & vertices Ellipseos, quæ per data quinque puncta transeat, & Ellipsin proinde per data quinque puncta transeuntem describere. Fig. 10. 368

Proposit. XXXIII. Datis quinque Locis Centricis Planetæ, & à Sole Distantiis, ejus Orbitam describere. 370

Proposit. XXXIV. Ad datum Tempus Planetæ propositi Locum Centricum & Distantiam à Sole determinare. Fig. 2. 371

Proposit. XXXV. Ad datum Tempus Locum Planetæ Geocentricum, quoad Longitudinem & Latitudinem, & Planetæ à Terra Distantiam invenire. fig. 3. 372

SECTIO IV. De Planetarum Elongatione maxima à Sole, Directione, Statione & Retrogradatione. 373

Proposit. XXXVI. Dati Planetæ Elongationem à Sole maximam, è dato superiore visam, ejusque Tempus determinare. Fig. 4. ibid.

Proposit. XXXVII. Planeta quivis Primarius ex alio quovis Primario spectatus, in aliqua Orbitæ suæ parte Stationarius, in aliqua Directus, in aliqua denique Retrogradus apparet. Fig. 6. 374

Proposit. XXXVIII. Invenire Angulum Commutationis quo distant m 2 Pla-

LXXXII. INDEX LIBRORUM SECTIONUM

- Planetæ duo dati è Sole visi, & Angulum quo distant Sol & Planetarum alteruter ex altero visi, cum datorum Planetarum alter ex altero Stationarius apparet. *Fig. 2.* Pag. 382
- SECTIO V. De Planetarum primariorum Tabulis, & earum Ufu. 384
- Proposit. XXXIX.* Tabulas describere, quarum ope cujusvis è Planetis primariis Locus Heliocentricus & Geocentricus ad datum Tempus expedire definitur. ibid.
- Proposit. XL.* Cujuslibet Planetæ Locum, tam Heliocentricum quam Geocentricum, secundum Longitudinem & Latitudinem ex supra descriptis Tabulis ad propositum Tempus prompte supputare, ejusque Passiones definire. 387
- Proposit. XLI.* In Planetis primariis invicem collatis Quadrata Temporum Periodicorum sunt ut Cubi majorum Axium Orbitalium Ellipticarum, quas circa Solem describuntur. *Tab. XXIII. fig. 4.* 391
- Proposit. XLII.* Dato Planetæ Loco Geocentrico dato Tempori congruo, ejusdem Locum ex data in superficie Habitatione visum ad dictum Tempus ex Tabulis depromere. 393
- SECTIO VI. De Orbium Planetariorum Magnitudine. 394
- Proposit. XLIII.* Ex duorum Planetarum Conjunctione, in datis duobus Terræ locis observata, utriusque Planetæ Parallaxin investigare. *Tab. XXIII. fig. 5.* 395
- Proposit. XLIV.* Ex Observationibus duabus ejusdem Conjunctionis Corporalis duorum Planetarum, in eodem Loco habitis, utriusque Planetæ Parallaxin determinare. *Tab. XXIII. fig. 6.* 397
- Proposit. XLV.* Orbitarum planetariorum Axes majores, Excentricitates &c. in mensuris notis determinare. 399
- SECTIO VII. De Magnitudine & Densitate Solis & Planetarum primariorum. 402
- Proposit. XLVI.* Solis Plantarumque primariorum Magnitudinem definire. *Tab. XXIII. fig. 7.* ibid.
- Proposit. XLVII.* Invenire rationem Distantiæ dati Secundarii à suo Primario ad Distantiam dati Primarii à Sole. *Fig. 9.* 403
- Proposit. XLVIII.* Invenire rationem Quantitatis Materiæ in Sole ad Quantitatem Materiæ in dato Planeta primario, circa quem Satelles revolvitur. *Tab. XXIII. fig. 10.* 403
- Proposit. XLIX.* Invenire rationem Densitatis Solis ad Densitatem Planetæ cujusvis Primarii, circa quem Satelles revolvitur. *Tab. XXIII. fig. 10.* 405
- Pro-

ET PROPOSITIONUM. LXXXIII.

Proposit. L. Orbitalium planetariorum Axes majores Superius inventes corrigere. Pag. 406

Proposit. LI. Errores motus Planetarum circa Solem à mutua Actione oriundos æstimare. Tab. XXIII. fig. 11. 407

SECTIO VIII. De Figura Solis & Planetarum. 408

Proposit. LII. Determinare Telluris Figuram ; hoc est, rationem quam ejus Axis habet ad Diametros eidem normales. ibid.

Proposit. LIII. Determinare rationem, quam Solis aut dati Planetæ Axis habet ad Diametros eidem normales. 414

SECTIO IX. De Distantia Fixarum. 415

Proposit. LIV. Distantiam Fixæ per Observationem determinare. Tab. XXIV. fig. 2. ibid.

Proposit. LV. Orbis magni Parallaxin observare per accessum & recessum Fixæ à Polo Æquatoris diversis Anni tempestatibus factum. Tab. XXIV. fig. 4. 417

Proposit. LVI. Distantia Solis à Terra, respectu Distantiæ Stellæ Fixæ (etiam proximæ) à Terra, evanescit fere & insensibilis est. Tab. XXIV. fig. 7. 420

Proposit. LVII. Ejusdem sphæræ illustrationes, in diversis à lucido corpore distantis, sunt in reciproca duplicata ratione distantiarum. Tab. XXIV. fig. 8. 422

Proposit. LVIII. Omnes Radii Solares in Planetam unum incidentes sunt ad omnes Radios Solares in Planetam alterum incidentes in duplicata ratione chordarum Parallaxium horizontalium Solis ex Planetis istis spectati. Fig. 9. 423

Proposit. LIX. Ratio Illustrationis Terræ à Sole ad ejusdem Illustrationem à Planeta pleno Orbe fulgente componitur ex duplicata ratione chordarum Parallaxium Solis ex Terra & Planeta isto spectati, & ratione quadrati circulo inscripti ad quadratum chordæ Parallaxis horizontalis disti Planetæ à Terra visi. 425

Proposit. LX. Stellæ Fixæ Distantiam definire. 426

Proposit. LXI. Stellæ Fixæ Distantiam aliter æstimare. 427

LIBER QUARTUS DE THEORIA PLANETARUM SECUNDARIORUM. 429

SECTIO L. De Erroribus quos Sol producit in motu Satellitis, cum ejus Orbita Primario suo est Concentrica. 430

Proposit. L. Si Planeta primarius circa Solem revolvens secum deferat Satellitem, hic circa Primarium ita movebitur, ut à Quadratura cum Sole ad Conjunctionem aut Oppositionem proxime insequentem acceleretur perpetuo ; à Syzygia verò ad Quadratura

LXXXIV. INDEX LIBRORUM SECTIONUM

draturam retardetur : Adeoque prope Syzygias Satelles velocius feratur, prope Quadraturas vero tardius. *Tab. XXV. fig. 1.*

Pag. 430

Proposit. II. Iisdem positis, Satellitis τ Orbita circa Primarium τ descripta (cæteris paribus) magis curva est in c & d Quadraturis cum Sole, quam in Syzygiis g & s . *Vide fig. 2.* 432

SECTION II. De Erroribus quos Sol producit in motu Satellitis, cum ejus Orbita Excentrica est à suo Primario. 434

Proposit. III. Invenire legem Vis centripetæ, quæ urgente, corpus in trajectione quacunque circa centrum virium revolvente moveri possit, dum corpus aliud in simili & æquali trajectione quiescente movetur. *Tab. XXV. fig. 3.* ibid.

Proposit. IV. Differentia virium centripetarum, quibus corpus in orbe quiescente & corpus aliud in eodem orbe revolvente æqualiter moveri possunt, modo Prop. præc. indicato, est in triplicata ratione communis altitudinis inverse. *Tab. XXVI. fig. 1.*

436

Proposit. V. Si Orbis $A L F$ Ellipsis sit, cujus latus rectum $2 R$, umbilicum habens T , apsidem summam A , imam F ; eique similis & æqualis ponatur Ellipsis $a l p$ circa immotum umbilicum T modo superius descripto revolvens, & quantitates datæ G & F eandem habeant rationem quam anguli $A T I$ & $A T L$; si altitudo corporis revolventis, sive distantia à centro, vocetur A : Erit Vis centripetæ, quæ corpus in Ellipsi mobili revolvi potest, ut
$$\frac{F q}{A q} + \frac{R \times G q - R \times F q}{A \text{ cub.}}$$
; & vicissim, urgente hujusmodi

Vis centripetæ, in Ellipsi mobili feretur corpus. *Tab. XXVII. fig. 1.* 438

Proposit. VI. In orbibus ellipticis, qui sunt circulis finitimi, ex data lege Vis centripetæ determinare motum apsidum; & è contra, ex dato apsidum motu invenire legem Vis centripetæ, modo vis centripetæ sit ut altitudinis dignitas aliqua. *Vide figuras Tab. XXVI. & figuras. 1am. & 2am. Tab. XXVII.* 445

Proposit. VII. In orbibus ellipticis, qui sunt circulis finitimi, ex data lege Vis centripetæ determinare motum apsidum, modo Vis centripetæ sit ut summa vel differentia aliquarum duarum altitudinis dignitatum. 450

Proposit. VIII. Si Planeta secundarius τ circa primum τ describat Orbitam Ellipticam, cujus focus est τ ; hujus Axis major five

five Apſidum linea motu angulari bis progreditur & bis regreditur ſingulis Satellitis 1 revolutionibus; progreditur nempe cum 1 eſt in Syzygiis c & b, regreditur verò dum 1 eſt in Quadraturis c & d cum Sole. *Tab. XXVII. fig. 3.* Pag. 454

Propoſit. IX. In fig. Prop. præc. Vis m n in Syzygiis eſt fere duplo major quàm Vis a m in Quadraturis. *Tab. XXVII. fig. 4.* 456

Propoſit. X. In ſingulis Satellitis cujuſvis revolutionibus Apſides plerumque magis progrediuntur quàm regrediuntur, & exceſſu progreſſus feruntur in conſequentia. *Tab. XXVII. fig. 4.* 457

Propoſit. XI. In una Satellitis 1 revolutione circa τ , progreſſus Apſidum magis ſuperat illarum regreſſum, cum hæ in Syzygiis cum Sole verſantur, quam ſi inde longius diſtant; regreſſus vero Apſidum ſuperat illarum progreſſum in una Satellitis revolutione, cum Apſides ſunt in Quadraturis cum Sole: Magis tamen & velocius progrediuntur in Syzygiis ſuis, minus verò & tardius in Quadraturis recedunt; & exceſſu progreſſus ſupra regreſſum, in una Apſidum revolutione ad Solem, feruntur in conſequentia. 457

Propoſit. XII. Si Satelles in Orbe Excentrico circa Primarium ſuum moveatur, hujus Excentricitas bis in quavis revolutione mutabitur: & in una Satellitis revolutione erit hæc maxima, cum Satelles verſatur in Syzygiis cum Sole; minima verò, cum in Quadraturis: & in tranſitu Satellitis à Quadraturis ad Syzygias perpetuo augetur, & è contra in ejuſdem tranſitu à Syzygiis ad Quadraturas perpetuo minuitur. 460

Propoſit. XIII. Iſdem poſitis quæ in Prop. præc. in pluriſus Satellitis revolutionibus inter ſe comparatis, dico Orbitæ Satellitis Excentricitatem maximam eſſe, cum ejus Apſides in Syzygiis verſantur; exinde verò diminui perpetuo in tranſitu Apſidum à Syzygiis ad Quadratum Solis, ubi illa minima eſt; in tranſitu verò Apſidum à Quadraturis ad Syzygias Excentricitatem ruruſus perpetuo augeri. *Tab. XXVII. fig. 3. & 4.* 463

SECTIO III. *De Erroribus quos Sol producit in motu Satellitis, cum planum Orbis ab illo circa Primarium deſcripti inclinatum eſt ad planum Orbis à Primario circa Solem deſcripti.* 464

Propoſit. XIV. Si Satelles circa Primarium revolvatur in Orbe cujuſ planum ad planum Orbis Primarii circa Solem inclinatum fuerit, Linea Nodorum motu angulari movebitur in antecedentia velocitate inæquali; celerrime quidem cum Nodi ſunt in Quadrato to

LXXXVI. INDEX LIBRORUM SECTIONUM

to Solis, postea tardius, donec Nodis in Syzygiis constitutis quiescat prorsus. In locis inter Quadraturas & Syzygias intermediis Nodi conditionis utriusque participes recedunt tardius; adeoque semper vel Retrogradi vel Stationarii singulis Satellitis revolutionibus circa Primarium feruntur in antecedentia: Et in eadem Satellitis revolutione celerius regrediuntur, cæteris paribus, cum Satelles est in Syzygiis. *Tab. XXVIII. fig. 1.* 464

Proposit. XV. Iisdem positis, dico Inclinationem plani Orbis Satellitis ad planum Orbis, in quo Primarius circa Solem revolvitur, perpetuo mutari, & quidem maximam esse cum Nodi sunt in Syzygiis cum Sole; minimam verò (cæteris paribus) cum in Quadraturis: Et insuper in hoc casu minui dictam Inclinationem in transitu Satellitis à Quadraturis ad Syzygias, eandemque rursus augeri in Satellitis transitu à Syzygiis ad Quadraturas. Unde fit ut Satellite in Syzygiis existente, Inclinatione planorum evadat minima, redeatque ad priorem magnitudinem circiter, ubi Satelles ad Nodum proximum accedit. Dico insuper in transitu Nodorum à Syzygiis ad Quadraturas diminui hanc planorum Inclinationem, & fieri omnium minimam (cæteris paribus) ubi Nodi sunt in Quadraturis; dein crescere iisdem gradibus quibus antea decreverat, Nodisque ad Syzygias denuo reversis, ad magnitudinem primam redire. *Tab. XXVIII. fig. 1.* 367

Proposit. XVI. Omnes supra descriptæ Inæqualitates quæ in Satellitis motu contingunt, tam quæ motum ejus in longum quam quæ in latum afficiunt, tam quæ Orbitæ Concentricæ quam quæ Excentricæ competunt, paulo majores sunt in Conjunctione Satellitis cum Sole quam in Oppositione. *Tab. XXIX. fig. 1.* 471

SECTION IV. De Erroribus quos Sol producit in motu Satellitis, cum Primarius movetur in Orbe Excentrico circa Solem. 473

Proposit. XVII. Si ob diminutam & auctam per vices Distantiam inter Solem s & Primarium τ actio ipsius s augeatur ac diminuat per vices; augebitur simul ac diminuetur Orbitæ Satellitis radius τ , & Tempus periodicum Satellitis circa Primarium augebitur ac diminuetur in ratione composita ex ratione sesquiplicata radii & ratione subduplicata, qua Primarii τ Vis attrahens per incrementum vel decrementum actionis Solis diminuitur vel augetur. *Tab. XXIX. fig. 2.* ibid.

Proposit. XVIII. Iisdem positis, in Satellitis Systemate dilatato vel coarctato Virium perturbantium effectus periodici, sive Satellitis

litis Errores lineares in qualibet revolutione, sunt ut Orbitalium radii & quadrata Temporum periodicorum conjunctim : Errores verò ejusdem angulares, è Primarii centro spectati, sunt ut dicta quadrata Temporum periodicorum. *Tab. XXIX. fig. 3.* Pag. 476

Proposit. XIX. Si Primarius circa longinquum Solem in Orbe Excentrico moveatur, Solis Vires Satellitis motum perturbantes harumque effectus, omnes sc. supra descripti Errores tam in longitudinem quàm in latitudinem & altitudinem, sunt reciproce ut Cubi distantiarum Primarii à Sole ; hoc est, directe ut Cubi diametrorum apparentium Solis è Primario spectati. *fig. 2.* 477

Proposit. XX. Invenire rationem inter Solis Vires, quibus Satellitis motus perturbatur, & Vim, quâ Satelles in Orbe suo circa Primarium retinetur. *Tab. XXIX. fig. 1.* 478

SECTIONIO V. De Motu Lunæ è Terra spectata. 481

Proposit. XXI. Lunæ Motum ejusque Inæqualitates hætenus observatas, vel distinctas, vel cum aliis mixtas, ex superioribus consequentes describere & explicare. *ibid.*

Proposit. XXII. Distantiam Lunæ à centro Terræ per unicam Eclipsin Lunarem (sine ulla prævia observatione Lunæ) invenire. 485

Proposit. XXIII. Lunæ Distantiam à centro Terræ, dato tempore, per observationem determinare. *fig. 5.* 486

Proposit. XXIV. Lunæ Inæqualitates & Errores per observationem determinare & inter se distinguere. 487

Proposit. XXV. Invenire Solis Vires ad perturbandos Motus Lunæ, sive rationem determinare inter Vires hæc perturbantes & Gravitationis Vim nobis familiarem. *Tab. XXIX. fig. 2.* 438

SECTIONIO VI. De Tabulis Lunaribus & earum. Usu. 490

Proposit. XXVI. Tabularum Lunarium, ad Lunæ locum è centro Terræ visum expedite inveniendum destinatarum, Ordinem exponere. *ibid.*

Proposit. XXVII. Tabularum Lunarium, ad Lunæ Locum è dato Telluris superficie puncto visum expedite inveniendum, Ordinem exponere. 497

Proposit. XXVIII. Ad datum Tempus Lunæ Locum, è data in Tellure habitatione visum, ope Tabularum supra descriptarum determinare. 499

Proposit. XXIX. Quasnam ex supra explicatis Correctionibus, ad Lunæ Motum attinentibus, adhibuerint hucusque Tabularum Conditores, quasque neglexerint breviter recensere. 502

LXXXVIII. INDEX LIBRORUM SECTIONUM

Proposit. XXX. Tempus mediæ Conjunctionis aut Oppositionis Solis & Lunæ proxime insequentis ad datum Tempus determinare. Pag. 512

Proposit. XXXI. Tempus veræ Conjunctionis aut Oppositionis Solis & Lunæ proxime insequentis, ad datum Tempus determinare.

SECTIO VII. De Eclipsi Lune.

Proposit. XXXII. Solis & Lunæ Semidiametros apparentes dato Tempori congruas invenire. § 5

Proposit. XXXIII. Si Sphæra opaca Sphæra lucidæ exponatur, fiet umbra totalis five plena (hoc est, spatium mediæ circumfusi ad quod nullus lucidæ Sphærae radius pertingit) ad partes à Sphæra lucida averfas, inclusa superficie coni recti, cuius axis est recta Sphærarum centra coniungens, basis circulus Sphærae opacæ partem illuminatam ab obscura determinans: & angulus verticalis trianguli per axem est proxime æqualis differentia angulorum, quibus Sphæra lucida ex centro opacæ & Sphæra opaca ex centro lucidæ videntur. Et si unus umbrosus secetur utrunque plano ad planum basis parallelo, umbrosi circuli sic geniti diameter ex centro opacæ Sphærae videbitur sub angulo proxime æquali intervallo duorum angulorum; quorum alter est aggregatum angulorum sub quibus opaca Sphæra ex centris Sphærae lucidæ & circuli umbrosi videtur, alter angulus in quo Sphæra lucida ex opacæ centro spectatur. Tab. XXIX. fig. 7. § 16

Proposit. XXXIV. Si Sphæra opaca Sphæra lucidæ exponatur, præter umbram totalem five plenam fiet penumbra (hoc est, spatium mediæ circumfusi, à cuius singulis punctis aliqui per opacam Sphæram arcantur radii) ad partes à Sphæra lucida averfas, inclusa superficie coni recti, cuius axis idem est cum axe umbræ plenæ, & angulus verticalis trianguli per axem æqualis est summæ angulorum, quibus Sphæra lucida ex centro opacæ & Sphæra opaca ex centro lucidæ videntur. Et si conus hic penumbrosus secetur utrunque plano ad planum basis parallelo, penumbrosi circuli sic geniti (incluso circulo plene umbroso ad ejus centrum, si quis sit) diameter ex centro opacæ Sphærae spectata videtur sub angulo æquali aggregato trium angulorum; eorum nempe sub quibus opaca Sphæra ex centris Sphærae lucidæ & circuli penumbrosi videtur, ejusque in quo Sphæra lucida ex opacæ centro spectatur. Tab. XXX. fig. 1. § 19

Proposit. XXXV. Num dati Mensis Plenilunium futurum sit Eclipticum

ET PROPOSITIONUM. LXXXIX.

- pticum determinare; & si futura est Eclipsis, ejus Speciem (hoc est, si sine Partialis aut Totalis, cum aut sine Mora) definire, fig. 2. Pag. 521
- Proposit. XXXVI.* Datis Inclinatione Orbitæ Lunaræ ad Eclipticam & Motu horario Solis & Lunæ, invenire Inclinationem Viæ Lunæ à Sole ad Eclipticam, vel ad Latitudinis circulum, datæ Lunæ distantia à Nodo competentem. *Tab. XXX. fig. 6.* 524
- Proposit. XXXVII.* Mediæ Eclipsis Lunaræ dato Mense contingentis Tempus determinare. *fig. 6.* 526
- Proposit. XXXVIII.* Tempus Initii & Finis Eclipsis Lunæ dato Mense contingentis, item Immerfionis totalis Lunæ in Umbra determinare; indeque Durationem tam integræ Eclipsis quam totaliū Tenebrarum definire. *Tab. XXX. fig. 7. & 8.* 529
- Proposit. XXXIX.* Quantitatem Eclipsis dato Mense contingentis, tam in ejus medio, quam alio quovis dato Tempore definire. *Tab. XXXI. fig. 1. & 2.* 530

SECTIO VIII. De Eclipsi Solis. 533

- Proposit. XL.* Si Distantia apparens inter Solem & Lunam ex centro Terræ visa sit æqualis Parallaxi Lunæ horizontali; hæc, aucta Parallaxi Solis horizontali, æquat Distantiam inter Terræ centrum centrumque Umbra Lunaræ in Terræ Discum exceptæ, visam ex puncto ubi recta Solis & Terræ centra conjungens Lunæ Cælo occurrit: & proportionaliter si Distantia Solis & Lunæ major sit vel minor. *Tab. XXXI. fig. 3.* 534
- Proposit. XLI.* Num dati Mensis Novilunium futurum sit Eclipticum, hoc est, num in qualibet Terræ parte Sol partialiter aut totaliter deficere videbitur, determinare; & si futura est Eclipsis, ejus Speciem definire. *fig. 4.* 535
- Proposit. XLII.* Tempus Initii, Medii & Finis tam omnimodæ Eclipsationis à Penumbra Lunæ, quam Eclipsis Solis totalis in omni Telluris globo dato Mense contingentis, indeque harum Durationem integram definire. *Tab. XXXI. fig. 8.* 541
- Proposit. XLIII.* Eclipsis Solaris Quantitatem respectu Spectatoris Terrestris intra circulum Penumbrosū, qui est sectio Penumbra Lunaræ per Discum Terræ, datum Locum occupantis determinare. *fig. 9.* 544
- Proposit. XLIV.* Præcipuū Defectus Solaris Phenomena recensere, Tellurisque Loca describere ubi contingunt, dum Lunaræ Umbra in Novilunio Ecliptico per Tellurem incedit. *Tab. XXXII. fig. 1.* 546
- Proposit. XLV.* Telluris Locum (hoc est, ejus Longitudinem & Latitu-

XC. INDEX LIBRORUM SECTIONUM

- titudinem) determinare, ubi Sol oriens supremo sui margine def-
 cere videtur. *Tab. XXXII. fig. 2.* Pag. 549
- Proposit. XLVI.* Locum in Terra determinare Penumbrae Lunaris
 centro data Hora subiectum, sive in quo Sol centraliter ad datum
 Tempus deficit. *Tab. XXXII. fig. 3.* 550
- Proposit. XLVII.* Locum in superficie Terrae determinare ubi So-
 lis Defectus vel Totalis est aut Centralis, vel ubi ejus Diametri pars
 data versus datum Polum à Luna occultabitur in ipso Meridie
Tab. XXXII. fig. 4. 552
- Proposit. XLVIII.* Num in dati Mensis Novilunio futura sit Ecli-
 psis Solaris in dato Terrae Loco visibilis definire; & si futura est,
 Tempus maximae Obscurationis & Eclipsis Quantitatem deter-
 minare. 554
- Proposit. XLIX.* Tempus Initii & Finis Eclipsis Solaris dato Mensis
 contingentis & in dato Loco visae, adeoque Durationem integram
 determinare. *fig. 7.* 558
- Proposit. L.* Rationem reddere cur Lunares Tabulae hactenus con-
 ditae Lunae Locum in Luminarium Eclipsibus, & generaliter in Sy-
 zygiis quibusvis, accuratius ostendant, quam in aliis Aspectibus cum
 Sole, speciatim in Quadraturis. 561
- SECTIO IX. De Motibus Satellitum circa alios Primarios pra-
 ter Terram revolvendum. 563
- Proposit. LI.* Manente eadem Distantia Planetæ primarii à Sole, si
 plures Secundarii circa Primarium revolvantur in Orbibus excen-
 tricis similibus, & ad planum in quo Primarius circa Solem revol-
 vitur aequaliter inclinatis, Errores omne, angulares, in Satellitum
 motu è Primarii centro spectati & in quavis Satellitum revolutione
 geniti, sunt directe ut quadrata Temporum periodicorum respec-
 tive. ibid.
- Proposit. LII.* Si Primarii duo Planetæ circa Solem in diversis ab
 illo Distantiis revolvantur, circa Primarium autem quemvis Secun-
 darius unus revolvatur, sint quæ horum Orbitæ aequales, similes
 similiterque ad Primariorum suorum Orbes inclinatae; Solis Vires
 Satellitum motus perturbantes horumque effectus, omnes sc. Er-
 rores angulares, è centris Primariorum suorum respective spectati,
 sunt reciproce in duplicata ratione Temporum periodicorum Pri-
 mariorum circa Solem. 564
- Proposit. LIII.* Errores angulares Satellitum, in singulis suis revo-
 lutionibus circa Primarios respectivos geniti & ex horum centris spe-
 ati, sunt in ratione composita ex directa duplicata ratione Tempo-
 rum 564

rum periodicorum Satellitum circa suos respective Primarios , & reciproca duplicata ratione Temporum periodicorum Primariorum circa Solem.

Pag. 565

Proposit. LIV. Motus inæquales Satellitum circa alium quemvis Planetam revolvendum determinare.

566

Proposit. LV. Motus Apfidum Satellitum circum-Jovialium aut circum-Saturniorum Prop. præc. inventos corrigere.

567

SECTIO X. *De Motu Satellitum Circa Propria Centra Respective.*

570

Proposit. LVI. Lunæ circa Tellurem delatæ Motum circa proprium centrum describere.

ibid.

Proposit. LVII. Ejusdem Meridiani Lunaris (sive circuli per Axem conversionis Lunæ) planum productum per Orbitæ Ellipticæ (quam circa Terram describit) umbilicum à Terræ centro diversum perpetuo transit quamproxime. *Tab. XXXII. fig. 9.*

571

Proposit. LVIII. Motus in Lunæ Facie ex Terra apparentes, ex Lunæ Motu circa proprium centrum oriundus, describere. *Fig. 9.*

572

SECTIO XI. *De Magnitudine & Densitate Satellitum.*

575

Proposit. LIX. Lunæ Magnitudinem definire. *Tab. XXXII. fig. 10.*

576

Proposit. LX. Quantitatem materiæ in Luna definire respectu Quantitatis materiæ in Terra. *Tab. XXXIII. fig. 1.*

ibid.

Proposit. LXI. Rationem Densitatis Lunæ ad Densitatem Telluris definire.

578

Proposit. LXII. Definire rationem Gravitatis acceleratricis versus Lunam in ejus superficie ad Gravitatem acceleratricem versus Terram in superficie hujus.

ibid.

SECTIO XII. *De Figura Satellitum & Primariorum ex mutua Gravitate oriunda,*

579

Proposit. LXIII. Figuram Sphæroidem prolatam Lunæ definire.

580

Proposit. LXIV. Si Telluris Globus ubique profundo Mari opertus esset, induerit hic Figuram sphæroidem oblongam fere, cujus axis productus per Lunam transieret. *Tab. XXXIII. fig. 2. & 3.*

581

Proposit. LXV. Maris Fluxus & Refluxus fit ex Fluidi Telluris Globum operientis Figuris sphæroidibus oblongis, quarum axes producti per Lunam & Solem transeunt.

584

Proposit. LXVI. Si Globus Lunæ ubique profundo Mari nostro simili opertus esset, indueret hic figuram sphæroidem oblongam, cujus axis productus per Terram transieret: & Altitudo fluidi Lunaris, in partibus citerioribus & ulterioribus Lunæ, supra sphæram sphæroidi inscriptam esset ad Altitudinem analogam Maris nostri in partibus

Lunæ

XCII. INDEX LIBRORUM SECTIONUM

Lunæ subiectis & hisce è diametro oppositis, supra sphæram inscrip- tam sphæroidi, in ratione composita ex ratione gravitatis accelera- tricis Lunæ in Terram ad gravitatem acceleratricem Terræ in Lu- nam, & ratione Diametri Lunæ ad Diametrum Terræ.	588
<i>Proposit. LXVII.</i> Figuram sphæroidem oblongam Lunæ definire.	590
SECTIO XIII. <i>De Saturni Annulo, ejusque Phasibus.</i>	592
<i>Proposit. LXVIII.</i> Annuli, quo Saturnus cingitur, Magnitudinem, Fi- guram & Situm describere. <i>Tab. XXXIII. fig. 6.</i>	ibid.
<i>Proposit. LXIX.</i> Annuli Saturni Phases è Sole spectatas describere & definire. <i>Tab. XXXIV. fig. 2.</i>	594
<i>Proposit. LXX.</i> Annuli Saturnii Phases è Terra spectatas describere & definire. <i>Tab. XXXIV. fig. 1.</i>	598
LIBER QUINTUS DE COMETIS.	603
SECTIO I. <i>Generalia de Cometis.</i>	604
<i>Proposit. I.</i> Philosophorum placita de Cometarum Duratione & Lo- co breviter exponere.	ibid.
<i>Proposit. II.</i> Philosophorum Opiniones de Cometarum Orru & Orbitis breviter recensere.	607
<i>Proposit. III.</i> Si Aer sese expandas secundum legem hanc experi- mentis confirmatam, nempe quod spatia in quæ comprimitur sunt ponderibus comprimentibus reciproce proportionalia; globus Ae- ris nostri unciam unam latus, ea cum raritate quam haberet in Alti- tudine Semidiametri Terrestris, impleret omnes Planetarum regiones ad usque sphæram Saturni, & longe ultra. <i>Tab. XXXIV. fig. 4.</i>	610
<i>Proposit. IV.</i> Philosophorum Opiniones de Cometarum Caudis ex- ponere & veram confirmare.	614
<i>Proposit. V.</i> Plures Cometæ venditur in Hemisphærio versus Solem quàm in Hemisphærio opposito. <i>Tab. XXXIV. fig. 5.</i>	623
<i>Proposit. VI.</i> Cometæ Distantiam à Sole ex comparatione Lucis Co- metæ cum Luce Planetæ æstimare.	625
SECTIO II. <i>De determinandis Cometæ Via & Loco apparente prope veris.</i>	626
<i>Proposit. VII.</i> Ex Observatione cognitis duobus Cometæ Locis è Tel- lure visis, illius Viam inter Fixas, hoc est, ejus Nodum & Inclinatio- nem ad Eclipticam definire. <i>Tab. XXXIV. fig. 6.</i>	627
<i>Proposit. VIII.</i> Datis positione tribus rectis τA , τB , τD ex eodem puncto ductis & in eodem plano jacentibus, à dato in illarum qualibet (ut τA) puncto A docere rectam AC , cujus partes AE , EC inrer dictas rectas interceptæ habeant rationem datam, nempe quam a habet ad s . <i>Tab. XXXV. fig. 1.</i>	ibid.
	Pro-

Proposit. IX. Ex tribus Observationibus sub initium apparitionis Cometæ factis Locum Perigæi, Tempusque quo Cometa illud tenebit, determinare; & ad datum Tempus Cometæ Locum invenire. *Fig. 2.*

Pag. 628

Proposit. X. Definire Tempus quo vapor è Cometa exiens à Capite ad Caudæ extremum ascendit. *Fig. 3.*

632

Proposit. XI. Datis positione quatuor rectis in eodem plano jacentibus, quintam ducere, quæ à quatuor istis secetur in tres partes datam rationem datumque ordinem inter se servantes. *Fig. 4.*

633

Proposit. XII. Datis quatuor Cometæ Locis observatus, ejus Trajectoriam, si rectilinea fuerit, determinare. *Fig. 5.*

635

Proposit. XIII. Iisdem positis, ad datum Tempus Locum Cometæ è Terra visum invenire. *Tab. XXXVI. fig. 1.*

638

SECTIO. III. De vera Cometæ Trajectoria Determinanda. 639

Proposit. XIV. Si Parabolam vA , cujus vertex v , axis vD , tangat recta GA in puncto A , ad quam ex Parabolæ foco F demittatur normalis FC ; erit hæc media proportionalis inter rectas FA & Fv . *Tab. XXXVI. fig. 2.*

640

Proposit. XV. Si corpus moveatur in Parabola (dum urgetur à viribus ad Parabolæ focum tendentibus, quæ sunt quadrato distantie à foco reciproce proportionales,) ejus velocitas in quovis Parabolæ puncto est reciproce in subduplicata ratione distantie à Parabolæ foco. *Fig. 3.*

641

Proposit. XVI. Iisdem positis, velocitas corporis in quovis Parabolæ puncto est ad velocitatem corporis revolvantis in circulo, circa idem centrum virium ad eandem distantiam descripto, ut diameter quadrati ad ejusdem latus.

642

Proposit. XVII. Velocitas cujusvis Cometæ est ad velocitatem Planetæ cujuslibet primarii in subduplicata ratione duplæ distantie Planetæ à Sole ad distantiam Cometæ ab eodem.

643

Proposit. XVIII. Sit Parabola quælibet FA cujus focus s , hujusque arcus quivis AC cujus corda AB bisecta in m puncto, per quod ducatur recta mv ad axem Parabolæ sx parallela Parabolæ occurrens in v , & producat ad G , ita ut mv dupla sit ipsius vg ; jungatur gs secans AB in o , & producat ad E , ita ut se dupla sit ipsius gs ; si Cometa describat arcum Parabolicum AC circa Solem s (ut in Prop. xxxv. Lib. 1.) recta EC , conjungens Cometam ubivis in dicto arcu repertum (ut ad C) & punctum E superius determinatum, secabit chordam AB in D , ita ut AD sit quamproxime ad D ut Tempus quo Cometa describit arcum AC ad Tempus quo

quo

XCIV. INDEX LIBRORUM SECTIONUM

- quo arcum $c v$ describit. *Tab. XXXVI. fig. 4.* Pag. 644
- Proposit. XIX.* Si in Parabola $B A P$, cujus focus s , ducta chorda $A B$ abscindatur segmentum $A V B$, cujus vertex v ; diameter $v m$ chordæ occurrens in puncto medio m , & ex m ad $A B$ excitetur normalis $m t$ rectæ $t v$ ad $A B$ parallelæ occurrens in t , & compleatur parallelogrammum $v t m k$; coëuntibus punctis v & m , siue nascente segmento $A V B$, diagonalis $t k$ producta in s incidit. *Tab. XXXVII. fig. 1.* 649
- Proposit. XX.* Sit Parabola quælibet $P A B$, cujus focus s ; Parabolæ arcus quivis $A V B$, cujus chorda $A B$, vertex v , diameter $m v$; jungatur recta $s v$ & producat ad t & r , ita ut $v t$ sit pars tertia ipsius $m v$, & $s r$ tertia proportionalis ipsis $s v$, $s t$; Cometa, quo tempore describit arcum Parabolicum $A V B$ circa Solem s , si progrediretur æqualiter ea cum velocitate quam habet in distantia à Sole æquali $s r$, describeret lineam chordæ $A B$ æqualem. *Tab. XXXVII. fig. 3.* 650
- Proposit. XXI.* In eadem figura, si Cometa è quiete demitteretur ex altitudine t s ut caderet versus Solem s , & eà vi centripetâ nec auctâ nec minuatâ deinde urgeretur quâ in t urgebatur; Cometa hic fecisse temporis, quo arcum Parabolicum $A V B$ describit, descendendo percurreret rectam rectæ $m v$ æqualem. *Tab. XXXVII. fig. 3.* 652
- Proposit. XXII.* Si ex puncto s , Parabolæ $A V B$ foco & Circuli $t r$ centro, ducantur æquales rectæ $s v$ & $s t$, ducantur item rectæ $A B$, $t r$ chordæ arcuum quorum vertex v & t , secantes rectas $s v$, $s t$ in punctis d & n , ita ut $v d$ & $t n$ sint æquales & admodum parvæ respectu rectarum $s v$ & $s t$; erit chorda $A B$ ad diametrum quadrati, cujus latus est chordo $t r$, in subduplicata ratione rectæ $s t$ ad $s d$ rectam. *Tab. XXXVII. fig. 4.* 654
- Proposit. XXIII.* Si communi foco s describantur duæ quævis Parabolæ $A B C$, $E G F$, in quibus ductæ chordæ $A B$ & $E F$ abscindat segmenta quorum vertex c & g , eâ lege ut ductis rectis $s c$ & $s g$ prædictas chordas in d & h secantibus, sit $c d$ æqualis $g h$; dico $A B$ esse ad $E F$ in subduplicata ratione rectæ $s c$ ad rectam $s g$. *Tab. XXXVII. fig. 5.* 655
- Proposit. XXIV.* Circa datum focum Parabolam describere, quæ per data duo puncta transeat. *Fig. 6.* ibid.
- Proposit. XXV.* Ex observatis aliquot Cometæ Locis invenire Locum ejus ad Tempus quodvis intermedium datum; & Tempus, quo Locum intermedium datum occupabit, determinare. *Fig. 7.* 656
- Pro-*

Proposit. XXVI. Cometæ in Parabola moti Trajectorium ex observationibus determinare. *Tab. XXXVIII. fig. 1.* Pag. 660

Proposit. XXVII. Punctum determinare quod primâ, secundâ & tertiâ vice pro Cometæ vestigio in plano Eclipticæ assumere commodissimum erit. *Tab. XL. fig. 1.* 672

Proposit. XXVIII. Positionem Linæ Nodorum Trajectoriæ Cometæ, Tempusque quando Cometa Nodos tenet, determinare. *Fig. 3.* 675

Proposit. XXIX. Inclinationem plani Trajectoriæ Cometæ ad planum Eclipticæ determinare. *Fig. 5.* 676

Proposit. XXX. Trajectoriæ Cometæ Latus rectum principale, Perihelium, Tempusque quo Cometa in Perihelio versatur, determinare. *Tab. XLI. fig. 1.* ibid.

Proposit. XXXI. Cometæ Trajectoriam per Prop. xxvi. inventam corrigere. 678

SECTIO IV. De Cometæ Loco tam Heliocentrico quam Geocentrico in Trajectoria superius determinata ad Tempus datum inveniendi ; deque Tabulis ad Cometarum Motus expedite definiendos necessariis. 684

Proposit. XXXII. Ex datæ Parabolæ $v\tau$, cujus vertex v & axis ve , foco s educere rectam sa , talem ut area Parabolica vra comprehensa sub rectis vs , sa & curva Parabolica vra æqualis sit dato rectilineo, puta quadrato à recta s descripto ; rectæquæ sa sic ductæ longitudinem & inclinationem ad axem ve calculo definire. *Tab. XLI. fig. 2. & 3.* ibid.

Proposit. XXXIII. Ad datum Tempus Cometæ propositi Locum Heliocentricum, quoad Longitudinem & Latitudinem, & illius à Sole Distantiam invenire. *Fig. 6.* 688

Proposit. XXXIV. Ad datum Tempus Cometæ propositi Locum Geocentricum, quoad Longitudinem & Latitudinem, & illius à Tellure Distantiam invenire. *Fig. 7.* 690

Proposit. XXXV. Tabulas describere ad Cometarum Loca promptè & expedite inveniendi necessarias. 691

LIBER SEXTUS DE ASTRONOMIÆ COMPARATIVA. 697

Proposit. I. Phænomena præcipua Oculo in Sole posito spectanda describere. 699

Proposit. II. Phænomena Oculo in Mercurio posito visa describere. 706

Proposit. III. Phænomena Oculo in Venere constituto visa describere. 711

Pro-

XCVI. INDEX LIBR. SECTION. ET PROPOSITIONUM.

<i>Proposit. IV.</i> Phænomena Oculo in Marte posito visa describere	717
<i>Proposit. V.</i> Phænomena Cœlestia Oculo in Jove collocato spectanda describere.	719
<i>Proposit. VI.</i> Phænomena Cœlestia præcipua, quæ Oculo in Saturno posito occurrunt, describere.	724
<i>Proposit. VII.</i> Phænomena Oculo in Cometa aliquo posito visa describere.	730
<i>Proposit. VIII.</i> Præcipua Phænomena Fixarum, Solis, & Planetarum omnium, præter Terram, Oculo in Luna posito visa describere,	734
<i>Proposit. IX.</i> Præcipua Telluris Phænomena Oculo in Luna collocato visa describere.	738
<i>Proposit. X.</i> Phænomena præcipua Oculo in Jove aut Saturni Satellitum aliquo posito visa describere.	746



ASTRONOMIÆ PHYSICÆ ET GEOMETRICÆ ELEMENTA.

LIBER PRIMUS

DE MUNDI SYSTEMATE.

SECTIO I.

DE ORDINE, DISTANTIIS, & PERIODIS
PLANETARUM PRIMARIORUM CIRCA SOLEM
GYRANTIIUM, & PHÆNOMENIS INSIGNIO-
RIBUS INDE ORTIS.

PROPOSITIO I.

*Ordinem & motuum Periodos Planetarum primariorum
circa Solem, & eorum à Sole Distantias, quidque de Co-
metis & Stellis Fixis sentiendum sit, generatim exponere.*



N medio immensi hujus spatii, in quo
Planetæ gyros suos complent, conci-
piendus est Sol immotus; circa quem,
tanquam centrum, corpora sex Sphæ-
rica & Opaca ab occidente versus o-
rientem ab A per B, C, & D ordine
sequenti revolvuntur. Nempe Mercu-

rius Soli proximus circulum suum complet spatio trium
fere mensium: Venus huic proxima mensibus $7\frac{1}{2}$ fere:

A

Dein

Tab. I.
Fig. I.

Dein Terra spatium annuo : Postea Mars fere biennio : Huic ordine proximus Jupiter 12. annis : Et extimus Saturnus annis fere 30. Talis autem est horum Planetarum à Sole distantia , qualis fere hoc schemate exprimitur ; nempe quarum partium distantia Telluris à Sole est 10 , harum Mercurii distantia est 4 fere , Veneris 7 , Martis 15 , Jovis 52 , & Saturni 95.

Advertendum porro est Planetarum horum Orbitas non esse in eodem plano omnes, sed ad se invicem diversimode inclinatas ; ita nempe ut si planum Orbitæ Telluris intelligatur congruere cum plano hujus schematis , alterius cujusvis Orbitæ dimidium alterum supra planum hoc attollatur , alterum infra illud deprimatur ; ita ut hujus planum secet planum prædictum in recta per Solem ducta.

Præter Planetas supradictos circa Solem gyran-tes, sunt etiam & Cometæ ; qui , si corpora sint perennia in gyros acta , in Orbitis moventur Soli admodum excentricis , & proinde se nobis spectandos tantum præbent , cum in iis suarum Orbitalium partibus versantur , quæ Soli & Terræ sunt viciniore. Cometarum aliqui ab occidente in orientem , Planetarum ritu , feruntur ; aliqui vero ab oriente in occidentem ; alii à septentrione ad austrum ; alii ab austro ad septentrionem : Et horum Orbitæ quoad magnitudinem , situm , & ad se invicem & Planetarum Orbitas inclinationem , varix & diversæ sunt. Cometarum Periodi ex observationibus adhuc non constant , & ne hoc quidem certo , quod in lineis moventur in se redeuntibus ; Sed hæc forsitan ex sequentium seculorum observationibus huc collimantibus determinabuntur.

Porro reliquum omne , quaquā patet , spatium mundanum concipiendum est in spatia descripto non absimilia divisum , in quorum cujusque centro Stella aliqua , ex illis quas nos Fixas dicimus , loco immota collocatur , quæ in dicto spatio Solis officio fungitur (quippe huic non

non abſimilis ;) circa quam forſan & ſui revolvuntur Planetæ & Cometæ.

Sufficit hæc primo generatim, ut hic deſcripta, concipere. Nam quamvis Planetarum Periodi & à Sole Diſtantiæ non ſint præciſe illæ quas diximus ; ſunt tamen in numeris rotundis veris proximæ. Rurſus, quamvis illorum viæ non ſint perfecti circuli Soli concentrici, nec ejuſdem Planetæ motus perfecte æquabilis ; tantillum tamen hinc aberrant, ut ſufficiat illa pro talibus habere, donec per obſervationes, & methodos obſervationibus utendi inferius propriis locis declarandas, hæc omnia præciſe & exacte ſtabiliantur, illorumque minutæ excutiantur ; aut ſaltem donec hæc declarentur, ut in veras illorum cauſas Phyſicas inquiretur.

PROPOSITIO II.

Phænomena, à ſupra deſcriptis Solis ſeu & Telluris motu orta deſcribere.

PRimo, ſi Obſervator in Sole locatus intelligatur, patet Tellurem huic viſum iri ab occidente in orientem continuo deferri, ſicut etiam revera ſit. Porro cum, præter Tellurem, Obſervator noſter Solaris etiam videat Fixas Stellas undique (propter oculi naturam) quaſi in concava ſphæra, cujus centrum eſt oculus, poſitas ; clarum eſt illum Terram obſervaturum quaſi inter Fixas motam, & ad Stellas magis magiſque orientales appellentem ; donec, completa revolutione annua, ad eundem rurſus inter eas locum redeat. Cumque Tellus eâdem viâ perpetuo incedat, notabit Obſervator Stellas, quas pertranſit Tellus ; ut & planum Orbitæ Telluris, circumlumque in ſphæra Fixarum ab hoc plano factum, *Eclipticam* dictum ; qui maximus quidem erit, quoniam tranſit per Solem ſive oculum, qui cavæ ſphæaræ, qua viſus terminatur, centrum

est. Quod si, propter commodiorem observationem, Observator divisam intelligat hanc Eclipticam in partes æquales duodecim, sive *Signa*, quorum cuius nomen imponat ab Asterismo vicino, sive figura rei cuiusvis quam vicinæ Stellæ referre concipiuntur: in hoc inquam casu, Terra videbitur transire ab φ ad ψ , indeque ad Π , atque ita denuo, ab occidente ad orientem omnia Signa peragrando, donec ad φ revolvatur.

Tab. I.
Fig. 1.

Quod si, secundo, Observator in Tellurem translatus intelligatur; si Tellus sit ad A, ubi ex Sole conspicitur inter Fixas ad φ , Sol inter Fixas conspicietur in opposito Signo \simeq è Terra, quæ nunc est sphaeræ Fixarum centrum; quippe locus oculi undique visum æqualiter producentis, & Stellas omnes ad hanc superficiem sphaericam referentis. Mota vero Terra ab A per B ad C in sua Orbita, sive, ex Sole spectata, ab φ per ψ ad Π &c. in consequentia Signorum; Sol, Observatori Terrestri locum suum (ut vulgo fit) immotum reputanti, inter Fixas moveri videbitur etiam in consequentia Signorum à \simeq per M ad ψ &c. in eodem plano Eclipticæ, eodem tempore, & versus eandem plagam, atque Tellus è Sole conspecta; sed in Eclipticæ punctis oppositis.

SCHOLIUM.

Similia Phænomena accidunt respectu Solis & alterius cuiusvis Planetæ, immo prorsus eadem; nisi quod tempus, quo Planeta circa Solem revolvitur, vel quo Sol è Planeta spectatus circa hunc revolvitur videtur, varium sit pro Planetæ cuiusvis Periodo, præcedente propositione exposita; quodque planum Orbitæ Planetæ istius productum aliis occurrat Fixis, quam quibus planum Orbitæ Terræ occurrit; & consequenter quod via Solis inter Fixas, spectata ex alio quovis Planeta, diversa sit ab ejus via è Tellure visa, sive Ecliptica.

P R O.

PROPOSITIO III.

Phænomena Planetarum à Sole visorum, quatenus in Orbibus moventur, quarum plana ad planum Eclipticæ sunt inclinata, describere.

Cum Telluris & Planetarum Orbiter ita disponantur, ut earum plana ad se invicem inclinentur, seque intersecant (ut Prop. I. generatim expositum) in rectis per Solem traductis ; in exponendis Phænomenis Planetarum à Sole visis, consideranda est inclinatio plani Orbiter cujusque ad planum Eclipticæ sive Orbiter Telluris. Hoc enim planum Eclipticæ ab Astronomis pro norma statuitur, ad quod scilicet reliquarum Orbitarum plana inclinata censentur ; & quidem jure, cum hoc illud sit, in quo Tellus (Astronomi locus) circa Solem defertur, vel in quo Sol circa Tellurem deferri videtur : Et Observator, in alio quovis Planetarum positus, suæ Orbiter planum pro norma haberet, & reliquorum Orbitas tanquam ad illud inclinatæ consideraret.

Recta per Solem ducta, quæ est communis sectio plani Orbiter Planetæ cum plano Eclipticæ, vocatur *Linea Nodorum* istius Planetæ, cum ipsa Puncta, in quibus Planetæ Orbita secant Eclipticam, vocentur *Nodi*. Sit ex. gr. Tab. I.
Fig. 3.

☉ T $\frac{1}{2}$ t Orbiter Telluris planum infinite productum, N P n Orbita Planetæ cujusvis interfecans planum prioris Orbiter sive Eclipticæ in N & n dicti Planetæ Nodis ; ita ut Orbiter hujus pars altera N P n extare supponatur supra planum hujus schematis, altera n p N infra idem deprimi (unde Ellipsis apparet) : Recta N n Nodos conjungens, communis sectio plani Orbiter Planetæ cum plano Eclipticæ, est *Linea Nodorum*.

Patet Planetam in Nodorum alterutro N situm, à Sole ☉, in Eclipticæ plano videri. Progressus vero Planeta usque

usque ad P , è Sole visus, ab Ecliptica deviare videbitur; & (per Def. v. Elem. x1.) rectæ $\odot P$, & proinde Planetæ ad P è Sole visi, inclinatio ad Eclipticam (quæ Planetæ *Latitudo Helio-Centrica* dicitur) mensuatur per angulum $P \odot E$, posita $P E$ recta perpendiculari ad Eclipticæ planum. Latitudo autem hæc Heliocentrica continuo augebitur, donec Planeta ad L perveniat, nempe *Limitem*; ubi æqualis est inclinationi Orbis Planetæ ad Eclipticæ planum. Atque inde rursus, moto Planeta, minuitur, donec Planeta ad Nodum alterum N appellet, ubi Latitudo evanescit. Superato Nodo N , statim incipit Planetæ Latitudo; at mutata denominatione, quoniam nunc fit ad alteras Eclipticæ partes; augeturque usque ad Limitem I , unde rursus minuitur, donec in Nodo N secundo evanescat.

Planetarum *Orbes* (hoc est Orbitalium plana) inclinantur ad planum Eclipticæ modo sequenti. Nempe Saturni Orbis angulo $2\frac{1}{2}$ graduum: Jovis $1\frac{1}{2}$ grad. Martis paulo minus quam 2 grad. Veneris paulo majus quam 3; grad. Mercurii denique fere 7. gradibus. De positione Lineæ Nodorum Planetæ cujusque alibi dicitur.

In duabus ultimis propositionibus consideravimus Planetas quasi è Sole visos: Istud enim necessarium est ad intelligendum motum illorum è Terra visorum.

PROPOSITIO IV.

Phænomena, à Telluris & inferiorum Planetarum, Veneris & Mercurii, motu orta, è Tellure visa describere.

Tab. I.
fig. 4.

CUM Venus & Mercurius revolvantur circa Solem in minoribus Orbitis quam Terra, ut in schemate, in quo τ refert Tellurem, in propria Orbita $\tau \frac{1}{2}$, ab occidente in orientem delatam; $A C E G$ Orbitam à Venere, versus easdem partes, breviori tempore percursam; patet quod,

quod, cum Venus in $D E F$, Orbitæ suæ parte à Tellure remotiore invenitur, hæc è Terra in T videbitur mota in consequentia Signorum; quo casu *Directa* dicitur. Cum vero Venus pervenerit ad situm respectu Solis & Telluris qualis est G ; dum à G ad H movetur, aequali celeritate cum Sole ferri videbitur: Nam tunc rectà versus Terram tendit; nec aliter moveri videtur; quam quatenus ejus Orbita defertur à Sole versus ortum moto; adeoque tardior quidem est quam prius, sed etiamnum *Directa*.

Venus ultra H per A ad B progressa, &, quia Soli proprior est, velocius mota quam ipsa Tellus; (cujus rationem inferius reddemus,) hanc inter & Solem media transit; & proinde è Tellure visa locum, inter Fixas, mutare quidem videbitur, at contra Signorum seriem, i. e. in *Antecedentia*; unde tum temporis *Retrograda* dicitur, licet è Sole spectata etiamnum *Directa* videretur. Et inter *Directionem* & *Retrogradationem*, prope H scilicet, *Stationaria* apparet; rectis nempe Terram & Venerem, eodem momento, jungentibus, per tempus notabile parallelis manentibus. Similiter, post *Retrogradationem*, antequam rursus *Directa* fiat, secundo *Stationaria*, prope B , videbitur; & quidem *Stationaria ad Directionem*, quia mox futura est *Directa* in Orbitæ parte $B C D E F G H$: Nam prior Statio, ad H , erat *ad Retrogradationem*. Interim & progredientis Terræ habenda est ratio: Nam *Directiones*, *Stationes* & *Retrogradationes* supra descriptæ sunt, cum Venus versatur in Orbitæ suæ partibus, quæ modo supradictò referuntur ad Tellurem interea motam. Ex dictis apparet Venerem *Retrogradam*, ut ad A , Telluri propiorem esse, & proinde majorem videri; è contra *Directam*, ut ad E , remotiorem ac, cæteris paribus, minorem.

Porro, quoniam Venus Solem ambit ad minorem distantiam quam Terra; patet illam è Tellure visam Solem perpetuo

perpetuo comitari : Cumque Cœlestia omnia locata videantur ad eandem à Spectatore distantiam ; Venus nunc ad ortum , nunc ad occasum à Sole digredi videbitur. Digressio hæc , *Elongatio* dicta , quæ mensuratur per angulum comprehensum inter rectas ab oculo ad Solem & Veneremeductas , nunquam major erit quam angulus $\odot T G$ vel $\odot T G$, si $T C$ vel $T G$ contingat Orbitam $A U F$. Et ideo , ex Orbitalium semidiametris Prop. I. positis , Venus nunquam ultra quadrantis semissem à Sole elongabitur : sed , postquam Elongationem maximam attigerit , versus Solem redibit ; & inde rursus , quasi oscillando , ad altras partes excurrent.

Similia omnia & Mercurio accident : At Mercurii Directiones , Stationes & Retrogradationes sæpius occurrent ; quippe Planetæ periodum suam breviori tempore absolventis , Terramque proinde sæpius assequentis . Et quoniam Mercurii Orbita minor est quam Veneris , illius Elongationes maximæ à Sole non erunt tam magnæ atque hujus , sed prope Solem perpetuo hærens , & per Prop. L ab eo nunquam per integrum Signum elongatus , se raro conspiciendum præbebit.

PROPOSITIO V.

Phænomena Latitudinis inferiorum Planetarum , à Tellure visorum , describere.

Tab. II.
Fig. 1.

Si $T \frac{1}{2} t$ Telluris Orbita , cujus planum idem est cum plano Eclipticæ ; sitque $N \frac{1}{2} n$ Orbita Planetæ inferioris , (Veneris *ex. gr.*) cujus planum ad Eclipticæ planum est inclinatum , quæ propter hanc obliquitatem appareat Ellipsis , cujus major axis est planorum intersectio , sive Linea Nodorum $N n$. Atque Venere existente in $\frac{1}{2}$, sit Tellus in T ; quo casu Venus erit Terræ proxima & Retrograda , ut Prop. IV. ostensum est : Patet (per Def. V.



V. Elém. XI.) rectæ $\varphi \tau$ inclinationem ad planum Eclipticæ, sive Veneris in φ Latitudinem è Terra visam (quæ exinde dicitur *Latitudo Geocentrica*) mensurari per angulum $\varphi \tau \epsilon$, posita recta $\varphi \epsilon$ ad Eclipticæ planum normali. Si, Venere in φ manente, Terra in ϵ supponatur, quo casu Venus est directæ & à Terra remotissima; Latitudo Veneris Geocentrica erit angulus $\varphi \tau \epsilon$ minor quam $\varphi \tau \epsilon$, in ratione $\tau \varphi$ ad $\epsilon \varphi$ tere, quamvis Latitudo Veneris Heliocentrica sit in utroque casu eadem.

Atque hæc de Mercurio pariter vera sunt. Unde pater quod, cæteris paribus, interiorum Planetarum Latitudo major est, dum retrogradi & Telluri proximi sunt; minor, cum directi & remotissimi.

Porro, si inferiorum aliquis sit simul & Telluri proximus sive maxime Retrogradus, & in Nodo vel prope illum; directe inter Observatorem & Solem reperietur: Sed si satis longe à Nodo distet, etiam tunc Solem præteribit ad boream vel ad austrum. Pari modo, si maxime directus sit & à Terra remotissimus, simul & in Nodo aut satis prope illum, à Sole tegetur; aliter, illum ad latus præteribit.

PROPOSITIO VI.

Phænomena Planetarum inferiorum, quatenus sunt corpora Sphærica, Opaca & à Sole illuminata, exponere.

Cum Planetæ omnes, æque ac Terra, sint corpora Tab. II. p. 2. Sphærica, Opaca & Scabra, radios Solis in se incidentes undique reflectentia; patet eam Planetæ cujuscunque medietatem quæ Soli obvertitur, à Sole illustrari; à Sole vero averfam in tenebris versari. Cumque medietas Telluri obversa ab Observatore videatur; si consideretur quænam Veneris facies in diverso ejusdem ad Solem situ illustretur; quænam vero à Tellure in τ , in Orbita sua $\tau \delta$,
B videatur;

videatur; palam est Venerem situm a obtinentem, hoc est maxime retrogradam & nobis proximam, minime apparere, sed ejus faciem obscuram nobis obverti: Et si simul in Eclipticæ plano, hoc est in Nodo suo versetur; tum, præced. directe inter Terram & Solem interjectam, velut Maculam in Sole videri.

Progreſſa Venere in ſitum a, (hoc eſt è Tellure retro-
gredi viſa;) tum aliqua medietatis illuſtrata pars Telluri
obvertitur, at multo maxima medietatis obſcuræ. Cum-
que Venus ſit figuræ Sphæricæ, & plana videatur; pars
illuminata in Cornuâ à Sole averſa, id eſt in occiden-
tem, protendi videbitur.

Procedente vero Venere ad c, medietatis illustratæ dimidium videtur, unde Venus Dimidiata apparet: In situ vero respectu Solis & Telluris qualis est d, Gibba; cum Hemisphærii illustrati majus quam dimidium Spectatori obvertatur. Cum vero ad e pervenerit, ubi & à Terra remotissima, & in motu maxime directâ est, Pleno Orbe fulget; quia integrum ejus Hemisphærium illuminatum nobis obvertitur.

Eadem phases subibit Venus, dum per F, G & H transit; sc. circa F Gibba, in G Dimidiata, ad H Corniculata, cornibus à Sole averfis, hoc est nunc in ortum protensis; adeoque in partes oppositas illis versus quas protendebantur in situ B.

Ut hæc melius intelligantur, nos Veneris Phases in
Tab. II. *Fig. 3.* schemate annexo, iisdem literis quibus præcedens schema
 distincto, delineavimus, quales è Terra videntur; hoc est,
 schema hoc aspicienti eadem est phasis ad A, B, C, &c.
 quæ revera Veneris visæ, in punctis A, B, C, &c. sche-
 matis præcedentis, ex τ puncto Terram referente. *Ex*
gr. in hujus schematis puncto A Venerem penitus ob-
 scuram delineavimus; cum in præcedente schemate Venus
 ad A, è Terra in τ visæ, obscura prorsus videatur: Ad
 B Venerem in cornua abeuntem, majore parte obscuram de-

depinximus; cum in præcedente schemate Venus ad s , è Terra in τ visa, eâdem phasi appareat: Atque sic de cæteris.

Similia etiam & de Mercurio apparebunt, habitâ ratione Orbitæ ejus & Periodi.

SCHOLIUM.

Quemadmodum Phænomena tribus novissimis propositionibus exposita ex Ordine & Motu Planetarum, Terræ, Veneris & Mercurii, Prop. I. descriptis manifeste consequuntur; ita, è converso, Phænomena hæcce observata, istum ordinem necessario stabiliunt; in quo nimirum Venus & Mercurius Orbitis suis, interius quam Terra, Solem cingunt.

PROPOSITIO VII.

Phænomena à Telluris & superiorum Planetarum, Martis, Jovis & Saturni, motu orta describere.

SIT M ♂ Orbita cujusvis è Planetis superioribus, Martis *v. g.* $A C \pm G$ Orbita Telluris Soli propior: patet primo hunc Planetam Solem perpetuo non comitari, sed illi è diametro quandoque opponi. Cum enim Tellus citius quam superiorum quivis circuitum suum absolvat, patet ipsam quandoque inter Solem & dictum superiorem Planetam intermediam fore; *v. g.* dum Mars est in M , Tellus poterit esse in H ; & universaliter angulus ad Terram, quem continent lineæ inde ad Martem & Solem ductæ, poterit esse cuivis dato æqualis. Tab. II
Fig. 4.

Ponatur, Marte in M posito, Terram esse ad A ; Mars in hoc casu Stationarius ad Directionem videbitur; quia rectæ eodem momento Terram & Martem jungentes, sibi invicem, per notabile tempus, parallelæ manent; cum

interim Mars è Sole visus continuo, ut alias, progredi videatur.

Dum vero Terra ab A per B, C, D, E, F ad G movetur, Mars progredi videbitur inter Fixas ob duplicem causam; cum quod revera circa Solem feratur in consequentia; tum quod Terra in adverso semicirculo, in eandem plagam feratur circa idem centrum: Adeoque Mars, in hoc casu à Terra remotissimus & Soli conjunctus, è Terra spectatus citius solito in consequentia Signorum ferri videbitur, & Directus fit. Progreſsâ vero Terrâ in situm G respectu Martis in M (quod tandem fiet, quamvis Mars interim circa Solem movetur, assequentè nimirum Terrâ Martem) Mars rursus fiet Stationarius, & quidem ad Retrogradationem; quippe mox futurus Retrogradus. Nam cum Terra à G per H ad A fertur (Marque Soli oppositus videtur, & maximus, quia Terræ proximus) Martem prætergressa, quia inferior & proinde velocior, efficiet ut Mars inter Fixas visus contra Signorum seriem moveri videatur ab s per K ad P; cum interim, è Sole, in consequentia ut semper motus videretur.

Similia omnia Jovi & Saturno accident, nisi quod Retrogradationes Saturni frequentiores sunt quam Jovis, Jovisque quam Martis; quoniam Tellus sæpius Saturnum quam Jovem, & Jovem sæpius quam Martem assequitur, mediâque illum inter & Solem tranſit.

PROPOSITIO VIII.

Phænomena Latitudinis superiorum Planetarum, è Tellure visorum, describere.

Tab. II.
Fig. 5. **S**It Telluris Orbita τ ϵ $\frac{1}{2}$; superioris vero cujusvis (Martis puta) ♂ M, cujus planum ad Ecclipticæ planum inclinatur, illudque intersecat in Linea Nodorum N \odot N; Ponatur talis Martis & Terræ situs respectu Solis,

Solis, ut, Marte in \mathcal{J} existente, Terra reperiatur in τ , inter Solem & Martem fere interjecta; quo casu & Mars Terræ proximus est, & proinde visu maximus, & maxime Retrogradus, ut Prop. præced. ostensum est: ejus Latitudo Geocentrica mensurabitur per angulum $\mathcal{J} \tau E$, posita \mathcal{J} in plano Eclipticæ normali. At si, Marte eundem obtinente situm in sua Orbita, ac eandem proinde habente Latitudinem Heliocentricam, Terra ponatur in s , ita ut Sol inter hanc & Martem interjiciatur; ubi, per præcedentem, Mars remotissimus, ideoque visu minimus, simul & motu maxime Directus est; Latitudo Geocentrica, per angulum $\mathcal{J} s E$ mensurata, multo minor est quam $\mathcal{J} \tau E$, & in ea ratione minor quæ distantis Telluris à Marte, nempe $\tau \mathcal{J}$, $s \mathcal{J}$ rectis, congruat. Eodemque modo, in quocunque situ Martis & Telluris respectu Solis, Latitudo Martis Geocentrica mutatur; ita ut (cæteris paribus) illa sit minor, quo Mars propior est Conjunctioni cum Sole & Directioni velocissimæ; & major, quo Retrogressui & Solis Opposito vicinior.

Patet etiam superiorum nullum è Terra visum posse Solem tegere: Potest tamen illorum quivis à Sole regi, dum Directus est; si Nodo sit satis propinquus.

PROPOSITIO IX.

Phænomena Planetarum superiorum, quatenus sunt corpora Opaca, à Sole illuminata, exponere.

Cum Saturnus & Jupiter corpora sint Opaca, à Sole illuminata; ea Planetæ medietas, quæ Soli obvertitur (hoc est, quæ illuminatur) obvertitur etiam & Terræ, quæ nunquam procul abest à Sole sive centro Orbitæ Saturni & Jovis: Nam, per Prop. I. Jovis Distantia à Sole plusquam quintuplo, Saturni autem fere decuplo, major est quam Terræ Distantia ab eodem.

B 3

Verum

Verum in Marte res aliter se habet: Nam cum Martis Distantia à Sole sit tantum sesqui-altera Distantiæ Telluris ab eodem; clarum est Martis hemisphærium Soli obversum, non semper, etiam ad sensum, obverti Terræ. Si τ sit Telluris locus in Orbita sua τ $\frac{1}{2}$; patet Martem in situ A vel B , dum vel Soli Conjungitur, vel eidem Opponitur, eandem faciem Telluri obvertere quam Soli, hoc est illuminatam, & proinde Pleno Orbe fulgere; in situ vero D vel C (nempe cum angulus $\odot C \tau$ vel $\odot D \tau$ est maximus, sive cum $\odot \tau C$ vel $\odot \tau D$ angulus est fere rectus) faciem illuminatam non totam videri, nec visam totam illuminari; sed Martem, ad partes à Sole averfas paululum lumine deficientem, Gibbum apparere.

Tab. II.
Fig. 6.

S C H O L I U M.

Sicut Phænomena tribus ultimis Propositionibus exposita, ex Ordine & Motu Planetarum Terræ, Martis, Jovis, & Saturni Prop. I. descriptis manifeste consequuntur; ita è converso hæc Phænomena istum Ordinem stabiliunt.

P R O P O S I T I O X.

Phænomena motûs Cometarum è Tellure visa describere.

Q Uoniam diversorum Cometarum diversæ sunt Orbitæ, nec ante Observationes aliquas de Cometis institutas determinandæ; patet, dum quisque prope Perihelium suum descendit, sive in Orbitæ suæ portione versatur, quæ in regionem Planetarum immergitur, similia esse ejus Phænomena, habitâ ratione inclinationis Orbitæ & velocitatis ipsius Cometæ, ac Planetæ vicini. Unde Cometæ via apparens inter Fixas erit Circulus Maximus proxime; nisi quod ejus deviationes in hanc vel illam partem similes erunt atque Planetæ, nempe pro motu Terræ spectatorem deferentis. Nam ex Sole spec-

tatus



tatus Cometa Circulum Maximum inter Fixas accuratissime describere videretur: Deviatio autem, propter Terræ motum circa Solem, in tempore non nimis magno non erit valde sensibilis.

Porro Cometa, qui progreditur secundum ordinem Signorum, si Terra sit inter Solem & Cometam, Retrogradus est; siquidem Tellus tanto celerius fertur, ut rectæ Terram & Cometam jungentes convergant ad partes ultra Cometam: Sin Terra tardius fertur, motus Cometæ, detractō motu Terræ, sit saltem tardior: At si Sol sit inter Tellurem & Cometam, erit Cometæ motus justo celerior. E contra vero, Cometæ, qui in antecedentia moventur, sunt justo celeriores, si Terra versatur inter ipsos & Solem; & justo tardiores, vel forsan etiam in consequentia apparenter moti, si Terra sita est ad contrarias partes. Contingit hoc ex motu Terræ, in vario ipsius situ, perinde ut sit in Planetis; qui pro motu Terræ, vel conspirante vel contrario, nunc Retrogradi sunt, nunc tardius moveri videntur, nunc vero celerius, ut Propositionibus IV. & VII. ostensum est. Atque hæc omnia magis sensibilia erunt sub finem apparitionis Cometæ, cum ejus motus apparens est tardior, & spectatorem vehementis Telluris motus majorem ad illum rationem habet.

Quinetiam Cometæ Latitudo, cæteris paribus, pro situ Terræ vario varia est; nempe in Oppositione ad Solem major, in Conjunctione vero major minorve, prout Cometa Terram inter & Solem, vel Sol inter Cometam & Terram, positus est; sicut de Planetis est demonstratum Propositionibus V. & VIII.

SECTIO II.

DE DIRECTIONE VIRIUM, QUIBUS PLANETÆ PRIMARIJ IN ORBIBUS SUIS RETINENTUR.

PROPOSITIO XL.

Tab. III. fig. L
 Si Corpus secundum Directionem data positione recta linea AZ moveatur, & simul urgeatur à Vi Centripeta tendente ad datum punctum immotum s , extra prædictam rectam suum; Lineæ à Corpore descripta Curva est, versus s Cava, tota in Immoto Plano per rectam AZ & punctum s transiente constituta. Et Area sub hujus Curvæ portionibus quibuscvis, & rectis ad centrum s ductis, comprehensa eandem habens inter se rationem, quam Tempora, quibus dicta Curvæ portiones à Corpore describuntur.

Concipiatur Tempus divisum in partes æquales, in cujus primâ Corpus solâ Vi insitâ, quâ secundum directionem AZ progredi nitur, describat ejus partem AB ; descripturum Temporis parte secundâ Bc ipsi AB æqualem, si nihil impediret; quoniam, per primariam motûs Legem, Corpus omne motum, aliunde non impeditum, movetur uniformiter in directum: Verum, ubi Corpus ad B pervenit, intelligatur Vis Centripeta ad s tendens agere impulsu unico quovis, ita ut Temporis parte secundâ Corpus per solum hunc impulsum impelleretur per rectam BG . Patet, si per c ducatur cc ad BG , & per G , Gc ad Bc parallela, Corpus ex utroque impulsu, quo simul impellitur, dictâ secundâ Temporis particulâ perventurum ad c , describens rectam Bc ; cum in Mechanicâ sit notissimum, Corpus viribus conjunctis Diagonalem Parallelogrammi eodem tempore describere, quo Latera separatim. Constat porro rectam

BG

$B C$ esse in plano parallelogrammi $B G C c$, cujus utrumque latus $B G$ & $B c$ est in plano trianguli $A S B$, quod nempe transit per Centrum Virium s , & rectam immotam $A Z$. Præterea triangula $s C B$, $s c B$ sunt æqualia, quippe super eadem basi $B s$, & inter parallelas $s B$, $c c$ constituta; sed $s c B$, $s B A$ sunt æqualia, quoniam eorum bases æquantur, & altitudo est eadem: Quare $s B A$, $s C B$ etiam æquantur. Eadem prorsus ratiocinatione, si tertiam Temporis particulam Mobile describat rectam quamvis $c D$; probabitur triangulum $s c D$ æquale triangulo $s B C$, & rectam $c D$ esse in eodem plano cum rectis $s B$, $B C$; hoc est, in eodem cum eo quod per rectam $A B$ & punctum s traducitur. Et ita porro, quousque motus continuatur, æqualibus Temporis partibus æqualiter augebitur Area, radiis ad immobile Centrum Virium ductis descripta: Et, componendo, sunt Arcarum summæ quævis inter se, ut sunt Tempora, quibus describuntur. Et Linea à Corpore descripta jacebit in Immoto plano, quippe per rectam immotam $A B$ & immobile centrum s ducto. Sed & erit versus s Cava, quia ejus quælibet portio recta, ut $B C$, à præcedente $A B$ declinat versus centrum. Si augeri intelligatur triangulorum $s A B$, $s B C$, $s C D$, &c. numerus, & latitudo minui in infinitum; horum bases $A B$, $B C$, $C D$, constituent Lineam Curvam versus easdem partes Cavam, & in eodem plano jacentem: & Vis Centripeta, quæ prius quasi subsultim & per æqualia Temporis intervalla agebat, quâ Corpus de tangente istius Curvæ (quam triangulorum bases metiuntur) perpetuo retrahitur, nunc indefinenter ager: Arcæque quævis descriptæ, $s A B C s$, $s A B C D E s$, erunt (ut prius) Temporibus quibus describuntur proportionales. Quod erat demonstrandum.

C

PROPO.

PROPOSITIO XII.

Corpus motum in Linea Curva ABCD, in Plano descripta; versus easdem partes Cava, & radio ad s punctum im- motum in eodem plano versus Curva cavitatem positum ducto, describens Areas Temporibus proportionales, urgetur à Vi Centripeta tendente ad illud punctum s.

Tab. III.
Fig. 2. **I**ntelligatur Curva à Mobili descripta dividi in partes AB, BC, CD , &c. quorum quælibet à rectâ minime differt, tales ut Temporis partibus æqualibus describantur: Concipiatur item Vis Centripeta subsultum agens in solis punctis B, C, D , &c. ut in præcedente. Producat AB ad e , ita ut Be æqualis AB ; item BC ad d , donec cd æqualis BC ; & sic porro. Erit sAB triangulum æquale sBC , quia, ex hypothesi, Area descriptæ sunt Temporibus proportionales; & sAB æquale sBe ; quia AB æqualis Be : Quare sBC est æquale sBe , & igitur (per 39. Elem. I.) ce parallela est ad sB . Porro, Corpus primâ Temporis particulâ per AB motum, solâ Vi insitâ in secunda particula Temporis percurreret Be ; sed eâdem parte secundâ revera percurrit BC : Quare Vis in puncto B agens, quæ cum Vi insita conjungitur ad Corpus per BC movendum, dirigitur secundum rectam ipsi ce parallelam; hoc est, secundum rectam sB . Eodemque modo Vis in puncto C agens, quæ conjuncta cum Vi insita (quâ solâ Corpus tertiâ Temporis particulâ percurreret cd) potest eodem tempore illud per CD movere, dirigitur secundum rectam ad d parallelam; hoc est, secundum cs : Sed rectæ sB, cs , &c. tendunt versus punctum s . Agit ergo Vis Centripeta, qua Corpus de Curvæ tangente retrahitur, secundum rectas ad punctum immobile s tendentes. Quod erat demonstrandum.

PROPO.

PROPOSITIO XIII.

Vires, quibus Planeta Primarii, Mercurius, Venus, Mars, Jupiter, & Saturnus, à motibus rectilineis retrahuntur, & in Orbitis suis retinentur, non tendunt versus Terram, sed versus Solem.

NAm Corpus omne, quod movetur in Linea Curva, detorquetur de cursu rectilineo, quem ex natura sua affectat, per Vim aliquam. Planetas autem in Lineis Curvis moveri vel exinde patet, quod eorum Orbitæ in se redeant. Vis vero hæc in Planetas exercita non tendit ad Terram, quoniam duorum ex illis, Mercurii nempe & Veneris, Orbitæ Terram non cingunt, ut ex Prop. VI. patet; & proinde non sunt in omnibus sui partibus versus Terram Cavæ: Unde (per Prop. XI.) Vires, quibus in Orbitis retinentur, non tendunt ad illam. Præterea Planetæ Primarii, scilicet Mercurius, Venus, Mars, Jupiter, & Saturnus, respectu Terræ nunc Progrediuntur ab Occidente versus Orientem, nunc Regrediuntur ab Oriente in Occidentem, nunc etiam Stationarii sunt: Tempus autem, quo Motus hi peraguntur, uniformiter semper labitur; & proinde Arcæ radio ad Terram ducto à Planeta quovis descriptæ non sunt proportionales Temporibus, quibus describuntur. Quare, per præcedentem, urgetur Planeta quivis, & in Orbita sua retinetur, à Vi quæ ad Terram non tendit.

Verum (ex Scholio Prop. VI.) constat Veneris & Mercurii Orbitas Solem cingere, quod & de Martis, Jovis, & Saturni Orbitis etiam patet ex Scholio Prop. IX. Et omnes hi Planetæ Solis respectu semper Progrediuntur, ut ex Prop. I. patet; idque propemodum uniformiter, sicut Tempus fluit. Verum quidem est Planetas paulo celerius in quibusdam suarum Orbitalium punctis, etiam res-

pectu Solis, progredi quam in aliis, ut infra dicitur; sed differentia adeo est parva, ut hic sit negligenda: Sed & tum Planetæ sunt Soli propiores (nam eorum Orbitæ non sunt circuli Soli concentrici) & eorum Motus ita attemperatur, ut Area à radiis ad Solem ductis descriptæ æquabiliter augeantur; ut in decursu patebit. Et igitur Vires, quibus a motu rectilinetraherentur Planetæ, & in Orbitis suis retinentur, tendunt versus Solem.

PROPOSITIO XIV.

Vires quibus Cometa in Trajectoriis suis (si hæ sint Curvilineæ) retinentur, non tendunt versus Terram, sed versus Solem.

SI enim Cometarum Trajectoriæ Rectæ sunt, nullis urgentur illi Viribus ad punctum extra Rectas istas positum tendentibus; quippe quibus à motu rectilinetraherentur, & Orbes curvilineos describere cogerentur, per Prop. XI. Si vero Cometarum Trajectoriæ Curvæ sunt, tamen Vis, quâ Cometa quivis in ista Curva retinetur, versus Terram non dirigitur; quia Tellus extra Trajectoriæ planum plerumque reperitur; & præterea, Terræ respectu, nunc progreditur Cometa, nunc regreditur, & Areas proinde per Radios ad Terram ductos describit Temporibus minime proportionales: Respectu vero Solis in omnium Trajectoriarum planis positi, semper in eadem partes tendit Cometa, & quidem quo Soli vicinior, eo velocius; ita ut Area à Radio ad Solem ducto descripta æquabiliter, instar Temporis, augeatur: Unde ex Prop. XII. constat propositum.

SECTIO III.

DE ORDINE, DISTANTIIS & PERIODIS
PLANETARUM SECUNDARIORUM CIRCA
PRIMARIOS REVOLVENTIUM, & HORUM
PHÆNOMENIS; DEQUE DIRECTIONE VI-
RIUM, QUIBUS ISTI IN ORBITIS SUIS
RETINENTUR.

PROPOSITIO XV.

*Ordinem & Motuum Periodos Planetarum Secundariorum;
sive Satellitum circa proprios Primarios, & illorum ab
hiscè Distantias exponere.*

E Sex Planetis primariis, qui circa Solem revolvuntur, ^{Tab. III. Fig. 3.} tres tantum sunt (quantum observatione adhuc cer-
to constat) Satellitio donati ; nimirum circa quos alii rur-
sus Planetæ (qui propterea Secundarii appellantur) revol-
vuntur. Circa Tellurem unus, scil. Luna, diebus 27 $\frac{1}{2}$
fere Periodum suam absolvens, & Telluris semidiamet-
ris circiter 60. à Tellure distans.

Circa Jovem quatuor : quorum intimus revolvitur die
1 $\frac{1}{4}$, ad Distantiam 5 $\frac{1}{2}$ semidiametrorum Jovis à centro
ejusdem ; secundus revolvitur spatio 3 $\frac{1}{2}$ dierum, ad Dis-
tantiā semidiametrorum 9 ; tertius spatio 7 $\frac{1}{2}$ dierum,
ad Distantiam 14 $\frac{1}{2}$ semidiametrorum ; quartus denique
& extimus revolvitur, circa Jovem spatio 16 $\frac{1}{2}$ dierum,
distans ab ejus centro semidiametris 25 $\frac{1}{2}$ Jovis.

Circa Saturnum quinque : quorum intimus revolvitur
die 1 $\frac{1}{2}$, ad Distantiam semidiametrorum Saturni 4 $\frac{1}{2}$ à
centro Saturni ; secundus spatio 2 $\frac{1}{2}$ dierum, ad Dis-
tantiā 5 $\frac{1}{2}$ semidiametrorum Saturni ; tertius spatio 4 $\frac{1}{2}$ die-
rum fere, ad Distantiam 8 semidiametrorum ; quartus
16 diebus fere, ad Distantiam 18 semidiametrorum ;

C 3

quin-

quintus & hæcenus visorum extimus revolvitur circa Saturnum spatio $79 \frac{1}{4}$ dierum, distans ab ejus centro 54 semidiametris Saturni. Et Systema Solare hæcenus visum figuræ est fere, qualem in annexo schemate depinximus: Verum inter extremos duos satellites Saturnios sextum insidere suspicatur Cl. *Hugenius*, cum spatium amplius pateat quam pro distantis cæterorum; vel etiam ultra quintum alios circumvagari, qui propter obscuritatem nondum sunt visi. Plana Orbitalium satellitum ejusdem Primarii non coincidunt; sed ad se mutuo varie inclinantur, & etiam ad planum Orbite in qua Primarius circa Solem deferitur.


Cingitur præterea Saturnus *Annulo* tenui, plano, nusquam coherente, instar Fornicis Orbicularis per totum Saturni ambitum extructi. Annuli hujus planum est plano Æquatoris Terrestris hæc tempestate fere parallelum. Ex ejus varia positione respectu Solis illustrantis (est enim sui Planetæ instar opacus) & oculi videntis, oriuntur phasces *Ansarum* Saturni, quæ tam variis figuris Astronomorum operam luserunt. Ab *Hugenio* primum plane detectus est, & in *Systemate Saturnio* Anno 1659 editus. Annuli diameter dupla sesquiquarta est diametri Saturni; & latitudo spatii inter Annulum & Saturni globum interjecti ipsius Annuli latitudinem adæquat.

PROPOSITIO XVI.

Phænomena Luna à Terra visa, quatenus est corpus Sphericum à Sole illuminatum, exponere.

Tab. II.
Fig. 1.

TERRAM τ , circa Solem in Orbita $R\tau$ rotatam, comitatur Luna Planeta secundarius, in eandem plagam, ab A per B, C, &c. Orbitam suam describens. Hujus tamen Orbite Lunarum planum cum Eclipticæ plano non congruit, sed ad illud inclinatur angulo circiter 5 graduum



dum; horumque planorum communis intersecctio est recta $\Omega \Psi$; punctaque Ω & Ψ , ubi Orbita Lunar^{is} Eclipticæ planum interfecat, vocantur Nodi Lunæ; sicut prius dictum est, cum de primariis ageretur. Adeo ut concipienda sit Orbita Lunar^{is} dimidiâ sui parte Ω A Ψ ad Boream exstare supra planum Eclipticæ sive hujus schematis, alterâ vero Ω K Ψ infra idem deprimi ad Austrum; quæ etiam est ratio cur Elliptica delineatur. Nodorum alter Ω , (nempe quo Luna, superatâ Eclipticâ, ad Boream ascendit,) dicitur *Caput Draconis*; alter vero Ψ *Cauda Draconis*. Nodorum Linea $\Omega \Psi$ non eundem semper servat situm, sed ita movetur motu angulari, ut Nodi regrediantur; nempe Ω per G, F, &c. & Ψ per c, b, &c. contra Signorum seriem; circumque spatio 19 annorum fere compleant. Ex quibus constat Lunam nunquam in Ecliptica reperiri, præterquam bis in revolutione sua menstrua, cum est in Nodo Ω vel Ψ : reliquo tempore Luna ab Ecliptica deviat in latum; ejusque Latitudo mensuratur per angulum, quo (per def. V. Elem. XI.) recta centrum Lunæ & oculum conjungens inclinatur ad Eclipticæ planum; prorsus ut de primariis dictum est Prop. V. & VIII.

Præterea, cum Luna (instar ipsorum primariorum) sit corpus Sphæricum, Scabrum & Opacum, radios Solis in se incidentes reflectens; patet ejus medietatem Soli obversam illustrari, averfam vero obscuram manere. Sed Lunæ hemisphærium Telluri obversum ab observatore Telluris incola solum poterit videri. Et igitur Lunæ varix erunt Phases pro varia habitudine hemisphærii ejus illustrati ad hemisphærium Telluri obversum; sicut Prop. VI. (in casu simili) de inferioribus est ostensum. Si in schemate, Sole in s existente & Tellure in T, Luna sit ad A punctum Soli oppositum; patet faciem Lunæ illustratam totam Telluri obverti: unde pleno Orbe fulget Luna; quæ Phasis *Plenitimum* vocatur. Cæteris vero manentibus, si Luna in b posita

posita intelligatur, illustratæ faciei pars à Terra ¹ *t* averte-
tur, obscuræ vero pars eidem obvertetur: unde Luna non
erit perfecte plena; sed, versus Solis oppositum paululum
deficiens, Gibba apparebit. Lunâ vero ad situm *c* pro-
gressâ, ubi angulus *c t s* est rectus, & Luna in *Quadrato*
Solis; tum hemisphærii ad Terram obversi pars dimi-
dia illustratur, dimidia in tenebris versatur: unde Dimi-
diata & decrescens apparebit. Lunâ longius adhuc pro-
gressâ, (ut ad *d*,) faciei Terræ obversæ pars parva illustra-
tur, multo vero maxima obscura manet: & proinde ob
Lunæ figuram vere sphericam, & apparenter planam,
illustrata pars velut in Cornua protensa videbitur; & qui-
dem à Sole aversa (ut Prop. sequente demonstrabitur)
sive in casu præsentis versus occalum. Cumque tandem
Luna ad situm *k* sive conjunctionem cum Sole pervenerit,
facies illustrata aversa est à Terra; & proinde Luna erit
prorsus obscura, sitque *Novilunium*; quippe mox rursus
in *f* apparitura, & lucida Cornua à Sole etiamnum aver-
sa, & proinde nunc in orientem protensa, ostensura. Pos-
tea, quasi crescens, in *g* Dimidiata apparet, primo Luna-
tionis Quadrante elapso; sicut in *c* factum est ultimo
Quadrante inchoato: Atque rursus Gibba in *h* videbitur,
ad Plenilunium in *a* denuo celebrandum tendens. Nos,
majoris evidentiae causâ, post quemvis Lunæ situm deli-
neavimus correspondentem ejus Phasim, qualiter è Terra
t apparet.

Quamvis Lunæ Periodus circa Terram (ut in præce-
dente dictum) sit dierum tantum 27, horarum $7\frac{1}{4}$, (qui
& *Mensis* est *Periodicus*;) tamen per Mensem, sive *Lu-
nationem*, vulgo intelligitur temporis spatium id, quod
à Novilunio ad Novilunium proxime insequens impendit-
tur, & prædicto Mense Periodico majus est; quoniam
spatio Mensis Periodici, quo Luna à puncto *k* (ubi nunc
Novilunium celebratur) digressa ad idem revertitur, ip-
sa Tellus, una cum comite Luna, integro fere Signo in
confe-

consequentia est mota; unde dictum Orbitæ Lunarîs punctum κ Sole est multo occidentalius: adeoque Luna ad Conjunctionem cum Sole nondum pervenit; sed adhuc opus est diebus 2 & horis 5, ut Luna Soli sit conjuncta, sive ut Novilunium celebretur; hoc est, ut fiant omnes Phasium vicissitudines, sive ut integra Lunatio absolvatur, quæ & *Mensis Synodicus* dicitur, constans diebus 29, horis 12½.

Porro, paulo ante & post Novilunium (nempe cum Luna est in D vel E) Solis radii à Terra reflexi & Lunam offendentes, illam Luce istâ tenui perfundunt, quæ (præter Cornua) reliquus ejus discus conspicuus redditur. Cum vero Luna extra viam reflexæ à Terra Lucis est progressa, memorata Lucula (quibusdam perperam Lunæ nativa credita) simul evanescit.

PROPOSITIO XVII.

Ad datum Tempus Luna Phasem delineare.

PER centra Solis, Terræ, & Lunæ traductum planum Tab. IV.
Fig. 2. (idem nempe cum plano hujus schematis) secet Lunæ Globum, & sectio sit circulus A D B C. Sit C D circuli hujus diameter, cui recta S L centra Solis & Lunæ jungens est normalis; & A B ejusdem diameter, cui normalis est recta T L, centra Terræ & Lunæ jungens. Ex puncto D in A B demittatur perpendicularis D E, diametro A B occurrens in E. Cumque planum ad schematis hujus planum super C D normaliter erectum dividat Lunæ hemisphærium illustratum ab obscuro; & planum super A B similiter erectum dividat ejusdem hemisphærium visum à latente: erit Globi Lunarîs portio utriusque hemisphærio communis; nimirum quæ inter plana super A L, D L, ut dictum est, erecta comprehenditur, visi hemisphærii pars illuminata; & quæ inter plana super B L, D L, ejusdem pars obscura. Et utraque hæc pars hemisphærii visi, tam illustrata sc. quam obscura,

D

cura,

Tab. IV.
Fig. 1. cura, in Lunarisi Globi punctis oppositis terminatur; in quibus sc. recta ex L , ad planum circuli $A C B D$ normaliter excitata, & utrinque producta, (quippe planorum super $A B$ & $C D$ erectorum communis sectio,) ejus superficiei occurrit: Et partium harum latitudo maxima est in circumferentia $A D B$; obscuræ quidem $B D$, illustratæ vero $A D$.

Arcus $B D$ est mensura anguli $B L D$, qui æqualis est angulo $S L T$, comprehenso sub rectis ex Luna centro ad Solis & Terræ centra ductis: Nam si æqualibus angulis $S L D$, $T L B$ (quippe rectis) addatur communis $D L T$, anguscentur æquales. Sed ad Tempus datum innotescit angulus quo Luna distat à Sole, nempe $L T S$; adeoque & $S L T$ ejus complementum ad duos rectos: Nam distantia Lunæ à Terra tam parva est respectu distantie Terræ à Sole, ut rectæ $T S$, $L S$, à Terra & Luna ad Solem ductæ, possint pro parallelis haberi. Fiat ut duplum radii ad sinum versus anguli $T L S$, ita $B A$ ad $B E$. Porro, cum Lunæ hemisphærium è Terra visum appareat circulus, quod Globo è longinquo spectato contingit, ut *Fig. 3.* in Opticis docetur: Sit $A M B N$ circulus Discum Lunæ referens; idem nempe qui prius factus est per sectionem Lunæ cum plano super $A B$ erecto, adeoque eodem centro *Fig. 2.* L , eademque diametro cum illo descriptus. Et quoniam longinqua est Luna, videbuntur singula per rectas rectæ $L T$ parallelas. Et ideo erunt $B E$ & $A E$, latitudines maximæ partium illuminatæ & obscuræ in Disco Lunari. Ducatur diameter $M N$ ad $A B$ normalis; & axe majore $M N$, & minore æquali duplæ $L E$, describatur Semiellipsis $M E N$: Erit $M A N E M$ Pars illuminata, $M B N E M$ vero Pars obscura Disci Lunarisi $A M B N$.

Nam illustrationis superficiei Lunæ sphericæ, per sphaericum Solem, terminus est circulus; & hic è longinquo oblique spectatus apparet Ellipsis, cujus semiaxes $L M$, $L E$,
Fig. 1. ut ex Opticis patet: Oblique vero spectatur per $T L$, quo

quoniam recta sL , illius plano normalis, ad L T inclinatur; nisi in Plenilunio ubi coincidunt. Tab. II.
Fig. 2.

In problemate hoc construendo, supposuimus dimidium Globi Lunæ à Sole illuminari; dimidium etiam à spectatore videri: quorum neutrum est in rigore verum: Nam quia Sol quam Luna major est, paulo amplius dimidio illustratur; & quia spectator non distat infinite, superficiæ Lunaris portio paulo minor quam dimidia videtur. Verum hæc adeo sunt minuta, ut merito contemni queant: Et Phasis Lunæ delineata, ut supra, observatis satis respondet. Ut vero schema cum cœlo congruat, linea BA , cui MN Cornua jungens est normalis, in componenda est situ, ut recta ad Solem dirigatur: Nam recta LA , ex T visa, coincidit cum LS ad Solem tendente. Fig. 3.
Fig. 2.

Similiter delineabuntur Planetarum inferiorum & Martis Phases, de quibus Prop. VI. & IX. dictum est: Verum in isto casu, si L referat aliquem è Planetis primariis, rectæ TS , LS inclinantur sensibilibiter ad invicem, & triangulum constituunt.

PROPOSITIO XVIII.

Phænomena Luna ex Opacitate Telluris Umbram projicientis orta, sive Luna Eclipsin exponere.

CUm Tellus sit corpus Opacum, patet ab illa lucido Soli exposita Umbram protendi ad partes à Sole averfas; Umbramque proinde hanc in Eclipticæ plano perpetuo versari, quoniam Terra & Sol in illo versantur. Quod si contingat Lunam, cum in Plenilunio Soli opoponitur, etiam in Eclipticæ plano, aut satis prope illud versari, (quod fit cum Plenilunium in Nodo celebratur, aut prope illum:) patet hanc in Umbram immergi; & proinde lumine Solis, quo solo fulget, privari; hoc est, Eclipsin pati; & quidem Totalem aut Partialem, prout tota, aut ex parte tantum, in Umbram incurrit. Fig. 4.

D 2

Tellu.

Telluris autem Umbra tandem in apicem definit, nec ad Cœlum Martis protenditur: Nam Mars in plano Eclipticæ Soli oppositus non deficit; quod necessario fieret, si in Umbram Telluris immergeretur: est enim Mars corpus Opacum, ut ex Prop. IX. patet. Ex hac autem Umbræ Terræ figura, primo obtutu patet Solem esse Terrâ majorem: Nam si æquale sit corpus Lucidum Opaco, Umbra erit æqualiter crassa & cylindrica; si vero Lucidum sit Opaco minus, Umbra quidem erit conica, sed increscens, & quo remotior ab Opaco, eo crassior; utroque autem modo in infinitum porrigeretur. Sicut Sol quam Terra, ita Terra quam Luna major est: quod exinde patet, quod Luna deficiens in Telluris Umbram tota immergatur; Telluris autem Umbra, ubi Luna illam pervadit, multo gracilior est, (ut hæcenus ostensum,) quam prope Terram.

Tab. P.
Fig. 1.

Exponat circulus *v m* Umbræ Terræ sectionem transversam, ubi Lunari Orbitæ occurrit: Sit Orbita Lunæ *l* *q* *f*, Ecliptica *c e*. Ea quarundam Eclipsium invenitur duratio, (nempe quatuor horarum,) quæ sufficit ut Luna in tenebras tota immersa pervadat Umbram circiter tres sui diametros latam; quod fit cum centrum Lunæ Umbrosi circuli *v m* centrum pertransit: Hujusmodi Eclipsis vocatur *Totalis* & *Centralis*.

Quandoque Luna Nodum hæcenus est prætergressa, aut
Fig. 1. eundem nondum assequuta, cum Umbram pervadit: Si tamen Luna sit Nodo satis propinqua, Luna tota in Umbram immergetur, fietque Eclipsis *Totalis*, sed non *Centralis*, neque tantæ durationis; quia via Lunæ per Umbram minor est Umbræ diametro, quippe per centrum non transiens; & proinde citius, cæteris paribus, percurritur.

Si vero Nodus ab Umbra adeo sit remotus, ut Luna, in Orbita sua prope Umbram transeuntis, pars tantum in Umbram immergatur, fiet Eclipsis *Partialis*; quæ
tot



tot dicitur esse *Digitorum*, quot duodecimæ partes Diametri Lunaræ obscurantur, quando Eclipsis est maxima. Etenim Lunæ Diameter (ut aliud quodvis integrum) in duodecim Uncias sive Digitos divisa intelligitur: Quod & de alia quavis Eclipsis Phase similiter intelligendum est. In omnibus hisce casibus, incipiente Eclipsi, Luna occidentalem Umbræ plagam orientali sui latere primum tangit; & desinente illâ, Lunæ occidentale latus orientalem Umbræ limbum ultimo deserit; totumque interjectum tempus Eclipsi annumeratur; sed totali immersioni illud tantum, quo Luna in tenebris tota versatur.

Verum Lunæ limbus orientalis versus Umbram procedens non statim in densissimas tenebras immergitur, sed obscurior evadit, prout Umbræ fit propior: quod ex Penumbra Umbram omnem (factam à lucido quod sub angulo sensibili videtur) comitante proficiscitur. Hæc autem undique circa Umbram effunditur. Sit ☉ Sol, ☿ Terra, ducanturque rectæ ut in schemate: Umbræ $TVMR$, ubi nulla prorsus Solaris luminis pars pertingit, circumfunditur Penumbra $VTPMRN$, ubi aliqua Solaris lucis pars à Terra impeditur; & hæc Penumbra obscurior est versus TV , RM ipsius perfectæ Umbræ oras, quia pauciores radii (nempe à minore Solis portione profecti) illuc attingunt; minus obscura versus TP , RN ubi plures: ultra quem limitem radii omnes Solares libere pertingunt, quantumque fieri potest illustrent.

Tab. V.
fig. 4.

Rubicundus vero iste color, quo Luna etiam in perfectæ Umbræ medio sita perfunditur, & visibilis quandoque instar lateris cocti redditur, (nam in Eclipsibus quibusdam omnino quasi evanescit Luna,) oriri videtur à radiis Solaribus vel in Atmosphæra Terræ circumfusa refractis, vel à particulis extra Terræ Umbram volitantibus ad Lunam reflexis, vel ab illuminatione Stellarum, vel simul omnibus.

Eclipsis aliqua Lunaræ, qualem supra descripsimus, ple-

rumque bis saltem quovis anno incidit. Nam cum duo sint Nodi, in quibus Lunariorum orbita Eclipticam intersectat, iique in antecedentia moti, (ut Propositione XVI. dictum est;) & Sol quovis anno Eclipticam in consequentia peragere videatur, (ut Prop. II. ostensum:) Pater Solem bis quovis anno Lunæ Nodorum alterutri ex Tellure obviam factum videri; & proinde Umbram Telluris Lunæ Cœlum in altero Nodo quasi perforare. Si igitur Plenilunium hoc tempore contingat, Luna necessario totaliter & centraliter deficiet; ut superius ostensum. Licet vero Plenilunium non incidat, quando Sol & Nodus sunt obviam; tantilla tamen est Orbitæ Lunæ ad Eclipticam inclinatio, tantaque Umbræ Telluris crassities, ut etiam si Plenilunium decem amplius diebus à tempore prædicto, ante vel post, distet, (integris vero quindecim distare non potest,) tamen Luna Umbram vix effugerit. At si prædictus Solis & Lunariorum Nodi occursum contingat ipso die Novilunii, vel die uno alterove ante aut post, (quod non nisi raro fiet;) satis longe aberit Luna ab Umbra Terræ in Plenilunio, cum præcedente tum insequente, ad illam prorsus vitandam: Nullaque proinde erit isto semestri spatium Lunæ Eclipsos.

PROPOSITIO XIX.

Phænomena Solis à Terra visa. ex Opacitate, Luna orta. sive Solis Eclipsin exponere.

Sicut Luna ob interpositam Terram Solis lumine privata deficere dicitur, seu Eclipsin pati; ita vicissim, si Terra ob interpositam Lunam lumine Solis spoliatur, illud Phænomenon Eclipsos Terræ dicenda esset. Observator vero Terrestris, qui nec Eclipsin, nec Motum, nec aliud quidvis quod imperfectionem illi videtur arguere, in domicilio suo agnoscit, hocce Phænomenon Solis Defectum appellat; pari ratione, quæ incolæ Lunæ dum hæc

in

in Umbram Telluris immergitur, Solem deficere diceret.

Patet vero Eclipsin Solis futuram quovis Novilunio, *Tab. 1^a* ubi Luna ad aut prope Nodorum alterutrum reperitur. *Fig. 5^a*
Tum enim Lunæ, directæ inter Solem & Terram interjectæ, Umbra ad Terram protensa, (ut in figura,) incolis tractus c d densissimâ Umbrâ immerfis, Eclipsin Totalem efficit. Quum vero Lunæ Umbra nequeat integram Telluram involvere, circa circularem Terræ tractum prædictum c d circumfunditur corona b c, a d Penumbrae immersa, cujus incolis Partialis tantum erit Eclipsis: & versus c & d, major Solis pars à Luna tegitur, majoresque proinde tenebræ; versus b vero & e Penumbrae extrema, minor; & luminis Defectus vix sensibilis. Quinetiam Terræ moles efficit, ut alii sint interim illius tractus, (ut e f,) ubi nulla prorsus est Eclipsis; sed quos Sol libere illustrat.

Atque hæc omnia in ipsa rerum natura sunt, ut hæc *Fig. 6^a* tenus dictum. E Terra vero spectatis Sole & Lunâ, hæc illum (ut in figura) tegere videbitur magis minusve, prout spectator Umbræ totali propior est, aut ab illa remotior. Quoniam vero Luna regens cerni nequit, Sol, quâ ab illa tegitur, deficere videbitur; reliquâ tantum sui parte lucidus.

Aliquando accidit Eclipsin Solis Centralem non esse Totalem; sed circa Lunam luminosum solis circulum apparere. Quod ex eo provenit, quod Lunæ Umbra brevior sit quam ut ad Terram pertingat; sive id fiat ob majorem tum distantiam Lunæ à Terra; sive quod radii Solares Lunæ oras radentes, per inflectionem, magis quam aliâs, incurventur, & Umbram decurrent. Eclipsis Solaris quantitas (sicut prius de Lunari dictum est) æstimatur per Digitos sive Uncias Diametri Solis, à Luna, ut supra dictum est, regi visas in loco dato.

Patet porro Lunæ, versus ortum sive à α per m ad *Fig. 7^a*
motu, Umbram latus Telluris occidentale a primo attingere

tingere, atque per discum Telluris, tanquam maculam; per B, C, D, E ad F (ubi Tellurem relinquit) incedere. E Terra vero spectata Lunæ orientalis limbus occidentalem Solis primo tegit, & occidentalis orientalem ultimo reteggit: Tenebræ vero spissæ, si quando ingruunt in Totali Eclipsi, brevissimo tempore fugantur; aliquâ Solaris disci parte resectâ statim fere post omnem à Luna tectum: tantilla autem claritatem magnam efficit.

Quamvis ad maximam Solis Eclipsin, in qua Lunarîs Umbra per mediam Tellurem incedit, requiratur ut Luna in Nodo existat ipso Novilunii momento; Si tamen non longe inde absit, Lunæ Umbra, aut saltem Penumbra pars, in aliquem Telluris (quippe satis magnæ) tractum incidet, ibique Eclipsin Totalem, aut saltem Partialem, efficit: Atque hoc sensu Solis Eclipses sæpius celebrantur quam ipsius Lunæ. Verum Eclipses Solis, in dato Terræ loco visibiles, longe sunt rariores quam Lunæ; quia Lunæ Umbra minor est Umbrâ Terræ, adeoque illa datum Terræ locum non tam sæpe involvit, quam hæc Lunæ partem aliquam.

SCHOLIUM.

Similia Phænomena in Jove & Saturno apparebunt: Illorum nempe Satellites sive Lunæ, in Primarij sui Umbram immerse, deficiunt; quæ Eclipses nobis similiter observantur, atque Eclipses nostræ Lunæ exinde observarentur. Et vicissim, Satelles quivis inter Solem Primariumque suum interpositus Umbram in Primarium projicit, quæ ab oriente occidentem versus per ejus Discum, maculæ instar, incedere videtur. Verum horum Phænomenon Duratio, Phases, Periodus, &c. varia sunt, & à similibus apud Terram visis, & à Luna nostra profectis, diversa; pro diversitate Umbrarum, Motuum, & Magnitudinum, tam Primarij quam Satellitum.

P R O

PROPOSITIO XX.

Quivis à Planetis Secundariis, Prop. XV. enumeratis, urgetur à Vi composita ex Vi Centripeta tendente ad centrum Primarii, circa quem revolvitur, & ex Vi omni Acceleratrice, quâ Primarius urgetur. Et igitur Vires, quibus dicti Satellites in Orbitis circum suos Primarios retinentur, tendunt versus suorum Primariorum centra respective.

Quoniam enim Jovis & Saturni Satellites æquabiliter revolvuntur in Orbitis circularibus, Jovi & Saturno respective concentricis, Areas describunt, circa centra illa respective, Temporibus (æqualiter auctis) proportionales. Similiter si Lunæ Orbita à circulo Terræ concentrico differat; quo Luna minor apparet, (hoc est, quo longius à Terra abest,) eo tardius circa Terram revolvitur, ita ut æquabiliter augeatur Area, quam describit radius ad Terræ centrum ductus. Adeoque universaliter, Satelles quivis è supra memoratis, radio ad centrum sui Primarii Planetæ ducto, Areas describit, circa centrum illud, Temporibus proportionales. Si ergo intelligatur Systema cujusvis Primarii & circumrevolventium Satellitum urgeri, secundum lineas parallelas, Vi æquali & contrariâ illi, quâ Primarius, in Orbitæ puncto ubi tunc est, versus Solem urgetur; Primarius hic versus Solem amplius non descendet; Secundarii vero, circa Primarium, pergent easdem quas prius Areas describere; id est, quisque Temporibus proportionales: (Nam si corpora moveantur quomodocunque inter se, & à Viribus Acceleratricibus æqualibus, secundum lineas parallelas, urgeantur; vel, quod eodem recidit, si Spatium, in quo corpora hæc motus suos exercent, moveatur uniformiter in directum; pergent omnia eodem modo moveri, ac si dictæ Vires abessent, aut Spatium, quo corpora

E inclu.

includuntur, quiesceret.) Adeoque Satelles quivis, urgente istâ differentiâ Virium, perget Areas Temporibus proportionales circa sui Primarii centrum describere. Et igitur, (per Prop. XII.) differentia ista Virium tendit ad Planetam Primarium ut centrum. Sed, antequam Systema totum urgetur, per lineas parallelas, Vi æquali & contrariâ illi, quâ Primarius versus Solem urgetur, (hoc est, in statu naturali,) Satelles quivis urgetur à Vi composita ex Vi Centripeta tendente ad centrum Primarii sui, & ex Vi omni Acceleratrice, quâ Primarius urgetur. Unde prædicta Virium differentia ea est, quâ Satelles in Orbita sua circa Primarium retinetur, reliquâ Acceleratrice Vi, quâ Primarius in quolibet Orbitæ suæ puncto urgetur, ad hoc nihil faciente : Hæc vero Virium differentia hæcenus est ostensa tendere ad centrum. Et igitur Vires, quibus Planetæ Secundarii in Orbitis suis circum Primarios retinentur, tendunt versus dictorum Primariorum centra respective. Quod erat demonstrandum.



SECTIO

SECTIO IV.

DE PERIODIS PLANETARUM PRIMARIORUM CIRCA SOLEM, UT & SECUNDARIORUM CIRCA SUUM PRIMARIUM RESPECTIVUM, INTER SE COLLATIS, & EORUNDEM DISTANTIIS ETIAM INTER SE COLLATIS; HARUMQUE MUTUA HABITUDINE, EJUSQUE RATIONE & CAUSIS.

PROPOSITIO XXI.

Planetarum Secundariorum circa Primarium quemvis revolvantium ita attemperatur Motus, ut Quadrata Temporum Periodicorum in eadem sint ratione cum Cubis Distantiarum eorundem à centro Primarii.

Theorema hoc ex Astronomorum observationibus abunde constat, per Quadrata Temporum Periodicorum intelligendo Quadrata reftarum, aut Quadratos numerorum, eandem, cum Temporibus Periodicis, rationem habentium; quo sensu etiam accipienda sunt Quadrata Velocitatum, aliorumve ejusmodi.

Ita in satellitibus Jovis, ubi Tempora Periodica intimi, secundi, tertii, & extimi sunt respectivé ut $1\frac{1}{2}$, $3\frac{1}{2}$, $7\frac{1}{2}$, & $16\frac{1}{2}$ fere, eorumque Distantiæ ut $5\frac{1}{2}$, 9, $14\frac{1}{2}$, & 25; Quadratum Temporis Periodici intimi, nempe 3 est ad 13 Quadratum Temporis Periodici satellitis secundi ut 170 Cubus Distantiæ intimi à centro Jovis ad 736 Cubum Distantiæ secundi ab eodem. Pariter 3 est ad 51 Quadratum Temporis Periodici tertii satellitis ut 170 ad 2890 Cubum Distantiæ istius tertii à centro Jovis. Et 3 est ad 280 Quadratum Temporis Periodici extimi satellitis ut 170 ad 15800 Cubum Distantiæ dicti extimi à Jovis centro. Et igitur ex æquo eadem ratio

E 2 obtinet,

obinet, si quis alii duo Jovis Comites inter se comparantur; secundus nempe cum tertio vel extimo, vel tertius cum extimo. Ratio hæc accuratior prodit, si Distantiæ & Tempora Periodica accuratiora assumantur.

Idem in Satellitibus Saturni obtinere deprehendetur, si sumantur numeri Prop. XV. positi, quibus eorum Distantiæ à Saturno, & Periodi circa eundem æstimantur. At Lunæ Telluris satelliti, cum unicus sit, Propositio hæc applicari nequit.

PROPOSITIO XXII.

Planetarum sex primariorum Motus circa Solem ita attemptatur, ut Quadrata Temporum Periodicorum in eadem sint ratione cum Cubis Distantiarum eorundem à Sole.

SIC (ex. gr.) in numeris rotundis Periodus Saturni est 30 annorum; Jovis vero 12; horumque numerorum Quadrati sunt 900 & 144. Saturni Distantia à Sole est per observationes ad Distantiam Jovis ab eodem ut 9 ad 5 fere; horumque Cubi 729 & 125: Liquet vero istos Quadratos esse quam proxime ut hi Cubi. Eodemque modo Periodus Telluris paulo plus quam quadruplo major est Periodo Mercurii; adeoque numerorum illos exponentium Quadrati sunt fere ut 17 & 1; posita vero Distantiâ Telluris à Sole 10 partium, Mercurii Distantia stabilita ex observationibus, modo infra tradendo, est paulo minor quam 4 partium, sive 3, 9, horumque Cubi ut 1000 & 59: Liquet vero esse 17 ad 1 fere sicut 1000 ad 59. Atque sic de cæteris. Si Distantiæ & Periodi correctionibus numeris exprimantur, eo magis præcisè deprehendetur supradicta æqualitatis ratio inter Quadratos Periodorum & Cubos Distantiarum. Verum hæcenus dicta nunc sufficiant: Propositio enim hæc exacte demonstrabitur inferius in Libro III.

P R O.

PROPOSITIO XXIII.

Spatia, quæ corpus, urgente quâcunque Vi finitâ, describit, (sive Vis illa determinata & immutabilis sit, sive eadem continuo augeatur, vel continuo diminuatur,) sunt, ipso motûs initio, in duplicata ratione Temporum.

EXponantur Tempora per rectas AD , AE ; & Velo-^{Tab. V.}
citates in fine illorum Temporum per ordinatas D ^{Fig. 7.}
 B , EC : Et Spatia his Velocitatibus descripta erunt ut
Areæ ABD , ACE , ex hisce ordinatis quasi composi-
tæ; Spatium nempe minimâ quâvis Temporis particulâ
descriptum, ut Velocitas & Tempusculum conjunctim.
Sed, ipso motûs initio, ordinatæ DB , EC sunt puncto
 A proximæ; in quo casu trilinea ADB , AEC sunt
triangula rectilinea similia, curvæ ABC parte eâ, quæ
ad trilinea infinite parva pertinet, se non ultra rectam
 AG , curvam in A tangentem, extendente. Et triangula
hæc rectilinea similia sunt in duplicata ratione laterum
homologorum AD , AE . Et igitur Spatia (ut dictum
est) descripta sunt, ipso motûs initio, in duplicata ra-
tione Temporum. Quod erat demonstrandum.

COROLLARIUM.

Hinc facile colligitur, quod corporum similes similibus fi-
gurarum partes temporibus proportionalibus describentium
Errores, qui Viribus quibuscunque perturbantibus aequalibus,
ad corpora similiter applicatis, generantur, & mensuran-
tur per distantias corporum à figurarum similibus locis
illis, ad quæ corpora eadem, temporibus iisdem propor-
tionalibus, absque viribus istis pervenirent, sunt ut Qua-
drata temporum, in quibus generantur quam proxime.
Sunt enim Errores hi Spatia quæ corpus urgente Vi per-
turbante describit. Quod si Vires perturbantes non sunt
æquales, sed in data ratione; Errores sunt ut Vires is-

E 3

tæ, & Quadrata temporum conjunctim; posito vires similiter applicari.

PROPOSITIO XXIV.

Subtensa nascentis vel evanescens anguli contactûs, in circulo quovis, est in ratione duplicata arcûs contermini.

Tab. VI. Fig. 1. **S**It circulus $A D C$, quem tangat recta $A B$ in A , adeoque angulus contactûs $B A D$. Dico ejus subtensam quamvis ipsi A proximam, nempe $B D$, esse ut quadratum arcûs $A D$; hoc est, esse hanc subtensam $B D$ ad aliam subtensam $b d$, in iisdem conditionibus, sicut quadratum arcûs $A D$ ad quadratum arcûs $A d$.

Ducatur diameter $A C$, quæ erit ad $A B$ normalis. Jungantur rectæ $D A$, $d A$, $D C$, $d C$, & ducantur $D E$, $d e$ ad $A B$ parallelæ. Sit primo subtensa $B D$ parallela ad $A C$. Estque (per 8. & 17. Elem. VI.) $A D q = C A \times A E$, & $A d q = C A \times A e$. Quare $A D q . A d q :: (A E . A e ::) B D . b d$. Sed cum $B D$, $b d$ sunt puncto A proximæ, sive cum nascuntur, arcus $A D$, $A d$, & eorum subtensæ non differunt; hoc est, æquales sunt. Quare, in illo casu, $B D$ est ad $b d$ sicut quadratum arcûs $A D$ ad quadratum arcûs $A d$.

Fig. 2. Quod si, secundo, anguli contactûs subtensa $B D$ non sit ad $A C$, sed ad $A G$ parallela; idem obtinet: Nam, ductis $D F$, $d f$ ad $A C$ parallelis, erit (ob æquiangularia triângula $D F B$, $d f b$) $B D . b d :: D F . d f$; sed hæcenus ostensum est esse $D F$ ad $d f$ sicut $A D q$ ad $A d q$. Quare $B D$ est ad $b d$ sicut $A D q$ ad $A d q$.

Quod si, tertio, $B D$ secundum aliam quamvis certam legem ducta intelligatur, (v. g. versus centrum convergentes;) cum $B D$, $b d$ sunt puncto A proximæ, anguli B & b æquales fient; ac propterea, in eo casu, $B D . b d :: (D F . d f ::) A D q . A d q$. Quod erat demonstrandum.

SCHO.

SCHOLIUM.

Idem etiam verum est in Curva alia qualibet, cui æ-^{Tab. VI.}
quicurvus circulus describi potest; quales sunt Sectiones ^{Fig. 1.}
omnes Conicæ. Nam puncta b, d (cum sint ipsi A
proxima) sunt tam in altera ista Curva, quam in cir-
culo illi (ex hypothesi) æquicurvo: Adeoque proprietates ipsarum $b d, b d$, quæ competunt circulo, competunt etiam & Curvæ cui circulus est æquicurvus. Et quoniam Propositio præcedens de omnibus circulis vera est; etiam de omnibus Curvis, quibus circuli æquicurvi describi possunt, vera erit.

PROPOSITIO XXV.

Corpora, quæ diversos circulos æquabili motu describunt; arguntur à Viribus Centripetis ad centra eorundem circulorum tendentibus. Et Vires hæ sunt inter se sicut arcuum simul descriptorum Quadrata applicata ad circulorum radios. Quæ etiam vera erunt de Viribus Centrifugis corporum, ut dictum est, motorum.

Quoniam, solâ Vi insitâ, corpora describerent tangentibus, manifestum est quod à motibus rectilinis retrahuntur, & in Orbitis circularibus retinentur à Viribus, ad puncta intra circulos posita tendentibus. Præterea, quoniam (ex hypothesi) corpora æquabili motu in circumferentiis feruntur; Arcæ à radio ad centra ducto descriptæ æqualiter augentur, & proinde Tempori æqualiter fluenti proportionales sunt; & igitur Vires (istæ per Prop. XII.) ad dicta centra tendunt.

Corpora M & T in circumferentiis circulorum MA , ^{Tab. VI.}
 TR gyrantia simul describant arcus minimos MF, TD ; ^{Fig. 3.}
à quorum extremis F & D ducantur rectulæ FE, DC ad tangentes usque, vel ad SM, ST parallelæ, vel ab S divergentes: (Eodem enim redit, quia MF, TD sunt tantum

tantum arcus nascentes.) Atque rectulæ hæ sunt effectus Virium Centripetarum acceleratricum; adeoque illis, ut causis suis adequatis, proportionales sunt; hoc est, Vis Centripeta corporis M est ad Vim Centripetam corporis T sicut EF ad CD . Fiat figura MGH similis figuræ $TC D$; unde & GH est etiam rectula nascentis: Adeoque est CD ad GH sicut arcus TD ad arcum MH . Et (per præced.) GH est ad EF ut MH q ad MF q : Et igitur, ex æquo, CD est ad EF sicut $(TD \times MH$ q ad $MH \times MF$ q ; hoc est, sicut $TD \times MH$ ad MF q , sive sicut) $TD \times MH \times ST$ ad MF $q \times ST$. Porro, ob similitudinem figurarum $TC D$, MGH , arcus TD , MH sunt similes; id est, $ST . SM :: TD . MH$: Unde $MH \times ST = TD \times SM$. Posito ergo hoc illius loco, erit CD , $EF :: (TD$ $q \times SM . MF$ $q \times ST ::) \frac{TD$ $q}{ST} . \frac{MF$ $q}{SM}$.

Sed supra fuit ostensum Vires Centripetas corporum T & M esse ipsis CD , EF proportionales. Et igitur Vis Centripeta Corporis in TR gyrantis est ad Vim Centripetam corporis gyrantis in MA sicut $\frac{TD$ $q}{ST}$ ad $\frac{MF$ $q}{SM}$. Et (propter motum in utroque circulo æquabilem) TD , MF , cum simul describantur, eandem habent rationem cum simul descriptis quolibet tempore. Quare Vis Centripeta corporis gyrantis in TR est ad Vim Centripetam gyrantis in MA sicut Quadratum arcus quolibet tempore in TR descripti applicatum ad radium ST , ad Quadratum arcus eodem tempore in MA descripti applicatum ad SM radium.

Porro, si prædicta corpora ad centrum s alligata concipiantur per fila, quorum intervntu in prædictis circulis detinentur; Vis eadem, quâ tenditur filum, quæ, in filo corpus trahente considerata, dicta est Vis Centripeta, si in corpore filum trahente consideretur, dicetur Vis Centrifuga: Eademque proinde vera sunt de Vi Centrifuga,

trifuga, quæ de Centripeta sunt demonstrata. Quæ erant demonstranda.

COROLLARIUM I.

Hinc sequitur, quod si corpus agitatam eam per Vim Centripetam, quâ in circulo retinetur, demittatur versus centrum; ita ut Vis hæc in descensu neque augeatur neque minuat, sed eadem maneat, & præter impulsus prius impressum, novum & æqualem corpori perpetuo superaddat, (ut fit in *Galileana* hypothese Gravitationis:) Quo tempore dictum corpus in circulo describeret arcum quemlibet, descensu suo versus centrum percurreret rectam æqualem ortæ, si quadratum dicti arcus ad circuli diametrum applicetur. Nam ex Prop. hac XXV. patet istud ipso casu initio fieri; & in præsentis descensus hypothese Spatia percurra sunt in duplicata ratione Temporum; & cum circulus æquabiliter describatur, arcuum descriptorum Quadrata sunt etiam in duplicata ratione Temporum, quibus describuntur: Atque Quadratorum horum applicatio ad circuli diametrum (quippe constantem) rationem hanc non mutat. Patet igitur istud perpetuo obtinere. Adeoque, in hac hypothese uniformis Vis Centripetæ; corpus semisse Temporis, quo arcum circuli quemlibet describeret, descensu suo rectam percurreret æqualem ortæ; si Quadratum semissis dicti arcus applicetur ad circuli diametrum; subquadruplam nempe rectæ, per quam descenderet duplo tempore, quo scilicet dictum integrum arcum circularem describeret.

COROLLARIUM 2.

Hinc etiam corporum, quæ diversos circulos æquabili motu describunt, Vires Centripetæ sunt in ratione composita ex duplicata ratione Velocitatum directe, & ratione simplici Radium inverse. Cum enim motus sit in quovis circulorum æquabilis, eadem erit ratio Velocita-

F tum

tum quæ arcuum simul descriptorum; quippe viarum simul emensarum: Sed (ex Prop. hac XXV.) Vires Centripetæ sunt in ratione composita ex duplicata ratione arcuum simul descriptorum directe, & simplici ratione Radiorum inverse: Quare etiam Virium istarum ratio componitur ex ratione duplicata Velocitatum directe, & ratione simplici Radiorum inverse.

PROPOSITIO XXVI.

Iisdem positis, dico Vires Centripetas esse reciproce ut Quadrata Temporum periodicorum applicata ad radios circulorum; sive Vires illas esse in ratione composita ex ratione simplici Radiorum directe, & ratione duplicata Temporum periodicorum inverse. Idemque verum erit de Viribus Centrifugis prædictorum corporum.

Tab. VI.
Fig. 3.

Vocetur Vis Centripeta, quâ corpus in circulo altero sive primo gyrans urgetur V , in secundo v ; Celeritas in primo circulo C , in secundo c ; Arcuum simul descriptorum qui in primo describitur A , qui in secundo a ; Radius, sive corporis Distantia à centro, in primo circulo D , in secundo d ; Tempus periodicum in primo circulo T , in secundo t . Vulgo notum est quod, in comparatis motibus, Spatia percurta sunt in ratione composita ex ratione Temporum, & ratione Celeritatum. Sed ipsi circulorum radii sunt proportionales circumferentiis integris, quæ sunt Spatia Temporibus periodicis percurta. Et igitur $D : d :: C \times T : c \times t$, adeoque $C \times T \times d = c \times t \times D$: igitur $C^2 \times T^2 \times d^2 = c^2 \times t^2 \times D^2$. Unde, dividendo per $D^2 \times d^2$, erit $\frac{C^2 \times T^2}{D^2} = \frac{c^2 \times t^2}{d^2}$.

Unde sequitur esse $\frac{t^2}{d} \cdot \frac{T^2}{D} :: \frac{C^2}{D} \cdot \frac{c^2}{d}$: Sed, ex Cor. 2.

præcedentis, $V : v :: \frac{C^2}{D} \cdot \frac{c^2}{d}$. Et igitur $V : v ::$

t^2 .

$\frac{t^2}{d} \cdot \frac{T^2}{D}$. At ratio $\frac{t^2}{d}$ ad $\frac{T^2}{D}$ eadem est cum ratione $t^2 \times D$ ad $T^2 \times d$; sive cum t^2 ad T^2 , & D ad d . Ergo ratio V ad v æquatur rationi t^2 ad T^2 , & rationi D ad d .

Quodque de Viribus Centripetis binorum corporum circa centrum revolvendum dictum est, de eorundem Viribus Centrifugis verum erit, cum hæ ab illis solo concipiendi modo differant; ut in præcedente ostensum est. Quæ erant demonstranda.

COROLLARIUM I.

Hinc (& ex Corol. 2. Prop. præc.) si Tempora periodica æquantur, cum Vires Centripetæ, tum Velocitates erunt ut radii; & vice versa. Nam, ex Prop. hac XXVI.

est $\frac{V}{v} = \frac{D \times t^2}{d \times T^2}$. Unde si $T = t$, sive $T^2 = t^2$; erit $V. v :: D. d$. Et vice versa, si $V. v :: D. d$, cum sit quodque $V. v :: D t^2. d T^2$, erit $D. d :: D t^2. d T^2$; adeoque $T^2 = t^2$, sive $T = t$.

Secunda pars Corollarii hinc constat. In comparatis motibus, Velocitates sunt ut spatia simul percurfa: Sed, quoniam Tempora periodica æquantur, spatia simul percurfa sunt circulorum circumferentiæ; atque hæ sunt ut radii. Et igitur Velocitates sunt ut radii. Conversa hujus pari modo elicitur.

COROLLARIUM 2.

Hinc etiam, si Quadrata Temporum periodicorum sunt ut radii, Vires Centripetæ sunt æquales, & Velocitates in subduplicata ratione radiorum; & vice versa. Ex Prop.

enim hac est $\frac{V}{v} = \frac{D \times t^2}{d \times T^2}$; Sed, ex hypothesi, est $T^2. t^2 :: D. d$, sive $D \times t^2 = d \times T^2$. Igitur & hisce proportionales V & v , sive Vires Centripetæ æquantur. Et vice versa, si $V = v$, & hisce proportionales æquantur; nempe

pe $D \times t^2 = d \times T^2$: Et ideo erit $D.d :: T^2.t^2$.
 Tab. VI. Similiter, quoniam ex Corol. 2. Prop. præc. $\frac{V}{v} = \frac{C^2 \times d}{c^2 \times D}$

& hætenus est ostensum, in casu præsentis, $V = v$, erit etiam $C^2 \times d = c^2 \times D$, sive $C^2.c^2 :: D.d$; hoc est, $C.c :: \sqrt{D}.\sqrt{d}$. Conversa hujus pari modo elicitur quo præcedentis.

COROLLARIUM 3.

Si circuli, quos corpora describunt, fuerint æquales; Vires Centripetæ sunt reciproce ut Quadrata Temporum periodicorum: Nam ratio radiorum, in hoc casu, nullius est in compositione effectûs, cum sit ratio æqualitatis.

PROPOSITIO XXVII.

Isdem positis, si ita gyrentur corpora, ut Quadrata Temporum periodicorum eandem habeant rationem cum Cubis radiorum, Vires Centripetæ sunt reciproce ut Quadrata radiorum: Corporum autem Celeritates reciproce in subduplicata ratione radiorum; & vice versa.

Fig. 3. **R** Etentis symbolis Prop. præc. ex illa est $V.v :: \frac{T^2}{d}.\frac{T^2}{D}$. Unde $\frac{VT^2}{D} = \frac{vT^2}{d}$, sive $VT^2d = vT^2D$. Adeoque $Dv.dV :: T^2.t^2$. Et, ex hypothesi, est $D^3.d^3 :: T^2.t^2$: & igitur $Dv.dV :: D^3.d^3$. Unde sequitur $Dv.d^3 = dV.D^3$, sive $v.d^2 = V.D^2$. Adeoque $V.v :: d^2.D^2$.

Fig. 3. Rursus, in demonstratione Propositionis præcedentis ostensum est $C^2 \times T^2 \times d^3 = c^2 \times t^2 \times D^3$. Unde est $c^2 \times D^3.C^2 \times d^3 :: T^2.t^2$: Sed ex hypothesi est $D^3.d^3 :: T^2.t^2$. Ergo $c^2 \times D^3.C^2 \times d^3 :: D^3.d^3$. Adeoque $c^2.C^2 :: D.d$, sive (extrahendo radicem quadratam, & invertendo,) $C.c :: d^{\frac{1}{2}}.D^{\frac{1}{2}}$; hoc est, $C.c :: \sqrt{d}.\sqrt{D}$. Quæ erant demonstranda. Con-

Conversæ harum liquent. Sicut enim ex posito T^2 . *Tab. VI.*
 $t^2 :: D^1. d^1$, sequitur esse $V. v :: d^2. D^2$, item esse $C.$ *lib. 3.*
 $c :: d^{\frac{1}{2}}. D^{\frac{1}{2}}$; ita, è converso, ex horum quolibet posito
 devenitur ad analogiam primo positam, nempe $T^2. t^2 ::$
 $D^1. d^1$; & hinc rursus ad alteram conclusionem: Adeo-
 que ex tribus hisce uno posito, sequuntur reliqua duo.

SCHOLIUM.

Propositiones tres præcedentes (earumque Corollaria)
 non solum sunt veræ de corporibus diversos concentricos
 circulos describentibus, sed etiam de describentibus circulo-
 los quorum diversa prorsus sunt centra, (centrorum ete-
 nim identitas in demonstratione non supponitur ;) & de
 iis quæ similes figurarum quarumcunque, centraque simi-
 liter posita habentium partes describunt. Nam quæ in de-
 monstratione illorum Theorematum de circulis assumpta
 fuerunt, æque vera sunt de figuris quibuscumque aliis, qua-
 les nunc descripsimus ; nempe quod nascentis GH (in fig. ;
 Prop. XXV.) sit ad nascentem EF sicut MHg ad MFg ,
 (hoc enim de qualibet figura, cui circulus est æquicur-
 vus, demonstratur Prop. XXIV,) & quod MH sit ad
 TD sicut SM ad ST , verum est de quibuscumque figuris
 similibus ; modo centrum S similiter positum sit in utra-
 que figura, & MH , TD sint similes, & centri respectu
 similiter positæ, illarum curvarum partes. Sed & præte-
 rea, loco æquabilis motûs in circulis, si figura sit alia
 quævis à circulo diversa, oportet talem esse corporis in
 ejus perimetro motum, ut *Areæ à radiis ad centra si-*
militer posita ductis descriptæ sint Temporibus proportio-
nales ; aliâs (per Prop. XII.) Vires, quibus corpora à
motibus rectilincis retrahuntur, & in Orbitis curvilincis
retinentur, ne quidem ad centra ista tendunt.

PROPOSITIO XXVIII.

Vires, quibus Planeta Primarii perpetuo retrahuntur à motibus rectilineis, & in Orbis suis retinentur, sunt reciproce ut Quadrata Distantiarum à Solis centro, quod respiciunt.

Quod Vires istæ respiciant Solis centrum hætenus ostensum est Prop. XIII. Quod vero ea sit Virium harum Lex, ut reciprocam habeant rationem Quadratorum Distantiarum à centro, sive quod augeantur Vires in eadem ratione quâ Quadratum Distantiæ minuitur, & minuantur in eadem ratione quâ Quadratum istud augetur: *Exempli gratiâ* quod Vis quâ Terra Solem petit, & quâ in Orbita sua perpetuo retinetur, ne in rectam, Orbitam tangentem, excurrat, sit dupla sesquiquarta similis Vis in Marte, & vigecupla septupla similis Vis in Jove, quia Distantia Terræ à Sole sublesquialtera est Distantiæ Martis, & subquintupla sesquiquinta Distantiæ Jovis ab eodem; quodque Vis Centripeta in Terra sit subdupla similis Vis in Venere, quia istius Distantiæ à Sole est supertripartiens septimas hujus; atque ita in cæteris, sic ostenditur. Quoniam enim (per Prop. XXII.) Planetarum, circa Solem gyantium & ad illius centrum tendentium, ita attemperatur Motus, ut Quadrata Temporum Periodicorum in eadem sint ratione cum Cubis Distantiarum à Sole; cumque (per præc.) corporum hæc lege gyantium Vires Centripetæ sint reciproce ut Quadrata Distantiarum à centro: patet Vires Solem respicientes, quibus Planetæ urgentur, quibusque in Orbis suis retinentur, esse reciproce ut Quadrata Distantiarum à centro Solis.

PRO-

PROPOSITIO XXIX.

Vires, quibus Planeta Secundarii in Orbitis suis retinentur, sunt reciproce ut Quadrata Distantiarum à centro sui respectivi Primarii, quod hæ Vires respiciunt.

NAm quoniam (per Prop. XXI.) Planetarum circum-jovialium circa Jovem, & circum-saturniorum circa Saturnum revolvantium, ita attemperatur Motus, ut Quadrata Temporum Periodicorum in eadem sint ratione cum Cubis Distantiarum eorundem à centro Jovis & Saturni respective; cumque (per Prop. XXVII.) corporum hæc lege gyantium Vires Centripetæ sint reciproce ut Quadrata Distantiarum à centro: patet Vires illas Centripetas, quibus Planetæ isti secundarii versus Jovem & Saturnum respective urgentur, esse reciproce ut Quadrata Distantiarum à centro dicti Primarii respectivi. Hæc vero Vis in quovis Secundario est tantum altera pars Vis totius, quæ urgetur satelles; altera vero est Vis omnis Acceleratrix, quæ Primarius urgetur; ut Prop. XX. ostensum est.

Quantum ad Lunam Telluris comitem, quia sola circa Terram revolvitur, nequit hæc, quoad Distantiam & Tempus Periodicum comparari cum alia; neque proinde Lex Vis Centripetæ, quæ versus Tellurem urgetur, modo prædicto deduci. In sequentibus quidem deducitur hæc ex figura Orbitæ quam Luna circa Terram describit: Verum hucusque ejus Orbitam tanquam à circulari non abludentem consideravimus. Quod si revera esset circulus Telluri concentricus, Lex Virium quibus in Orbe retineretur, non posset inde detegi: Palam enim est hujusmodi Orbitam describi posse, quæcunque tandem sit Lex Vis Centripetæ.

COROL.

COROLLARIUM.

Ex duabus hisce Propositionibus sequitur, inter Planetas Primarios, Soli propiorem; inter ejusdem Primarii satellites, ipsi Primario propiorem velocius moveri. Nam ostensum est tam in his quam illis Vires Centripetas esse reciproce ut Quadrata Distantiarum à centro: & (Prop. XXVII.) ostensum est Celeritates, in isto casu, esse inverse in subduplicata ratione Distantiarum à centro motûs; sive mediam proportionalem inter Distantias remotioris & propioris esse ad Distantiam propioris ut Velocitas propioris ad remotioris Velocitatem. Cumque harum magnitudinum prima major sit quam secunda, erit tertia major quam quarta; hoc est, propioris Velocitas major Velocitate remotioris.

SECTIO V.

DE PLANETARUM PRIMARIORUM MOTU
CIRCA PROPRIOS AXES, & PHÆNOMENIS
HINC ORTIS.

PROPOSITIO XXX.

*Corporum Mundanorum Motus circa proprios Axes positione
datis, horumque Periodos, exponere.*

Quando Corpus immotum esse dicimus, intelligimus quamlibet in illo lineam, & quodlibet punctum immotum esse. Si vero Corpus in Linea aliqua motum dicamus, atque omni alio privatum solo hoc motu cieri, tum intelligimus istius Corporis centrum Gravitatis Lineam dictam percurrere, dum Corpus quantum fieri potest (quod ad cetera attinet) immotum manet; hoc est, quamlibet in isto Corpore lineam situm retinere parallelum illi, quem ante motum hunc habuerat; ac propterea lineam quamvis Corporis sic moti sibi semper parallelam manere. Quippe

Quippe hoc modo (& quidem solo) fiet ut omnium motuum summa sit minima, (hoc est, motus totius minimus, quod supponitur;) & ut quodlibet moti Corporis punctum tantundem moveatur atque aliud quodvis, similemque & æqualem, soloque situ diversam Lineam describat: Nam quæ à centro Gravitatis percurritur Linea, ab ipso Corpore percurſa intelligitur, propter Centri istius naturam Geometris satis notam. Præterea, si Corpus, cætera immotum, circa datum Axem rotari dicitur; Axis iste immotus intelligitur, dum quodvis Corporis punctum, extra Axem, circulum describit, cujus plano perpendicularis est Axis. Et ideo, si Corpus per Lineam aliquam feratur, & simul circa Axem rote- tur; Axis, toto lationis tempore, sibi parallelus manebit. Neque ad hunc Axis parallelismum conservandum aliud requiritur, quam ut prædicti duo motus soli im- primantur Corpori: Nam si tertius nullus eidem insit, Axis erit perpetuo parallelus rectæ, cui semel parallelus erat.

Hiscæ præmissis, ex observatis constat Corpora Munda- na majora, (si non omnia, saltem omnis generis,) præter motus de quibus superius generatim est dictum, circa Axes revolvî. Et primo ex observatione Macularum Solarium, patet Solem, Corpus in Systemate nostro sui generis unicum, ab occidente in orientem revolvî circa Axem, ad planum Eclipticæ inclinatum angulo quasi $83\frac{1}{2}$ graduum, spatio circiter 25 dierum. Cumque Sol non moveatur de loco in locum, Axis iste immotus manet.

Inter Planetas primarios Tellus æquabili motu revol- vitur, ab occidente in orientem, circa Axem, angulo $66\frac{1}{2}$ graduum ad planum Eclipticæ inclinatum, spatio Diei naturalis. Cumque Tellus etiam circa Solem feratur spa- tio annuo, ejus Axis saltem sibi parallelus manet, cum immotus constare nequeat. Atque istud fiet (ut supra est ostensum) ex solis dictis duobus motibus, absque alio

G

quovis,

quovis, quem proinde frustra comminiscuntur quidam; & *Parallelismi* nomine indignant. Telluris autem Axis, licet in una revolutione annua sibi parallelus ad sensum maneat, in multis situm hunc mutat: de cuius causis & Phænomenis suo loco dicitur.

Pari modo Jupiter revolvitur, ab occidente in orientem, circa Axem, spatio 10 horarum fere; Mars horis 24 $\frac{1}{2}$, & Venus quasi 23 horis, circa Axes suos; quorum proinde quisque sibi perpetuo parallelus manet, si corpora ista alio nullo motu agitantur, præter circumlationis istum circa Solem & circumrotationis hinc circa Axem.

Inter Planetas secundarios Luna, Telluris comes, præter motum menstruum circa Terram, rursus spatio annuo circa Solem delatam, (quo solo si agigaretur, quælibet in ea linea sibi parallela semper maneret,) etiam circa seipsam spatio iidem menstruo ita revolvitur, ut eadem ejus facies Telluri semper obvortatur.

De reliquis Planetis tam Primariis quam Secundariis ex observationibus tam certo adhuc non constat. Credibile interim est illos, prædictorum instar, circa Axem quendam revolvi; nempe ut, sæpius quam semel in una revolutione circa Solem, cujusque pars quælibet, radiis Solaribus exposita, & iis rursus subducta, vicilitudines patiatur naturæ suæ congruas.

PROPOSITIO XXXI.

Solis & Planetarum, circa proprios Axes rotatorum, figuram describere.

SI Sol & Planetæ motu omni circa proprios Axes essent privati, figuram sphericam induerent; si quidem eorum partes, partium Terræ instar, versus centrum graves sint, (quales revera sunt, ut inferius ostendetur,) & nunc aut olim fluidæ. Hoc in Hydrostaticis demonstravit *Archimedes*.

chimedes. Ex motu autem circa Axem fit, ut partes ab Axe quantum possunt recedentes juxta medium inter Polos circumculum ascendere conentur, per Vim Centrifugam à motu circulari oriundam. Et ideo, si Solis vel Planetæ materia fluida sit, circuli istius inter Polos mediū diametros ascensu suo augebit; Axem vero descensu ad Polos diminuet; & figuram constituet Sphæroidem Latam, ex rotatione Ellipsis circa minorem Axem genitam; ad Polos nempe depressam, versus medium inter Polos circumculum elevatam, magis aut minus pro quantitate Vis Centrifugæ.

Sphæroides hæc figura in Jove Telescopio observatur: in Terra (*) (cum hanc eminus conspiciere non detur) experimentis evincitur.

SCHOLIUM.

Sicut figura Sphæroides ex rotatione corporis circa proprium Axem, & partium fluiditate consequitur; ita vicissim, ex figura ista observata motus circa Axem, & partium fluiditas (saltem olim) legitime concluduntur.

PROPOSITIO XXXII.

Phænomena orta ex Motu Telluris Diurno circa Axem, à Tellure visa, exponere.

IN præcedentibus ostensum est, qualia forent Phænomena Motus Solis & Planetarum e Tellure visorum, si Tellus esset punctum: Sol nempe ab occidente in orientem

G 2 tem

(*) Constat ex celeberrimorum Geometrarum observationibus, experimentis & argumentis, Terram quidem Sphæroidem esse, sed oblongam non verò depressam versus Polos, contra quod affirmat Autor noster. Verum circa hanc quæstionem consulantur Historia & Commentarii Regiæ Scientiarum Academiæ anni præsertim 1720.

tem progredi inter Fixas videretur; Planetæ vero nunc progredi, nunc regredi, pro Telluris & Planetæ cujusque situ. Verum cum Tellus corpus sit opacum, Observatoris respectu, fatis amplum; ejus superficiei (licet sphericæ) pars exigua, quæ sub visum prope hanc hærentem simul venit, in planitiem extendi videbitur. Cumque oculus undique Cœlum libere circumspiciens visû definiat superficiem sphericam cavam, Telluri, aut potius oculo, concentricam; hæc in partes duas æquales dividetur à dicto superficiei Telluris Plano, (quippe per centrum ducto;) quarum altera visui patet, altera propter Telluris opacitatem latet.

Quoniam vero Tellus circa Axem rotatur, huic insistenti Spectator, dictumque Planum suum, hemisphærium Cœlorum sibi visum ab invisio determinans; (quod *Horizon* illi dicitur,) simul in eandem plagam (nempe orientem) rotatur. Unde versus ortum posita, prius inconspicua, reteguntur, propter Horizontem infra illa quasi subsidentem; & alia versus occasum teguntur, Horizonte supra illa elevato. Et ideo Spectatori, cui solenne est Locum suum pro immoto habere, illa supra Horizontem ascendere videbuntur sive oriri, hæc infra eundem descendere sive occidere: unde & Plagis istis nomina sunt imposita.

Cumque motus Telluris, simul & huic affixi Spectatoris cujusque Horizontis, æquabiliter perpetuo circa eundem Axem & versus eandem plagam fiat; omnia omnino corpora & Phænomena, quæ eundem motum non participant, (hoc est, quæ à Terra penitus separata sunt,) pari tempore, at versus partes oppositas (ab ortu sc. in occasum) uniformiter moveri videbuntur; iis exceptis quæ Telluris Axis productus offendit, quæ immota apparebunt. Horumque unumquodque, sensûs judicio, describet circumferentiam circuli, cujus plano Telluris Axis, ad centrum, normalis insiluit. Et quoniam circuli hi omnes,

omnes, cum visibilibus illos describentibus, in cava superficie sphaerica coelesti, Terræ concentrica, apparent; visibile quodvis circulum describere videbitur majorem aut minorem, pro majore aut minore distantia à punctis supra descriptis, quæ immota videntur. Breviter, Sphæra Coelestis, ab ortu in occasum, spatio unius Diei revolvi videbitur circa eundem positione Axem, circa quem Terra revera, ab occasu in ortum, eodem tempore revolvitur: ejusque motus illi erunt Poli, ubi Terræ Axis productus ejus superficiei occurrit; & ille medius inter Polos circulus, & proinde maximus, (qui etiam *Æquinoctialis* & *Æquator* appellatur, propter rationes Propositione sequenti explicandas,) ubi medii inter Polos Telluris circuli planum productum cavæ Sphærae occurrit: & universaliter, quivis in Telluris superficie Circulus, ab ejus puncto quovis per motum diurnum signatus, correspondentem habet in Sphæra Coelesti Circulum, factum per intersectionem superficiei Sphærae Coelestis cum superficie Coni, cujus basis est signatus in Terra Circulus, & vertex Telluris centrum. Axis mundi, Circulique prædicti Coelestes eundem semper inter Fixas situm habent; quoniam primitivi illi Terrestres, unde ortum ducunt, eousque (ut supra dictum est) producti, in easdem (ad sensum) Fixas incidunt, in quocunque demum Orbitæ suæ puncto collocata sit Tellus.

PROPOSITIO XXXIII.

Phænomena Solis à Tellure visa, orta ex Telluris Motu Diurno circa suum Axem, simul & Annuo circa Solem; sive Diei & Noctis vicissitudinem, harumque in diversis Terra locis Annique Tempestatibus diversitatem, expanere.

Licet Terræ locus quilibet illuminetur à Stella quavis supra ejus Horizontem versante, tamen illuminatio à Sole facta tam magna præ cæteris est, ut *Diem* esse

dicamus ubi Sol est supra Horizontem ; *Noctem* vero ubi infra. Et quoniam Sol, à Tellure penitus remotus, motum ejus diurnum non participat ; dati loci respectu oriatur ille, Diemque efficiet, & per medium Cælum delatus, circulumque, cujus plano Mundi axis est normalis, ad apparentiam describens, rursus occidet ; faciens Noctem duraturam, donec per apparentem universalem istam omnium Cœlestium revolutionem, supra dicti loci Horizontem denuo oriatur.

*Tab. IV.
Fig. 4.*

Ad exponendam Dierum & Noctium varietatem, & hinc ortas Anni Tempestates, repræsentare intelligatur circulus Ψ ∞ \approx Σ Orbitam, quam Tellus tempore annuo describit circa Solem in centro s positum. In schemate circulus hic consulto reclinatur, & Ellipticam figuram induit, ut variae Telluris positiones commodius delineentur. In Orbita hac intelligatur Terra $A Q B E$, modo Prop. XXX. descripto, ab Ψ , Σ , ad Π &c. delata, super Axem $B A$ in eandem plagam, sive à Q sursum versus per E rotata. Erunt Axis extrema Telluris Poli, A Australis, B Borealis : $E Q$ Aequator, cujus proinde planum inclinatur ad planum Eclipticæ angulo $23 \frac{1}{2}$ graduum ; nempe complemento ad rectum anguli $66 \frac{1}{2}$ graduum, quo Axis Terræ (ad Aequatoris planum normalis) ad illud inclinatur. Quemadmodum $A Q B E$ ipsam Tellurem refert, concipi potest referre etiam Sphæram Cœlestem (qualem Prop. præc. descripsimus) Telluri concentricam ; illique quasi circumfusam, unaque cum illa translata : licet enim Sphæram hanc ad quamvis distantiam describere. Atque is erit Solis, aut cujusvis syderis punctive, in Sphæra hac locus, in quo recta Terræ centrum dictumque punctum conjungens ejus superficiei occurrit ; quippe ad quem, ab Oculo in centro Terræ posito, refertur.

Intelligatur Tellus ad \approx , ubi recta s \approx , Solis & Telluris centra conjungens, perpendicularis est ad Telluris

luris Axem $A B$; hoc est, ubi Sol in $\text{\AE}quatoris$ Terrestris plano producto, sive ubi $\text{\AE} Terra$ visus apparet in $\text{\AE}quinoctiali$ circulo in $Sphæra$ Cœlesti signato: adeoque nec declinare ad Polum Boreum nec Austrinum, sed inter utrumque medius ipsum $\text{\AE}quinoctialem$ motu diurno describere videtur. Cumque Sol in $Eclipticæ$ plano perpetuo versari videatur, (ut Prop. II. ostensum est;) patet illum in communi intersectione circulorum $Eclipticæ$ & $\text{\AE}quatoris$ in $Sphæra$ Cœlesti descriptorum apparere; nempe in φ . Porro, in hoc situ, illustratio $Terræ$ à Sole facta ad utrumque Polum A & B pertingit, (quia illustrationis terminus est maximus in $Terra$ circulus, cujus plano normalis est recta conjungens centra Solis & $Terræ$;) unde dimidium cum $\text{\AE}quatoris$ Terrestris $E Q$, tum alterius cujusvis circuli huic paralleli, à Sole illuminatur; alterum vero dimidium in tenebris versatur. Et ideo quilibet $Terræ$ Locus, (quippe qui vel $\text{\AE}quatorem$, vel illi parallelum aliquem describit,) motu Diurno æquabili circumvectus, tam diu in tenebris manet quam in luce; hoc est, per totam $Terram$ Dies Noctibus æquantur. Unde & Circulus, in $Sphæra$ Cœlesti, inter Polos medius, quem Sol motu Diurno nunc describere videtur, nomen est adeptus.

$Terrâ$ motu annuo paulatim versus m & \rightarrow motâ, planum $\text{\AE}quatoris$ Terrestris $E Q$ non amplius versus Solem dirigitur; sed infra versus Austrum subsidit: Unde Sol paulatim versus Polum Boreum, ab $\text{\AE}quatore$ Cœlesti, declinare videbitur. Nam $Terrâ$ ad apparentiam quiescente, & ejus $\text{\AE}quator$ apparenter quiescit. Unde $\text{\AE}quator$ Cœlestis huic correspondens, solo motu apparente diurno cietur: Et ideo Sol, qui ad hunc situm mutat, moveri videbitur. Et lumen Solis, quod prius ad utrumque Polum A & B pertingebat, paulatim ultra B protendetur, citraque A desinet. At cum Tellus ad \propto pervenit, Sol exinde visus in ∞ apparet;

paret ; ubi omnium maxime ad Boream declinare videbitur , (quanto nimirum Ecliptica ad Æquatorem inclinatur ,) mox versus Æquatorem reversurus. Atque circulus in Sphæra Cœlesti Æquatori parallelus per τ c designatus, ad quem Sol declinando ad Boream pervenisse, quemque nunc motu diurno percurrere videtur, dicitur *Tropicus Canceri*, nomen mutuatus ab Eclipticæ Signo quod Sol tunc occupat ; eodemque nomine gaudet correspondens in Tellure Circulus. Tellure in hoc situ positâ, manifestum est Solis radios ejus medietatem illustrantes ultra Polum Boreum B pertingere in L , & citra Austrinum A desinere ad F , ita ut arcus BL vel AF æqualis sit arcui ET ; mensuræ nimirum maximæ declinationis Solis, sive inclinationis Eclipticæ ad Æquatorem. Si per L & F descripti concipiantur circuli, Æquatori EQ paralleli, (nempe KL , FG ,) erunt hi *Polares* ; ille *Arcticus*, hic *Antarcticus*. Hisce positis, clarum est Telluris tractum Polari Arctico KL inclusum, non obstante revolutione diurna, continuo in luce versari, perpetuoque proinde Diè frui ; & ex adverso, tractui intra Polarem Antarcticum FG perpetuam esse Noctem. Paret porro, (ex *Prop. XIX. Lib. II. Sphæric. Theodوسي*,) cujuslibet circuli Æquatori EQ paralleli, inter hunc & Polarem Arcticum KL interjecti, partem majorem in luce versari ; cujusvis autem, qui Æquatorem & Antarcticum FG interjacet, partem majorem esse in tenebris ; & quidem (per *Prop. XX. dicti Libri*) tanto majorem, quanto circulus iste ab Æquatore magis distat ; & (per *Prop. XI. Lib. I.*) ipsius Æquatoris semissem alteram esse in luce, alteram in tenebris. Et igitur, in isto Telluris situ cum Sol in ☊ apparet, Borealis Terræ partis incolis longissimi sunt Dies, Noctes brevissimæ, adeoque Æstas : Australis vero partis incolis Dies brevissimi, Noctesque longissimæ, unde Hyems. Et quidem tanto longiores erunt Dies longissimi, Noctesque brevissimæ breviores, quanto locus

ab

ab Æquatore est remotior. At in ipso Æquatore degentibus, Dies Noctibus etiamnum, & ideo per totum annum, erunt æquales.

Procedente Terrâ per \approx , χ ad ψ , quo tempore Sol Signa ϖ , Ω , & \mp peragrarè videtur, Sol paulatim versus Æquatorem revertitur; donec tandem ad \triangle in Æquatore Cœlesti conspiciatur, (propterea quod tunc Æquatoris Terrestris planum productum per Solem denuo transit,) Dies Noctibus æquales per totam Terram efficiens; pari modo quo factum est dum Terra in \triangle esset. Et nunc denuo illuminationis extrema ad utrumque Terræ Polum pertingunt; adeo ut Polo α , (quippe qui in luce versabatur,) hucusque perpetua fuerit Dies semestri spatio æqualis (ex quo nimirum Tellus \triangle reliquit;) sicut ipsi a semestris Nox.

Terrâ porro per Signa ψ , φ , Π motâ, Sol interim per \triangle , μ , & \rightarrow apparenter incedens paulatim ab Æquatore versus Austrum declinare videbitur; donec tandem, Terrâ revera in ϖ existente, Sole autem inter Fixas in χ viso, eadem omnia Australis Telluris hemisphærii incolis contingant, quæ, Tellure in χ existente, Borealis hemisphærii incolis contigerunt; & eadem ad Boream eveniant, quæ prius ad Austrum. Et cum Tellus per ϖ , Ω & \mp fertur, Sol per χ , \approx & χ motus ad Æquatorem & ψ , completo Anno, redire videbitur; eadem Australis Terræ incolis decrescens Diei & crescentis Noctis edens Phænomena, atque Borealis partibus incolis dum per tria opposita Signa incederet,

SECTIO VI.

DE PLANETARUM & COMETARUM ORBITIS;
HARUMQUE FIGURA; DEQUE VIRIUM LE-
GE REQUISITA, UT ILLI IN EJUSMODI
ORBITIS MOVEANTUR.

PROPOSITIO XXXIV.

*Quilibet Planeta Primarius describit perimetrum Ellipsis;
in cujus Umbilicorum altero est Sol.*

HUc usque, dum generalia tractaremus, satis erat Planetæ cujusque semitam considerare tanquam circumferentiam circuli, cujus centrum est Sol, cum ab hac notabiliter non differat. Verum Planetarum circa Solem motorum Phænomena attentius consideranti constabit, eos non æqualiter ubique à Sole distare: *Ex. gr.* Tellus, æstate nostrâ, magis à Sole distat; hyeme minus: quod ex Solis Diametro apparente circa medium Junium minore, circa medium Decembrem majore, plane liquet. Hoc ulterius apparet ex velociore motu Telluris circa Solem mediâ hyeme, quam mediâ æstate, parte circiter decimaquintâ. Atque hinc fit quod ab Æquinoctio Verno ad Autumnale, tempore æstatis, circiter octo amplius Dies insumantur, quam ab Æquinoctio Autumnali ad Vernum, tempore hyemis; quamvis utrobique Tellus è Sole, vel Sol è Terra inter Fixas spectatus, semicirculum peragrâsse videatur. Cum igitur Terra velocius progrediatur circa Solem hyeme nostrâ quam æstate, & illi propiorem esse necesse est, per Propositionem XII; ut nempe Area per rectam è Sole ductam descripta, Temporis instar, æquabiliter augeatur, minore trilinei altitudine majorem ejus basem compensante. Idemque similiter in reliquis Primariis circa Solem motis obrinet: Immo cujusvis ex illis (si Venerem excipias) Semita magis differt à circulo, cujus centrum



trum est Sol, quam ipsius Telluris Semita; ut inferius ostendetur.

Atque deviatio hæc Planetarum circa Solem revolvendum à circumferentia circuli Soli concentrici tanta est ^{Tab. VIII. Fig. 1.} tamque sensibilis, ut Astronomos omnes adegerit ad comminiscendum *Orbes Excentricos*: Cumque alium nullum præter perfectæ circulem in Coelis motum esse admittendum pro indubitato haberent, Planetam quemque moveri volebant in Circulo $AIPR$, cujus centrum C in ea ponebant à Sole in S distantia, quæ ejus motibus congruat. Orbis hujus Excentrici punctum A , à Sole remotissimum, *Aphelium*; P vero *Perihelium*; ambo *Apsides* vocabant; Rectamque AP Apsides conjungentem (in qua etiam Sol locatur) *Lineam Apsidum*; hujusque partem C *s Excentricitatem*. Atque ex hac supposita *Theoria* Planetarum loca satis exacte, calculo subducto, inventa fuer; eorum præsertim, quorum Orbitæ à Circulis non multum abludunt: *ex. gr.* Telluris.

Verum cum de Marte ageretur, ex numeris istius Theoriæ prodit ejus locus ab observato diversus satis, ut inde colligatur Orbitam Martis non esse Circulem, sed in locis ab Apsidibus remotissimis I & R aliquantulum depressam, & quasi Ovalem. Ovalis hæc sagacissimo *Keplero*, numeros indefesso labore (in *Commentariis de Stella Martis*) versanti, evasit tandem Ellipsis perfectæ, cui iidem sunt Vertices A & P qui prius in Orbita circulari Apsides, iisdemque hic nominibus gaudentes, & Umbilicorum alter ipsam Solis centrum. Quippe sola Ellipsis hæc exhibet Distantias à Sole (sive rectas SE) observatis consentaneas, & *Æquationes* probas, quibus angulus ASE determinatur ex dato Planetæ motu medio: Hoc est, sola Ellipsis præfinita ejusmodi est, ut Tempus periodicum, sive revolutionis integræ, eandem habeat rationem ad Tempus à discessu ab Aphelio in A , quam Area integra AEP ad Arcam $ASEQA$ interceptam inter

H 2

lineam

lineam Apſidum $s A$, & lineam $s E$ (obſervatione cognitam) à Sole ad Planetam protenſam: Hanc autem eſſe conditionem motûs Planetæ cuiuſvis circa Solem, patet ex Propoſitione XIII. Præterea locus Telluris in Orbita Elliptica ejuſmodi eſt, ut aliorum circumcirca Planetarum loca in ſuis Orbitis Ellipticis reſpectivis inventa, è Tellure viſa, obſervatis in Cœlo locis exacte congruant; quod in alia quavis Orbita non æque feliciter contingit. Cum igitur Planetarum loca, per calculum ad Orbes Ellipticos accommodatum inventa, locis obſervatis optime conſentiant; ad alterius vero figuræ Orbes neutiquam, niſi quatenus aliæ illæ ad Ellipticas prædictas accedunt; conſtat Orbitas Ellipticas à Planetis revera deſcribi. Planetarum primariorum Orbitæ Ellipticæ, circa Solem in comuni Umbilico deſcriptæ, immotæ fere ſunt; hoc eſt, cum Planetæ ad Orbitarum ſuarum Apſides, aliave quævis data puncta, pervenerint, ad eadem proxime Spatii Mundani puncta redeunt: Namque hæ ſolæ obſervatis è Tellure Planetarum locis inter Fixas ſatiſ faciunt.

PROPOSITIO XXXV.

Quilibet Cometa movetur in Sectione Conica, cujus Umbilicorum alter eſt Sol.

TAles namque Orbitæ æque ſolæ obſervatis Cometarum locis omnibus conveniunt. Verum quidem eſt *Keplerum*, & hunc ſequutos Philoſophos non paucos, Cometarum Trajectorias poſuiſſe Rectas lineas; & inde Cometarum quorundam loca obſervatis ſatis congrua calculo ſubduxiſſe. Atque hoc fieri poterit, licet Cometa in Sectione Conica feratur, ſi obſervetur tantum in Orbitæ ſuæ parte quæ à Recta non multum abluſit. Sit
fig. 2. $A P V B C$ Coni Sectio valde excentrica; hoc eſt, in qua Diſtancia Focorum ejus Axi tranſverſo eſt fere æqualis: hujus Focus alter ſit s Solis centrum. Fieri poteſt
 ut

ut Cometa observetur, dum Orbitæ suæ partem $A P$ percurrit; & tempore reliquo, dum à P per V , B ad C transit, (ubi in regiones longinquas abiens visui se subducit,) sub radiis Solaribus delitescat, respectu observatoris in Tellure circa Solem S mota: Vel fieri potest ut Cometa percurrens $A P V B$ sub Solis radiis abscondatur, (situ & motu Telluris ita ferentibus,) & tunc demum observetur, cum ad B pervenerit Lineam $B C$ descripturus; & in utroque casu Scintilla Cometæ à recta non differet sensibiliter. In priore casu Cometæ à Sole absorberi videbuntur; quippe tunc visi dum ad Solem appropinquarent; postea vero conspectum fugientes, ac proinde pro destructis habiti: in posteriore è Sole oriri; nempe primum visi cum ab illo in regiones longinquas ascenderent. Porro, cum Cometa in suo versus Solem descensu (ut in $A P$) observatur, ad Solem postea appropinquans, & sub ejus radiis ad aliquod tempus delitescens, (nempe dum $P V B$ describit,) & ad alteras Solis partes insperato emergens, & Caudâ (propter rationes suo loco tradendas) insigniter productâ; pro novo & à priore diverso plerumque habetur; & illius Trajectoria $A P$ Recta, hujus vero $B C$. Harum etiam Trajectoriarum (dum singulares habentur) diversitas, & quasi contrarietas, etiam Astronomos quosdam ita fecellit, ut asseruerint non esse eundem Cometam qui utramque descripsit. Neque Error hic facile corrigitur in Cometa ad eundem locum, quantum per observationes adhuc vulgo constat, nunquam revertente. Ex quibus omnibus constat, cur Trajectoriæ Rectilineæ Cometarum motibus plerumque respondeant; quod nempe una tantum ejus portio pro integra Trajectoria habeatur: At si tota simul consideretur, tam in descensu versus Solem quam in ascensu ab illo, alia nulla præter Coni Sectionem congruere deprehendetur.

Ex tribus vero Sectionibus Coni, Ellipsis, in cujus

Focorum altero est Solis centrum, Cometæ motibus est maxime accommoda; ut suo loco ostendetur: Et si Cometæ corpora sunt perennia in Orbem redeuntia, aliæ nullæ sunt præter Ellipses, quæ illis congruant. Verum loco portionis prope verticem Ellipsis admodum excentricæ, qualem Cometæ motus exigit, tuto substitui poterit portio Parabolæ eodem vertice & Umbilico descriptæ, quæ ab illa non differt sensibiliter. Atque ipsa hæc Parabolica curva est vera ejus Trajectoria, si in Orbem non redit: vel forsitam Hyperbolica, modo tales exstiterint Cometæ, quorum motibus Hyperbolicæ Trajectoriæ melius congruunt quam Parabolicæ.

PROPOSITIO XXXVI.

Planeta quivis secundarius circa suum Primarium revolvitur in perimetro Ellipsis, in cujus Umbilicorum altero est centrum Primarii.

Quod attinet ad Lunam Telluris comitem, hæc semel in sua circa Tellurem revolutione minor apparet, simul & cæteris paribus tardior; & in parte Orbis opposita, major & velocior: unde patet ejus Orbitam esse Telluri excentricam. Quod vero Ellipsis sit focus in Telluris centro habens, similibus rationibus constat, quibus (Prop. XXXIV.) constitit Planetarum primariorum semitas circa Solem esse Ellipticas: Ex assumpta scilicet Lunæ via Elliptica prodeunt Lunæ distantia à Terra observatis consentaneæ, & æquationes probæ, quales ex alia quavis non inveniuntur. Atque hæc omnia fatellitum Jovis & Saturni Orbitis etiam conveniunt: hæc tamen proxime accedunt ad Circulos Jovi & Saturno concentricos.

Quamvis Orbitæ Ellipticæ, in quibus Planetæ primarii circa Solem revolvuntur, immotæ fere sunt, (ut in præcedente dictum;) in Planetis secundariis res aliter se habet:

bet: Horum enim motus, ex causis inferius explicandis, ita perturbantur, ut non eadem perpetuo Ellipses (etiam abstrahendo à motu Primarii) de novo describantur. Sed ut illorum Orbitæ ad Ellipses reducantur, oportet concipere Ellipsin quamque à Planeta secundario descriptam etiam motam, sic ut manentibus Ellipsis plano, & foco in centro Primarii fixo, Axis Ellipsis circa focum immotum feratur motu angulari, in consequentia. Verum motus hic tam tardus est & insensibilis, (quippe qui etiam in Luna plusquam centies tardior est quam ipsa Luna,) ut hoc loco merito sit negligendus; & Ellipses, quas secundarii describunt circa suos primarios, pro immotis habendæ, nisi quatenus una cum primariis circa Solem deferuntur.

PROPOSITIO XXXVII.

Si corpus secundum directionem recta cujusvis projiciatur, & simul urgeatur à Vi Centripeta tendente ad centrum s, ^{Tab. VII. Fig. 3.} ita ut motu ex hisce duobus composito, describat curvam A P p; hanc vero tangat in puncto quovis p recta P R, & à puncto B, ipsi p proximo, ducatur B D recta s p normalis, & B R eadem s p parallela; similisque fiat constructio ad aliud quodvis curva punctum p. Dico Vim centripetam in p esse ad Vim centripetam in p, sicut $\frac{SPq \times b d q}{b r}$ ad $\frac{SPq \times B D q}{B R}$; sive Vim centripetam in p esse reciproce ut Solidum $\frac{SPq \times B D q}{B R}$, ubi figura P R B D est indefinite parva.

VIs in p ad centrum s tendens, vocetur V. Tempus quo percurritur arcus minimus p B, vel quo corpus, solâ Vi insitâ, percurreret tangentem minimam p R, vocetur T. Vis centripeta in p agens, vocetur v: & tempus quo p b percurritur, vel quo tangens p r percurreretur, vocetur t. Sumatur arcus p ß, quem corpus percurrit æquali

Tab. VII. quali tempore quo $p b$ arcum; & ducatur Ap parallela
Fig. 3. ad $P s$. Hisce positis, ratio lineolæ BR ad lineolam br
 componitur ex ratione BR ad Ap , & ratione Ap ad br :
 Sed (per Proposit. XXIV.) BR est ad Ap in duplicata
 ratione arcûs PB ad arcum $p \theta$; & hi arcus, cum sint
 minimi, sunt ut trianguia æqualia $B s P$, $p s P$; hoc
 est, (per Prop. XII,) ut tempora quibus, radio ad s
 ducto, describuntur; sive, per constructionem, ut tem-
 pora quibus describuntur arcus PB , $p b$. Rursus, lineola
 Ap est ad lineolam br ut causæ ipsarum productrices;
 hoc est, ut Vis centripeta in P ad Vim centripetam in
 p . Et igitur ratio lineolæ BR ad lineolam br componitur
 ex ratione duplicata temporum quibus percurruntur PB ,
 $p b$, & ratione Vis centripetæ in P ad Vim centripetam
 in p : hoc est, in symbolis', $\frac{BR}{br} = \frac{T^2}{t^2} \times \frac{V}{v}$; sive
 $\frac{BR}{br} = \frac{T^2 \times V}{t^2 \times v}$. Adeoque $\frac{V}{v} = \frac{BR \times t^2}{br \times T^2}$. Sed (per Prop.
 XI.) T est ad t sicut area $s P p$ ad aream $s b p$; sive
 ut illius duplum $s P \times B D$ ad hujus duplum $s p \times b d$.
 Positâ ergo, loco rationis $\frac{t^2}{T^2}$, ejus æquali $\frac{SPq \times b d q}{SPq \times B D q}$,
 fiet $\frac{V}{v} = \frac{BR \times SPq \times b d q}{br \times SPq \times B D q}$, sive V ad v sicut $BR \times$
 $s p q \times b d q$ ad $br \times s P q \times B D q$; id est, (applicando
 ad $BR \times br$), sicut $\frac{SPq \times b d q}{br}$ ad $\frac{SPq \times B D q}{BR}$. Vis
 igitur in P ad s tendens est reciproce ut $\frac{SPq \times B D q}{BR}$;
 Solidum sc. nascens vel evanescens. Quod erat demon-
 strandum.

COROLLARIUM.

Unde, si detur figura quævis, (ut APP), & in ea
 punctum s , ad quod Vis centripeta dirigitur; inveniri
 potest

potest Lex Vis centripetæ, quâ corpus à cursu rectilineo perpetuo retractum in figuræ illius perimetro detinebitur, ^{Tab. VII. fig. 3.} camque revolvendo describet; modo Vis hæc componatur cum idonea Vi secundum figuræ tangentem impressa. Quippe Lex quæsitæ est (per Prop. hanc XXXVII.) ut Vis sit reciproce ut nascens Solidum $\frac{SP \times B D q}{B R}$, ex data figuræ natura computandum. Hujus rei dabimus exemplum illustrius ab ipsa rerum natura petiitum.

PROPOSITIO XXXVIII. LEMMA.

Si Ellipsin A P I, cujus foci S & F, tangat recta Z P R in puncto quovis P. & huic per centrum C ducatur parallela diameter I K; recta S P, focorum alterutrum (ut S) & contactus punctum jungentis, portio E P inter duas parallelas interjecta, æqualis est Ellipsis semiaxi majori C A. Fig. 4.

PER focum alterum F ducatur F H ad P R parallela, ipsi S P occurrens in H. Quoniam (per Prop. XLVIII. Lib. 3. El. Conic. Apollonii) anguli F P Z, H P R sunt æquales, & hisce alterni P F H, P H F æquantur; unde P H æqualis P F. Rursus (per II. El. 6.) erit S E æqualis E H, quia S C æqualis C F; cumque S H sit differentia rectarum P S, P H, erit eadem & differentia ipsarum P S, P F; & E H semi-differentia earundem. Et igitur P E (constat nempe ex minore & semi-differentia) æqualis est semi-summæ ipsarum P S, P F. Sed (per Prop. LII. Lib. 3. El. Conic.) rectæ S P, P F simul sumptæ æquantur axi majori: Quare & semisumma ipsarum (hoc est, ipsa E P) semiaxi majori C A æqualis est. Quod erat demonstrandum.

PROPOSITIO XXXIX.

Revolvatur corpus in Ellipsi; quaritur Lex Vis centripetæ tendentis ad Focum Ellipsis.

Tab. VII. Fig. 5. **S**It Ellipsis APM , cujus perimenter à corpore revolvente describitur; hujus focus sive umbilicus alter s , ad quem dirigitur Vis quâ corpus à motu rectilineo retractum in Orbita Elliptica retinetur: Quaritur hujus Lex.

Ducantur Ellipsis axes conjugati TA, GY , in centro c se invicem decussantes. Et per quodlibet in ejus perimetro punctum P ducantur recta PZ Ellipsin contingens, & diameter PM , & huic conjugata ICK ad PZ parallela, ad quam ex P demittatur normalis PN . Complicatur parallelogrammum $PCIH$; rectaque IH Ellipsin contingeret per XVII. *Lib. 1. Conic.* Jungatur SP secans IK in E . Per B ipsi P proximum ducantur BR ad PS , & BX ad PZ parallela, rectæ SP in X , & MP in O occurrens. Vis centripetæ ad s tendens est (per Prop. XXXVII.) recipere ut Solidum $\frac{SPq \times BDq}{BR}$. Hoc proinde ex El-

lipsis natura est computandum. In quem finem Ellipsis *Latus Rectum Principale*, sive ad axem majorem TA pertinens, vocetur L . Ratio ipsius $L \times BR$ ad BDq componitur ex rationibus $L \times BR$ ad $L \times PO$, $L \times PO$ ad $MO \times PO$, $MO \times PO$ ad BOq , BOq ad BXq , & BXq ad BDq : Sed ratio ipsius $L \times BR$ ad $L \times PO$, sive (per Prop. I. El. 6) ipsius BR aut PX ad PO , æqualis est rationi PE ad PC , (per Prop. II. El. 6,) quia XO est parallela EC ; & (per præced.) PE æqualis AC : Ergo ratio ipsius $L \times BR$ ad $L \times PO$ æqualis est rationi AC ad PC . Porro, ratio $L \times PO$ ad $MO \times PO$ est eadem cum ratione L ad MO . Et ratio ipsius $MO \times PO$, sive MO per rectanguli, ad BOq eadem est (per XXI. *Lib. 1. Conic.*) cum ratione

ratione rectanguli MCP (hoc est CPq) ad ICq . Et, in casu præfenti, ratio BOq ad BXq est ratio æqualitatis; nam, cocunte puncto B cum P , BO fit ipsi BX æqualis. Denique, ratio BXq ad BDq æqualis est rationi PEq ad PNq : (Triangula enim BDX , PNE sunt æquiangula, ob angulos ad D & N rectos; & BXD , PEN alternos in duabus parallelis BX , EN itidem æquales.) Et PEq est æquale CAq , quia ipse rectæ (per præced.) æquantur: Ergo ratio BXq ad BDq eadem est cum ratione CAq ad PNq . Porro, (per *Prop. LXXII. Lib. Tab. II. fig. 5.*) CA æquale est parallelogrammo $PCIH$; hoc est, rectangulo sub IC & PN : Quare (per XVI. El. 6.) CA est ad PN ut IC ad GC ; ergo & CAq ad PNq ut ICq ad GCq : Et igitur ratio BXq ad BDq eadem est cum ratione ICq ad GCq . Quoniam igitur ratio ipsius $L \times BR$ ad BDq componitur ex rationibus $L \times BR$ ad $L \times PO$, $L \times PO$ ad $MO \times PO$, $MO \times PO$ ad BOq , BOq ad BXq , & BXq ad BDq ; componitur etiam ex rationibus hæcæ respectivæ æqualibus; nimirum ex rationibus AC ad PC , L ad MO , CPq ad ICq , & ICq ad GCq ; adeoque æqualis erit rationi $AC \times L \times PCq$ ad $PC \times MO \times GCq$: Sed (per *Prop. XIII. Lib. I. Conic.*) $AC \times L = 2GCq$. Posito ergo hoc illius loco, erit ratio $L \times BR$ ad BDq æqualis rationi $2GCq \times PCq$ ad $PC \times MO \times GCq$; hoc est, rationi $2PC$ ad MO : Atqui (in casu præfenti, cum punctum B est ipsi P proximum) punctum O minime distat à P puncto; hoc est, MO æquatur $2PC$; & igitur, in hoc casu, $L \times BR$ æquatur BDq . Quoniam ergo, in Ellipsi, $BDq = L \times BR$, erit $\frac{SPq \times BDq}{BR} = (\frac{SPq \times L \times BR}{BR}) = SPq \times L$: Huic ergo Solido Vis centripeta est réciproce proportionalis; & L est recta constans & invariata. Ergo Vis centripetæ ad Ellipsis umbilicum tendentis, (quæ corpus à cursu recti-

rectilineo perpetuo retractum in figuræ istius perimetro detinetur, eumque revolvendo describit,) ea est Lex, ut sit Quadrato distantia loci P à centro s reciproce proportionalis. Quod erat inveniendum.

COROLLARIUM 1.

Tab. VII. *Fig. 6.* Si Ellipsis focus s , ad quem Vis tendit, una cum vertice proximo T maneat; alter vero F , ad hunc appropinquando, tandem cum illo coincidat: Corpus P , eodem modo quo prius in perimetro Ellipsis, nunc in Circuli perimetro detinebitur à Vi centripeta ad s tendente, & eadem quâ prius lege urgente. Et sicut Circulus potest à corpore describi, urgente Vi quâlibet centripetâ tendente ad punctum situm extra rectam, secundum quam solâ Vi insitâ moveretur, (ut Prop. $XXIX.$ dictum;) ita Recta describetur à corpore quod urgetur à Vi nulla tendente ad punctum extra dictam Rectam situm: Nam, si manente utroque Ellipsis vertice foci ad illos accedant, Ellipsis in Rectam mutabitur. Ad reliquas omnes Lineas, præter Rectam & Circularem, describendas, particulari opus est Lege Vis centripetæ.

COROLLARIUM 2.

Fig. 7. Si Ellipsis focus s , ad quem seu centrum Vis dirigitur, una cum vertice proximo T maneat, alter vero focus F magis magisque elongetur, & tandem in infinitum abeat; corpus P eodem modo quo prius in perimetro figuræ $T P$ detinebitur à Vi centripeta ad s tendente, cuius eadem est quæ prius Lex. Atqui in hoc casu Ellipsis mutatur in Parabolam: Et igitur Lex Vis centripetæ tendentis ad umbilicum Parabolæ, quâ corpus in hujus figuræ perimetro detinetur, ea est, ut sit Quadrato distantia ab umbilico reciproce proportionalis.

COROL.

COROLLARIUM 3.

Si, reliquis uti prius manentibus, Ellipsis umbilicus al-
ter F ad distantiam plusquam infinitam abeat; (hoc est, si
à tergo redeat versus T , faciatque nunc vertices A & T
inter focos s & F ; cum prius fuerint foci s & F inter
vertices A & T ,) in quo casu Ellipsis mutatur in Hy-
perbolam; corpus eadem Lege Vis centripetæ agitatum
quâ prius, (nempe ut Vis illa augeatur in ratione quâ
Quadratum distantiae à centro diminuitur,) in perime-
tro hujus Hyperbolæ moveri perget.

COROLLARIUM 4.

Quod si Ellipsis superioris maneant focus F , eique pro-
ximus vertex A , dum interim focus alter s , ad quem Vis
dirigitur, magis magisque elongatus, tandem in infinitum
abeat, (hoc est, si Ellipsis vertatur in Parabolam;) Vis
centripeta, quæ dirigitur ad punctum s infinite distans,
sive secundum rectas Parabolæ axi $A F$ parallelas, quâque
urgetur corpus in perimetro motum, evadet æquabilis:
Nam distantiae à centro infinite distito, quarum intervalla
sunt finita, æquales sunt. Adeoque Vis, quæ est recipro-
ce ut Quadratum illius distantiae, æquabilis est. Et è
converso, corpus quod urgetur à Vi æquabili tendente
ad centrum infinite distitum, quæque proinde dirigitur se-
cundum rectas datæ cuidam parallelas, motu suo descri-
bet Parabolam, cujus axis prædictæ rectæ parallelus est.
Atque hoc est celebre *Galilæi* Theorema de Projecti semita.

COROLLARIUM 5.

Reliquis ut in Corollario præcedente manentibus, si
focus s (scil. centrum ad quod Vis dirigitur) ad distan-
tiam abeat plusquam infinitam, ut in Corol. 3. foco F
contigit; tum Ellipsis vertetur in Hyperbolam, & corpus
detinebitur in perimetro figuræ sic mutatæ, per Vim quæ
I 3

secundum rectas s & p quidem dirigitur, & quæ Quadrato distantiae loci à centro s est reciproce proportionalis; sed quæ respectu puncti s est centrifuga, quia Curva A & p est versus illud convexa.

Sicut Ellipsis describitur à corpore quod urgetur à Vi ad focorum alterutrum (quia internum) tendente, & secundum legem Propositionis præcedentis agente; & Hyperbola, dum Vis centripeta ejusdem Legis ad focum internum tendit, vel dum dicta Vis centripeta mutatur in centrifugam tendentem à foco exteriori: Ita Parabola, inter sectiones dictas quasi intermedia, naturam utriusque etiam hic participat; describiturque urgente Vi centripetâ ejusdem Legis ad focum internum tendente, (ut in utraque præcedentium.) & etiam urgente Vi centripetâ ad focum alterum, vel centrifugâ ab illo altero tendente, (ad morem Ellipsis & hyperbolæ respectivè;) prout nimirum focus iste alter ad partes Curvæ cavas vel convexas positus censetur: Potest namque utrolibet modo considerari, cum sit infinite diffusus.

COROLLARIUM 6.

Vide Figuras præcedentes.

Ex hac Propositione cum suis Corollariis sequitur, quod si corpus quodvis secundum lineam quamvis rectam p & r quacunque cum Velocitate exeat de loco quolibet p , & simul urgeatur à Vi centripeta, quæ sit reciproce proportionalis Quadrato distantiae loci à centro s , extra prædictam rectam sito; movebitur hoc corpus in aliqua Sectionum conicarum, umbilicum habente in centro ad quod Vis tendit. Nam in nullam Lineam præter Rectam & conic Sectiones poterit (per motum alterutrius foci in axe eove producto) præcedentis Propositionis Ellipsis mutari. Et Sectionis hujus latius rectum principale (ad axem majorem pertinens) sive L , ex ipsius Propositionis demonstratione (in qua ostensum est $L \times BR = BD \cdot q$) est tertia proportionalis ipsi BR & BD nascentibus.

P R O.

PROPOSITIO XL.

Si corpora plura revolvantur circa centrum commune. & Vis centripeta sit reciproce ut Quadratum distantia à centro; dico quod Quadrata Temporum periodicorum in Ellipsis sunt ut Cubi transversorum axium.

Sint duæ quævis Orbitæ $A P T$, $a p t$ circa commune focum s , in quibus superior constructio manere supponatur. Harum latera recta, live L & l , (per Corol.

6. Propositionis præcedentis,) æquantur $\frac{B D q}{R B}$, $\frac{b d q}{r b}$ respectivè; cocuntibus nempe B & P , item b & p . Sed $R B$ est ad $r b$ (cum simul generentur) ut Vis centripeta in P ad Vim centripetam in p ; hoc est, ex hypothesi, ut $s p q$ ad $s P q$: Et igitur $L. l$: ($\frac{B D q}{s p q} : \frac{b d q}{s P q}$:)

$B D q \times s P q. b d q \times s p q$. Et $B D \times s P$ est ad $b d \times s p$ ut ipsorum semisses; hoc est, ut areæ à corporibus P & p simul descriptæ: Et igitur L & l sunt ut Quadrata arearum quas corpora, radiis ad commune centrum s ductis, eodem tempore describunt; hoc est, dictæ areæ simul descriptæ sunt in subduplicata ratione laterum rectorum. Cumque integræ Ellipsium areæ sint ut harum particulari simul descriptæ, ductæ in respectiva tempora periodica; erunt areæ illæ integræ inter se in ratione composita ex ratione subduplicata laterum rectorum, & ratione temporum periodicorum. Porro, (per Prop. CXCI. Lib. 4. Gregorii à S^{to}. Vincentio,) Ellipsis $A G T Y$ est ad $a g t y$ ut $A T \times G Y$ ad $a t \times g y$: Adeoque etiam rectangula sub axibus Ellipsium sunt in ratione composita ex ratione subduplicata laterum rectorum, & ratione temporum periodicorum; hoc est, ut $L^{\frac{1}{2}} \times$ tempus periodicum in $A P T$ ad $l^{\frac{1}{2}} \times$ tempus periodicum in $a p t$. Porro, ex natura Ellipsis, $G Y$ est media geometrica inter L &

$A T$,

T. 6. VIII.
Fig. 4.

AT , & gy inter l & at ; five $GY = L\frac{1}{2} \times AT\frac{1}{2}$, &
 $gy = l\frac{1}{2} \times at\frac{1}{2}$. Unde $L\frac{1}{2} \times AT\frac{1}{2} : l\frac{1}{2} \times at\frac{1}{2} :: (GY \times AT : gy \times at ::)$ $L\frac{1}{2} \times$ tempus periodicum in APT . $l\frac{1}{2} \times$ tempus periodicum in apt . Applicando ergo antecedentes ad $L\frac{1}{2}$, & consequentes ad $l\frac{1}{2}$, & quadrando terminos inde resultantes, fiet AT Cubus ad at Cubum ut Quadratum Temporis periodici in Ellipsi APT ad Quadratum Temporis periodici in Ellipsi apt . Quod erat demonstrandum.

Tab. VIII
 Fig. 4.

COROLLARIUM I.

Quoniam Circulus est Ellipsis species; nempe ubi focus uterque cum centro coincidit, & axis major æqualis cuiusvis diametro; patet Quadrata Temporum periodicorum corporum in Ellipsi & Circulo circa idem centrum revolvendum esse ut Cubos transversorum axium: Adeoque si axes illorumque Cubi fuerint æquales, Temporum periodicorum Quadrata, ipsaque proinde Tempora periodica, æquabuntur: hoc est, cum idem est centrum Virium, Tempora periodica in Ellipsis eadem erunt atque in Circulis, quorum diametri æquantur majoribus axibus Ellipsium.

COROLLARIUM 2.

Ex demonstratione Propositionis patet, quod Orbium quorumcunque à corporibus circa commune centrum revolutis, & à Vi centripeta, quæ est reciproce in duplicata ratione distantie à centro, agitatis, descriptorum latera recta sunt in duplicata ratione arearum quas corpora, radii ad centrum ductis, eodem tempore describunt: Hoc enim ostensum est universaliter de quibusvis Orbibus, sive Ellipticis, sive Parabolicis, sive Hyperbolicis, antequam ad Ellipses ratiocinatio est restricta; in quibus solis Tempus periodicum locum habet.

P R O-

PROPOSITIO XLI.

Manente eâdem Lege Vis centripeta; dico quod corporum, circa commune centrum revolvantium, Velocitates in quibuscumque punctis sunt inter se in ratione composita ex ratione subduplicata laterum rectorum principalium, pertinentium ad Lineas quas describunt, & ratione inversa perpendicularorum à communi centro demiſorum in rectas tangentes ad puncta ubi verſantur corpora.

R Evolvantur corpora p & p circa commune centrum ^{Tab. 1^a fig. 5^a}
 s in Lineis quibuscumque $p b$, $p b$. Quoniam corpora, ex hypothesi, urgentur à Vi centripeta, quadrato distantiae loci à centro reciproce proportionali; erunt (per Corol. 6. Prop. xxxix.) Lineæ hæ Sectiones conï, quarum focus est s . Vocentur illarum latera recta principalia L & l . Ab s demittantur $s n$, $s n$ normales in rectas $p r$, $p r$ in p & p tangentes. Dico velocitatem corporis p esse ad velocitatem corporis p in ratione composita ex ratione $L \frac{1}{2}$ ad $l \frac{1}{2}$, & ratione $s n$ ad $s n$; sive ut $L \frac{1}{2} \times s n$ ad $l \frac{1}{2} \times s n$.

Sumantur arcus $p b$, $p b$ eodem minimo tempore descripti; & per b ducatur $b x$ ad $r p$ parallela, & $b d$ ad $s p$ normalis; simileque fiat ad b . Velocitates in p & p sunt ut nascentes arcus $p b$, $p b$; quippe viæ simul percursæ: hoc est, ut hisce æquales $p r$, $p r$ rectæ. Porro, ob triângula rectângula $b d x$, $s n p$ habentia angulos $b x d$, $s p n$ æquales propter parallelas $b x$, $n p$; est $s n : s p :: b d : b x$; & ideo $b x$ vel huic æqualis $p r = \frac{s p \times b d}{s n}$. Et, propter similes rationes, $p r = \frac{s p \times b d}{s n}$.

Sed $s p \times b d$, $s p \times b d$ sunt inter se ut eorum semisses, nempe trilinea $s p b$, $s p b$; hoc est, sicut arcæ à corporibus p & p simul descriptæ, quæ rursus (ex Cor. 2. Prop. præc.) sunt in subduplicata ratione laterum rectorum

K rum

Tab. VIII rum L & l ; sive sicut $L \frac{1}{2}$ ad $l \frac{1}{2}$. Et igitur PR est ad pr ,
Fig. 5. sive Velocitas corporis in P ad Velocitatem corporis in p
 sicut $\frac{L \frac{1}{2}}{SN}$ ad $\frac{l \frac{1}{2}}{sn}$: $L \frac{1}{2} \times sn$. $l \frac{1}{2} \times SN$: hoc est, in ra-
 tione composita ex ratione subduplicata laterum rectorum
 ad figuras PB , pb pertinentium, & ratione inversa per-
 pendiculorum à centro virum s in tangentes demissorum.
 Quod erat demonstrandum.

COROLLARIUM I.

Hinc Velocitates corporum, in maximis & minimis ab umbilico communi, circa quem gyran- tur, distantis, sunt in ratione composita ex subduplicata ratione laterum rectorum, & ratione inversa distantiarum à dicto communi umbilico. Nam, in maxima vel minima distantia ab umbilico, perpendicularis in tangentem est ipsa distantia. Si distantiae hæ à centro fuerint æquales, Velocitates, in isto temporis articulo, erunt in subduplicata ratione laterum rectorum; alterâ istâ distantiarum inversâ in rationem æqualitatis mutatâ. Et si figurarum altera sit Circulus, erit Velocitas in Sectione conica, in maxima vel minima ab umbilico distantia, ad velocitatem in Circulo in subduplicata ratione lateris recti sectionis ad distantiam duplicatam.

COROLLARIUM 2.

In eadem figura, & etiam diversis, quarum latera recta sunt æqualia, Velocitas corporis est reciproce ut perpendicularum demissum ab umbilico, sive virum centro, ad tangentem: Nam subduplicata ratio laterum rectorum est in hoc casu ratio æqualitatis. Adeoque Velocitates corporis in Ellipsi gyantis, in maxima & minima ab umbilico distantia, sunt inverse ut distantiae. Nam, in hoc casu, distantiae sunt ipsa perpendiculara in tangentes Orbitam.

COROL-

COROLLARIUM 3.

Motus apparentes corporis in Orbitæ verticibus principalibus A & P , è centro virium s spectati, sunt in reciproca duplicata ratione distantiarum sA , sP . Sumantur enim ad vertices A & P arcus minimi Aa , Pp , à corpore circa s revoluti aequalibus temporibus minimis descripti; & jungantur sa , sp . Erunt corporis motus ex s apparentes, anguli Asa , Psp . Angulorum Asa , Psp ratio componitur ex ratione Aa ad Pp (cum arcus hi minime differant ab arcubus circularibus centro s descriptis) & ratione sP ad sA ; nempe inversa radiorum. Sed quoniam Aa , Pp æqualibus temporibus describuntur, erunt illi ut Velocitates in A & P ; quæ (per præced. Corol.) sunt ut sP ad sA . Et igitur Asa est ad Psp ut sP ad sA .

Tab. VIII.
Fig. 6.

COROLLARIUM 4.

Et hinc rursus sequitur, si Orbita ad Circulum proxime accedat, esse motus corporis apparentes ex centro s spectatos in ratione reciproca duplicata distantiarum ab eodem quam proxime. Nam, in isto casu, rectæ ab s in Orbitam cadentes sunt omnes proxime ad Orbitam perpendiculares.

COROLLARIUM 5.

Ex Corollario 2. sequitur quod si corpus, in quavis Sectione conica ADP (ut dictum est) motum, Velocitate quam habet in quovis ejus puncto P , relictâ curvâ, progrediretur uniformiter in rectâ PQ curvam in P tangente; area sPQ , quam radio ad s ducto describeret, æqualis esset aræ sAD , quam (eodem vel æquali tempore) in Sectione conica retentum describit idem vel aliud corpus. Sumantur lineolæ Aa , PR , eodem minimo tempore à duobus mobilibus descriptæ; & à Sectione

Fig. 7.

Tab. VIII.
Fig. 7.

nis umbilico s ad tangentes AH & PQ demittantur perpendicularares sH , sN . Per Corollarium 2, Velocitas in A est ad Velocitatem in P ut sN ad sH : Sed ut Velocitates in A & P , ita spatia eodem tempore à mobilibus percurfa; nempe AA & PR . Et igitur AA est ad PR sicut sN ad sH . Unde triangulum sAA triangulo sPR est æquale. Cumque istud ubique obtineat in triangulis minimis trilinea sAD & sPQ constituentibus, & porro spatia sAD , sPQ ex æqualibus numero triangulis consentur, quia æqualia infumuntur tempora in percurrendis lineis AD & PQ ; patet triangulum sPQ æquale esse areæ sAD .

PROPOSITIO XLII.

Planeta primarii & Cometa hæc lege circa Solem moventur, ut motus cujuslibet ex illis componatur ex æquabili secundum rectam tangentem Orbitam, & altero ad Solis centrum tendente, in quo Vis acceleratrix est quadrato distantia à dicto centro reciproce proportionalis.

Quilibet è Planetis primariis (per Prop. XIII.) urgetur à Vi tendente ad Solis centrum, & (per XXXIV.) describit perimetrum Ellipsis, cujus umbilicus est Sol; quæ de Cometarum quolibet (per Propositiones XIV. & XXV.) etiam vera sunt; vel saltem Cometa quivis, dum urgetur à Vi tendente ad Solem, aliam quandam eodem foco gaudentem coni Sectionem describit. Et igitur (per Prop. XXXIX. ejusque Corollaria) horum quilibet urgetur à Vi æquabili secundum rectam tangentem Orbitam impressa, & ab alia, quæ à dicta tangente retrahitur & in Orbita curvilinea retinetur, quæ ad Solis centrum in sectionis umbilico positum tendit, & est quadrato distantia ab illo reciproce proportionalis. Quod erat demonstrandum.

Concipiendi igitur sunt Planeta primarii & Cometae quasi

quasi totidem Projecta, quæ nempe à duabus Viribus urgentur: Nam hoc modo, eoque solo Orbitas describunt, quales observata produnt. Et Vis, quæ Projectilia hæc à motibus rectilineis retrahit, hæc est Lex, ut augeatur prout minuitur quadratum distantia projecti Planetæ vel Cometæ à centro Solis: quam esse legem quâ Planetæ ad Solem tendunt, etiam aliunde quam ex figura semitæ, Prop. XXVIII. ostensum est.

PROPOSITIO XLIII.

Orbium Planetariorum Nodi & Apfides quiescunt.

QUoniam per Prop. XI. Planeta quilibet in plano immoto revolvitur, binorum quorumvis planorum communis sectio etiam immota manet: Sed cujuslibet intersectio cum plano Orbis Telluris est Linea Nodorum istius Planetæ. Istius igitur, similiter que omnium, Nodi quiescunt. Porro, Planeta quilibet describit, in plano immoto, Ellipsin perpetuo eandem sive immotam, (per Prop. XXXIV.) & proinde ejus Apfides etiam quiescunt. Quod erat demonstrandum.

COROLLARIUM.

Cum stellæ Fixæ cujusvis simile sit officium (quantum hominibus conjicere datur) atque ipsius Solis; nempe ut circa illius corpus immensum alia minora corpora tanquam Planetæ circumrotentur; similes erunt & affectiones aliæ: nimirum illarum, sicut & nostri Solis, nullus aut insensibilis erit motus; quod ex earum constanti & perpetuo eadem distantia mutua ulterius liquet. Unde idem erit situs Nodorum Apfidumque Orbium Planetariorum ad Fixas.

SCHOLIUM.

Propositio hæc vera est, si spectetur sola Vis centripeta Planetarum in Solem, ut hucusque factum: Verum

K 3 si con-

si considerentur actiones Planetarum & Cometarum in se mutuo, paulo secus res se habere deprehenditur; ut suo loco manifestum fiet. At actionum istarum effectus propter virium producentium parvitatem exigui admodum, & quasi nulli sunt; ideoque hoc loco negligendi. Immo tam parvi sunt motus Nodorum & Apsidum Planetarum primariorum, ut etiam in calculo Astronomico à magni nominis Viris penitus sit neglectus, & Nodi Apsidisque pro immotis habiti.

PROPOSITIO XLIV.

Planeta & Cometa in Cælis quam liberrime moventur; & proinde eorum motus diutissime conservari potest.

NAm, Prop. xxxix. (ubi determinatur Lex Vis centripetæ, quâ urgetur corpus, quod revolvitur in perimetro Ellipsis aut alterius Sectionis conici, cujus focorum alter est centrum ad quod Vis tendit) supposuimus motum utrumque, ex quibus componitur motus in curva Elliptica, Parabolica vel Hyperbolica, omnino liberum, nec illi quicquam obstare aut resistere. Cum igitur Planetæ perfectas Ellipses, quarum communis umbilicus est Sol, motu suo describant, & Ellipses has de novo repetant; patet è converso Planetarum motus ab omni resistentia esse prorsus immunes; hoc est, Planetas quam liberrime in Cælis moveri. Porro, si Planetæ absque resistentia quam liberrime moventur, idem & Cometis contingit; quippe per regiones Planetarum, quamdiu à Terricolis videntur, motis, in viis quæ sunt vel Ellipses veræ, vel Ellipsium species; Parabolæ nimirum vel Hyperbolæ, quarum umbilicus est Sol; quibus describendis eadem opus est immunitate ab omni resistentia. Et medii resistentiam in regionibus Systematis Solaris ultra Planetas, non esse majorem quam in regionibus Planetariis verisimillimum est. Si enim vel minima sensibilis foret in Cælis resistentia; certe

certe eadem viâ à Planetis circa Solem, projectorum more latis, non describerentur, quæ ipsis liberrime motis competere demonstratæ sunt: Sed prorsus sicut, in aere nostro, semita projecti valde diversa deprehenditur à Parabolica quæ demonstrata est illi competere, si nulla foret medii resistantia; ita Planetarum viâ, saltem in pluribus revolutionibus, immane quantum ab Ellipsis discrepare deprehenderentur; neque Ellipses magnitudine & positione eadem cum describendis à Planetis, per spatia libera motis, illorum locis tam olim quam recenter observatis adeo exacte congruerent, atque calculo rite subducto fieri compertum est. Nulla ergo est: Sed Planetæ & Cometæ quam liberrime in Coelis moventur, & propterea eorum motus diutissime conservari potest. Quod erat demonstrandum.

PROPOSITIO XLV.

Planeta secundarii circa Primarios suos hæc lege moventur, ut, præter Vim omnem acceleratricem quâ Primarius urgetur, motus cujuscunque ex illis componatur ex æquali secundum rectam Orbitam tangentem, & altero ad Primarii centrum tendente, in quo vis acceleratrix est quadrato distantia à centro reciproce proportionalis.

Seposita Vi omni acceleratrice quâ primarius urgetur, (ut Prop. xx. factum est,) quilibet Planeta secundarius (ex Prop. xxxvi.) circa suum Primarium revolvitur in perimetro Ellipsis umbilicum in Primarii centro habentis, ad quod (per dictam Prop. xx.) tendit vis centripeta, quâ à motu rectilineo retrahitur: (deformitas enim Ellipsis à motu Apsidum vel aliunde tantilla est, ut hic sit negligenda:) Et igitur (per Prop. xxxix.) lex vis centripetæ tendentis ad Primarii centrum ea est, ut dicta vis sit quadrato distantia à centro reciproce proportionalis: hæc enim solâ corpus à motu rectilineo in tan-

tangente à vi insita orto retrahitur, & in Orbitâ Elliptica retinetur. Hi ergo duo motus, (nimirum alter in tangente æquabilis, alter vero versus Primarii centrum tendens, & auctus in ratione quâ quadratum distantiae satelitis ab illo diminuitur,) inter se compositi, Planetam secundarium (projecti instar) Orbitam Ellipticam describere cogunt.

SECTIO VII.

PLANETÆ & COMETÆ IN ORBITIS SUIS RETINENTUR PER GRAVITATEM, EADEM LEGE PER UNIVERSUM SYSTEMA SOLARE PROPAGATAM.

PROPOSITIO XLVI.

Vis, quâ Luna ad Terræ centrum tendit, quâque in Orbita sua retinetur, eadem est cum vi Gravitatis, quâ corpora terrestria quævis ad idem centrum tendunt.

*Tal. IX.
Fig. 1.*

DEsignet *R A E* Terram, cujus centrum *T*, *v L* orbitam Lunæ, cujus pars *L C* à Luna percurritur spatium unius scrupuli horarii. Quoniam (ex Prop. xv.) Luna periodum suam sive integrum circulum conficit spatio dierum 27, horarum 7, scrupulorum 43; hoc est, scrupulis horariis 39343; patet *L C* esse $\frac{1}{39343}$ integræ peripheriæ, sive 33 scrupulorum secundorum gradûs. Porro, ambitus Terræ (secundum nuperam *D. Picart.* mensuram) est pedum Parisiensium 123249600; ejusque proinde semidiameter *T A* pedum 19615800: quare *T L* semidiameter orbitæ Lunariorum est pedum 1176948000; nempe (ex prædicta Prop. xv.) ipsius *T A* sexagecupla: & arcûs *L C*, 33° sinus versus *L D*, & huic æqualis *B C* est pedum Parisiensium $15\frac{1}{2}$ quam proxime. Igitur vis, quâ Luna versus Terræ centrum tendit, (quâque à motu rectilineo secun-



secundum tangentem LB retrahitur, & in orbita sua retinetur,) talis est quæ spatio scrupuli unius horarii Lunam versus Terræ centrum impellit per pedes Parisienses $15\frac{1}{12}$. Cumque (per Prop. præc.) vis hæc in Luna augeatur in eadem ratione, qua Quadratum distantiae à centro Terræ diminuitur; si descendatur ad superficiem Terræ, ubi quadratum distantiae à centro minuitur vicibus 60×60 , augebitur illa vicibus 60×60 , & ideo spatio scrupuli horarii Lunam apud nos in superficie Terræ positam versus centrum impelleret per longitudinem pedum $60 \times 60 \times 15\frac{1}{12}$. Sed Gravitatis ea est vis, quæ corpus quodvis in Terræ superficie positum, spatio scrupuli secundi horarii, versus centrum impellit per longitudinem pedum Parisiensium $15\frac{1}{12}$, ut ex accuratissimis experimentis definit Celeb. *Hugenius Prop. ultima Part. IV. Horol. Oscill.* Et ideo eadem ista Gravitatis vis, spatio scrupuli horarii, corpus impellit versus centrum per longitudinem pedum $60 \times 60 \times 15\frac{1}{12}$; quia spatia à gravi cadente percurta sunt in ratione duplicata temporum quibus percurruntur. Quoniam igitur vis, quâ Luna in orbita sua retinetur, & vis Gravitatis paria præstant, eodemque in iisdem circumstantiis producerent effectus, & versus idem punctum (nempe Terræ centrum) tendant, eadem erunt; id est, vis quâ Luna retrahitur à motu rectilineo, & in orbita sua coercetur, illa ipsa est quam nos Gravitatem dicimus. Quod erat demonstrandum.

Lunæ distantia à Tellure paulo major quam sexagecupla semidiametri Terræ calculo præcedenti melius congrueret, puta sexagecupla sesqui-tertia; cui etiam rationes Astronomicæ melius respondent. Nos rem in numeris rotundis æstimare satis habuimus.

SCHOLIUM.

Eodem modo quo Luna revolvitur in orbem circa Tellurem, aliud quodvis grave ex puncto extra Telluris superficiem,

L

Tab. IX.
Fig. 2.

perficiem, secundum Horizontalem rectam, vi satis validâ projectum Orbitam describeret, & Terrâ intactâ (Planeta instar) gyrum compleret; atque hoc continuo. Circulus $A B C D$ referat Terram, cujus centrum T . Sumatur punctum aliquod extra Terræ superficiem, (nempe G ,) ex quo, secundum directionem rectæ GH ad TG normalis, projiciatur grave quodvis. Patet, si corpus hocce minimâ aut nullâ vi projiciatur, (hoc est, si libere demittatur,) casurum illud ad A , directe infra G ; si aliquâ vero, grave attinget Terram ad punctum B ab A versus H distans; si adhuc majore, corpus projectum ultra B ut ad C Terræ occurret. Si augeatur vis projiciens eoque, ut Terram non attingat donec ultra B punctum ipsi A oppositum perveniat, tum rursus versus G ascendens Ellipsin $G K M F$ complebit; atque eandem rursus perpetuo non impeditum describet, & Planeta fiet. Si in semitæ puncto M ipsi G opposito, projectum minus distet à Terra, quam cum in G ; tum centrum Terræ T est Ellipsis umbilicus à vertice G remotior. Si augeatur vis projiciens, donec puncta M & G æqualiter à T distent, semita fiet Circulus; auctâque adhuc vi projiciente (reliquis manentibus) fiet Ellipsis, in qua T est focus vertici G vicinior, alter vero focus longius à T removebitur pro vis projicientis augmento, donec tandem in Parabolam, posteaque in Hyperbolam mutetur. Atque eadem obtinebunt quamvis HG non sit ad TG normalis, præterquam quod in hoc casu G non est Orbitæ vertex principalis. Quo altius est punctum G supra Terram, eo minori opus est vi ad projectum in Planetam mutandum; & quo humilior, eo majori; adeo ut si Luna eâdem celeritate quâ nunc in Orbita sua fertur, ex altitudine mille tantum passuum supra Terram projiceretur secundum directionem horizontalem, circa Tellurem non revolveretur; sed, Planetæ naturam exuens, vulgaris projecti instar in Terram impingeret, antequam distantiam quinde-

cim

cim mille passuum attingeret. Nam arcus, quem Luna viginti scrupulis secundis horariis percurrit, minor est quam 15000 passus, & grave prope Terram viginti istis scrupulis secundis cadendo percurrit $20. \times 20 \times 15 \frac{1}{2}$, sive 6033 pedes; hoc est, plus quam mille passus: unde Luna prius Terram attingeret quam ad distantiam 15000 passuum projiceretur. Si vero, eadem manente gravitatis actione, Terra annihilaretur, projecta omnia (Planetarum more) describerent Ellipses, aliasve Sectiones conicas, quarum communis focus esset punctum quod nunc est Terræ centrum.

PROPOSITIO XLVII.

Planeta secundarii Jovis gravitant in Jovem, satellites Saturni in Saturnum, & Planeta primarii & secundarii graves sunt in Solem; omnesque vi Gravitatis suæ retrahuntur à motibus rectilineis, & in Orbitis suis retinentur.

Propter Naturæ simplicitatem rerum naturalium non plures admittendæ sunt causæ, quam quæ earum Phænomenis explicandis sufficiunt; & effectuum naturalium ejusdem generis eadem agnoscendæ sunt causæ: igitur cum revolutiones Stellarum Medicearum circa Jovem, Saturni comitum circa Saturnum, & Planetarum primariorum circa Solem, Phænomena sint ejusdem generis cum revolutione Lunæ circa Terram; eadem etiam erunt illarum causæ. Vires enim, quibus Jovis & Saturni secundarii, & Planetæ primarii retrahuntur à motibus rectilineis & in Orbibus suis retinentur, respiciunt Jovis, Saturni & Solis centra respectivé, similiter atque vis, quæ Luna in Orbita sua retinetur, respicit centrum Telluris; & Vires, quibus illi urgentur, eadem lege augentur minuunturque pro diversa distantia à Jovis, Saturni & Solis centris respectivé, quæ vis Lunam urgens, dum in variis à Terræ

centro distantis constituitur ; prout superius fufe est ostensum. Unde cum vis hæc in Luna eadem sit ostensa (in Prop. Prac.) cum vi illa quam Gravitationem dicimus ; eadem etiam erit vis, quâ prædicti isti Planetæ, tum primarii cum secundarii, versus Solem & suos primarios respectivé tendunt. Porro, secundarii omnes graves etiam sunt in Solem, & illorum gravitas in Solem est vis illa acceleratrix secundario cuilibet & suo primario communis ; de qua Prop. xx. & xlv. Quod erat demonstrandum.

COROLLARIUM

Hinc patet dari Gravitationem in Solem & Planetas omnes primarios. Cum enim Luna & terrestria omnia gravia sint in Terram, Comitesque Jovis & Saturni in Jovem & Saturnum respectivé ; cumque tres reliqui Planetæ primarii, Mercurius, Venus & Mars sint corpora ejusdem generis cum Saturno, Jove & Terra, (quod etiam ex illorum Gravitate versus Solem superius probata liquet ;) constat ex prius stabilita similitudine causarum similium effectuum, & in illos etiam dari Gravitationem, cujus vis acceleratrix est quadrato distantie à centro reciproce proportionalis. Et, quoniam actioni cujusvis generis contraria est reactio, Sol vicissim in Planetas omnes primarios & secundarios gravis est. Porro, quoniam experimentis exactissime institutis constat corpora quævis, in eadem distantia, æquali tempore, æqualia spatia cadendo versus Terram percurrere, & momenta corporum inæqualium æqualiter acceleratum esse ut ipsa corpora ; corpora omnia cujuscunque naturæ, in æqualibus distantis, gravia sunt in Terram in ratione materie quam continent. Cumque nullum sit dubium naturam Gravitatis versus Solem & Planetas eandem esse atque versus Terram, (quod ex prædictis abunde constat, & hinc etiam quod Planetæ primarii eorumque satellites, corpora sc. valde inæqualia, æquali vi acceleratrice versus Solem descendant, prorsus ut corpora

corpora magnitudine & densitate inæqualia æque velociter versus Terram cadunt ;) patet corpora omnia in Solem & Planetas singulos gravitare , & pondera eorum in quavis, paribus ab ejusdem centro distantis, proportionalia esse quantitati materiæ in singulis. Et quoniam omnis actio est mutua, Sol & Planetæ in corpora quævis, corporaque proinde omnia in se invicem, eâdem lege gravitant.

PROPOSITIO XLVIII.

Virtutis omnis à centro, vel ad centrum, in lineis rectis undique per regiones in circuitu propagata Vm, sive efficacia, in diversis locis est quadrato distantia loci à centro reciproce proportionalis.

Sit s centrum à quo vel ad quod Virtus propagatur, Tab. IX. Fig. 3.
 circa quod describantur duæ superficies sphericæ T E, M A in quibuscunque distantis s T, s M. Dico Virtutis Vim, sive efficaciam, in T esse ad ejusdem vim in M ut s M q ad s T q.

Virtus eadem, in spatium duplo majus æqualiter diffusa & sparsa, duplo minor erit in qualibet data parte ; quippe duplo minus constipata : & si in spatium triplo majus diffundatur, triplo minor erit : & , universaliter, efficacia Virtutis est reciproce ut spatium, in quod data Virtus diffunditur ; quippe directe ut Virtutis constipatio. Sed Virtus omnis, quæ in distantia s T à centro æqualiter diffunditur per superficiem sphericam T E, in distantia s M similiter diffunditur per superficiem sphericam M A. Quare Virtutis istius efficacia in distantia s T est ad ejusdem efficaciam in distantia s M sicut superficies sphærica M A ad superficiem sphericam T E ; id est, sicut s M q ad s T q. Quod erat demonstrandum.

Hujusmodi sunt Virtutes Lucis, Caloris, &c. & ex superius ostensis etiam Gravitatis. At Virtutes aliquæ, ut Magnetica & Electrica, sunt generis alterius.

PROPOSITIO XLIX.

Gravitates acceleratrices versus diversa corpora, in paribus distantis, sunt ut ipsa corpora versus qua fiunt.

Tab. IX.
Fig. 4.

EXponantur duo quælibet corpora A & B in locis quibuscunque A & B; erunt hæc (per Corol. Prop. XLVII.) versus se mutuo gravia: & quidem, cum actioni contraria & æqualis sit reactio, Gravitās sive vis motrix corporis A versus B æqualis est Gravitati sive vi motrici corporis B versus A. Sed vis motrix fit ex quantitate materiæ sive massæ ducta in vim acceleratricem, prorsus ut quantitas motûs ex quantitate materiæ ducta in celeritatem: Et igitur massæ corporis A ducta in ejus vim acceleratricem versus B æqualis est massæ corporis B ductæ in hujus vim acceleratricem versus A. Unde vis acceleratrix corporis A versus B est ad vim acceleratricem corporis B versus A sicut massæ corporis B ad massam corporis A: Vires vero (de quibus hic agitur) sunt Gravitates, & massæ corporum sunt quantitates materiæ sive ipsa corpora: Et igitur Gravitās acceleratrix corporis A versus B est ad Gravitatem acceleratricem corporis B versus A sicut corpus B ad corpus A. Sed (ex superius ostensis) omnia corpora in æquali distantia à corpore B posita in qua est A, æqualem habent versus B Gravitatem acceleratricem atque ipsum A; & omnia corpora in æquali distantia à corpore A posita in qua est B, æqualem habent versus A Gravitatem acceleratricem atque B corpus; & distantia corporis A à corpore B æqualis & distantia corporis B ab A, & sumpta sunt hæc corpora & distantia utcumque. Et igitur Gravitates acceleratrices versus diversa corpora, in paribus distantis, sunt ut ipsa corpora. Quod erat demonstrandum.

COROL.

COROLLARIUM.

Hinc si Gravitās consideretur tanquam vis attractiva ^{Tab. IX. fig. 4} corporis versus quod dirigitur, propagata ut in præcedente Propositione; vires absolutæ corporum attrahentium sunt ut ipsa corpora quorum sunt vires. Nam absoluta vis attractiva corporis A est ad absolutam vim attractivam corporis B ut attractio acceleratrix corporum omnium versus A ad attractionem acceleratricem corporum omnium versus B, in paribus distantiiis. Sed, in paribus distantiiis, attractio acceleratrix corporum omnium eadem est cum attractione acceleratrice corporis cujuscvis, & attractiones hæ acceleratrices (ex hac Prop.) sunt ut corpora versus quæ fiunt; hoc est, ut ipsa corpora attrahentia: Et igitur, ex æquo, vires absolutæ corporum (ut dictum est) attrahentium sunt ut ipsa corpora quorum sunt vires.

Et hinc rursus, & ex præcedentibus (per Prop. xxiii. El. 6.) colligitur vim acceleratricem corporis A versus B gravis esse ad vim acceleratricem corporis C versus D gravis in ratione composita ex ratione corporis B ad corpus D, & duplicata ratione distantie inter C & D ad distantiam inter A & B: & porro, rationem ponderis corporis A ad pondus ipsius C componi ex prædicta ratione composita, & insuper ratione corporis A ad corpus C.

S E C.

SECTIO VIII.

DE MOTU CORPORUM SE MUTUO ATTRAHENTIUM, HUIUSQUE SYMPTOMATIBUS; QUÆ OMNIA AD SYSTEMA SOLIS & PLANETARUM PRIMARIORUM APPLICANTUR.

PROPOSITIO L.

Corpora duo se invicem trahentia, & circum se invicem revoluta, describunt & circum se mutuo, & circum commune centrum gravitatis, figuras similes.

PROP. XXXIX. & sequentibus exposuimus Motus corporum attractorum ad centrum immobile: decet enim à simplicioribus ordiri. Verum, quoniam attractiones fiunt ad corpora, & hæc vicissim attrahuntur; ut superius ostensum est: Cum corpus circa aliud revolvitur, attrahens ipsum quiescere nequit; sed ambo attractione mutuâ agitata circa gravitatis commune centrum revolvuntur. Et si plura fuerint corpora, quæ se mutuo attrahunt, hæc inter se ita movebuntur, ut gravitatis centrum commune vel quiescat vel uniformiter progrediatur in directum. Geometris enim notum est commune gravitatis centrum ab actione corporum inter se non mutare statum suum motûs vel quietis; sicut à celeberrimis Viris D. D. *Wrennio* & *Hugenio* demonstratum prostat. Ordo igitur postulat, ut motus corporum se mutuo (ut dictum est) trahentium consideremus; nempe Orbitas ab iis descriptas, reliquaque generalia, quibus differt corporum in se mutuo agentium systema à systemate prius supposito; & quidem primo universaliter, quæcunque tandem sit Lex attractionis mutuæ.

Sint duo corpora *s* & *p* se invicem trahentia, quæ circum se mutuo revoluta describunt curvas *s s*, *p p* dum interea illorum centrum gravitatis *c* vel quiescit, vel (quod

Tab. IX.
Fig. 5.

(quod demonstrationem haud turbat) movetur unifor- Tab. IX.
fig. 5.
miter in directum : Dico figuras quatuor, nempe sfc , ppc , illam quam s describit circa p spectatum tanquam immotum, & illam quam p circa s similiter spectatum describit, esse inter se similes.

Quoniam s & p eadem manent, manebit (durante motu) ratio inter $c p$ & $c s$; quippe, ex natura centri Gravitatis, eadem cum ratione corporum s & p : cumque anguli $p c p$, $s c f$ sint ubique æquales, (quia c est in recta jungente corpora,) erunt figurae sfc , ppc similes. Figurae enim ppc , sfc similes omnino sunt, quas recta $p c f$, circa punctum c motu angulari lata, describit. seu verrit, dummodo quovis momento eadem sit ratio inter $c p$ & $c f$ quæ inter $c p$ & $c s$. Rursus, quoniam ubique datur ratio inter sc & $c p$, componendo datur ratio inter sp & $c p$, & linea $p c f$ recta manet: & igitur (per hæcenus dicta) recta $c p$ circa punctum c , & recta sp circa punctum s spectatum tanquam immotum, similes describunt figuras. Porro figurae, quarum una describitur à p circum f habitum pro immoto, altera ab f circa p pariter pro immoto spectatum, similes & omnino æquales sunt, (ut in Opticis demonstratur,) quia sp tum magnitudine tum positione eadem est cum $p f$. Quare quatuor figurae propositæ similes sunt. Q. E. D.

PROPOSITIO LI.

*Si corpora duo s & p viribus quibuscvis se mutuo trahant, Fig. 6.
& interea revolvantur circa gravitatis centrum commune c ; dico figuris, quas corpora sic mota describunt circum se mutuo, posse figuram similem, & æqualem circum corpus alterutrum immotum, viribus iisdem, describi.*

Posito enim Orbitas $p r$, $s q$ primo circa immotum c describi, & puncta f & p esse loca quævis ad libitum, ad quæ corpora s & p simul perveniunt. Intelli-
M gatur

Tab. IX.
Fig. 6.

gatur recta scp sibi parallela moveri, donec punctum s congruat cum s , atque hoc fieri in omnibus punctis correspondentibus curvarum sQ , pR . Patet, appulso s ad s , alterum rectæ sp sic parallelas motæ extremum perventurum ad punctum in curva $p\pi$, quam corpus p circa s describeret, si (s immoto manente) p circa illud revolveretur, attractum eadem vi, quâ prius corpora se mutuo petebant: Nam latio parallela rectæ sp nullam in viribus, quibus corpora se mutuo attrahunt, mutationem inducit. Sed eadem $p\pi$ est linea, quam p circa s tanquam immotum spectatum describit: sic enim revera immotum permanet, & rectæ $s\pi$ eadem est longitudo, eademque inclinatio ad s , quæ ipsius sp . Cum igitur figuræ illæ congruunt, æquales sunt & similes. Quodque de figurâ, quam p circa s describit, est ostensum, de figura, quam s circa p pro immoto habitum describit, utpote æquali & simili, verum est.

Verum si centrum Gravitatis c progrediatur uniformiter, superinducendo systemati corporum s & p motum æqualem & in plagam contrariam factum, reducentur omnia ad casum priorem: sed motu hoc uniformi secundum rectas parallelas nihil mutatur in viribus corporum s & p . Igitur constat propositum in utroque casu. Quod erat demonstrandum.

COROLLARIUM I.

Corpora duo viribus quibuscumque se mutuo trahentia, & circa Gravitatis centrum gyrationis, radiis ad centrum illud & ad se mutuo ductis describunt areas temporibus proportionales.

COROLLARIUM 2.

Quia corpus circa aliud immotum revolvens, & ad illud vi quadrato distantie reciproce proportionali attractum, describeret (per Prop. xxxix.) Ellipsin vel aliam

liam Sectionem conī, cujus umbilicus alter coincidit cum centro corporis immoti; sequitur ex hac Propositione, quod corpora duo viribus quadrato distantiae reciproce proportionalibus se mutuo tranſientia deſcribunt, & circum commune Gravitatis centrum & circum ſe mutuo, Sectiones conicas umbilicos habentes in centro, circa quod figuræ deſcribuntur. Et è converſo, ſi tales figuræ deſcribuntur, vires centripetæ ſunt quadrato diſtantiæ reciproce proportionales.

PROPOSITIO LII.

Si corpora duo viribus quibuſvis ſe mutuo trahentia circa ſe mutuo revolvantur, motus eorum iidem erunt, ac ſi non traherent ſe mutuo, ſed utrumque à corpore tertio, in communi Gravitatis centro conſtituto, viribus iisdem traheretur. Et virium trahentium eadem erit Lex reſpectu diſtantiæ corporum à centro illo communi, atque reſpectu diſtantiæ totius inter corpora.

NAm vires, quibus corpus p tendit ad s , diriguntur ^{Tab. IX.} ad quodvis punctum in recta ps ad partes s productæ. ^{Fig. 5.} Et ſimiliter vires corporis s diriguntur ad quodvis ejuſdem rectæ ad partes p productæ punctum. Sed c eſt rectæ $s p$ utrinque productæ punctum unicum, quod in omni corporum ſitu immotum manet: & ideo c eſt punctum illud, ad quod tendunt corpora p & s iisdem viribus, quibus ſe mutuo attrahunt.

Rurſus, quoniam dantur corpora revolventia, datur ratio diſtantiarum centri gravitatis à corporibus; & conſequenter ratio diſtantiæ corporis utriuſvis à centro iſto communi ad diſtantiā corporis ejuſdem à corpore altero. Et proinde datur ratio cuiuſvis poteſtatis diſtantiæ unius ad ſimilem poteſtatem diſtantiæ alterius; ut & ratio quantitatis cuiuſvis, quæ ex una diſtantiā & quantitatis datis utcunq; componitur; ad quantitatem aliam,

M 2

quæ

quæ ex altera distantia & quantitibus totidem datis, datamque illam distantiarum rationem ad priores habentibus similiter componitur. Proinde, si vis, quâ corpus unum ab altero trahitur, sit directe vel inverse ut distantia corporum ab invicem, vel ut quælibet hujus distantie potestas, vel denique ut quantitas quavis ex hac distantia & quantitibus datis quomodocunque composita; erit eadem vis, quâ corpus idem ad commune gravitatis centrum trahitur, directe itidem vel inverse ut corporis attracti distantia à centro illo communi, vel ut eadem distantie hujus potestas, vel denique ut quantitas ex hac distantia & analogis quantitibus datis similiter composita: Adeoque vis trahentis eadem erit Lex respectu distantie à centro gravitatis, quæ respectu distantie corporum. Quod erat demonstrandum.

PROPOSITIO LIII.

Corporum duorum s & p, circa commune gravitatis centrum c revolvantium, tempus periodicum est ad tempus periodicum corporis alterutrius p circa alterum immotum s (viribus iisdem trahens) gyrantis, in subduplicata ratione corporis s ad aggregatum corporum s & p.

Tab. IX.
fig. 7.

Concipiatur corpus p , ipsi p simile & æquale, describere circa immotum s , ipsi s simile & æquale, Orbitam $p d r$. Figuræ $c p d r$, $s p d r$ (per Prop. L.) sunt similes: & vires, quibus corpora in punctis quibusvis similiter positis (ut d & d') versantia ad centra c & s tendunt, sunt æquales; quia (per Prop. LI.) vis quâ corpus d tendit ad e æqualis est vi quâ corpus d' tendit ad f . Et (per præcedentem Propositionem) corpus d tendit ad c eadem vi quâ ad e . Et igitur (per Corol. 2. Prop. xxvi. & Schol. Prop. xxviii.) quadratum temporis periodici corporis p in Orbita $p d r$ moti est ad quadratum temporis periodici corporis p in Orbita

Orbita $p d r$ sicut recta $c p$ ad rectam homologam sp hoc est, sicut $c p$ ad $s p$; hoc est, (ob naturam centri gravitatis,) sicut corpus s ad $s + p$. Unde ipsum tempus periodicum corporis p in Orbita $p d r$ (vel corporis s in Orbita $s e l$) est ad tempus periodicum corporis p in Orbita $p d r$ in subduplicata ratione corporis s ad aggregatum corporum s & p . Quod erat demonstrandum.

PROPOSITIO LIV.

Si corpora duo s & p , viribus quadrato distantia sua reciproce proportionalibus, se mutuo trahentia revolvantur circa gravitatis centrum commune; dico quod Ellipsis, quam corpus alterutrum p hoc motu circa alterum s describit, (modo Prop. L. descripto,) axis major erit ad axem majorem Ellipsis, quam corpus idem p circa alterum s quiescens, (ut Prop. LI.) eodem tempore periodico describere possit, in subtriplicata ratione summa corporum s & p ad corpus quiescens s . Tab. IX.
Fig. 7.

SI Ellipses, circa mobile & quiescens s , à corpore p descriptæ forent æquales, tempora periodica in hisce (per Prop. LI. & LIII.) essent in subduplicata ratione corporis s ad aggregatum corporum s & p . Mutari intelligatur hæc ultima Ellipsis, donec corporis p (hanc circa quiescens s describens) periodicum tempus æquale fiat tempori periodico corporis p circa mobile s revolvantis; (ut in hac Propositione supponimus;) hoc est, donec tempus periodicum in illa diminutum sit in dicta subduplicata ratione corporis s ad summam corporum s & p . Quoniam vero, (per Prop. XL.) in casu præsentis, quadrata temporum periodicorum sunt ut Cubi transversorum axium, ipsa periodica tempora erunt in dictorum majorum axium ratione sesquuplicata. Axis igitur major posterioris Ellipsis minutus est in ratione, cujus sesqui-

Tab. IX.
Fig. 7.

plicata est subduplicata ratio s ad $s + p$; hoc est, in ratione subtriplicata s ad $s + p$: (Nam $\frac{1}{2}$ de $\frac{1}{2} = \frac{1}{4}$) Et proinde est a/l invariaturum Ellipsis alterius, circa mobile corpus s descriptæ, axem (huic antequam diminueretur æqualem), in ratione subtriplicata s ad $s + p$. Et igitur inverse, axis major Ellipsis, circa corpus s mobile descriptæ, est ad axem majorem Ellipsis, eodem vel æquali tempore descriptæ circa quiescens s , in subtriplicata ratione summæ corporum $s + p$ ad corpus quiescens s . Quod erat demonstrandum.

PROPOSITIO LV.

Fig. 8. *Manente eadem attractionis lege, dico corporis P Orbitam P R propius accedere ad Ellipsin, cujus focus est c commune centrum gravitatis corporum s & m, quam ad Ellipsin, cujus focus est centrum ipsius s; & quod area radii ad c ductis descripta sunt temporibus magis proportionales, quam area radii ad centrum ipsius s ductis descripta.*

N Am corporis P attractiones versus s & m componunt ipsius attractionem absolutam, quæ magis dirigitur versus c commune illorum gravitatis centrum, quam versus ipsum maximum s ; quæque quadrato distantiae Pc magis est proportionalis reciproce, quam quadrato distantiae $P s$: Nam ultimum hoc tum tandem præcise obtineret, si nullum prorsus esset m ; & hæc eadem vera essent de m , si illud cresceret, donec immensum excederet s . Quare constar vires (in casu præsentis) in punctum aliquod inter s & m intermedium & majori propius dirigi, quale est commune illorum centrum gravitatis c ; quod etiam punctum illud est, ubi gravium circumcirca positorum vires quælibet Physicæ uniuntur & concentrantur: ibi enim jure censetur ex gravibus pluribus aggregatum, ubi est illorum commune centrum gravitatis; ut Philoso-

Philosophis notum est. Constat igitur propositum. Quod erat demonstrandum.

PROPOSITIO LVI.

Positis iisdem attractionum legibus, dico corpus exterius P circa interiorum s & M commune gravitatis centrum c , radiis ad centrum illud ductis, describere areas temporibus magis proportionales; & orbem ad formam Ellipsis umbilicum in centro eodem habentis magis accedentem, si corpus intimum & maximum s his attractionibus, perinde atque cetera, agitetur, quam si vel non attractum quiescat, vel multo magis vel multo minus attractum aut multo magis aut multo minus agitetur. P Tab. IX. Fig. 8.

EX præcedente liquet centrum, ad quod corpus exterius P urgetur, proximum esse centro gravitatis interiorum s & M . Si coincideret centrum illud cum hoc centro communi, & quiesceret commune gravitatis centrum trium s , M & P ; describeret P ex una parte, & ipsorum s & M commune centrum ex altera, Ellipses accuratas circa commune trium centrum gravitatis quiescens tanquam umbilicum communem, per Corol. 2. Prop. LI. Et proinde minima erit dicti (in Ellipsis) motus perturbatio, ubi prædictum commune centrum gravitatis trium s , M & P quiescit: Quiescit vero illud, si corpus s perinde atque cetera agitetur; ut superius dictum est. Et igitur minima erit perturbatio, ubi s lege cæterorum attrahitur. Quod erat demonstrandum.

COROLLARIUM.

Eodem modo, si corpora plura minora revolvantur circa maximum, colligere licet quod Orbitæ descriptæ propius accedent ad Ellipticas, & arearum descriptiones fiunt magis æquabiles, si corpora omnia viribus acceleratricibus, quæ sunt ut eorum massæ directè & quadrata distantia-

distantiarum inversè, se mutuo trahant, (nam hoc est agitari perinde atque cætera, positâ lege attractionum, quæ in Propositione ponitur;) & Orbitæ cujusque umbilicus collocetur in communi centro gravitatis corporum omnium interiorum, quam si corpus maximum quiescat, & statuatur communis umbilicus Orbitalium omnium.

PROPOSITIO LVII.

Corpora plura, quarum vires acceleratrices ad se mutuo sunt inverse in duplicata ratione distantiarum ab eorundem centrâ, moveri possunt in Ellipsis circa magnum, & radiis ad illud ductis areas describere temporibus proportionales quamproxime. . .

Tab. IX.
Fig. 9.

Supponantur corpora plura minora p, p, π circa magnum aliquod s revolvi: & quoniam omnium commune centrum gravitatis, ab actionibus corporum horum in se mutuo, non mutat statum suum motûs vel quietis; (ut superius explicatum,) & illa ab omni externa agitatione aut impedimento immunia supponimus; quiescere poterit illud centrum. Si jam ponamus corpora minora p, p, π tam parva esse respectu magni s , ut hoc nunquam distet sensibiliter à dicto communi gravitatis centro, tum magnum illud s quiescet quam proxime; minora autem revolvantur circa hoc magnum in Ellipsis, in quorum umbilico communi magnum istud locatur: atque ideo, radiis ad illud ductis describent areas temporibus proportionales; nisi quatenus errores inducuntur, vel per aberrationem maximam à communi isto gravitatis centro, vel per attractiones minorum corporum ad se mutuo. Diminui autem possunt corpora minora, donec aberratio ista & attractiones mutue sint datis quibusvis minores. Et igitur corpora plura moveri possunt circa magnum in Ellipsis, & radiis ad illius centrum ductis areas describere temporibus proportionales, ita ut errores commissi (quomi-

(quominus sc. ista exaſte fiant ,) ſint datis quibuſvis minores ; hoc eſt. quaproxime. Quod erat demonſtrandum.

PROPOSITIO LVIII.

Ex actione mutua Solis & cujuſvis Planete primarii, Planeta deſcribit Ellipſin, cujuſ umbilicus eſt commune centrum gravitatis Solis & dicti Planete. Ex actione vero Planetarum primariorum in ſe mutuo, cujuſque Orbita eſt quaproxime Ellipſis, cujuſ umbilicus eſt commune centrum gravitatis Solis omniumque Planetarum ſe inferiorum.

SI Planete primarii graves eſſent in Solem ; non autem Sol in Planetas, Planeta quiſque deſcriberet Ellipſin circa immotum Solis centrum, ceu umbilicum deſcriptam ; ut Prop. XLII. oſtenſum eſt. Et, ſi Planetarum maſſæ prorsus eſſent inſenſibiles reſpectu maſſæ Solis, idem obtineret quaproxime, per præcedentem : & hunc eſſe fere caſum ſyſtematis Solaris liquet ex Prop. XXXIV. Quoniam vero (per Corol. Prop. XLVII.) non tantum Sol gravis eſt in Planetam, ſed etiam Planeta in Solem, & porro Planeta non eſt maſſæ prorsus minime reſpectu Solis ; Planeta quivis (per Corol. 2. Prop. LI.) deſcribit Ellipſin, cujuſ umbilicus eſt commune centrum gravitatis Solis & dicti Planete : & (per Prop. LIV.) major hujus Ellipſis axis excedit axem majorem Ellipſis, quam Planeta circa immotum Solem eodem vel pari tempore deſcriberet, in ſubtriplicata ratione ſummæ maſſarum Solis & Planete ad maſſam Solis.

Porro, quoniam (per prædictum Corol. Prop. XLVII.) Planete etiam graves ſunt in ſe mutuo, & Sol iſdem attractionibus agitur quibus Planete ; Mercurius (per Prop. L.) quam proxime deſcribet Ellipſin umbilicum in centro Solis habentem ; Venus Ellipſin, cujuſ focus eſt in communi centro gravitatis Solis & Mercurii : & ita porro, quiſque Primarius deſcribet Ellipſin, cujuſ focus eſt in

N communi

communi centro gravitatis Solis & omnium se inferiorum. Atque hoc modo actiones Planetarum primariorum in se mutuo considerantur, & ad normam reducuntur.

SECTIO IX.

DE MOTU SYSTEMATIS CORPORUM CIRCA CORPUS ALIUD REVOLVENTIS; QUÆ OMNIA AD SYSTEMA SOLIS, & PLANETARUM PRIMARIORUM & SECUNDARIORUM APPLICANTUR.

PROPOSITIO LIX.

Systematis gravium duorum vel plurium circa se mutuo revolventium in Ellipsis, commune centrum gravitatis moveri potest in Ellipsi, aut alia Sectione conici, circa aliud maximum in Ellipsi umbilico positum, & radiis ad umbilicum ductis, areas describere temporibus proportionales quamproxime.

Tab. IX.
Fig. 10.

POnamus Systema corporum duorum circum se mutuo (ut in Cor. 2. Prop. LI.) revolventium, aliudve corporum minorum L, l, λ , (modo Prop. LVII. descripto) circa magnum P revolventium Systema progredi uniformiter in directum, quod fieri posse palam est; (hoc est, ejus centrum gravitatis commune progredi secundum rectam puta PR ;) & interea vi corporis alterius maximi, & ad magnam distantiam positi (puta S) urgeri ad latus, & à recta PR retrahi & in curvam PH cogi. Et quoniam æquales vires acceleratrices secundum rectas parallelas impressæ non mutant situm corporum ad se invicem; sed ut Systema totum, servatis partium motibus inter se, simul transferatur, efficiunt: manifestum est quod, ex attractionibus in corpus maximum S , nulla prorsus oritur mutatio motus attractorum inter se, nisi ex attractionum acceleratricium inæqualitate, vel ex inclinati-

clinatione linearum ad se invicem, secundum quas attractiones sunt. Augeri vero potest corporis maximi distantia, donec rectarum ab illo ad corpora Systematis moti (nempe magnum P , & minora L , I , λ) ductarum differentia, respectu ipsarum ductarum, & inclinationes ad se invicem, minores sunt quam datæ quævis. Cumque attractiones omnes acceleratrices versus s , ex hypothefi gravitatis, sint reciproce ut quadrata distantiarum; hæc (in hoc casu) differunt à viribus aequalibus, differentiâ minore quâlibet datâ: & ideo perseverabunt motus partium Systematis P cum suis L , I , λ , inter se eodem tenore quo prius, antequam maximum s Systema istud attraheret; saltem errores erunt quibuscumque datis minores; totumque Systema ad modum corporis unius attractum, sui centro gravitatis, (in quo totum Systema gravium P & L , I , λ , ut in aliis casibus physicis, unitum & contractum intelligitur;) describet Sectionem conicam, cujus umbilicus est s ; & radio ad maximum illud ducto areas describet temporibus proportionales: Et errores qui adhuc supersunt, per auctam corporis s distantiam, possunt prohibitu minui. Moveri ergo potest centrum gravitatis Systematis corporum P & L , I , λ in Ellipsi quamproxime.

Q. E. D.

Tab. IX.
Fig. 10.

COROLLARIUM I.

Cum Systema corporum duorum circum se mutuo revolvantium, vel corporis magni cum minoribus revolventibus, circa maximum movetur; eo magis turbabitur motus partium Systematis inter se, quo propius accedit corpus maximum ad dictum Systema: propterea quod linearum à corpore maximo ad partes istas ductarum major est inclinatio, majorque rationis inæqualitas; &, uno verbo, quia magis receditur à casu ubi perturbatio est nulla; nempe quando corpus s infinite distat.

Tab. IX. Unde è contrario, si Systematis corporis P & minorum revolvantium L , l , λ partes in Ellipsis vel Circulis sine perturbatione insigni moveantur; manifestum est, quod eadem à viribus acceleratricibus, ad alia corpora tendentibus, aut non urgentur nisi levissime, aut urgentur æqualiter, & secundum rectas parallelas quamproxime.

PROPOSITIO LX.

Tab. X. Si corpus minus L circa magnum T revolvatur, (ut in *Fig. 10.* Corol. 2. Prop. LI.) & horum Systema revolvatur circa maximum S , (ut in precedente,) & in tribus hisce corporibus, attractiones acceleratrices binorum quorumcunque in tertium sint inter se reciproce ut quadrata distantiarum ab eodem; propositum sit generatim ostendere Errores à corpore L commissos, horumque causas & rationes; nempe quominus corpus L , radio ad T ducto; areas describat temporibus proportionales exacte, & percurrat perimetrum Ellipsis, cujus focus alter T .

QUoniam corpus L nunc magis nunc minus distat à corpore S , sit s k ejus mediocris distantia; quæ etiam exponat attractionem acceleratricem corporis L versus S in ista media distantia. Assumatur ad libitum l locus corporis minimi in sua orbita $BCGD$: sumaturque in S l , eave producta, recta sA talis, ut hæc sit ad s k in duplicata ratione ipsius s k ad s l , quæ proinde exponet attractionem acceleratricem corporis L versus S , dum in puncto assumpto l versatur; quia, ex hypothesi, vis acceleratrix in l est ad vim acceleratricem in k in duplicata ratione ipsius s k ad s l ; hoc est, (per constructionem,) ut sA ad sK . Jungatur Tl , & per A huic parallela ducatur Am , rectæ sT occurrens in m .

Corpo-

Corporis in L versus s attractio s a resolvitur (ut ^{Tab. X.} notum est) in attractiones AM , Ms . Quare corpus L ^{fig. 1.1.3.} urgebitur vi acceleratrice triplici : unâ tendente ad T , & oriundâ à mutua attractione corporum L & T ; hæc vi solâ, corpus L , radio LT ad centrum corporis T ducto, describeret areas temporibus proportionales, & percurreret Ellipsin, cujus umbilicus alter est in dicto centro. Vis altera, quâ L urgetur, exponitur per AM , estque ejus directioni LT parallela ; quæ, quoniam tendit ab L ad T , adjuncta vi priori unam cum illa conficiet, quâ fiet, ut area radio ad T ducto etiam temporibus proportionales describantur, per Corol. I. Prop. LI. At quoniam vis hæc ut AM non est quadrato distantie LT reciproce proportionalis, vis composita ex illa & priori talis non erit ; sed ab hac proportionem abludet, idque eo magis (cæteris paribus) quo major est vis hæc nova per AM representata, quæ priori superadditur. Proinde corpus L quod à composita hac vi urgetur, non describet perimetrum Ellipsis, cujus focus est T : (ad hoc enim requiritur vis ad T tendens, quæ sit quadrato distantie ab illo reciproce proportionalis, per Prop. XXXIX.) sed faciet ut orbis LGB aberraret ab Ellipsi, cui umbilicus T ; idque eo magis quo magis aberrat vis hæc composita, (quâ L urgetur,) à vi quadrato distantie à T reciproce proportionali ; id est, (ut hæcenus ostensum,) quo major est, cæteris paribus, vis superaddita quam refert AM , respectu vis primæ quâ L à T attrahitur. Rursus vis tertia quâ urgetur corpus L , quam exponit recta Ms , secundum hujus directionem ; (nempe secundum LF ad Ms parallelam) agens, viribus prioribus superaddita componet vim quæ non dirigitur ab L versus T ; sed secundum rectam inde versus F declinantem magis aut minus, pro ratione tertiæ hujus vis ad summam virium priorum. Et ideo, vis integra (ex tribus composita)

Tab. X. quâ L urgetur, cum ad T non tendat; (per Prop.
 fig. 1 2-3 XI.) faciet ut corpus L , radio $L T$, areas temporibus
 non proportionales describat. Atque aberratio ab ista
 similitudine rationum inter areas descriptas & tempora
 quibus describuntur tanto erit major, quanto major est
 ratio tertiæ hujus vis secundum $L F$ agentis ad vires
 priores. Porro, superadditio vis hujus tertiæ deformita-
 tem etiam in figuram Ellipticam orbitæ duplici de causa
 inducet, cum quod non dirigitur ab L ad T , tum quod
 non est reciproce proportionalis quadrato distantiae; de-
 formitasque tanto est major, quanto, cæteris paribus,
 vis hæc $M S$ major est. In recta $S T$ (ab S versus T)
 fumatur $S N$, quæ sit ad $S K$ in duplicata ratione ipsius
 $S K$ ad $S T$; exponetur corporis T attractio acceleratrix
 versus S per rectam $S N$. Si attractiones acceleratrices $S M$,
 $S N$ æquales sint, (ut in fig. 2,) hæc, agendo in corpora
 T & L æqualiter & secundum rectas parallelas, nil mu-
 tabunt eorum situm ad se invicem: sed, corporibus S & T
 factis propioribus, ipsorum T & L iidem erunt motus
 inter se, ac si istæ attractiones prorsus abessent. Verum
 si attractio acceleratrix $S N$ minor sit attractione acce-
 leratrice $S M$, (ut in fig. 1,) illa, hujusque pars illi æ-
 qualis se mutuo (ut in casu præcedente dictum est,) ad
 eum statum reducent, ac si abesset utraque, & man-
 neret harum differentia, sive vis acceleratricis $S M$ pars
 per $M N$ exposita; quæ proinde arearum & temporum
 proportionem, & orbitæ $G C B D$ figuram Ellipticam
 perturbat. Sin $S N$ excedat $S M$, (ut in fig. 3,) illa-
 rum intervallum $M N$ denotat differentiam illam virium
 acceleratricium, quâ dictæ arearum descriptarum & tem-
 porum describendi proportio, & orbitæ $G C B D$ forma
 Elliptica perturbantur. Et igitur, per attractionem $N S$,
 attractio tertia $S M$ semper reducit ad $M N$, quæ ab
 M ad N , sive ab L versus F , vires suas exercit, priori-
 bus viribus prorsus immutatis. Atque hæc sunt vires
 generatrices Errorum corporis $L Q. E. I.$ P R O.

PROPOSITIO LXI.

Isdem positis, propositum sit corporis minoris L circa maximum T revolvantis, non in eodem plano in quo T circa maximum S revolvitur, Errores quosdam, ex dictorum planorum inclinatione ortos, eorumque causas & rationes exponere.

EX Prop. præc. demonstratione patet Errores omnes corporis L ex viribus per rectas A M, M N repræsentatis oriri. Quia autem harum altera A M agit secundum rectam L T, quæ in plano Orbis corporis L jacet, vis secundum illius directionem agens motum ipsius L in latitudinem nunquam perturbat.

Porro, si talis fuerit orbitæ corporis L situs, ut corpus s reperiat in communi illius sectione cum plano orbis E T E, quem T describit circa s; (hoc est, in phrasi Astronomica, si Nodi orbitæ ipsius L fuerint in Syzygiis corporis s;) M N etiam in plano orbis corporis L jacet; quippe in communi sectione: ac proinde vis secundum illius directionem agens motus hos non perturbat.

Reliquis manentibus, supponatur corporis L orbitæ planum G C B D ad planum s E T inclinatum, ita ut ejus pars C G D supra illud elevetur, pars vero C B D infra idem deprimatur; eodem centro T & æquali semidiametro, intelligatur circulus c b d g descriptus in plano s E T, & Nodi erunt c & d: supponantur hi, ex T spectati, aspectum quadratum cum corpore s obtinere; hoc est, supponantur anguli s T D, s T c recti. In casu motus corporis L per semicirculum C G D, (vid. fig. 4.) corporis L vis ut M N, cum directione M N (hoc est, ab L ad F) agens trahit corpus ex sua orbita C G D versus c g D; id est, Latitudinem corporis L (à plano c g D computatam) minuit: & corpus L, recedendo perpetuo versus plagam s à plano C G D, usque
dum

Tab. X.
Fig. 4. 5.

dum perventum fuerit ad Nodum proximum, non tranſit planum $E T S$ ſive $C G D$ in puncto in quo illud prius tranſierat, ſed paulo citra illud; Nodumque orbitæ, à ſe nunc deſcriptæ, efficit paululum in antecedentia reſpectu Nodi D orbitæ $C G D$, quam abſque hæc vi $M N$ deſcripiſſet. Similiter in tranſitu à Nodo D ad nodum C per ſemicirculum $D B C$, (cui caſui fig. 5. eſt accommodata,) vi ut $M N$ agens ſecundum directionem $M N$, ſive ab L verſus F , facit ut corpus L perpetuo recedat ab orbita $D B C$, aliamque deſcribat ad $D b c$ in minori angulo inclinatam, & ut planum $D b c$ tranſeat citius quam in C ; hoc eſt, quam feciſſet ſi vi $M N$ non adſuiſſet; & hoc pacto fiet novus Nodi locus in antecedentia vergens ruruſque peragrando orbitæ ſuæ partem $C G D$ verſus conjunctionem cum corpore s , Nodus proximus in antecedentia recedet ut prius.

Fig. 6. Porro, deſignet (oculo nempe in linea Nodorum producta collocato,) $s g t b$ planum orbis corporis T circa s revolventis, $G D B$ planum orbis corporis L , dum hoc angulo minimo, nempe $G D g$ vel $B D b$, ad illud inclinatur; quod contingit (ut hætenus eſt oſtenſum) ubi corpus L ex T viſum eſt in Syzygiis corporis s . Cumque etiam hætenus ſit oſtenſum Nodos orbitæ corporis minimi L vergere in antecedentia; orbita quam corpus L , diſcedens à G ubi ex T viſum conjungebatur cum s , porro deſcribit, occurret ipſi $g D b$ citra D reſpectu ipſius s , eritque linea $G d$. Et orbita quam deſcribit idem L , diſcedens à B ubi ipſi s opponebatur, nempe $B \delta$ linea, occurret plano $g D b$ in δ ; ſc. ultra D reſpectu ipſius s . Patetque $G d$ vel $B \delta$ lineam angulum majorem cum $g D b$ continere ad d & δ , quam eſt ille quem $G D$ vel $B D$ cum eodem $g D b$ continet; æqualem circiter illi, quem continebat corporis L orbita cum $g D b$, quando L proxime in Nodo verſaretur. Nodi igitur in Quadraturis poſiti recedunt, in Syzygiis vero quieſcunt; adeo.

adeoque, semper vel retrogradi vel stationarii, simpliciter ^{Tab. X.} recedunt: At in locis intermediis, conditionis utriusque ^{Fig. 6.} participes recedunt tardius; & quidem eo tardius quo propiores sunt Syzygiis. Ubi vero Nodi sunt in Quadraturis, inclinatio plani orbis corporis L minuitur in transitu corporis L à Quadraturis ad Syzygias, & vicissim augetur in ejusdem transitu à Syzygiis ad Quadraturas: (Nam linearum GD , BD partes versus d & d majori angulo inclinantur ad gD , quam earum partes versus G & B ; & corporis Orbita ad quodvis momentum censenda est lineola, quam illud eo momento describit; & Orbis planum illud est quod per dictam lineolam, & corporis T centrum traducitur.) Et ideo, corpore L in Syzygiis existente, orbis inclinatio evadit omnium minima, reditque ad priorem magnitudinem circiter, ubi corpus ad Nodum proximum accedit. Atque hi sunt præcipui Errores ex planorum inclinatione oriundi. Q. E. I.

SCHOLIUM.

Hæc eadem obtinent licet L non revolvatur circa T ; ^{Fig. 7.} sed utrumque T & L circa s tanquam centrum. Nam in hoc casu extimum T effectus equit corporis s ; & s una cum L circum illud revoluta, vices gerit ipsius T & circum-revoluti L in præcedentibus. Demonstratio enim eadem est si corpus perturbans moveatur si non.

COROLLARIUM.

Isdem legibus, quibus corpus L circum T revolvitur, fingamus corpora plura circa idem T ad æquales ab illo distantias ferri; deinde ex his multiplicatis & tandem contiguas facis constari Annulum rotundum & rigidum $CBDEG$ corpori T concentricum: & singulæ Annuli partes motus suos omnes (qui à rigiditate non impediuntur,) ad legem corporis L peragent. Et ideo

O

Annuli

Tab. X.
Fig. 7.

Annuli $C B D G$ Nodi C & D quiescunt, quando sunt in Syzygiis corporis s : & extra has movebuntur in antecedentia, velocissime quidem in Quadraturis, tardius aliis in locis : & Annuli inclinatio mutabitur, (oscillante ejus axe,) prout de Orbita $G C B D$ ostensum est in Propositione.

Si jam Globus T (eundem habens axem cum Annulo $C B D G$, & gyros suos circa illum axem iisdem temporibus complens,) concipiatur eousque auctus, vel Annulus (ceteris manentibus) eousque diminutus, ut Globus superficiem Annuli contingat interius, eique inhæreat; quippe illo arcte cinctus: Globus T (quem ad impressiones omnes supponimus prorsus indifferenterem) participabit motum Annuli, & utriusque compages oscillabitur, & Annuli Nodi (sive intersectiones ejusdem cum plano Orbis corporis T circa s) regredientur.

PROPOSITIO LXII.

Fig. 45. Corpus L , radio ad T ducto, describet areas temporibus magis proportionales, & figuram ad formam Ellipsis, cujus umbilicus T , magis accedentem; si T eadem lege, quâ L , versus s attrahitur, quam si multo minus aut multo magis astrahatur.

NAm, per præcedentem, perturbatio proportionalitatis arearum & temporum, & deformitas figuræ Orbitæ oriuntur præcipue à vi per $M N$ representata. Et igitur areæ ac tempora ad proportionalitatem, & Orbita $G C B D$ ad figuram Ellipticam tum maxime accedunt, ubi $M N$ vel nulla est, vel quam fieri potest parva: hoc est, ubi corporum L & T attractiones acceleratrices $s M$, $s N$ (quarum differentia $M N$) sunt fere æquales; sive, quod non multum abludit, ubi corporum L & T attractiones acceleratrices factæ versus s accedunt, quantum fieri potest, ad æqualitatem: (Nam etiam

etiam altera pars attractionis acceleratricis corporis L ad s per $s A$ expositæ, nempe $A M$, quamvis dictam proportionalitatem omnino non turbat, tamen Ellipticam figuram deformem reddit;) id est, ubi $s N$, attractio acceleratrix corporis T versus s , non est nulla; (nam ex superius ostensis attractio $s M$ ad minorem $M N$ reducitur per $s N$ attractionem,) neque minor minimâ attractionum omnium $s M$, (alias $M N$ esset in omni situ corporis L magna nimis,) sed inter omnium $s M$ maximam & minimam quasi media; hoc est, non multo major neque multo minor attractione $s K$. Itaque corpus L radio ad T ducto describet areas temporibus magis proportionales, & figuram ad formam Ellipsis magis accedentem, si T eadem lege, quâ L , versus s attrahitur, quam si multo minus aut multo magis attrahatur. Quod erat demonstrandum.

Hæc eadem obtinent si, reliquis manentibus, corpus L non revolvatur circa T ; sed utrumque T & L circa s . Nam, ut in præcedente dictum est, demonstratio eadem est sive corpus perturbans moveatur sive non.

S C H O L I U M.

Similiter colligetur quod, si Systema corporum P & L , *Tab. IX. Fig. 10.* L , λ circa s revolvatur; (ut in Prop. LIX.) Orbitæ descriptæ propius accedent ad Ellipticas, si corpora omnia iisdem attractionum legibus agitentur, quam si quovis modo dictæ leges non obtineant; & commune gravitatis centrum corporum P , L , λ Orbitam describet, cujus umbilicus est in communi centro gravitatis corporum omnium interiorum; ut in Corol. Prop. LVI.

PROPOSITIO LXIII.

Ex actione mutua Telluris & Luna, illarum commune centrum gravitatis in Orbe magno circa Solem movetur. Similiter commune centrum gravitatis Jovis ejusque satellitum, & Saturni comitumque Saturniorum, in Orbitis Jovis & Saturni, Prop. LVIII. definitis, feruntur.

QUoniam (per Propositiones XLVI. & XLVII.) Luna gravis est in Terram, & vicissim Terra in Lunam; Jovis satellites in Jovem, & vicissim Jupiter in satellites; Saturni comites in Saturnum, & vicissim hic in illos; propositum patet ex Prop. LIX. Et quoniam (per Corol. Prop. XLVII.) Sol, Planeta quisque primarius, ejusque secundarii iisdem attractionum legibus agitantur, secundarii cujusque Orbita est proxime Ellipsis umbilicum in primarii centro habens, per præcedentem. Perturbantur autem satellitum motus, ut in Propositionibus LX. & LXI. ostensum est, variisque afficiuntur inæqualitatibus de quibus infra locis propriis agetur.

PROPOSITIO LXIV.

Tab. X. Prop. X. Propter Telluris figuram, puncta Equinoctialia regrediuntur; & Axis Terræ, singulis revolutionibus annuis, bis mutat inclinationem ad Æclipticam, & bis redit ad inclinationem priorem.
Fig. 8.

PROPOSITIONE XXXIII. axem Terræ consideravimus quasi sibi perpetuo quam exactissime parallelum; quia tunc unius tantum annuæ revolutionis Phenomena erant explicanda, quo temporis spatio parallelismus suum quamproxime conservat. Verum, propter Telluris figuram Sphæroidem prolatam, ex causis Prop. XXXI. indicatis ortam, res paulo aliter se habebit. Sit γ ☉ \simeq χ Orbita Telluris circa Solem ☉, A E B Q ipsa Tellus, cujus

cujus poli A & B, Æquator E Q. Et quoniam (per Prop. xxxi.) Terra est figuræ Sphæroideos prolata, (depressæ ad polos A & B, & versus æquatorem E Q. elevata,) crit hæc instar Globi Annulo in hærentis : supplet enim vicem Annuli iste materiæ excessus in regionibus Æquatoris. Et igitur (per Corol. Prop. lxi.) Annuli hujus Nodi regredientur : hoc est, Tellus digressa à \triangle , (ubi communis intersectio Eclipticæ & terrestris Æquatoris versus Solem \odot dirigitur, ac proinde Sol in Æquatore cœlesti visus Æquinoctium efficit,) per γ versus ψ , prius ad Nodum ψ pertinet, quam ad ψ punctum ipsi \triangle oppositum pervenerit : & Tellus ab ψ per σ versus \triangle progressa prius ad novum Nodum \triangle perveniet, quam ad \triangle , ubi in priore revolutione erat Nodus : id est, Æquatoris Terrestris planum productum per Solem prius transibit, quam Telluris centrum ad \triangle pertingat. Sed tum celebratur Æquinoctium, cum Sol in plano Æquatoris Terrestris reperitur ; (ut fusc supra ad Prop. xxxiii. ostensum est ;) illaque pro punctis Æquinoctialibus recte habentur, in quibus Sol videtur tempore Æquinoctiorum. Quare patet puncta Æquinoctialia, & cum his omnia Eclipticæ puncta quatenus nominibus insigniuntur, (quippe ab Æquinoctialibus pendentia & inde numerata,) regredi videri, sive in antecedentia moveri ; si Stellæ Fixæ pro immotis habeantur. Verum si Eclipticæ puncta pro immotis habeantur, Fixæ tantundem in consequentia moveri censebuntur.

Punctorum Æquinoctialium regressus hæcenus explicatus ab actione Solis in Annulum Telluri ad Æquatorem circumdatum, sive materiam ad Æquatorem redundantem, procedit ; ut Corol. Prop. lxi. ostensum est : Sed & Lunæ etiam in eundem Annulum magnæ sunt vires, ut ex Scholio dictæ Prop. lxi. ejusque Corol. liquet ; nam cum hæc in Eclipticæ plano aut non procul ab eo perpetuo hæreat, in eundem cum Sole conspirabit effectum.

Porro, in semi-revolutione Telluris circa Solem à α per χ ad ψ , inclinatio Æquatoris ad Eclipticam per Solis actionem minor est quam cum Tellus erat in α : Estque hæc minima cum Terra est in χ , (per Prop. LXI.) Nodis Annuli in Solis Quadrato versantibus. Et cum Tellus ad ψ , & Nodi ad Solis Syzygias pervenerunt, rursus restituitur præcedens inclinatio: & in transitu ab ψ per ϕ ad α , similis dictæ inclinationis imminutio rursus accidit; simulque cum Æquatore Telluris Axis oscillatur. Axis igitur Terræ, singulis revolutionibus annuis, bis mutat inclinationem ad Eclipticam, & bis redit ad inclinationem priorem; quod & singulis mensibus periodicis, bis quoque ex actione Lunæ fiet. Oscillatio vero hæc vix erit sensibilis, dum interim regressus punctorum Eclipticæ est omnibus notus, licet ab iisdem viribus ortus. Nam, in singulis Æquinoctiis, Axis Terræ inclinatio ad Eclipticam redit ad priorem magnitudinem, & decursu annorum sensibilior non evadit: regressus vero punctorum Eclipticæ continuo fit versus anteriora, nec unquam in pristinum locum restituuntur Æquinoctialia puncta, nisi post perfectum integrum circulum. Et quæ in uno anno, aut semisse anni, (quo temporis spatio tota inclinationis Axis Terræ mutatio finitur,) insensibilis prorsus est mutatio, plurium annorum decursu satis fit sensibilis; cum semper ad easdem partes fiat. Propter Telluris igitur figuram, puncta Æquinoctialia regrediuntur, & Axis Terræ singulis annis bis mutat inclinationem ad Eclipticam, & bis redit ad inclinationem priorem. Q. E. D.

PROPOSITIO LXV.

Commune centrum gravitatis Solis omniumque Planetarum & Cometarum quiescit; quod proinde pro centro Systematis Solaris, ipsiusque adeo Mundi, habendum est.

DEmonstratum est à Philosophis Prop. I. citatis, commune gravitatis centrum, ab actionibus corporum in se invicem, non mutare statum suum motus vel quietis: sed Systematis corporum plurium eandem esse legem atque corporis solitarii, quoad perseverantiam in dicto statu; cum tam illius quam hujus motus progressivus per motum centri gravitatis sit æstimandus. Systematis igitur Solaris commune centrum Gravitatis vel quiescit, vel movetur uniformiter in directum; siquidem, excludendo vim externam, hic est status corporis solitarii. Posterius dici nequit, cum sic circumjectarum Fixarum aliæ fierent viciniore quam prius, aliæ remotiores; earumque proinde situs & ordo decursu temporis sensibilibiter mutaretur, contra observata. Cumque in præcedentibus ostensum sit Solem, Planetas, & Cometas omnes graves esse in se mutuo, & proinde perpetuo agitari, (solo communi illorum centro gravitatis quieto manente,) patet illorum cujusvis centrum mobile pro Systematis Solaris centro haberi non posse, sed prædictum commune centrum Gravitatis immobile.

Quod si non punctum invisibile prædictum, sed corpus aliquod insigne illi maxime propinquum, pro istius Systematis centro sit habendum, erit illud Sol; quippe qui, propter ingentem materiæ quantitatem quam præceteris continet, à prædicto communi Gravitatis centro vix unquam distat sensibilibiter.

Porro, si universæ corporum omnium compagi (sive Mundo) figura competat, limitesque statuantur; aliud nullum Systema potiori jure ejus meditullium vendicat, quam

quam Solare nostrum: aliudque igitur nullum centrum, quam supra definitum, Mundo convenit. Quod erat demonstrandum.

SECTIO X.

DE CAUSIS & RATIONE MOTUS PLANETARUM A PHILOSOPHIS ADDUCTIS.

EXposito hæcenus Mundi Systemate, generatim quidem & quatenus proposito nostro hucusque sufficit, & motuum magnorum Mundi corporum Causâ explicatâ, analogâ vel potius eâdem, (uti decet) cum illa quam apud nos quotidie experimur; Gravitate nempe omnium corporum versus omnia, cujus eadem est Lex atque Gravitatis nostræ, vel alterius Virtutis cujusvis naturalis per rectas lineas in uno puncto concurrentes propagatæ; hoc est, jactis præcipuis Astronomiæ Physicæ fundamentis, Ordo postulat, ut eorundem effectuum Causas & Rationes Physicas ab aliis adductas etiam consideremus, simul & dispiciamus num illæ, æque ac superius explicatæ, quæsito satisfaciant. Per causas vero, de quibus hic est sermo, non intelligimus ultimas illas, quarum nullæ rursus sunt causæ; sed quales apud nos experimur, quarumque vires calculo æstimare valemus, earumque proprietates, sicut & aliarum quarumvis quantitatum, geometricè investigare; qualis est Lux, ex cujus consideratione variæ ortæ sunt scientiæ, Optica nempe, Catoptrica & Dioptrica; Gravitas, cujus symptomata considerat Statica, omnisque ferme Mechanica: quamvis neque Lucis neque Gravitatis rationes ultimas norint istarum scientiarum cultores, neque olim noscent.

Dux sunt celebriores Sectæ Philosophiæ hujus Cœlestis, quæ motus corporum Mundanorum causas explicare conatur; *Kepleriana* nempe & *Cartesiana*: Nam de illa, quæ solidos orbes in cœlos invexit & intelligentias illis rotandis

rotandis præfixit, non opus est nunc verba facere, cum & parum Philosophica sit & à superioris sæculi Astronomis plus satis confutata. Utramque breviter describemus, & rationes subnectemus cur neutra sit Cœlestis, ostendendo quod corporum, ut Philosophi illi volunt, mororum non erunt eadem Leges quæ in corporibus Cœlestibus obtinere deprehenduntur. Et primo quidem *Keplerianam Physicam*, Lib. I. v. *Epit. Astr. Copernicana* traditam, breviter suis plerumque verbis explicabimus.

PROPOSITIO LXVI.

Kepleri *Physicam Cœlestem*; sive *Causam & Rationem*, cur *Planete in orbibus circa Solem deferuntur*, quam adduxit Jo. Keplerus, *summatim & breviter explicare*.

SUMMUS hic Astronomus vult Solis ingens corpus, cætera immotum, in ipso rerum exordio ab Omnipotentia creatrice fuisse in gyrum actum circa axem positione datum; & ne ex inertia materiæ paulatim langueat hic motus, illum perpetuâ vel Creatoris vel Animæ ad hoc destinatæ Curâ sustentatum esse: quod etiam in Telluris & aliis universi globis circa proprios axes rotatis obtinere vult. Sol, gyratione hac corporis sui, circumferens speciem sui Corporis immateriatam per amplissima Mundi spatia, Planetas illâ prehenso, more vectis, una circumfert. Species hæc est Solis virtus per lineas rectas in omnem Mundi amplitudinem emissâ, quæ, eo ipso quod species est corporis, una cum corpore Solis rotatur instar rapidissimi vorticis, totam illam circuitûs amplitudinem, ad quantamcunque perringit, æque celeriter pervagans atque Sol circa axem se convertit; & proinde Planetam flumini huic quasi immersum secum vehit. Advertendum porro, præter hanc vim in Sole vectoriam, esse etiam naturalem inertiam in Planetis ipsis ad motum, quâ sit ut inclinati sint, materiæ ratione, ad manendum

P

in

in loco suo. Pugnant igitur inter se potentia Solis vectoria, & inertia Planetæ materialis. Utraque suam partem habet victoria; illa Planetam sede sua emovet, hæc suum, hoc est Planetæ corpus, nonnihil eripit è vinculis illis, quibus à Sole erat prehensum, ut ab alia atque alia circularis hujus virtutis parte apprehendatur: ab ea sc. quæ proxime succedit illi, ex qua Planeta se modo extricaverat. Et quia virtus ista Planetam vehens, ex corpore Solis effluens, eisdem imbecilitatis gradus habet in diversis intervallis quos habet ipsa Lux; potentia hæc vectoria, more illuminationis, decrescit crescente distantia à Sole: unde Planetam ad majorem à Sole distantiam positum tardius circumvehet, & proinde illius tempus periodicum, ex hoc capite, majus constituet. Porro, cum similis potentia vectoria ex corpore Planetæ cujusvis, circa axem proprium moti, etiam propagetur; fiet ut hæc Planetas secundarios, quos in flumine hoc vorticis immateriati offendit merfos, etiam similiter deferat; qui Primum suum rursus non deferent, quippe qui à specie corporis Solaris circa Solem, æque ac primarii, & una cum illis, deferuntur. Atque hisce solis positis, patet primarios Planetas circa Solem deferendos in circulis Soli concentricis, in plano circuli in Sole maximi inter Polos mediū, & secundarios similiter circa suos Primarios.

PROPOSITIO LXVII.

Modum, quo ex allatis principiis Keplerus deducit periodica Planetarum tempora reperiri exactissime in proportionem suorum orbium seu circularum sesquialtera; explicare.

Proportionem hanc in corporibus Cœlestibus obtinere primus observavit *Keplerus*, magno Astronomiæ veræque Physicæ commodo; quod nempe, in rotatione Planetarum primariorum circa Solem, & secundariorum circa

circa Primarium quemque, Quadrata temporum periodi-
corum eandem habeant proportionem quam Cubi semi-
diametrorum suorum orbium sive distantiarum à Sole;
sumendo nempe distantias mediocres, & abstrahendo ab
excentricitate. Hanc autem ex suis principiis modo se-
quenti deduxit. Cum Solis potentia vectoria (quâ Pla-
netæ circumducuntur à vortice immateriato sive flumine
speciei Solaris,) more illuminationis decreascet crescente
distantiâ à fonte sive Sole, (hoc est, in ratione dupli-
cata distantiae,) & vires suas secundum unam dimen-
sionem (nempe in longum) tantum exerat; Potentia
hæc vectoria in hoc effectu producendo (Planetam nempe
circumducendo) minuetur in simpla tantum ratione
distantiæ à Sole auctæ: Cumque (ex rationibus archetypicis) ponat moles corporum Planetariorum eandem
habere rationem quam habent illorum distantiae à Sole;
potentia Solis vectoria æquales vires in unumquemque
Planetam circumducendum impendet; nempe tanto majores
ob majorem Planetæ molem sive magnitudinem, in
quam species motoria incurrit, quanto inbecillior est vir-
tus motoria in ista distantia, & in eadem ratione;
distantiæ nimirum à Sole. Rursus, concinnitate Geome-
tricâ adductus, statuit quantitatem materiæ in Planetis
invicem comparatis esse in subduplicata ratione molis sive
magnitudinis; (atque ita densitas erit in eadem subdu-
plicata magnitudinis ratione inversa,) hoc est, ut supe-
rius dictum, in subduplicata ratione distantiae à Sole.
Cum ergo tempus periodicum in Planeta à Sole remo-
tore majus sit quam in viciniore, propter majus iter,
(id est, majorem Orbitam,) & etiam propter majore
materiæ copiam transportandam, (cetera vero æ-
quale, quia æquales vires motorias in illos impensas esse
supra est ostensum,) & iter majus sit in ratione distan-
tiæ à Sole, & copia materiæ etiam major in ejusdem
distantiæ ratione subduplicata; ob utramque simul cau-

fam, remotioris Planetæ majus erit tempus periodicum in ratione ex hîcæ composita : Sed ratio composita ex simpla & subduplicata est ratio sesquialtera aut sesquipliata : Quare remotioris Planetæ majus erit tempus periodicum quam vicinioris, in ratione sesquuplicata distantiarum à Sole ; hoc est, Quadrata temporum periodicorum sunt* ut Cubi distantiarum à Sole. Quæ de secundariis circa primum rotatis similiter intelligenda sunt.

PROPOSITIO LXVIII.

Causas, cur Planetarum Orbita Excentrica sunt, à Keplero allatas explicare.

CUM Planeta quivis sit corpus Solis corpori cognatum, cujus pars altera (Magnetis more) Soli est amica, altera inimica ; converso Solis corpore, convertitur simul Virtus etiam illa Solis ; quâ Planetam trahit vel repellit, prout pars ejus amica vel inimica Soli obvertitur ; quemadmodum Magnete converso, vis tractoria vel repellens in plagas mundi alias atque alias transfertur. Cumque Sol illâ virtute sui corporis arripuerit Planetam, seu trahens illum, seu repellens, seu dubius inter utrumque, secum etiam circumducit illum ; trahendo quippe & repellendo retinet, retinendo circumducit. E Magnetibus quidem nostris quilibet duas habet plagas diversæ virtutis, quarum unâ Magnes magnetem alterum secundum datam plagam attrahit ; alterâ vero eundem repellit. In cœlo res paulo aliter est comparata. Sol enim, non unâ plagâ, sed omnibus sui corporis partibus, facultatem hanc activam & energeticam possidet attrahendi vel repellendi Planetam. Itaque credibile est centrum corporis Solaris respondere uni extremitati vel plagæ Magnetis ; superficiem vero totam alteri Magnetis plagæ, cum totâ hâc & non unâ tantum plagâ Planetam secundum datam plagam attrahat vel repellat

Hîcæ

Hiscæ stabilitis, palam est Planetæ corpus non in eadem ubique à Sole distantia circa Solem delatum iri; sed dum plagam amicam Soli obvertit, toto illo tempore versus Solem accedere propius, donec rectæ secundum plagam hanc ductæ, (hoc est, fibræ secundum quas virtus ista trahens propagatur à Sole,) sibi fere ubique parallelæ, non amplius ad Solem inclinantur, sed recta à Sole ad Planetam ducta est fibris hisce normalis: in quo casu, cum Sol non amplius trahit, attractionis effectus (nempe Planetæ versus Solem accessus) cessabit, & Planeta tum in maxima ad Solem propinquitate est sive in Perihelio. Circumducto interim per superius descriptam Solis potentiam vectoriam Planetâ, ejus plaga opposita & Soli inimica paulatim versus Solem dirigitur, unde continuo repellitur planeta à Sole; idque tamdiu fiet, donec neutra plaga versus Solem inclinetur, sed recta jungens Solem & Planetam fiat iterum ad fibras virtutis normalis; & tunc Planeta in Aphelio reperietur, quippe in maxima distantia, ad quam vis Solis repellens Planetam interim circumductum remove potest. Atque ope harum fibrarum sic libratus Planeta, ut in altera Orbitæ suæ parte à Sole trahatur, in opposita vero inde pellatur, describit Orbitam, circa Solem quidem, at non ut circa suum centrum; sed Soli Excentricam. Rursus, quia species corporis Solaris, motum Planetæ concilians, in ampliori circulo tenuior & imbecilior est in ratione distantia à Sole, quatenus hunc effectum producit, (ut in Præc. Prop. ostensum est,) & interim Planeta ejusdem maneat molis & densitatis; quippe idem Planeta: patet celeritatem Planetæ diminui, cæteris paribus, in eadem ratione cum constipatione & densitate virtutis vectoriæ Solis; hoc est, in inversa ratione distantia à Sole. Porro, virtus Solis Planetam extrudens & trahens, quæ fit secundum lineas virtuosas ex centro Solis exeuntes, & una cum Sole circumeuntes, (ut fit in reliquis ope-

ribus naturalibus,) fortis est in ratione finis completi anguli, quem radius Solis continet cum fibra per quam admittitur virtus Solaris intra Planetam : Et igitur Orbita hæc Excentrica non erit perfectus Circulus, sed à lateribus paulo angustior & compressior Ellipsis evadit, cujus umbilicus alter est ipse Sol. Sed & ex iisdem principiis ostendit Ellipsin circa Solem in umbilico positum ipsa describi, ut æquales Areae temporibus æqualibus describantur per radium ad Solem ductum, quem *Vectorem* nuncupat ; & universaliter areas, quas verrit radius vector, esse proportionales temporibus quibus describuntur.

Verum cum fibræ hæc libratoriæ, quarum ope Planetæ in altum librantur, sibi semper in omni Planetæ circumductione quasi parallelæ maneant, & (per supra ostensa) ita respectu universi totius inclinentur, ut cujusque Planetæ Linea Apsidum perpendicularis sit fibris hinc, vel in plano orbis Planetæ vel in situ huic parallelo positis ; cumque nullius è primariis Planetis axis, circa quem motu quasi diurno rotatur, hanc habeat positionem, & nulla alia præter axem hunc, eique parallelas rectas, situm eundem respectu universi conservet, si Planetæ Globus totus sit solidus & unitus ; patet *Keplero* necesse fuisse intra crustam hanc Planetæ exteriorem, (cujus axis situm datum retinet, quippe circa quem Planeta motu suo diurno revolvitur,) globum à crusta prorsus separatum & divisum, & ejus motui diurno minime obsequentem ponere, cujus axis & rectæ illi parallelæ fibrarum dictarum *Libratoriæ* vices sustinerent, & sitam ad hoc opus necessarium modo descriptum conservarent ; dum interim crusta exterior, pro Planetæ cujusque indole, motu diurno sibi peculiari circumrotatur.

PROPOSITIO LXIX.

Causas, cur Planetarum Orbita sint ad Eclipticam inclinata, à Keplero adductas explicare.

IN Physica hac *Kepleriana*, in qua nunc versamur, si nullæ inessent Planetis fibræ (quales Prop. præc. descripsimus) quibus in altum librantur, vel si fibræ hæc latus Soli obvertant; (hoc est, neque plagam Soli amicam neque inimicam;) Planeta quivis in eadem à Sole distantia manens perfectum circulum Soli concentricum describeret. Pari modo, Planetæ (viribus hinc solummodo ortis agitati) omnes in eodem plano, uniformi & directissimo flumine, medio quasi alveo (sive circulo inter polos convolutionis Solis medio, *Viâ Regiâ* dicto) circumirent. Cum vero varie hinc inde ab hac Regia via divagentur, oportet effectus huius causam non esse absumilem illi, quæ fit ut navis vento impulsæ paulatim ad latus detrudatur, respectu linearum secundum quam, per solum ventum, moveretur; per remum sc. oblique ad puppim religatum, vel gubernaculum obliquo situ detentum. In quovis Planeta sunt fibræ (quas ab officio appellat *Latitudinis*), in plano orbis sui, vel huic parallelo, perpetuo constitutæ, quæque in omni Planetæ conversione aut motu sibi ipsis ubique parallelæ manent, ita ut, dum Planeta in nodo sive communi intersectione plani viæ Regiæ cum plano orbis versatur, fibra Latitudinis media, quæ per Planetæ centrum transit, Orbitam tangat; adeoque fibrarum omnium pars una ad unam viæ Regiæ partem, altera vero ad alteram, extra planum istud emineat, inclinata ad illud eodem angulo, quo Planetæ orbis ad viam Regiam. Cum igitur species corporis Solaris incurrit in fibræ medietatem insequentem existentem, Planetam expellet quorsum tendit antecedens medietas; hoc est, secundum planum Orbitæ Planetæ dicto

diſpo propriæ : Cum autem interim fibræ hæ Latitudinis mancant in ſitu ſibi ipsis parallelo per omnem ambitum, hinc ſit ut in Planeta, in limite ſive maxima à via Regia reinotione poſito, neuter fibrarum terminus antecedit, ſed fibræ velut in profundum hujus fluminis (id eſt, verſus Solem) porrectæ, & impetum latere ejectionis ulterioris in ullam plagam; quoad in his Limitum punctis permutatio fiat, ut ille fibrarum terminus, qui ante Planetæ appulſum ad Limitem antecceſſiſſet, jam poſt inſequatur, antecedente altero, eoque Planeta rurfum ad viam Regiam accedere incipiat. Loco enim facultatis gubernaculi in nave, viſ alia fibrarum multo convenientior Planetæ ineſt; quod, ſicut fibræ, quibus Planeta in altum libratur, naturalem habent potentiam ad retinendum ſitum parallelum in transportatione corporis, ſic etiam ineſt fibris Latitudinis, præter ſimilem vim retinendi ſitum parallelum, etiam naturalis potentia agilitatis, ſeu tuendi lineam plane eandem, & ſecundum eam derivandi motum ſibi illarum, in quantum quidem tendit motus in eandem plagam cum altero fibræ extremo. Quoniam vero fibræ hæ Latitudinis diverſæ proſus ſunt à prius deſcriptis fibris quibus Sol Planetam attrahit & repellit, cum quoad naturam & officium, tum quoad ſitum; quia Latitudinis fibræ ubique ſint parallele rectæ Orbitam in nodo cum via Regia tangenti, aliæ vero iſtæ (ex Prop. præced.) parallele ſint rectæ eandem Orbitam in Aphelio tangenti: oportet fibras hæc ſecundum *Keplerum* in corporibus diverſis reperi, dummodo (ex *Kepleri* ſententia) apſides progrediantur & nodi regrediantur, utut lente in Planetis primariis, & extra dubium ſit hoc revera contingere in ſecundariis. Quare neceſſum habuit præter Cruſtam exteriorem fibris inſtruam, quibus axis, circa quem Planeta motu ſuo diurno revolvitur, ſibi in toto Planetæ circuitu circa Solem parallelus conſervatur, & in-

& interiorem Crustam (quæ , respectu exterioris , nuclei instar sit) ab hac prorsus separatam aliisque viribus agitatam ponere ; in qua nempe resideant fibræ , quibus Planeta in altum & profundum libratur : & intra hunc nucleum , sive potius Crustam , alium adhuc interiorem ponere nucleum à superiore media separatum , & aliâ gaudentem periodo , in quo fibræ Latitudinis repanduntur ; cum impossibile sit in eodem solido compacto hædere intertextas fibras hæc diverfas , quarum diversæ sunt periodi :

PROPOSITIO LXX.

Quæ in supra explicata Physica Cœlesti Kepleriana falsa reperitur , breviter indicare & refellere.

CUM *Kepleri* Physicam Cœlestem impugnandam suscipimus , non eo animo illud facimus , quasi Virum hunc immortalis famæ inter Systematum fabricatores & Causarum Physicarum indagatores vulgares numeremus. Etenim tantum absuit , ut è contra pene solus fuerit (si forte Antiquissimos quosdam , ut *Pythagoram* &c. excipias) qui Physicam Cœlestem more Mathematicorum tractavit. Ejus *Rationes Archetypica* , *Concinnitates Geometricæ* , & *Proportiones Harmonicæ* eam ostendunt ingenii vim , qualem in Scriptoribus Astronomiæ Physicæ ante illum frustra quaras : Adeo ut harum rerum judex idoneus & æstimator æquus *Jeremias Horoccius* , à *Keplero* sub studiorum suorum Astronomicorum initio licet alienus , post alios frustra tentatos *Kepleri* Doctrinam & Rationes Physicas ambabus ulnis amplexus , sic lectorem suum alloquatur : *Licet mihi Keplerum supra mortales admirari ; licet egregium , divinissimum , aut si quid majus appellare ; licet denique supra totam Philosophantium scholam vel unicum Keplerum æstimare. Hunc solum canite Poeta — Hunc solum terite Philosophi ; de illo certi , habere istum omnia ,*

Q

qui

qui habet Keplerum. Quid enim majus, quid divinius in hisce rebus homini accidere potuit, quam ex speculationibus harmonicis proportionem Orbium Planetariorum exactissime determinare, quam verissimam Planetarum viam circa Solem (Ellipticam nempe) primum detegere, denique quam modum verissimum indicare, quo Planeta in semita hac incedit; sc. ut radio ad Solis centrum in Ellipsis umbilico positum ducto areas describat temporibus proportionales? Quæ vero in *Kepleri* Mechanica motuum causa displicent, hæc fere sunt.

1. Si neque Planetæ plaga amica neque inimica Soli obversa fuerit, aut si Planeta (ob debilitatem fibrarum, quibus in altum & profundum libratur) ita comparatus fuerit, ut à Sole nec attrahatur nec expellatur,) ut in *Venere* accidit ex *Kepleri* sententia,) tum à circumrotata Solis specie vult Planetam perfectum describere circulum; cum tamen constet corpus, quod non urgetur à vi ad centrum tendente, circuli peripheriam non describere, sed rectam. Cum ergo Planetarum orbitæ etiam in hoc casu circulares sint, patet illas ab alia vi, præter illam ab obversa plaga amica oriundam, versus centrum trudi.

2. Dum Planeta à perihelio ad aphelium à Sole ascendit, plaga Soli inimica ad Solem obvertitur, unde & à Sole repellitur, & in hoc casu urgetur hæc solâ vi, quæ in recta Solem & Planetam jungente dirigitur. In Mechanicis vero notum est tantum abesse ut Planeta hæc solâ vi agitatus describat Ellipsin cui umbilicus est Sol, ut curvam è contra describeret versus Solem convexam. Quare necesse est ut Planeta, cujus semita est Ellipsis cui Sol est umbilicus, urgeatur, etiam dum à perihelio ad aphelium ascendit à Sole, à vi ad Solem tendente, cum Ellipsis sit versus utrumque umbilicum cava. Toto ergo caelo aberrat *Keplerus*, dum Planetam vult à Sole repelli in ascensu ad aphelium, aut dum Planetam vult neque trahi neque repelli, dum circulum perfectum Soli

Soli concentricum describit : Nisi enim in utroque casu trahatur vel alias impellatur versus Solem, curvam versus illum cavam non describet : Nam retineri absque tractione omnino non potest.

3. Dum in proportionem orbium Planetariorum inquit, quædam assumit observationi plane contraria, utut rationibus archetypicis, quas sibi imaginatus est, satis congrua : Nempe quod corporum Planetariorum magnitudines sunt ut ipsorum distantia à Sole ; quodque eorundem densitates sunt inverse in subduplicata ratione magnitudinum. Unde sequitur quantitatem materiæ in Planetis esse directe in subduplicata ratione distantiarum à Sole : Quippe materiæ quantitas est ut magnitudo & densitas conjunctim. Vulgo autem notum est Martem esse mole minorem Venere, qui tamen secundum *Keplerum* deberet esse Veneris duplus ; quippe duplo magis à Sole distans. Observationes produnt Jovis Globum esse Saturno majorem, qui tamen fere duplo minor esset per prædictam regulam. Potuisset tamen ex sibi notis & à se primum detectis, (nempe quod Planetæ via est perimenter Ellipsis cujus umbilicorum alter est in Solis centro, quam ita percurrit ut radius vector areas verrat temporibus proportionales,) absque consideratione magnitudinis & densitatis Planetarum, geometricè deducere tempora periodica Planetarum, circa commune centrum revolvendum, esse in sesquuplicata ratione majorum axium, sive distantiarum mediocrium à Sole. Verum proportionem Orbium Planetariorum horumque numerum, ex intervallis ad interpositionem quinque Corporum Regularium necessariis, deduxisse *Keplerum* credibile est ; & tales postea magnitudines & densitates Planetis tribuisse, unde eandem hanc proportionem alio ordine exstrueret.

4. Ut taceam virtutem parum Mechanicam, & Animalis vi proximam, quam tribuit Planetarum fibris, quibus in altum librantur, & illis, quibus in latum excurrunt ; (his-

ce quidem naturalem potentiam agilitatis, illis vero, in una plaga totius corporis Solaris appetentiam, in altera fugam;) & hinc oriundam Planetæ cujuscvis divisionem in Corticem, & Nucleum à cortice separatum, & in illius cavitate diversâ periodo libratum, & in quibusdam Nucleum rursus hunc interiore nucleo similiter gravidum: Ut inquam supradicta parum Mechanica, & à Naturæ more aliena taceam; Systema *Kepleri* de modo quo Sol Planetas circumagit, attrahit & repellit, ita constitutum est, ut primæ fere motûs & Naturæ legi adversetur, quâ cautum est, ut actioni contraria semper sit & æqualis reactio. Nam secundum *Keplerum* in Epit. Lib. IV. *Non Planetis ipsis, sed Soli tantum inest Virtus ista expulsiōis & attractiōis. Et licet vis Solis tractoria & repulsoria porrigatur ad Planetas, Planeta vis similis non porrigitur ad Solem.* Si enim hoc fieret, agnoscit quod Sol à Planetis in proportionem corporum conversa, situ suo, quem habet in centro mundi, emoveri, vel saltem titubare deberet, jam huc jam illuc protractus, prout multi Planeta ab uno latere, simili inter se facultate, in Solem ingeruerint. Hoc vero modis omnibus effugit, negatâ mutuâ attractiōe & expulsiōe. Oblitus erat *Keplerus* veræ doctrinæ de Gravitate, quam ante XI. annos in *Introductione* ad *Commentarios in Stellam Martis* stabilivit, hisce axiomatibus fultam: *Quod gravitas est affectio corporca mutua inter cognata corpora ad unionem seu conjunctionem. Duo corpora non impeditâ coirent loco intermedio, quodlibet accedens ad alterum tanto intervallo, quanta est alterius moles in comparatione; adeoque si Luna & Terra non retinerentur, qualibet in suo circuitu, Terra ascenderet ad Lunam quinquagesimâ quartâ parte intervalli; Luna descenderet ad Terram 53. circiter partibus intervalli, ibique jungerentur; posito tamen quod substantia utriusque sit ejusdem densitatis. Quod Luna prolektas aquas terrestres; unde sit fluxus, ubi sunt latissimi alvei Oceani, aquisque spaciōsa reciprocandi libertas.*

libertas. Et si Terra cessaret attrahere ad se aquas suas, aqua marina elevaretur & in corpus Luna influeret. Neque se audivit respondentem & obviam euntem incommodis supra recensitis titubationis Solis ejusque emotionis à centro mundi, dum sic ait: *Nam tanta est moles, tanta densitas in materia corporis Solaris, tanta ejus vis attrahendi pellendique, tanta vicissim exilitas & Planetæ, & renitentia ejus, ut Sol de statu suo nihil periclitetur.*

Ex supra traditis patet, quam parùm abfuerit inclytus hic Philosophus & Astronomus à veræ Physicæ Cœlestis inventione, (qui etiam in *Epist. Astr. Lib. v. §. 1.* dixerat, *Ut Sol trahit Planetam, sic Terra trahit corpora; ob quem tractum corpora dicuntur gravia.*) quantaque ad hanc auxilia contulerit, quamque recte vaticinatus fuerit, dum ait, *Verissima causa, & quantitates, & plaga motuum Apfidum, & Nodorum Planetarum, & reliqua hujusmodi latent in pandectis ævi sequentis, non ante discenda, quam librum hunc Deus Arbiter seculorum recluserit mortalibus.*

PROPOSITIO LXXI.

Cartesii *Physicam Cœlestem, sive Causam & Rationem cur Planeta in orbibus circa Solem deferuntur, quam Renatus Des Cartes commentus est, summam & breviter explicare.*

QUæ Physicas motuum Cœlestium causas eruere sunt conati, ad unum fere omnes illas à Sole petunt. Nam numeros fere omnes probabilitatis implent Solis in suo spatio rotatio circa axem immobilem, in plagam eandem in quam omnes Planetæ sequuntur, & periodo quidem breviorè quam illi proximus Mercurius, sed Planeta quivis periodo majori quo à Sole remotior; & Planetarum etiam primariorum rotatio circa proprios axes; & secundariorum circa hos rursus primarios, sicut primario-

Q 3 rum

rum circa Solem : omnes versus eandem plagam , & in eodem fere plano. Phænomena enim hæc altâ voce exclamant , vel omnem hunc primariorum Planetarum motum à motu Solis oriri , vel saltem tam hunc quam illum ab una communi causa dependere. Hinc factum est , ut Philosophorum multi Planetas ab æthere , circa Solem ad modum Vorticis sive turbinis agitato , deferri existimarent ; idque diu ante *Cartesii* , immo ante *Epicuri* , tempora. Verum *Keplerus* , qui Astrorum motus perspectiores habebat , satis videbat illos ab hujusmodi Vorticibus corporeis non deferri : Quippe si Planetæ , materiæ Vorticis innatantes & in illa quali quieti , simul cum partibus Vorticis circumferrentur ; videbat illos perfectos descripturos circulos , aliasque sortituros periodos , pro ratione distantie à centro , quam quæ illis ex observatis competunt. Maluit ergo speciem corporis Solaris immateriatam loco materiæ in Vorticem circumrotatæ substituere , hanc ipsam interim *Vorticis & Fluminis Cælestis* nomine indigittans. Postea vero *Cartesius* , minutias & observationes Astronomicas fusque deque habens & Mundum suo more condere certus , Vortices postliminio reduxit ; popularem utique & Philosopho aptum modum stellarum motus representandi. Et quamvis Vortices fuerint ab aliis ante *Cartesium* in Cœlos introducti , & à multis post illum adhibiti & in alios usus detorti , *Cartesii* tamen nomen retinent. Hocce ergo systema , quatenus propositum nostrum attingit , ex ipsius *Cartesii* verbis , *Parte tertia Principiorum Philosophiæ* , breviter describemus.

Supponit *Cartesius* omnem illam materiam , ex qua hic mundus aspectabilis est compositus , fuisse initio à Deo divisam in particulas quamproxime inter se æquales , & magnitudine mediocres , & æqualiter fuisse motas , tum singulas circa propria sua centra , & separatim à se mutuo , ita ut corpus fluidum componerent ; tum etiam plures circa alia quædam puncta æque à se mutuo remota , sicque

que varios Vortices componerent. Postea particulas hæc æquales, intestino motu attritas, resolvit in globulos diversæ magnitudinis, quas omnes secundi elementi vocat; & fluidum quoddam ex partibus irregularibus minutissimis ab angulis globulorum detritis & maximâ celeritate in omnes partes motis constans, quod materiam primi elementi dicit. Cumque hujus major suppeteret copia, quam quæ interstitiis globulorum implendis sufficeret, reliqua versus centrum detrudebatur à globulis à centro, ex motu circulari, recedentibus, ibique in corpus sphericum collecta corpus Solis cujusdam in cujusvis Vorticis centro constituit. Præter motum æqualem, particulis circa centrum Vorticis primitus impressum, Sol, modo in Vorticis centro genitus, & in eandem partem cum reliqua Vorticis materia circa suum axem revolutus, & semper aliquid sui per angustos meatus qui sunt inter globulos secundi elementi versus Eclipticam, sive circulum inter polos medium, emittens, (tantundem à vicinis Vorticibus ad polos recipiens,) vim habet secum rapiendi globulos istos; viciniore quidem celerius, remotiores autem tardius. Cum autem inferiores globuli materiæ cœlestis celerius moveantur quam superiores, debent etiam esse minores. Si enim essent majores vel æquales, hoc ipso haberent plus virium, ideoque ex vi centrifuga superiores evaderent. Atque hæc omnia in quovis Vortice ita se habebunt (ut dictum est) usque ad certum terminum, ultra quem globuli superiores inferioribus celerius moventur, & quantum ad magnitudinem sunt æquales. Terminum hunc in Solis Vortice circa Saturni orbem aut paulo ultra constituit.

Hiscæ positis, si contingat sidus aliquod, quod in centro sui Vorticis positum Solis vicem gerit, maculis obvolutum atque sic debilitatum à Vortice Solis vicino devictum abripi; si sidus hoc minoris agitationis sit capax, sive minus habeat soliditatis, quam globuli secundi elementi;

menti, qui sunt versus circumferentiam nostri Cœli, sed tamen aliquanto plus quam aliqui ex iis qui sunt versus Solem; intelligemus sidus illud, statim atque à Vortice Solis abreptum est, continuo versus ejus centrum descendere debere, donec devenierit ad eos globulos Cœlestes, quibus in soliditate, sive in aptitudine ad perseverandum in suo motu per rectas lineas, est æquale. Cumque tandem ibi erit, non amplius ad Solem magis accedet, neque etiam ab eo recedet, nisi quatenus ab aliquibus aliis causis inferius recensendis nonnihil hinc inde propelleretur; sed inter istos globulos Cœlestes libratum, circa Solem assidue gyraabit, & erit Planeta. Horum igitur unusquisque quiescit in ea Cœli regione, in qua versatur: Et omnis variatio sitûs, quæ in illis observatur, ex eo tantum procedit, quod omnis materia Cœli, quæ illos continet, moveatur. Secundum hoc igitur Systema nihil vetat quo minus arbitremur spatium, in quo jam unicus Vortex Solis continetur, initio in septemdecim pluresve Vortices fuisse divisum; eosque ita fuisse dispositos, ut sidera, quæ in centris suis habebant, multis paulatim maculis tegerentur, & deinde isti Vortices alii ab aliis destruerentur, unus citius, alius tardius, pro diverso eorum situ. Adeo ut cum illi quatuor, in quorum centris erant Sol, Terra, Jupiter & Saturnus, ceteris essent majores, sidera quæ in centris quinque minorum Saturnum circumstantium versabantur, versus Saturnum delapsa sint; & quæ in centris quatuor aliorum Jovi vicinarum versus Jovem; & similiter Luna Telluri vicina versus Terram; & postea Mercurius, Venus, Terra cum Luna, & Mars (quæ sidera etiam singula suum Vorticem prius habuerunt) versus Solem; ac tandem etiam Jupiter & Saturnus, una cum minoribus sideribus iis adjunctis, confluerint versus eundem Solem ipsis multo majoribus, postquam eorum Vortices fuerunt absumpti: Sidera autem reliquorum Vorticum, si unquam plura fuerint quam

quam septemdecim in hoc spatio, in Cometas abierint, in recta fere linea de Vortice in Vorticem trajicientes, & nunquam in orbem revertentes. Sicque jam videntes primarios Planetas ad diversas distantias circa Solem deferri, judicabimus id ex eo contingere, quod eorum qui Soli viciniore sunt, soliditas sit minor quam remotiorum: Atque hinc etiam fieri, quod semper eadem pars Lunæ sit Terræ obversa, vel certe non multum ab ea desleat, quia alia ejus pars, à Terra aversa, aliquanto est solidior, & ideo Terram circumcundo majorem ambitum debet percurrere. Et videntes inferiores ex istis Planetis altioribus celerius in orbem ferri, putabimus id ex eo fieri, quod materia primi elementi, quæ Solem componit, celerrime gyrando viciniore cœli partes, iisque innatantes & in iis relative quiescentes Planetas, magis secum abripiat quam remotiores. Jupiter autem, Terra &c. circa proprios axes vertuntur, quia antea erant sidera lucida in aliquorum Vorticum centris consistentia, & ibi proculdubio nostri Solis instar gyrania; & nunc materia primi elementi in eorum centris congregata similes adhuc motus habet, ipsosque impellit.

Denique non putandum est omnia centra Planetarum accurate in eodem plano semper consistere, nec circulos, quos describunt, esse omnino perfectos; sed ut in omnibus aliis rebus naturalibus contingere videmus, ista tantum præterpropter talia esse, ac etiam labentibus sæculis continuo mutari. Cum enim omnia corpora, quæ sunt in universo, contigua sint, atque in se mutuo agant, motus uniuscujusque à motibus aliorum omnium dependet; atque ideo innumeris modis variatur. Unde quamvis omnes Planetæ motus circulares semper affectent, nullos tamen perfectos circulos unquam describent; sed modis omnibus tam in longitudinem quam in latitudinem semper aliquantulum aberrabunt.

R

PRO-

PROPOSITIO LXXII. LEMMA.

Si circa eundem axem revolvantur corpora duo in eadem ab axe distantia, atque etiam alia duo similiter in alia quavis distantia; dico rationem differentie motus angularis priorum corporum ad differentiam motus angularis posteriorum componi ex ratione translationis corporum priorum à se invicem ad translationem posteriorum à se invicem, & ratione distantia posteriorum ab axe ad distantiam priorum ab eodem.

MOTUS angularis dicitur is, quo conficitur angulus ad axem circa quem fit motus: Unde illa dicuntur habere eundem vel æqualem motum angularem, quæ, in quantumvis inæquali distantia ab axe posita, æquales angulos ad axem eodem tempore vel temporibus æqualibus conficiunt: Et differentia motuum angularium est differentia angulorum ad axem à mobilibus simul confectorum.

Tab. XI.
Fig. 2.

Sint in eadem distantia ab s axe motus bina corpora contigua A & B; item alia bina C & D. Moveantur postea utcumque, & à se invicem separentur; nempe A in α , & eodem tempore B in β , C in γ , & D in δ . Patet jam (ex Prop. XXXIII. Elem. 6.) differentiam motuum angularium binorum corporum A & B (nimirum angulum $\alpha s \beta$) esse ad differentiam motuum angularium binorum C & D (hoc est, angulum $\delta s \gamma$) sicut translatio priorum duorum à se invicem (sive via, quâ alterum ab altero transfertur, nempe $\alpha \beta$) ad $\delta \gamma$ translationem duorum posteriorum; hoc est, si distantie sint æquales, translationes sunt ut differentie motuum angularium. Rursus, si in distantis ab axe s utcumque inæqualibus, corpora contigua bina A & B, atque alia bina E & F, ita moveantur in loca α , β , & ϵ , ϕ , ut differentie motuum angularium (sc. anguli $\alpha s \beta$, $\epsilon s \phi$) sint

sint æquales; erunt (per Prop. xxxiii. Elem. 6.) translationes $\alpha\beta$, $\gamma\delta$ ut distantia sA , sE . Adeoque (per Prop. xxxiii. Elem. 6.) si neque distantia ab axe, neque differentia motuum angularium fuerint æquales; ratio translationum componetur ex ratione differentiarum motuum angularium, & ratione distantiarum ab axe: Et ideo (auferendo ab utraque parte rationem distantiarum ab axe) ratio differentiarum motuum angularium componitur ex directa ratione translationum corporum à se invicem & inversa ratione distantiarum ab axe motus. Q. E. D.

PROPOSITIO LXXIII. LEMMA.

Si curva DCE sit ita versus rectam AE, infinite versus ^{Tab. XI.}
E productam, relata, ut demissa ex quovis curva puncto ^{fig. 3.}
ad A E recta perpendicularis CB sit reciproce ut cubus
rectæ AB intercepta inter B & A punctum in recta
EA datum; erit spatium interminatum BCEE, inter
rectas CB, BE & curvam CE comprehensum, inver-
se ut quadratum rectæ AB.

Vocetur AB, X; BC, Y: & quoniam Y est ut $\frac{1}{X}$; erit $Y = \frac{1}{X}$ ductæ in constantem quandam sive invariata quantitate; sit hæc a^4 , ut observetur lex homogeneorum: hoc est, $Y = \frac{a^4}{X}$; sive $Y = a^4 X^{-1}$. Adeoque summa omnium Y (sive quantitas fluens cujus fluxio est Y, ejusve valor $a^4 X^{-1}$) erit $-2 a^4 X^{-2}$: hoc est, ut Geometris notum, area ad alteras rectæ BC partes jacens, nempe area BCEE, æqualis est $\frac{2a^4}{X^2}$. Et, quia $2 a^4$ est quantitas data, est area BCEE ut $\frac{1}{X^2}$; hoc est, inverse ut quadratum rectæ AB: sive area BCEE ad aream BCEE sicut AB q ad AB q. Q. E. D. R 2

PROPOSITIO LXXIV. LEMMA.

Si Corporum duorum contiguorum unum super alterum gliscat, & idem fiat in aliis duobus corporibus, eadem Vi atque priora versus se invicem pressis; dico impressionem factam à frictione priorum in se mutuo esse ad similem impressionem posteriorum in ratione composita ex ratione translationis priorum ad translationem posteriorum, & ratione superficiæ, quâ priora se mutuo contingunt, ad superficiem, quâ posteriora se mutuo contingunt; nempe in quibus impressiones fiunt.

SI superficies contiguæ essent perfecte lubricæ, nulla foret corporum impressio in se mutuo, dum gliscunt. Patet vero suppositionem maxime naturalem esse, quod resistentia, quæ oritur ex defectu lubricitatis partium, est (cæteris paribus) proportionalis velocitati quâ partes separantur à se invicem; hoc est, si superficies contiguæ æquales fuerint, quod resistentia, & hinc orta impressio corporum in se mutuo, proportionalis est velocitati relativæ; sive huic, in dato tempore, proportionali translationi corporum. Quod si translationes (sive velocitates quibus corpora separantur ab invicem) fuerint æquales, resistentiæ sive impressiones sunt inter se ut superficies in quibus corpora bina & bina se contingunt. Et igitur, cum neque superficies, neque translationes æquantur; sed reliqua omnia, (ut vis corpora versus se invicem premens, defectus lubricitatis &c.,) erunt impressiones, quas corpora bina & bina in se mutuo faciunt, in ratione composita ex ratione superficierum contiguarum & ratione translationum ab invicem. Q. E. D.

PRO,

PROPOSITIO LXXV.

Si sphaera solida in fluido uniformi & infinito, circa axem positione datum, uniformi cum motu revolvatur, & ab huius impulsu solo agatur fluidum in orbem, perseveret autem fluidi pars unaquæque uniformiter in motu; dico quod tempora periodica partium fluidi erunt ut quadrata distantiarum a centro sphaerae.

Designet $A E H$ sphaeram uniformiter circa axem s <sup>Tab. XL
fig. 4.</sup> rotatam. Fluidum infinitum sphaerae undique circumfusus divisum intelligatur in orbes innumeros concentricos ejusdem crassitudinis, quorum quivis per se spectatus solidus est; hi vero designentur per circulos $B F K$, $C G L$, $D M N$, &c. Quoniam fluidum sic divisum homogeneum ponitur; (hoc est, omnes ejus partes aequaliter compressæ;) impressiones contiguum orbium in se mutuo factæ erunt (per Lem. præc.) ut eorum translationes ab invicem, & superficies contiguae in quibus impressiones fiunt conjunctum. Si impressio in orbem aliquem major est vel minor ex parte concava, quam ex parte convexa, prævalebit impressio fortior, & velocitatem orbis vel accelerabit vel retardabit, prout in eandem plagam cum ipsius motu, vel in contrariam dirigetur. Proinde, quoniam (ex hypothesi) fluidum in motu suo uniformiter perseverat, impressiones ex utraque parte cujusque orbis, in plagas contrarias factæ, æquales sunt; & ideo ratio quæ æqualis est rationi impressionum (nimirum ratio composita ex rationibus translationum & superficierum contiguarum) est etiam ratio æqualitatis. Unde translationes sunt reciproce ut superficies contiguae; hoc est, reciproce ut quadrata distantiarum à centro: Sed (per Prop. LXXII.) differentie motuum angularium sunt ut translationes directæ, & distantie à motus centro inverse: Et igitur dictæ differen-

Tab. XI.
Fig. 4.

niæ motuum angularium orbium concentricorum sunt reciproce ut quadrata distantiarum à centro, & reciproce ut distantia à centro conjunctim; hoc est, reciproce ut cubi distantiarum à centro. Ergo, si ex omnibus punctis rectæ $s z$ ex centro educæ, ubi superficies contiguae orbium concentricorum illam secant, (nempe A , B , C , D , &c.) erigantur ad $s z$ normales $A a$, $B b$, $C c$, $D d$, cubis ipsarum $s A$, $s B$, $s C$, $s D$, &c. reciproce proportionales; erunt hæ ordinatæ respectue ut prædictæ differentia motuum angularium respectuorum orbium concentricorum, & summæ harum ordinarum ut summæ dictarum differentiarum; hoc est, (cum orbis extremus seu infinite diffusus omnino non moveatur,) ut motus toti angulares. Si jam crassitudo orbium minuat in infinitum, (quomodo circumfusus medium eatenus fit uniformiter fluidum,) summæ prædictarum ordinarum fient areæ $A z a$, $B z b$, $C z c$, $D z d$, &c. Adeoque motus toti angulares orbium $B F K$, $C G L$, $D M N$, &c. sunt ut areæ $B z b$, $C z c$, $D z d$, &c. respectue. In figura vero $A z a$ ordinatæ $B b$, $C c$, $D d$, &c. sunt reciproce ut cubi rectarum $s B$, $s C$, $s D$, &c. Unde (per Prop. LXXIII.) areæ $B z b$, $C z c$, $D z d$, &c. sunt inverse ut quadrata rectarum $s B$, $s C$, $s D$, &c. Et ideo, motus angulares orbium $B F K$, $C G L$, $D M N$, &c. sunt inverse ut quadrata suarum semidiametrorum $s B$, $s C$, $s D$, &c. Sed tempora periodica sunt motibus angularibus reciproce proportionalia: Ergo tempora periodica orbium $B F K$, $C G L$, $D M N$, &c. sunt in ratione directa (quippe reciproca inverse) quadratorum suarum distantiarum à centro s ; nempe rectarum $s B$, $s C$, $s D$, &c. Adeoque patet propositio, si medium sphaeræ circumfusus constare intelligatur ex innumeris solidis orbibus tenuissimis concentricis. Si vero ductæ intelligantur infinitæ rectæ quamplurimæ continentes cum axe angulos aequalibus excessibus

bus se mutuo superantes, & his rectis circa axem revolutis, & superficies conicas describentibus, concipiantur orbes in annulos innumeros secti; annulus unumquisque habebit annulos quatuor sibi contiguos, unum interiorem, alium exteriorem, & duos laterales, ex eodem orbe resectos. Attritu interioris & exterioris nequit intermedius aliter moveri quam prius ante sectos orbes: alioquin partes fluidi non perseverarent in motu suo uniformiter; sed medius iste in motu suo acceleraretur vel retardaretur, (ut prius de orbibus integris ostensum,) contra hypothefin. Et propterea annulorum series qualibet, à solida sphaera centrali in infinitum rectà pergens, & inter duas proximas superficies conicas comprehensa, movebitur eodem prorsus modo quo hæ ipsæ movebantur ante divisionem orbium in annulos; nisi quatenus quisque in hac serie annulus impeditur ab attritu annulorum ad latera. Hic vero attritus nullus est, quia annuli omnes à media sphaera solida æqualiter distantes, (hoc est, ex eodem orbe resecti,) eodem tempore revolvuntur: Nam si hoc non fieret, sed qui versus polos citius vel tardius circuitus suos absolverent, quam qui sunt versus circulum inter polos medium; tardiores ex attritu mutuo incitarentur & velociores retardarentur, contra hypothefin, quâ supposuimus fluidum perseverare in motu suo uniformiter. Cum ergo annulorum omnium, in eadem distantia à centro, idem sit tempus periodicum; revolvuntur similiter ac si ex orbe solido nondum essent resecti; hoc est, absque attritu: & ideo eadem lex etiam in hoc casu orbium in annulos resectorum obtinet, quæ prius obtinebat ante orbium divisionem; hoc est, annulorum singulorum tempora periodica erunt ut quadrata distantiarum ipsorum à centro mediæ sphaeræ solidæ.

Dividatur jam annulus unumquisque, sectionibus transversis, in particulas innumeras constituentes fluidum absolute & uniformiter tale: Et quoniam hæ sectiones non spectant

speñant ad legem motus circularis, sed ad constitutionem fluidi solummodo conducunt; perseverabit motus circularis ut prius. His divisionibus annuli omnes quam minimi asperitatem & vim attritus mutui aut non mutabunt, aut mutabunt æqualiter: & manente causarum proportionem manebit effectuum proportio; hoc est, proportio motuum & temporum periodicorum ut prius. Et igitur partium singularum, in supra descripto Vortice, tempora periodica erunt ut quadrata distantiarum à centro Vorticis. Q. E. D.

COROLLARIUM I.

Si major sit resistentia partium Vorticis in majore à centro distantia quam in minore, vel ob majorem crassitiem vel minorem fluiditatem particularum fluidum constituentium, vel ob aliam quamlibet causam; tum segnius movebuntur partes Vorticis à centro remotiores, quam pro ratione superius in Propositione stabilita: hoc est, tempus periodicum partium Vorticis à centro remotiorum erit ad tempus periodicum partium centro viciniorum in majore quam duplicata ratione distantiarum istarum particularum à centro.

COROLLARIUM 2.

Si Vortex non extendatur in infinitum, sed fluidum in Vorticem circumactum contineatur vase rigido violenter detento, diversæ figuræ à spherica globo centrali concentrica; movebuntur Vorticis particule, non in circulorum peripheriis globo circumagenti concentricis, sed in lineis fere conformibus vasis figuræ; & tempora periodica erunt ut quadrata mediocrium distantiarum à centro quamproxime.

PROPOSITIO LXXVI.

Qua in supra explicata Physica Cartesiana sunt erronea breviter indicare & refellere.

1. **C**UM ex Prop. PRÆC. pateat Vorticem quemlibet, à sphaera solida circa axem positione datum uniformiter revoluta factum, in infinitum propagari, si non impediatur; si Mundus ex hujusmodi Vorticibus constaret, (ut ex *Cartesii* systemate sit,) fierent totidem Vortices in infinitum pergentes, quot sunt Fixæ, quarum quævis (ex mente *Cartesii*) instar Solis nostri Vorticem efficit. Neque Vortices definirentur certis limitibus, sed serperent & in se mutuo paulatim excurrerent. Atque hoc pacto fluidi infiniti universum constituentis pars unaquæque eo agitabitur motu, qui ex omnium sphaerarum centralium sive Solium actionibus resultat. Quantum vero hæc incertitudo absit à certo ordine, situ & motu Fixarum, quæ arctissimis vinculis calculi simplicissimi connectuntur, Astronomiæ periti judicabunt.

2. Porro, quoniam Vorticis supradicto modo geniti partes centro propiores (per præced.) celerius motu urgent exteriores, motumque ipsis eâ actione perpetuo communicant, & exteriores illæ eandem motus quantitatem in alias adhuc exteriores simul transferunt; quia (ex hypothesi) ea est Vorticis conditio, ut unaquæque fluidi pars perseveret in motu suo uniformiter, neque in eadem à centro distantia nunc magis nunc minus incitetur: patet quod motus perpetuo transfertur à centro ad circumferentiam Vorticis, & per infinitatem circumferentiæ absorbetur. Et proinde, ad conservationem Vorticis in eodem statu requiritur principium aliquod activum, à quo sphaera centralis (sive Sol istius Vorticis) eandem semper quantitatem motus accipiat quam imprimit in materiam Vorticis. Unde autem tale principium activum in

S

Sole

Sole quovis Vorticem ciente residens arceffant *Cartesiani*; non video; cum ipse *Cartesius* paragraph. 146. *Par. Tert. Princip. Philos.* audacter dicat: *Nihil occurrer circa phenomena Planetarum, cujus ratio ex jam dictis non facile reddatur.* Necessitatem hujusmodi principii activi in Vorticum centralibus sphaeris satis perspexit oculatissimus *Keplerus*: Adeoque ne paulatim langueat motus, in illas ab omnipotentia creatrice in ipso rerum exordio impressus, hunc vel perpetuâ Creatoris curâ, vel anima ad id destinata ope sustentatum vult. Nam absque tali principio activo, necesse est ut sphaeræ centrales & Vorticum partes interiores, propagantes semper motum suum in exteriores, neque novum aliquem motum accipientes, tardescant paulatim & in orbem agi desinant. Adeoque Mundus hic *Cartesianus* absque principio hoc activo amechanico ad quietem & interitum sponte suâ vergit.

3. Agnoscentibus *Cartesio* & *Cartesianis*, corpora quæ in Vortice delata in orbem redeunt, ejusdem sunt densitatis cum Vorticis partibus, in quibus versantur, & eâdem cum ipsis lege quoad velocitatem & cursûs determinationem moventur: in hoc solo differunt fluidum deferens & corpus delatum, quod corporum à Vortice sic delatorum partes datum inter se situm servant, & quod sint partes Vorticis quasi congelatæ & solidæ, nec motu intestino inter se cieri & misceri facile possint, ut partes ejus fluidæ; cætera prorsus æquales. Cum igitur Vorticis partes (per præced.) eâ lege revolvantur, ut earum tempora periodica sint in duplicata ratione distantiarum à centro, Planetæ etiam circa Solem delati & in fluida Vorticis materia, cui innatant, relative quiescentes eâdem lege revolvuntur. Cum ergo Tellus (ex. gr.) periodum suam absolvat uno anno, Saturni, cujus distantia à Sole noncupla sesquialtera est distantie Terræ, periodus esset nonaginta annorum, cum tamen vix sit 30 annorum; similiter periodus Jovis esset 27 annorum, quæ tamen ad

12 non ascendit: & omnes superiores periodos haberent veris majores; inferiores autem veris minores. Si Vorticum patroni respondeant, Vortices non esse uniformiter fluidos, (ut in præcedente supponebatur,) sed partes Vorticem constituentes in recessu à centro esse crassiores, ut *Cartesius paragr. 82. Part. 111.* ponit; tum (per *Corol. 1. Prop. præc.*) Planetæ à Sole remotiores erunt adhuc segniores, cum tamen hætenus (ex hoc systemate) nimis sint segnes; patetque ex hac Vorticum constitutione *Cartesiana*, longius ab observatis recedi quam si Vortices essent ex fluido uniformi compositi. Igitur cum demonstratum sit partes Vorticis lege longe alia revolvi quam quæ in Planetis observatur; nempe tempora partium Vorticis periodica esse ut quadrata distantiarum à centro, si materia Vorticis fuerit homogenea; vel etiam ut altiores quedam dignitates distantiarum, si materia Vorticis sit in majori distantia crassior; cum interim (per *Prop. XXI.*) in Planetis Quadrata temporum periodicorum sint ut Cubi distantiarum; (hoc est, Planetarum tempora periodica ut distantiarum dignitates quarum exponentes sunt $\frac{1}{2}$, quæ multo humiliores sunt quam illæ quæ exponuntur per 2, vel numerum binario majorem;) palam est Planetas ab hujusmodi Vorticibus corporeis non deferri.

4. Si Vortex in infinitum extenderetur, patet (ex *Prop. præc.*) fluidi partem quamlibet perfectum circulum describere debere, & (ex *Corol. 2.*) aberrationem à via circulari procedere à vase rigido, (vel quod hujus instar est,) in quo Vorticis materia continetur. Unde clare sequitur, quo major est Vortex respectu semitæ ab ejus parte fluida (vel à Planeta simul delato) descriptæ, tanto magis Planetæ semitam ad circulum perfectum accedere debere; hoc est, Planetæ Soli propioris minorem futuram excentricitatem quam remotioris; cum tamen Observationes Astronomicæ testentur Mercurii orbitam esse multo magis excentricam

quam Saturni. Rursus, quia (per Corol. 2. Prop. præc.) Vorticis particulæ simulque delati Planetæ movebuntur in lincis fere conformibus figuræ vasis, in quo fluidum continetur, Planetarum omnium Aphelia è Sole spectata erunt versus eandem Fixas posita; cum tamen Planetarum Aphelia à se mutuo longe distent, ut Jovis & Terræ, circuli quadrante; Martis & Terræ, circuli triente; Martis & Veneris sint fere opposita. Porro, materia Vorticis (more fluminis) intra cancellos angustos coarctata (per leges mechanicas) velocius moveri debet, quam dum in latiore alveo libere decurrit; idque in ratione inversa latitudinum alveorum, aut quæ harum instar sunt: Sed in principio η , distantia inter orbes Martis & Veneris est ad eorundem distantiam in puncto opposito, (nempe in principio χ) fere ut 3 ad 2; adeoque Vorticis fluidum intermedium, Tellurem deferens, velocius feretur in eadem ratione in principio χ quam in principio η ; utpote intra angustiores limites contentum; (nam fluidi Martem & Venerem deferentis semitæ cancellorum vel alvei vices gerunt;) hoc est, Tellus è Sole visa in principio χ dimidio velocius feretur quam cum eadem è Sole in principio η conspicitur, vel Sol è Tellure visus in principio η dimidio velocius inter Fixas moveri videbitur quam in principio χ : Contrarium tamen accidit, ex observatione omnium omnino Astronomorum: & Sol in principio η è Tellure visus motu diurno conficere videtur tantum minuta prima 58, cum in principio χ integrum gradum pari tempore confecisse videatur.

5. Corpus à Vortice abreptum, & ejusdem densitatis cum partibus Vorticis inter quas versatur, in orbem rediens, si alias non impediatur, circulum describit; cujus plano perpendicularis est axis sphaeræ centralis, quâ fluidum in Vorticem circumagitur: & si corporis semita ad hoc planum inclinata sit, paulatim minuetur ista inclinatio, tandemque coincident. Etenim ex demonstratione Prop.

Prop. præc. patet, quamlibet particulam fluidi Vorticem componentis huiusmodi circulum describere; quare & Planeta, qui non nisi ab hisce particulis deservit, inter eas relative quiescens talem etiam describet, & si per vim aliquam exterius ingruentem hinc deflectat, paulatim minuetur inclinatio ab occurso particularum fluidi prædictos circulos describentium, & huiusmodi circulum describet ipse, sic tandem in Vorticis fluido relative quiescens & simul cum ipso delatus. Verum ne vel unicus reperitur Planeta, ad cuius orbitæ planum Axis Solis normalis est, neque per bis mille annos, quibus observationes instituuntur, inclinatio orbitæ alicujus Planetæ ad istud planum diminuta deprehenditur; neque ullæ ab hisce Philosophis Planetis assignantur fibræ latitudinis, quibus inclinatio hæc eadem conservetur. Apologia autem, quam pro Planetarum excentricitate varia, varia etiam orbitarum ad se invicem inclinatione, varioque apheliorum situ assertit *Cartesius* paragr. 34. Part. Tert. Princip. (nempe hæc: *Sed ut in omnibus aliis rebus naturalibus contingere videmus, ista tantum præterpropter talia esse, ac etiam labentibus sæculis continuo mutari,*) plane ostendit illum in calculo Astronomico prorsus peregrinum. Quamvis enim Causas Physicas in Syderum motibus locum obtinere non sit negandum, inæqualitates tamen casuales penitusque irregulares (quales *Cartesius* innuere videtur) in illis admittendas nullus his assuetus censet; quin potius cum acutissimo & ad speculationes Astronomicas optime comparato *Fer. Horoccio*, adversam (ut ipse ait) sententiam tutari percupiente, dicet, *Mirari nos merito funditores aliquos aut sclopetarios, qui ex balistis & bombardis suis incredibili penitus collimationis certitudine tela projiciunt. Sin autem momentancis illis, quæ per crassum & inquietum æra moventur, tantam inesse certitudinem videamus, annon longe majorem expectabimus in corporibus illis perpetuis in placidissimo ac purissimo æthere aternâ lege revolutis?*

6. Cum globuli fluidum Vorticis Solaris componentes sint prope Solem minores, & proinde illorum inassa, in dato spatio contenta illudque replens, minus densa quam in majore à Sole distantia; sequitur & Planetas, qui ejusdem sunt densitatis cum Vorticis particulis, quibus innatant, quo propiores sunt Soli minus esse solidos; quod & agnoscit *Cartesius paragr. 147. Part. Tert. Princip.* Cujus tamen contrarium inferius, proprio loco, ostendemus: nempe Planetam quemvis, quo Soli viciniore est, eo & solidiorem sive densiorem esse; hoc est, plus materia sub æquali magnitudine continere. Quod & melius congruit rationibus archetypicis, concinnitati geometricæ, & causis finalibus: ex quibus palam est collocasse Deum Planetas in diversis distantiiis à Sole, ut quilibet pro gradu densitatis calore Solis majore vel minore fruatur; & proinde densiorem Planetam esse Soli etiam propiorem, cum materia omnis densior ad operationes naturales obeundas majorem calorem requirat. Et quamvis non sit ea densitatis ratio in Planetis, quam posuit *Keplerus*; nempe reciproca radicum distantiarum à Sole; sed reciproca distantiarum à Sole ductarum in radices diametrorum apparentium: tamen hic (ubi maxime erravit) generale illud consecutus est *Keplerus* per rationes archetypicas, quod Planetæ densiores essent Soli viciniore; cum interim tempore posterior *Cartesius*, ex neglectu (aut potius contemptu) rationum archetypicarum & causarum finalium, opinioniones foverit causis istis finalibus & veræ Physicæ sive mechanicæ (quæ plerumque ad idem deducunt) plane contrarias; & inter alias hanc, quod Planetarum Soli viciniorem soliditas sit minor quam remotiorum.

7. *Tycho* olim ex Cometarum motu demonstravit Planetas in solidis orbibus non moveri; quia nimirum Comete orbis Planetarios trajiciunt. Idem Cometæ nunc Planetas à Vorticibus corporeis non deferri æque evidenter ostendunt; quoniam Cometæ plerumque vias valde obliquas, quan-

quandoque Zodiaci planum ad angulos rectos secantes, & nonnunquam cursui Planetarum directe contrarias sequuntur, motusque hosce liberrimos quidem diutissime conservant, universali huic legi obnoxii, quod radio ad Solem ducto areas describant temporibus proportionales; quod prorsus impossibile esset, si integra Vorticis materia circa Solem ageretur vi sufficienti ad ingentia Planetarum corpora devehenda. Neque *Cartesius* juvat, quod Cometas ultra Saturnum relegat contra observationum fidem, (quas *Tycho* & Astronomi non detorserunt, ut hypothesibus propriis inservirent, quod innuere vult *Cartesius*;) cum Vorticis Solaris materia ultra Saturnum (secundum ipsum) momentum majus habeat ad illos secum rapiendos, quam prope Venerem & Mercurium; cum quod globuli Vorticem constituentes majores sint illic quam hic; tum præcipue quod multo celerius moveantur, quippe circuitum immense majorem *intra paucas hebdomadas* absolventes; ut habet *Cartesius paragr. 62. Part. Tert. Princip.* Ex hisce ergo omnibus & singulis constat hanc Vorticum hypothesin cum phænomenis Astronomicis omnino pugnare, & non tam ad explicandos quam perturbandos motus Cœlestes conducere.

PROPOSITIO LXXVII.

Causas Motuum Cœlestium à celeberrimo D. Leibnitio adductas recensere & explicare.

IN quærendis motuum Cœlestium causis adeo pronum est eas ab ambiente fluido æthere petere, ut Philosophi Planetas considerarint circa Solem delatos similiter atque palææ vel festuæ innatantes aquæ deferuntur ab aqua, in vorticem acta à baculo, in medio vasis quiescentis circa axem suum rotato. Sententia hæc vetustissima neglecta diu jacuit: sed superiore sæculo à magnis Viris est resuscitata; quippe ante *Cartesium*, (de quo supra,)

supra,) *Torricellio* & ipsi *Galileo* probata ; propter rationes proculdubio sub initio Prop. LXXI. summam expositas.

Tam vehementer autem placuit hæc sententia, ut acutissimus Philosophus D. *Leibnitius* (etiam post edita *Newtoni Princip. Math. Philos. Nat.*) illi nomen suum dederit ; qui nihil aliud superesse judicat, quam ut ostendatur quomodo causa motuum Cælestium à motibus ætheris sive (*Astronomicè loquendo*) ab orbibus deferentibus quidem, sed fluidis oriantur. Tam celebre inter Geometras nomen meretur certe, ut ejus *Tentamen de motuum Cælestium Causis* (quod cum orbe literato communicavit in *Actis Erudit. Lipsiæ editis Mense Februario Anni MDCLXXXIX.*) exactissime consideretur. D. *Leibnitius* enim (si quis alius) Vortices motibus Cælestibus accommodare valet, & *Legum Cælestium à Keplero inventarum rationes reddere*. Præsertim cum aliqua in eo genere illi lux affulserit, & inquisitio commode admodum & naturaliter successisse ipsi perspicacissimo videatur, ut inde in eam sit erectus spes, veris motuum Causis à se appropinquatum esse. Hujus igitur Philosophi modum magna hæc opera explicandi paucis & suis fere verbis trademus.

Primo, pro certo assumit *Leibnitius* omnia corpora ; quæ in fluido lineam curvam describunt, (ipsosque adeo Planetas,) ab ipsius fluidi motu agi. Omnia enim curvam describentia ab ea recedere conantur per rectam tangentem, (ex natura motus ;) oportet igitur esse quod coerceat. Nihil autem contiguum est nisi fluidum, (ex hypothesi,) & nullus conatus coercetur nisi à contiguo & moto, (ex natura corporis ;) fluidum ergo ipsum in motu esse necesse est.

Cum ex observatione exactissima constet Planetam quemlibet primarium orbitam circa Solem describere, eâ lege motus, ut radii à Sole ad Planetam ductis areæ semper abscondantur temporibus proportionales ; consentaneum est

A. thecm

Ætherem seu Orbem fluidum cujusque Planetæ circulatione circa Solem moveri, quæ dictæ motûs legi congruat. Hoc vero demum fiet, si orbium innumerorum circularium concentricorum exiguæ crassitudinis, in quos orbis Planetæ fluidus cogitatione dividitur, quilibet suam habeat propriam circulationem, tanto velociorem proportionem quanto quisque est Soli propior; hoc est, si velocitates circulandi, quæ sunt in partibus fluidi, sint radiis seu distantiiis à Sole reciproce proportionales. Unde fit, quod, sive Planeta magis siue minus à Sole distet, sectores æqualibus temporibus à radio vectore descripti æquales sint. Nam dicti sectores sunt in ratione composita ex directâ ratione radiorum seu distantiarum à Sole, & reciproca arcuum siue circulationum; ideoque (ex hujus circulationis natura) in ratione æqualitatis. Circulationem supra descriptam (ubi velocitates circulandi sunt distantiiis à centro reciproce proportionales) vocat *Harmonicam*, quia positis distantiiis à centro crescentibus æquabiliter seu Arithmetice, circulationes decrescunt in Harmonica progressionem; quippe quantitibus in progressionem Arithmetica positis reciproce proportionales, quam esse Harmonice proportionalium proprietatem vulgo notum est.

Ponit itaque Vir celeberrimus Planetam moveri motu duplici seu composito ex circulatione Harmonica orbis sui fluidi deferentis, & motu *paracentrico* accessûs ad Solem & recessûs ab eodem. Facit autem circulatio ætheris, ut Planeta circuletur harmonice, non velut motu proprio, sed quasi tranquillâ natatione in fluido deferente, cujus motum sequitur. Unde nec impetum circulandi velociorem retinet, quem habuerat in orbe inferiore seu propiore, sed eum elanguescentem, dum superiores (majori velocitati quam suæ resistentes) trajicit, continuo deponit, & sese orbi ad quem accedit insensibiliter accomodat; & vicissim dum à superioribus ad inferiores tendit, impetum eorum accipit. Itaque non tantum in ar-

T

cubus

cusbus circuli, sed & in curva alia quacunque describenda, circulatio harmonica locum habet. Nam area temporis elemento descripta, à radiis è Sole ad Planetam in alia quavis curva motum ductis abscissa, comparabiliter non differt à sectore circuli, cujus idem est angulus ad centrum, & radius præcedentium alteruter.

Alter motus cum priore motum Planetæ integrum componens (nempe paracentricus) duplici ex causa ortum ducit: nempe ex *impulsione excussoria circulationis & attractione Solaris* (aut quod hujus instar est) inter se compositis. Cum enim omne mobile à linea Curva, quam describit, recedere conetur per tangentem; per hunc motum solum, Planeta à Vortice harmonice circulato delatus à Sole recedet. Et ejus conatus centrifugi ab Autore ostenduntur esse in ratione radiorum reciproca triplicata. Altera motus Planetæ paracentrici pars componens est attractio Solaris, sive, quæ hujus vices gerit, Planetæ Gravitatis: & licet hanc vim Attractionem vocet, eam ab impulsu fluidi ambientis derivari (sicut & ipsas actiones magneticas) nullus dubitat.

Porro, quoniam ex observatione constat quemlibet Planetam primarium orbitam describere Ellipticam, in cujus altero focorum est Sol, ita ut radiis è Sole ad Planetam ductis areæ semper abscindantur temporibus proportionales; nulla autem est in Vortice circulationis Lex, quæ ultimam conditionem adimpleat, præter harmonicam. Reliquum est ut quæretur Gravitatis lex, quæ, juncta cum conatu centrifugo mobilis harmonice circulantis, motum faciat paracentricum, qui una cum circulatione harmonica mobile in perimetro Ellipsis movere facit, quam (post præmissum Lemma rationem circulationis in coni Sectione ad velocitatem paracentricam ostendens) definit, Theorema sequens demonstrando: *Si mobile, quod gravitatem habet, feratur in Ellipsi (aut alia Sectione conis) circulatione harmonicâ, sitque in foco Ellipseos centrum tam attractio-*
nis

nis quam circulationis; erunt attractiones seu gravitatis sollicitationes ut quadrata circulationum directe, seu ut quadrata radiorum sive distantiarum à foco reciproce. Invenit igitur inesse Planetis Gravitationem ad Solis centrum tendentem, cujus ea est Lex, ut sit quadrato distantiae à foco reciproce proportionalis. Hanc porro legem antea notam fuisse D. *Newtono* ultra agnoscit; quippe cujus *Princip. Philos.* antea edita fuerant, & in hisce Actis relata.

Post subnexa Corollaria quædam ex primario suo Theoremate pulchre consequentia, finem *Tentamini* huic Physico-Astronomico imponit; duo agnoscens in hoc argumento potissimum præstanda ipsi superesse: Unum, ut explicet quis motus ætheris Planetas graves faciat, seu versus Solem pellat, & quidem in reciproca duplicata ratione distantiarum, sive (ut ipse loquitur) in duplicata ratione vicinarum. Deinde, quæ sit causa comparationis motuum inter diversos Planetas Systematis ejusdem, ita ut tempora periodica sint in sesquuplicata ratione mediarum distantiarum. Cumque (secundum Autorem) horum utrumque pendere necesse sit à contiguis corporibus, quæ omnia Ætheris nomine indigitat, duo hæc eo collimant, ut distinctius explicetur motus Vorticis, seu Ætheris Systema unumquodque constituentis. Sed cum hæc altius repetenda sint, & propterea brevitati schediasmatis includi non possint, quid illi consentaneam visum sit, rectius separatim exponendum ait.

PROPOSITIO LXXVIII.

Quæ in supra recensitis Causis Motuum Cælestium, à D. Leibnitio in Tentamine assignatis, minus Physica sunt indicare.

Contra modo descriptum celeberrimi *Leibnitii Tentamen de Causis Motuum Cælestium* faciunt quædam ex superius adductis rationibus contra Vortices corporeos

Planetæ deferentēs: nempe quod Cometarum quorundam viæ sint ad Zodiacum valde obliquæ, quandoque hujus planum ad angulos rectos secant, immo nonnunquam curvæ Planetarum directæ contrariæ. Cumque Cometæ (dum à nobis observantur) areas circa Solem describant temporibus proportionales, pari jure Vorticem harmonice circumferentem ponere oporteret, cuius Cometæ æque ac Planetæ circumvehendo necessarium; hoc est, Vorticem Vortici contrarium.

Considerando quidem unicum Planetam circa Solem (vel aliud quodvis centrum) rotatum, si hic per Vorticem deferendus sit, nullo proprio motu agitur, sed quasi tranquillâ natatione in fluido deferente, cujus motum sequitur, (quod Autor supponit;) oportet Vorticem harmonice circulari, ut area per radios à Planeta ad Solem ductos abscissæ sint proportionales temporibus. Alia nulla Vorticis constitutio rationem inter areas efficiet eandem quam inter tempora. Unde si Autoris Vortex Planetarum motibus non satisfaciatur, certe alius nullus obtinebit. Atque hoc semel posito, reliqua, quæ per Geometriam inde deducit Autor, optime procedunt, ut illi solent. Quibus ego addo, hujusmodi Vorticem (cujus nempe fluidum in plano per centrum, cui axis est normalis, harmonice circuletur) mechanice producendum, si sphaera solida in fluido uniformi & infinito, circa axem positione datum, uniformi cum motu revolvatur, & ab hujus impulsu solo agatur fluidum in orbem, & hujus pars unaquæque perseveret uniformiter in motu suo. Atque hoc tertium Authori restabat circa motum Vorticis Solaris, seu Ætheris, explicandum; nempe quomodo in circulationem harmonicam impelli & incitari possit. Nam, quoniam universaliter Tempora percurrendi sunt ut spatia percurra directæ, & velocitates inverse; & in motu circulari spatia unâ revolutione percurra sunt ut radii, & in circulatione harmonica velocitates sive circulationes recipro-

ce ut radii; patet tempora periodica partium Vorticis harmonice circulantis esse in duplicata ratione radiorum: Atqui hanc eandem esse proprietatem circulationis in plano per centrum, cui axis est normalis in Vortice, per sphaeram centalem ad motum incitato, demonstravimus Prop. LXXV.

Verum, si duorum aut plurium Planetarum motus inter se comparentur, apparebit materiam fluidam Vorticis Solaris non moveri circulatione harmonicâ. Nam hætenus demonstravimus tempora periodica partium fluidi harmonice circulantium (& consequenter etiam corporum, quæ tranquillâ natatione in fluido deferuntur) esse in duplicata ratione radiorum. Verum tempora periodica Planetarum non sunt in duplicata, sed tantum in sesquuplicata ratione distantiarum à centro: Et igitur Planetæ diversî non moventur circulatione harmonicâ.

Dicit proculdubio Autor se non ponere totum fluidum Vorticis Solaris moveri circulatione harmonicâ continuâ, & nullibi interruptâ, à Mercurio usque ad Saturnum inclusive; sed fluidum deferens Mercurium moveri circulatione harmonicâ à perihelio usque ad aphelium; deinde interruptâ hâc harmoniâ rursus circulari harmonice à Veneris perihelio usque ad ejus aphelium, sed non continuatâ harmoniâ cum priore circulatione prope Mercurium; hoc est, ita ut circulatio fluidi deferentis Venerem sit ad circulationem fluidi deferentis Mercurium ut distantia Mercurii à Sole ad distantiam Veneris ab eodem; atque rursus (interruptâ priore harmoniâ) fluidum Terram deferens moveri harmonice quidem à Terræ perihelio ad aphelium, si solitaria spectetur hæc harmoniâ, & non comparetur cum harmoniâ fluidi ad Venerem vel Mercurium; atque ita in reliquis deinceps Planetis: hoc est, per crassitiam cujusvis orbis harmoniam obtinere particularem à cæteris separatam & disjunctam; similiterque in Jovis & Saturni satellitibus ascendendo à Jovis & Saturni centro. Fatendum

tamen est Autorem circulationem suam harmonicam etiam ad diversos Planetas extendere videri *paragr. 17.* ubi ait: *in distantia dupla tantum quarta pars anguli è Sole spectati eodem temporis elemento absolvitur, in tripla tantum nona*: Nam certe hi numeri in eodem Planeta locum non habent. Quod si (quod maxime oporteret) de interrupta harmonia partium fluidi circulantium expresse loquatur, ægre Philosophis persuadebit rem ita se habere; quod nempe per crassitiem orbis Mercurii à perihelio ad aphelium circulatio sit harmonica, sive fluidi velocitates ut distantia à centro reciproce: comparando vero circulationem hanc cum circulatione ætheris ad alterum quemvis Planetam, illa sit ad hanc in reciproca subduplicata ratione radiorum: Nam independenter ab omni causa physica demonstravimus (Prop. xxvii. & xxviii.) Planetarum celeritates esse reciproce in subduplicata ratione distantiarum à Sole. Monstruosus certe futurus est Solis Vortex, & hi fluidi orbis deferentes deferentibus solidis absurdiores, si per crassitiem cujusvis è sex deferentibus orbibus harmonica circulatio locum habeat, & harmonia interim hæc quinquies interrumpatur; nempe ad interstitia deferentium. Et contra hanc interruptionem facit, quod Cometa per Zodiacum in consequentia delatus, & interstitia hæc orbium Planetas deferentium trajiciens ita moveatur, ac si deferretur ab æthere harmonice circulante; id est, ita ut area à radio vectore descripta sint temporibus proportionales. Advertatur porro quam difformiter difformis esset Solaris Vortex, in quo Orbis Saturni crassities, ubi circulatio ætheris harmonica obtinet, major est quam distantia Mercurii à Venere, vel Veneris à Terra, vel etiam Terræ à Marte, in quorum singulis interrumpitur harmonia; & ubi deposita ratione radiorum reciproca quam in harmonia servant, circulationes in horum binis quibusvis inter se comparatis sunt in subduplicata ratione radiorum reciproca,

proca, mox resumpturæ priorem harmoniam. Videtur ipsum celeberrimum Autorem hanc Vorticis harmonice circulantis labem detexisse, cum illud *supereffe* agnoscat, ut explicet qua sit causa comparationis motuum inter diversos Planetas systematis ejusdem, ita ut tempora periodica sint in sesquiplicata ratione mediarum distansiarum: Istud enim non esse circulationis harmonicæ effectum satis perspexit.

Mirum fortasse videbitur celeberrimum D. *Leibnitium*, qui ex causis (primo obtutu) tam diversis à prius stabilitis Planetarum motus deduxit, in eandem tamen incidisse legem Gravitatis quâ quisque in Orbita Elliptica retinetur. Istius coincidentiae hæc est ratio. Licet *Leibnitius* ad Planetam circumducendum adhibeat materiam Vorticis harmonice circulantem; quia tamen in Planeta sic circumducto, & curvam quamvis describente, agnoscit conatum excussorium, quo fieret ut Planeta in recta tangente Curvam moveretur nisi coereretur; idem facit ac si Planetam æquabiliter in Recta moveri statuisset nisi coereretur: Nam hi duo motus simul istud efficiunt; id est, idem ac si nullâ externâ Vi agitatus in spatiis liberis feratur. In utroque enim casu lineam Rectam motu æquabili describet: Nam mobile lineam rectam æquabili motu describens illam ita percurrit (per Prop. 1. Elem. 6.) ut areæ per radios ad quodvis datum punctum ductos abscissæ sint temporibus proportionales. Cum ergo circulatio harmonica & conatus excussorius simul eadem præsentent atque motus æquabilis in recta, fieri non potuit quin inveniret legem Gravitatis eandem cum prius inventa; nempe quæ Planetam ab eadem tangente recta, quam eodem modo percurreret, ad eandem Sectionem coni detrudat versus Solem eodem modo positum.

SECTIO

SECTIO XI.

DE ALIIS MUNDI SYSTEMATIBUS, ET VIRIBUS AD ILLA CONSERVANDA NECESSARIIS.

HActenus vetus Systema Mundi *Philolaicum* explicuimus, ostendendo quænam Phænomena in illo contingant, quodque hæc cum observatis congruant. Fule etiam actum est de Directione & Lege Virium,* quibus Systema Solare in isto statu continetur, quibusque modis istud fieri senserint Philosophi hujus Assertores. Reliquum est ut paucis expediamus, quem Ordinem, quemque Motum Corporibus hujus Systematis tribuerint alii Philosophi, quæ dogmata hodie Assertorum suorum *Systemata* appellantur; & simul indicemus Directionem & Legem Virium, quibus Systemata ista subsistere possint.

PROPOSITIO LXXIX.

Mundi Systema Semi-tychonicum describere.

Tab. XII. **D**Ogmatis hujus Assertores statuunt Tellurem loco imotam in centro Sphæræ, in cujus superficie A B C D Fixas collocatas volunt: Tellurem interim super axem suum ab occidente in orientem motu diurno rotari concedunt. Porro, in hoc Systemate Sol circa Tellurem movetur spatio annuo ad distantiam æqualem illi, ad quam Tellus circa Solem in Systemate *Philolaico*: & circa Solem, seu centrum, Planetæ quinque sc. Mercurius, Venus, Mars, Jupiter & Saturnus revolvuntur versus eandem plagam, & ad easdem distantias, quas in illo. Præterea, circa Terram Luna, & circa Jovem & Saturnum sui revolvuntur Satellites, iisdem periodis quibus supra est dictum ad Prop. xv.

Hic Ordo & hi Motus magnorum Mundi corporum Astronomis plerisque placent quibus displicet alterum istud Systema

Systema superius fuscè explicatum, quod ab instauratore *Copernico Copernicanum* vulgo audit, ut *Longomontano* & aliis. Nam in hoc apparens revolutio diurna Syderum omnium ab ortu in occasum, & motus Planetarum proprii sive secundi, prorsus eadem erunt atque in Systemate *Copernicano*, & Tellus interim in Sphæræ Fixarum centro consistens solâ revolutione circa proprium axem cietur. Et licet Fixas collocent in superficie sphærica, cujus centrum est Tellus, istud magis Astronomicum censendum est quam Physicum: Poterunt namque Fixæ ad diversas distantias, per omne spatium Mundanum quasi sparsæ, salvo hoc Systemate, collocari; earumque motus in consequentia explicabitur tribuendo Telluris Axi motum lentissimum, qualem Prop. LXIV. explicuimus.

PROPOSITIO LXXX.

Directionem & Legem virium, quibus Systema Semi-tychonicum conservari posset, explicare.

Patet primo iisdem opus esse Viribus, & eadem directione, ad conservandum Planetas quinque primarios Mercurium, Venerem, Martem, Jovem & Saturnum in Orbitis suis circa Solem, & Jovis Saturnique Comites in Orbitis suis circa Jovem & Saturnum, atque in Systemate *Copernicano*: Eadem namque sunt Orbitæ istorum Primariorum circa Solem & Comitum circa proprios primarios in utroque Systemate. Innotescit igitur Lex Vis centripetæ, quâ in hoc Systemate Planetæ secundarii Jovis tendunt ad Jovem, Satellites Saturni ad Saturnum, & Primarii Mercurius, Venus, Mars, Jupiter & Saturnus horumque Satellites ad Solem: Est enim Vis illa quam Prop. XLVII. demonstravimus eandem esse cum Gravitate nostra, quæ est quadrato distantie reciproce proportionalis. Patet porro, posito hoc Systemate, Lunam in Orbita sua retineri per Gravitatem versus

V

Tellurem

Tellurem eâdem Lege propagatam : Nam Prop. XLVI. ubi istud demonstratur, perinde obtinet, sive Tellus in eodem loco immota maneat, sive motu annuo circa Solem feratur. At cum differentia inter Systema *Copernicanum* & *Semi-tychonicum* sit, quod in hoc Sol (cum suis quasi comitibus Planetis quinque primariis horumque secundariis) circa Terram feratur in Orbita simili & contrario posita ei, in qua Terra cum suo comite circa Solem fertur in illo; præter Vim Gravitatis necessariam ad Systema *Copernicanum*, ut Terra cum suo comite circa Solem feratur, opus erit Vi huic æquali, at cum directione contraria, ut Sol una cum comitibus Planetis circa immotam Tellurem moveatur in Systemate *Semi-tychónico*: Namque duæ hæ Vires æquales & contrariæ in Tellurem impressæ, illam immotam tenent. (Immo si motum Terræ Comitisque Lunæ secundum tangentem Orbis magni progressivum, contrarius impetus unicus & non repetendus sistat, & postea alia ista Vis jam descripta in universum Systema Solare agat, mutabitur Systema *Copernicanum* in *Semi-tychonicum*.) Igitur ad *Semi-tychonicum* conservandum opus est & supra explicatâ Gravitate acceleratrice corporum omnium in omnia, quæ in data distantia est ut corpus versus quod fit, & dato corpore versus quod fit, reciproce ut quadratum distantia; & etiam Gravitare quâdam aliâ, æquali nempe illi quâ Tellus versus Solem tenderet, agente æqualiter in Solem, Mercurium, Venerem, Terram, Martem, Jovem & Saturnum, horumque Comites per lineas parallelas rectæ jungenti Solem & Terram, & cum directione à Sole ad Terram. Nam Vim illam, quâ Tellus circa axem suum rotatur, hisce non annuero; quippe semel tantum imprimendam Terræ sicut & reliquis corporibus Mundi magnis circa axes revolutis: neque (propter eandem rationem) Vim illam, quâ Planetæ in Orbitalium suarum tangentibus progredierentur: Nam de Viribus earumque Lege nunc agitur.

agitur quibus Systema conservari, non quibus produci possit.

PROPOSITIO LXXXI.

Mundi Systema Tychonicum describere.

HOC in nullo differt à Systemate descripto in Prop. *Tab. XII.* LXXXIX, præterquam quod Terra omni motu privata prorsus quiescat; ideoque Stellæ omnes, tam Fixæ quam Erraticæ, non tantum motibus secundis feruntur, sed etiam communi illo sive primo ab ortu in occasum spatio dici naturalis. Systema hoc magno *Tychoni* placuisse perhibetur; licet alii negent *Tychonem* motum diurnum expresse Syderibus concessisse. Fatendum est tamen illum contra Telluris Diurnum motum æque ac Annuum disputasse: Unde satis certo concluditur cum motum diurnum ipsi Cœlo Syderibusque cunctis tribuisse.

PROPOSITIO LXXXII.

Directionem & Legem Virium, quibus Systema Tychonicum conservari posset, explicare.

EÆDEM Vires, quæ requiruntur ad Systema *Semi-Tab. XII.* *Tychonicum*, requiruntur etiam ad *Tychonicum* hocce, cum iisdem motus Solis & Planetarum in utroque supponantur; sed & illæ insuper, quibus Stellæ omnes, cum Fixæ tum Erraticæ, à motibus rectilincis retrahuntur & retinentur in Orbitis suis, quas motu diurno circa Tellurem describunt. Vires autem hæ, cum eadem sit Periodus in omnibus, sunt (per Corol. I. Prop. XXVI.) ut semidiametri circulorum quos describunt. Et ideo, præter vires Prop. LXXX. explicatas, opus erit Vi versus Terram tendente, quæ in recessu à Terra augetur in ratione distantie auctæ; contra quam fit in Gravitate per Universum Systema Solare, & in Virtute omni naturali

Tab. XII. turali à centro; vel ad centrum, in lineis rectis undiqueque per regiones in circuitu propagata, quæ (per Prop. XLV. II.) in recessu à centro minuitur in duplicata ratione distantie auctæ. Atque ut facilius æstimetur Vis ista, quâ stellæ retinentur in Orbitis per motum diurnum descriptis, conferatur hæc apud Lunam cum Vi gravitatis, quâ (per Prop. XLVI.) Luna retinetur in Orbita, quam spatio menstruo circa Tellurem percurrit. Et cum circuli à Luna per motum menstruum & diurnum descripti sint æquales, Vires, quibus Luna in iis retinetur, (per Corol. 3. Prop. XXVI.) sunt reciproce ut quadrata temporum; hoc est, Vis, quâ retinetur Luna, (cum in Æquatore motu diurno circa Solem fertur,) ne per rectam tangentem Orbitam excutiat, est ad Vim, quâ retinetur in Orbita, quam mense periodico circa Terram percurrit, ut 27×27 ad 1; sive ut 729 ad 1. Verum Vis hæc versus Terram tendens obtinet in iis tantum stellis, quæ in Æquatore sunt positæ: Nam Vis, quâ Stella quævis extra hunc versus Polorum alterum declinans à motu rectilineo retrahitur & in Orbita Æquatori parallela continetur, (per Prop. XII.) tendit ad circuli istius centrum, non ad Terram extra ejus planum positam; estque (per Corol. 1. Prop. XXVI.) ut circuli istius semidiameter; hoc est, in data ab Axe distantia æqualis sive eadem, & in data à Terra distantia ut sinus complementi declinationis.

Ad Systema igitur *Tychonicum* conservandum requiritur, 1°. Gravitas ista acceleratrix corporum omnium in omnia, quæ datâ distantia est ut corpus versus quod fit, & dato corpore versus quod fit, est inverse ut quadratum distantie. 2°. Vis quædam alia acceleratrix, æqualis nempe illi, quâ per superiorem Vim Tellus versus Solem tenderet, æqualiter agens in Solem, Mercurium, Venerem, Terram, Martem, Jovem, Saturnum, horumque Comites per lineas parallelas rectæ jungenti Solem & Terram,

Terram, & cum directione à Sole ad Terram. 3°. Vis acceleratrix versus punctum proximum Axis Mundi tendens, distantia ab isto puncto proportionalis, ad ultimas usque Fixas porrecta. 4°. Vis alia similis ad punctum proximum Axis Eclipticæ tendens, & distantia ab illo proportionalis. Vis hæc ea est, quâ retinentur Fixæ in Orbitis, quas motu proprio ab occasu in ortum super Eclipticæ Polos describunt; & in locis inter centrum & Fixas intermediis omnino non agit, sed apud Fixas agere incipit; estque (per Corol. 3. Prop. xxvi.) ad Vim consumilem in Axe Mundi in duplicata ratione Diei naturalis ad Periodum Fixarum super polos Eclipticæ. Atque hæc quatuor sufficerent.

PROPOSITIO LXXXIII.

Mundi Systema Ptolemaicum describere.

IN hoc Systemate Terra in centro immota prorsus consistit. Huic proxima Luna, dein Mercurius, postea Venus, supra Venerem Sol, proxime Mars, tum Jupiter, & Saturnus Jovem ambiens; ut in schemate ab occidentem in orientem sub Zodiaco periodos suas absolvunt. Supra Saturnum Fixarum sphaera integra (in cujus centro est Terra) super Eclipticæ polos etiam ab occasu in ortum lentissime revolvitur. Sed & Fixæ & omnes dicti Planetæ super polos Æquatoris ab ortu in occasum spatium diei naturalis revolvuntur. Quos supra Fixas ponunt Orbes Assertores *Ptolemaici* Systematis, non numeramus; cum *Theoria* tantum inserviant, & Mundum aspectabilem non spectent. Et propter eandem rationem omitimus etiam cujusque Planetæ Epicyclos: In Orbitis enim hic delineatis deferuntur centra Epicyclorum, in quorum circumferentiis ipsa Planetarum corpora moventur. In hoc schemate Planetarum Orbitas non delineavimus juxta proportionem quam in Cœlis servant; tum quod hanc non

declaraverit ipse *Ptolemaeus*, præterquam in Sole & Luna; quodque licet circuli deferentes centra Epicyclorum different, ipsi Planetarum Cœli in hoc systemate sunt contigui, inferiore quandoque in Apogæo ascendente à Tellure ad distantiam æqualem illi, ad quam proxime superior descendit in Perigæo: tum quod Mercurii & Veneris (ut de Luna taceam) Orbitæ ex *Ptolemai* Theoriis petiti evanescant fere respectu Orbitæ Saturni, & ideo in eodem schemate vix sint describendæ: Nam in hoc Saturni distantia à Terra centies sexagies major est distantia Mercurii à Terra; at in *Copernicano* Systemate Mercurii distantia à Sole vigesies & quater tantum superatur à distantia Saturni ab eodem.

Licet Ordo Planetarum supra descriptus Philosophorum & Astronomorum vulgo placuerit, non desuere tamen qui Lunæ Solem immediate superponerent, Soli Mercurium & Mercurio Venerem; quæ opinio *Platoni* vulgo tribuitur: *Porphyrius* vero Soli Venerem, immediate superposuit & Veneri Mercurium, tribus reliquis (Marte, Jove & Saturno) ut prius manentibus: hæc forte ratione ducti, quod Luminaria bina Terris proxima esse conveniens judicarent; cum illi ad motus magis attendentes medium inter Planetas locum tribuerint Soli, à cujus motu reliquorum Planetarum motus in suis Epicyclis dependere compertum habebant.

PROPOSITIO LXXXIV.

Directionem & Legem Virium, quibus Systema Ptolemaicum conservari posset, explicare.

Tab. XII.

PRimo, ad continenda Sydera in Orbitis, quas motu diurno circa Tellurem describunt, similibus opus est Viribus atque in Systemate *Tychonico* ad eundem effectum producendum; nempe quæ à quovis Mundi puncto tendant ad proximum punctum Axis, sintque in ratione distantiarum

distantiarum ab illo. Secundo, ad Fixas continendas in Orbitis, quas motu proprio ab occasu in ortum describunt, similibus opus est Viribus atque in supra descripto *Tychonico*; sc. quæ tendant ad punctum proximum Axis Eclipticæ, sintque in eadem ratione cum distantis ab illo. Deinde ad Luminaria (Solem & Lunam) continenda in Orbitis, quas per motus suos secundos describunt; cum Orbitæ istæ similes sint earum Orbitis in Systemate *Tychonico*, similibus etiam opus erit in hoc Systemate Viribus ad illa in dictis Orbitis retinenda atque in illo; nempe (per Prop. LXXV.) gravitate acceleratrice trium Corporum Solis, Terræ & Lunæ versus se invicem, (quæ alia nulla corpora Mundana afficiat, licet sint intermedia,) quæ in data distantia sit ut corpus versus quod sit, & versus datum corpus sit reciproce ut quadratum distantiae ab illo; prætereaque gravitate quadam aliâ æquali illi, quâ Tellus versus Solem tenderet, agente æqualiter in Solem, Terram & Lunam per lineas parallelas rectæ jungenti Solem & Terram, & cum directione à Sole ad Terram, sed quæ alium nullum Planetam afficiat. Nam Vis illa, quâ retinetur Sol in Orbita annua, non est eadem cum illa, quâ retinetur Luna in Orbita menstrua, ad Solem usque propagata: Etenim Vis, quâ Luna retinetur, eadem est (per Prop. XLVI.) cum Gravitate apud nos. Quod si Sol retineretur per eam ipsam eousque propagatam, Cubi distantiarum Solis & Lunæ (per Prop. XXVII.) eandem haberent rationem quam Quadrata Temporum periodicorum eorundem; adeoque, positâ Lunæ distantia à Terra 60 semidiametrorum Terræ, Sol non ultra 340 Terræ semidiametros distaret; & ejus Parallaxis horizontalis ultra 9. scrupula prima ascenderet, reclamante observatione; & præterea non daretur locus pro Epicyclis Mercurii & Veneris inter Coelos Lunæ & Solis, ubi secundum hoc Systema collocantur.

Philosophi quidam hujus Sectæ nolunt Solis & Lunæ
motus

motus sub Zodiaco à motibus diurnis super polos Æquatoris nisi mente distinguere, ita ut cujusque motus sit reip̄a in eadem simplici Linea Spirali, orta ex compositione prædictorum motuum, in quos motus isti Cœlestes ab Astronomis (propter majorem facilitatem) dividi intelliguntur; & motus simplicissimus in recta poterit ex duobus vel pluribus motibus componi. Quoniam vero Spiralis ista non est Linea in plano descripta, nequit (per Prop. XI.) corpus in illa retineri per Vim unicam ad immotum punctum tendentem. Vel igitur Viribus diversis supra descriptis opus erit, vel illis æquipollente Vi unicâ tendente ad punctum interea prorsum & retrorsum motum, & quidem in Linea satis composita.

Porro, ad continendos Planetas reliquos (Mercurium, Venerem, Martem, Jovem & Saturnum) in Orbitis, quas motu proprio describunt, Vires ad Tellurem tendentes non sufficiunt, (ut Prop. XIII. est demonstratum;) neque Vires ad Solem tendentes, cum Veneris & Mercurii Orbitæ Solem in hoc Systemate non cingant, & proinde non sint in omnibus partibus versus illum cavæ: unde ex Prop. XI. constat propositum. Nullumque est in Systemate punctum, (nedum Corpus notabile,) quod possit esse centrum, ad quod tendant Vires quibus Planetæ retinentur, ne secundum tangentes rectas exeant; reclamante nimirum supradictarum rationum alterâ.

Quod si Systema hoc *Ptolemaicum* ad literam intelligatur; hoc est, si motus à *Ptolemao* descripti non habeantur pro motibus per mentem tantum separatis, sed talibus qui revera Planetis insunt; tum opus erit Vi in centro Epicycli uniuscujusque è Planetis (Saturno, Jove, Marte, Venere & Mercurio) tendente ad centrum deferentis; nempe in imaginario puncto (sive ubi corpus nullum consistit) ad imaginarium punctum; & præterea opus erit Vi in ipso Planeta quæ tendat ad centrum Epicycli; nempe Vi in Corpore, quæ tendat ad imaginarium punctum.

um. Sed & Vires hæ, quibus quisque Planeta ejusque Epicycli centrum urgentur, non propagantur ultra suum punctum suumque Planetam, nec alios afficiunt; & peculiari opus est Vi ad continendum unumquodque Epicycli centrum & unumquemque Planetam in propria Orbita, ita ut nulla sit Lex quæ omnes respiciat: Gravitas autem ordinaria Satellitum Jovis & Saturni versus cenira Jovis & Saturni respectiva illibata interim manet.

Postquam Veneris & Mercurii Phases per Telescopium conspectæ sunt, Systema Mundi *Ptolemæicum* à Philosophis rejectum est: inde enim clare evincitur Mercurium & Venerem Orbitis suis Solem cingere; ut in Scholio Prop. vi. est ostensum. Qui igitur pro Terræ immobilitate steterunt, Mercurium & Venerem in Epicyclis circa Solem ceu centrum moveri statuerunt, Mundi Systema *Philolaicum* in tantum amplexi, & *Ægyptiorum* Vetus postliminio reducentes; quod etiam *Vitruvio* probatur in suo de *Architectura Libro*, & Venerabili *Bede* in suo de *Natura Rerum*. *Ricciolus* in *Almagesto* Solis satellitio Martem adjungit, ita ut Solis sint Satellites, qui satellitio proprio non gaudent; circa Tellurem vero ceu centrum immediatum, præter Luminaria, soli rotentur Saturnus & Jupiter, qui Comites habent; atque Systema hoc fere *Tychonicum* suum dicit.

Non erit necessarium Vires earumque directionem explicare, quibus Systema *Ægyptiacum* & alterum illud paulo diversum *Ricciolicum* conservari possent: Istud enim ex supra dictis facile apparet. Prout enim illa ex supra descriptis Systematibus componuntur, ita Vires ad illa conservanda necessariae partes sunt supra explicatarum Virium respectivarum.

SCHOLIUM.

Sectio hæc in eum finem subjungitur, ut non tantum Astronomi, (qui motuum Coelestium multiplicitatem mi-


X

nime

nime reformidant, & pro postulato habent Stellam quamvis motu quovis movere,) diversa Systemata pensitantes, quod Phænomenis optime congruat amplectantur ; sed ut Physici etiam Systema eligant, quod rationibus Physicis optime respondeat ; nempe vel vetus *Philolaicum* sive *Copernicanum*, quod Phænomenis congruit & conservari potest per solam Gravitationem eodem tenore per Universum propagatam ; Vim nempe acceleratricem corporum omnium in omnia, quæ est in data distantia ut corpus versus quod sit, & dato corpore versus quod sit, reciproce ut quadratum distantia: vel *Semi-tychonicum* Prop. LXXIX. descriptum, quod eadem prorsus præstat (phænomena quod spectat) cum *Copernicano*, sed quod præter eandem istam Gravitationem, quæ requiritur ad Systema Copernicanum, (per Prop. LXXX.) opus habet Vi quâdam aliâ, cujus magnitudo & directio perpetuo mutantur ; est quippe Vis ista æqualis illi, quæ Tellus versus Solem tenderet, agitque æqualiter in corpora omnia Systematis Solaris secundum rectas parallelas rectæ jungenti Solem & Terram, & cum directione à Sole ad Terram : vel (si Telluri quietem omnimodam asserere certo sit constitutum) ipsum *Tychonicum* Prop. LXXXI. descriptum, paria faciens quoad Phænomena, in quo (per Prop. LXXXII.) præter duas prædictas Vi-res opus est aliis duabus ; nempe Vi æquali in singulis punctis axis Mundi, quæ augetur pro ratione distantia: auctæ, estque apud Lunam ad Vim gravitatis in duplicata ratione mensis periodici ad diem naturalem ; & Vi aliâ simili & similiter propagatâ in singulis punctis axis Eclipticæ, quæ in solas Fixas agit, quæque apud Fixas sit ad priorem Vim in axe Mundi in duplicata ratione dici naturalis ad annum magnum, sive Periodum Fixarum super polos Eclipticæ : vel ipsum *Ptolemaicum* Prop. LXXXIII. descriptum ; atqui hoc Phænomenis non congruit, ut Prop. LXXXIV. ostensum. Verum si, sepositis

tis Phænomenis Phasium Veneris & Mercurii, ad ea sola Phænomena motus attendatur, quæ *Ptolemaeo* innotuere, & illius Systema pro vero habeatur; (per Prop. LXXXIV.) præter duo genera Virium attractricium, per axem Mundi axemque Eclipticæ æqualiter dispersarum, opus erit Gravitate acceleratrice Solis, Terræ & Lunæ versus se invicem, Planetas reliquos haud afficiente, quæ in data distantia est ut Corpus versus quod sit, & versus datum corpus reciproce ut quadratum distantiae ab illo; & præterea Gravitate quâdam aliâ (æquali illi, quâ Tellus versus Solem tenderet) agente æqualiter in Solem, Terram & Lunam per lineas parallelas rectæ jungenti Solem & Terram, & cum directione à Sole ad Terram. Opus præterea est Vi particulari in centro Epicycli cujusque è Planetis Saturno, Jove, Marte, Venere & Mercurio, quæ tendat ad centrum Deficientis sui; & Vi particulari in ipso Planeta tendente ad centrum proprii Epicycli, salvâ interim gravitate ordinariâ Satellitum Jovis & Saturni. Si vero vel *Aegyptiacum* (vel *Ricciolicum*) arri-deat, (quod quidem Phænomenis respondere poterit,) opus erit (præter Vires in axibus Mundi & Eclipticæ residentes) Gravitate mutuâ Solis, Mercurii, Veneris, Terræ cum Luna, (& Martis,) ut in *Copernicano* & *Tychonico*, sed quæ ad Jovem & Saturnum non pertingat; & præterea Vi æquali illi, quâ Tellus versus Solem tenderet, agente æqualiter in Solem, Mercurium, Venerem, Terram cum Luna (& Martem) per lineas parallelas rectæ jungenti Solem & Terram, & cum directione à Sole ad Terram; prætereaque Vi particulari in centro Epicycli utriusque Planetæ Jovis & Saturni, quæ tendat ad centrum sui Deficientis, & Vi particulari in ipso Jove & Saturno tendente ad centrum proprii Epicycli.

Finis Libri Primi.



ASTRO.

ASTRONOMIÆ

PHYSICÆ ET GEOMETRICÆ

E L E M E N T A.

L I B E R S E C U N D U S

D E P R I M O M O T U.



IN Libro præcedente jacta sunt fundamenta Astronomiæ Veræ & Physicæ ; id est, Stellarum motus, prout in ipsâ rerum natura revera sunt, generatim sunt explicati: Verum & apparentiarum habenda est ratio ; hoc est, Astronomiæ ad illas aptatæ Elementa condenda sunt. Sicut enim cuivis Philosopho phænomenon Cœlestium rationes expendenti extra dubium est positum Terram inter Planetas referri, ita cuivis visu prædito constat Tellurem in Mundi medio immotam apparere, Cœlumque & omnia inibi contenta circa hanc ad sehsûm moveri. Hujus phænomeni non tantum ratio est reddenda, (quod in Libro præcedente hætenus est factum,) sed etiam modi explicandi, quos ad Stellarum loca è Tellure visâ definienda adhibuerunt Astronomi, qui vel rem ita se habere cum vulgo statuunt, vel qui Systema hoc apparentiarum retinendum censent, utut rem prorsus aliter se habere certo sciant ; & ex hoc Systemate cum vulgo plerumque loquendum, & visui aliisque sensibus semper & ubique

à ratione & veriore Physica vim non esse inferendam. Huic igitur fini destinatus est Liber hic Secundus ; Voci-
bus nempe in Astronomia usitatis explicandis ; & Sphæra-
rum, Globorum & reliquarum Machinarum, quibus Mo-
tum præcipue Diurnum imitantur artifices & ob oculos
ponunt ; descriptioni & usui tradendis, & generatim illis
omnibus è Physico Systemate eruendis, & secundum ap-
parens Systema tractandis & Calculo subducendis, quæ
Doctrina Sphærica nomine ab Astronomis indigitantur ;
Et quamvis Doctrina hæc Sphærica à scriptoribus omni-
bus prius tradatur ; ordinem tamen invertere non sumus
veriti, tam quod hæc methodo melius caveretur, ne, qui
Astronomiam juniores discunt, Systemati Terræ immotæ
primo assuefacti illud pro vero & indubio habeant, cui
etiam à Sensibus promiores sunt ; quam quod Sphærica
hæc ex *Kepleri* sententia multis rebus ex *Theorica* (quæ
est Doctrina de motu Planetarum proprio, Lib. præc.
adumbrata) per anticipationem petitis indiget, illa vero per
seipsam tradi & comprehendere potest, nullo indigens admini-
culo motus diurni seu primi. aut hunc tractantis Doctrinæ
Sphæricæ.



SECTIO

SECTION I.

DE GENESI CIRCULORUM SPHÆRÆ, ET VOCIBUS IN ASTRONOMIA USITATIS INDEPENDENTIBUS.

PROPOSITIO I.

Ecliptica & Zodiaci genesin & naturam, eorumque divisiones, item Secundariorum Ecliptica, horumque officia exponere, & Voces in Astronomia usitatas hinc pendentes explicare.

Observator in Tellure constitutus, visu suo (quatenus non impeditur) undique aqualiter prolato, Mundum per superficiem sphericam sibi (hoc est, Telluri) concentricam definit, & remota omnia, quorum distantia est incognita, utut revera inæqualiter admodum diffusa, quasi in eadem dicta concava superficie collocari judicat, velut Fixas, Solem, ipsamque Lunam; ut Prop. xxxii. Lib. I. ostensum est. Sphæra hæc Telluri concentrica illique circumdata, visu definita, & Fixis micantibus interstincta, spatii absoluti vices gerens, immota prorsus spectatur dum abstrahimus à motu diurno, quo universa hæc sphæra vel potius totum Cælum ab oriente in occidentem spatio 24. horarum revolvitur. Cum autem, per motum Telluris annum circa Solem, Sol è Tellure spectatus videatur ad stellas magis orientales quotidie progredi, (ut Prop. ii. Lib. I. ostensum,) Sol in sphæra immobili sive spatio Mundano moveri videbitur; cujus semita inter Fixas notata *Ecliptica* dicitur, quod Luminarium Eclipses non nisi in illa contingant; ut supra est ostensum.

Stabilità semel Eclipticâ hæc, manifestum est quod sicut Planetarum orbitæ circa Solem non sunt in uno plano omnes, sed illorum quivis è Sole spectatus nunc in

in hanc nunc in illam Viæ Telluris inter Fixas notatæ partem excurrit; sic Planetæ iisdem è Tellure spectati nunc in hanc nunc in illam Eclipticæ partem excurrunt, & varie etiam in iisdem Orbitalium suarum punctis excurrere videntur, pro vario Telluris situ, (ut Prop. v. & VIII. Lib. I. ostensum;) sed maximus illorum excurfus intra decem gradus continetur: Astronomi igitur tractum istum Cœli stellati, quem Sol, Luna & Planetæ motibus suis insignire videntur, quique Zona est 20 gradus lata, (decem nempe ad utrumque Eclipticæ latus,) uno nomine *Zodiacum* dixere ab imaginibus animalium, quas Fixæ in isto tractu referre visæ sunt. Harum duodecim constituerunt, vel quod hic numerus aptissimus sit, quippe in partes, duas, tres, quatuor, sex & duodecim abique residuo divisibilis; vel quod, dum Sol Zodiacum spatio annuo peragrarè videtur, duodecim proxime contingant Lunationes, sive Luna phases omnes duodecies subeat. Zodiaci partes hæc *Signa* dicuntur, harumque notæ sunt, Aries ♈, Taurus ♉, Gemini ♊, Cancer ♋, Leo ♌, Virgo ♍, Libra ♎, Scorpio ♏, Sagittarius ♐, Capricornus ♑, Aquarius ♒, Pisces ♓. Horum Signorum quodvis rursus in partes 30 æquales dividitur, ut integer circulus (reliquorum omnium instar) in 360 dispescatur. Quamvis Zodiaci aut alterius circuli nullum sit propriè initium, nullus finis; Astronomi initium numerandi faciunt à primo puncto Arietis, in quo Sol è Tellure videtur cum dies noctibus æquantur, & ver incipit borealis hemisphærii Telluris incolis, quod etiam est punctum communis intersectionis Eclipticæ & Æquatoris; ut Prop. XXXIII. Lib. I. ostensum. Numeratio autem fit ab ♈ ad ♈, ♐, & ita denuo, donec ad initium ♈ reversum fuerit, in eandem plagam, in quam Sol circa Terram moveri videtur. Atque progressus in hanc plagam dicitur fieri in *Consequentia Signorum*, sive secundum eorum Seriem; in eandem nempe, in quam Sol, Luna & ple-
rumque

rumque cæteri Planetæ moveri videntur : Sed phænomenon, quod inverso ordine sive ab γ ad φ vel ab φ ad χ fertur, dicitur contra seriem signorum sive in *Antecedentia* moveri.

Exinde vero quod Axis Telluris post plures revolutiones circa Solem à situ parallelo illi, quem prius habuerat, aberrat describens superficiem conicam, imagines stellarum migrarunt ex Zodiaci Signis, quibus olim nomina ob viciniam dederunt. Atque hoc fit non ex Stellarum aut Zodiaci motu, sed quod una cum Telluris Axe Æquator Terrestris moveatur, ita ut Æquatoris Cœlestis intersectiones cum Ecliptica, sive puncta Æquinoctialia (& proinde etiam omnia Zodiaci puncta, quatenus numeris exprimuntur) migrent in antecedentia ; & Imagines sive ipsæ Fixæ respectu horum in consequentia transferri videantur ; ut Prop. LXIV. Lib. I. ostensum est.

Si per Eclipticæ polos ducti intelligantur circuli innumeri, Eclipticæ ad angulos rectos occurrentes, & hujus *Secundarii* dicti ; horum ope quodvis in Cœlo punctum ad Eclipticam refertur : nempe phænomenon quodvis in eo Zodiaci vel Eclipticæ puncto esse intelligitur, in quo hujusmodi semicirculus per phænomenon transiens Eclipticæ occurrit. Et phænomena, quæ hoc modo ad idem Zodiaci punctum referuntur, conjuncta dicuntur sive in *Conjunctione* ; quæ vero ad opposita referuntur, in *Oppositione*. Si Zodiaci quadrans interjaceat puncta, ad quæ phænomena referuntur, dicuntur esse in aspectu *Quadrato* ; si vero Zodiaci triens, in aspectu *Trino* ; denique si interjaceat Zodiaci sextans, aspectum dicuntur habere *Sextilem*.

Porro, arcus Eclipticæ inter initium Arietis & dictum intersectionis punctum interceptus, & in consequentia numeratus, dicitur phænomeni vel puncti istius *Longitudo*, sicut & Secundarii arcus inter Eclipticam & dictum phænomenon aut Cœli punctum interceptus ejusdem *Latitudo* appellatur ; unde & Secundariis hisce nomen *Circulo-*

rum Latitudinis inditum. Latitudo est vel Borealis vel Australis : Cœlum enim ab Ecliptica (circulo Cœlesti, quoniam is in Cœlis primitus consideratur) in Hemisphærium Boreale & Australe ab Astronomis dividitur.

PROPOSITIO II.

Æquinoctialis Cœlestis ejusque Secundariorum & Parallelorum genesin, naturam & officia exponere, & Voces in Astronomia usitatas hinc pendentes explicare.

SI Æquatoris Terrestris sive circuli mediî inter polos, super quibus Tellus motu diurno circumvolvitur, planum undiquaque productum intelligatur; interfecabit illud sphericam Cœli superficiem Telluri concentricam in circulo correspondenti in Cœlo, & Axis Terræ productus signabit Polos in eadem sphæra. Et quamvis Tellus cum suo Axe & Æquatore motu annuo circa Solem deferatur, tantillus est tamen circulus à Terra peragratus respectu sphære Fixarum, ut Axis & Æquator Terrestris (sibi ipsis ubique paralleli) producti in easdem ad sensum Fixas incident, adeoque Fixæ reliquæ omnes, quæ eundem inter se situm retinent, eundem etiam respectu Æquatoris & Polorum Cœlestium situm retineant, nisi quatenus Axis & Æquator in Terra sibi ipsis paralleli non manent; de quo Prop. sequenti. Et quoniam Tellus super Axe proprio spatio dici naturalis revolvitur ab occidente in orientem, corpora quævis à Terra separata circulum in cava sphæra Cœlesti Æquatori parallelum eodem tempore ab ortu in occasum describere videbuntur, oculo in Tellure posito, qui se suumque domicilium immotum judicat; ut Prop. xxxii. Lib. I. fusc est explicatum.

Verum quia Tellus circa Solem motu annuo deferitur, Æquator Terrestris sibi semper parallelus non nisi bis in anno Soli ita se applicat, ut Sol in ejus plano producto
repe-

reperiatur, & proinde Solis lumen ad utrumque Telluris polum pertingat, & quodlibet Telluris punctum motu diurno revolutum tam diu in luce versetur quam in tenebris (ut Prop. xxxiii. Lib. I. ostensum est;) hoc est, non nisi bis in anno Sol motu diurno Æquinoctialem circulum Cœlestem describere videatur, quo casu omnibus Telluris incolis dies noctibus æquantur: Namque Æquinoctialis Eclipticam intersecat in puncto in quo Sol inter Fixas apparet, cum ejus lumen ad utrumque Telluris polum pertingit, & Æquinoctium per totum Terrarum orbem efficit. In omni enim alio casu Sol motu diurno (reliquorum Cœlestium instar) circulos describere videtur Æquinoctiali parallelus, inter quos eminent illi, quos Sol in cœlo describere videtur, cum Poli Terræ maxime annuntiant ad Solem; hoc est, cum Sol è Tellure in initio Signorum Cancris & Capricorni inter Fixas spectatur; quique proinde *Tropici Cancris & Capricorni* vocantur, quia Sol inde versus Æquatorem statim revertitur. Sunt & alii duo circuli circulo Æquinoctiali paralleli (quos nimirum Eclipticæ Poli motu diurno percurrere videntur; tantumque proinde ab Æquinoctialis Polis distant quantum Tropici ab Æquinoctiali) *Polares* dicti, vel quod ab Eclipticæ Polis per motum primum sive diurnum describantur, vel quod vicini sint Polis Æquinoctialis, qui & *Poli Mundi* dicuntur, quia omnis præter Terram Mundus super illos revolvi videtur spatio 24 horarum. Æquinoctialis circulus, ut vulgo, in 360 gradus dividitur, & gradus hi numerantur versus easdem partes cum Eclipticæ aut Zodiaci gradibus; nempe ab occasu in ortum, secundum seriem Signorum, & ab eodem etiam initio; nempe primo puncto Arietis. Sicut per Eclipticæ Secundarios quodlibet in Cœlo punctum ad Zodiacum refertur, ita per Æquatoris Secundarios ad Æquinoctialem. Et Secundarii arcus inter punctum & Æquatorem comprehensus dicitur istius puncti *Declinatio*;

Australis vel *Borealis*, prout versus hunc vel illum Polum sit. Punctum enim tantum declinare dicitur, quantum à primario hoc circulo (quippe motus diurni in oculis maxime incurrentis medio & præcipuo) distat : Distantia hæc sive Declinatio penes *Æquatoris Secundarios* est, qui proinde *Declinationum Circuli* appellantur. Horum præcipui sunt *Coluri* duo, quorum alter per *Eclipticæ* & *Æquatoris* intersectiones sive puncta *Æquinoctiorum* transiens vocatur *Colurus Æquinoctiorum*; alter priori ad angulos rectos *Colurus Solstitiorum* dicitur, quoniam *Eclipticæ* occurrit in punctis ab *Æquatore* remotissimis, ubi *Solstitia* celebrantur.

PROPOSITIO III.

Æquatoris Terrestris ejusque Secundariorum & Parallelorum naturam & officia exponere, & Voces in Astronomia & Geographia usitatas hinc pendentes explicare.

Æquator proprie est circulus Terrestris, quippe in Terra primitus existens, & non nisi ratione primi motus (qui in Cælo est tantum apparens) in Cælum invehctus. Hujus vero Paralleli quatuor præcipui, duo Tropici & totidem Polares, possunt in Terra intelligi vel quasi ejusdem nominis circulis Cœlestibus (quorum generis Prop. præc. exposuimus) directe subiecti, vel (quod magis naturaliter fit) in ipsa Tellure primitus geniti. Et Tropici hoc pacto erunt circuli in Terra Viæ Solis diurnæ apparenti directe subiecti, quando Telluris Polus proximus ad Solem maxime annuit : Polares autem qui Terræ tractus definiunt quibus tunc perpetua est Dies aut Nox; ut Prop. xxxiii. Lib. I. explicatum est.

Quatuor hi circuli *Æquatori* paralleli Telluris globum in quinque *Zonas* dividunt; quarum *Torrida* est, quæ utroque Tropico continetur, viæ quippe Solis subiecta, & ejus radios directos & proinde fortes excipiens. Hujus

Jus incolæ dicuntur *Amphiscii*, quoniam hominis erecti umbra movetur tam versus dextram quam versus sinistram respicientis ipsam, & quod umbra meridiana versus utrumque Polum diversis anni temporibus projiciatur. Qui Polaribus includuntur Terrarum tractus, binas *Zonas* constituent; *Frigidas* quidem, quod obliquos & proinde debiles radios Solis patiantur, qui glaci vim hyeme & nocte longâ gelu constrictam, æstate & die licet productioni, relolvere nequeunt. Harum incolæ, umbræ respectu, *Periscii* sunt, quod umbra (Sole non occidente) circum illos gyretur. Inter mediam Torridam & extremas Frigidas intermediæ jacent duæ *Zona Temperata*, quippe utriusque extremæ adjacentis affectionum participes: quarum *Borealis* Tropico Cancrî & Polari Arctico; *Australis* vero Tropico Capricorni & Polari Antarktico clauditur. Et quamvis Veteres has solas Temperatas & habitabiles dixerint, experienciâ constat Frigidâs ipsas, & præcipue Torridam, animalibus & vegetabilibus alendis aptissimas esse; aliis causis, partim Physicis partim Astronomicis, radiorum incidentiam nimis directam aut obliquam compensantibus. Temperatarum Zonarum incolæ *Heteroscii* appellantur; nempe quibus umbra meridiana versus alterum tantum polum sc. proximum dirigitur, & quibus umbra versus unam tantum plagam circumducitur, uti nobis in Zona Temperata Boreali degentibus, & umbram propriam respicientibus versus dextram.

Rursus, ad Æquatorem Terrestrem degentibus Dies Noctibus perpetuo æquantur, quoniam tam Æquator quam Circulus partem Terræ à Sole illuminatam ab obscura distinguens sunt sphaeræ maximi, & igitur (per Prop. x. Lib. I. Theod.) se mutuo bifariam secant, unde quodvis in Æquatore punctum æquabiliter motu diurno circumvectum tamdiu in luce versatur quam in tenebris. Verum incolæ extra Æquatorem versus alterutrum polam degenti Dies longiores sunt Noctibus, quando polus Terræ proxi-

mus annuit ad Solem, & longissimæ cum dictus Terræ polus maxime annuit ad Solem: Et quo magis distat incolæ ab Æquatore, eo longiores sunt illi Dies longissimæ, donec tandem ad Polarem æstate nulla sit Nox; ut Prop. xxxiii. Lib. I. fuscè ostensum est. Hinc ergo factum est, ut *Ptolemaus* aliique Geographi Terram dividerint per circulos *Parallellos* Æquatori, à se mutuo, & ab eorum initio (ipso nempe Æquatore) ita distantes, ut longissima Dies augeatur horæ quadrante de *Parallelo* in *Parallelum*. Divisionem in minores partes neglexerunt, quippe insensibiles; & spatium hoc (licet proprie zonulam) pro indivisibili secundum latitudinem habuerunt, & ideo *Parallelum* dixerunt, subintelligentes circulum. Posito ergo ipso Æquatore primo Parallelo, secundus per ea Terræ loca transit, ubi dies longissima est horarum $12\frac{1}{4}$; tertius per ea, ubi Dies est $12\frac{1}{2}$ horarum; atque ita denuo, & similiter in altero hemisphærio. Duo autem hujusmodi spatia *Clima* constituunt, quæ proinde semi-horæ augmento distinguuntur. *Clima* quodvis ab insigni aliquo loco prope medium sito denominarunt: Horum ergo numerantur 24 inter Æquatorē & Polarem alterutrum, quum dies maxima augeatur 12 horis. Verum Vetustiores hanc numerationem non ab ipso Æquatore incepterunt, sed primum *Clima* per *Meroen* Insulam traduxerunt, ubi hætenus dies longissima per integram horam aucta deprehenditur supra 12 horas, vel quod regionem hanc prope Æquatorem pro mundo recto relinquerent, respectu cujus regiones æ latera κατὰ τὰς διακρίσεις dicuntur; vel quod interiora forsan pro inhabitatis haberent: quamvis *Ptolemaus* dicat multos etiam tum fuisse; qui contenderent sub ipso Æquinoctiali esse habitationes, quasi in regione temperata, sed suæ ætatis homines ad illum usque diem illò non penetrâsse. Ex altera parte computum Parallelorum exactum ad Polarem usque non produxit *Ptolemaus*, cum ibi & crebriores sint, & in Borealioribus

realioribus omnia exacte nimis scrutari operæ pretium non duxerit. At ultra Æquatorem versus Polum Antarcticum nomen imposuit Clima cuius, quo indicatur Clima istud ignotum tantum distare ab Æquatore versus Austrum, quantum notum quoddam ab eodem distat versus Boream; ut Clima *Αντι-Ἀν-Μέσης*, *Αντι-Ἀν Σύνης*, &c.

Sicut Stellarum aut punctorum in Cœlo loca secundum longitudinem & latitudinem computantur per Eclipticam (circulum propriæ Cœlestem) ejusque Secundarios; ita locorum in Terra Longitudines & Latitudines computantur in Æquatore (circulo propriæ Terrestris) ejusque Secundariis, per polos Terræ transcuntibus. Hujusmodi autem Secundarius per locum aliquem in Terra tractus istius loci *Meridianus* dicitur, quoniam cum per revolutionem diurnam Tellus ad eum pervenerit situm, ut Sol in istius circuli plano producto fuerit, fit Meridies; ut infra fusiis explicabitur. Loci cujusvis *Latitudo* est arcus Secundarii Æquatoris sive Meridiani inter Æquatorem & Locum interceptus: Estque vel *Borealis* vel *Australis*, prout locus ab Æquatore versus hunc vel illum Polum distat. Loci vero Longitudo computatur in ipso Æquatore ab occasu ortum versus, quia Terræ aridæ terminus versus occasum notior est quam quo ad ortum finitur. Verum cum in Æquatore nullum sit initium, neque etiam hic, ut in Cœlis, aliquod punctum cardinale per ejus intersectionem cum Ecliptica signatum; Geographorum arbitrio stabiliendus erat Primus Meridianus, à cujus nempe intersectione cum Æquatore numerationis initium sumeretur. Illi vero Terram aridam & habitabilem nullam agnoscebant præter continentem, quam ipsi incolebant cum adjacentibus insulis: Meridianum igitur Primum per locorum notorum maxime occidentalem (ut Azores, vel Fortunatas) tractum fingeant, atque exinde Terrarum loca omnia, quæ in longum patent, ortum versus secundum Longitudinem disponebant; Locique *Longitudi-*

nem

nem dicebant arcum Aëquatoris interceptum inter *Primum Meridianum* & *Meridianum* Loci. Ex quo vero Telluris globus circumcirca habitatus reipsa deprehenditur, & locorum occidentalissimus nullus detur, paulatim prædictus Longitudinem locorum numerandi modus negligitur, in Veterum monumentis intelligendis præcipue utilis; (licet etiamnum adhiberi possit;) & quisque Meridianum Urbis propriæ pro præcipuo habet, & quomodo aliorum locorum Meridiani ad ortum vel occasum positi ad hunc referuntur notat, sive quot horæ effluant, ex quo Meridianus orientior Solem reliquit, donec occidentior eundem assequatur; vel ex quo Sol orientiorem Meridianum relinquere visus ad occidentaliorem pertingit.

Rursus, ratione Meridianorum & Parallelorum comparati incolæ Telluris, alii Geographis dicuntur *Periaci*, qui in eodem Parallelo Terrestris & oppositis Meridianis degunt. (Oppositi Meridiani dicuntur ejusdem circuli oppositæ semisses à Polis computatæ, quoniam quæ in hujusmodi oppositis semicirculis sunt loca, ad opposita Aëquatoris Terrestris puncta referuntur.) Unde *Periaci* Tempestates Anni easdem experiuntur, propter polum Terræ utrique proximum annuentem ad Solem, vel ab eodem abnuentem; vel, secundum apparentiam immotæ Terræ loquendo, quoniam Sol ad utriusque loci parallelum (quippe eundem) pariter accedit, & ab eodem recedit: At meridiei & mediæ noctis vices subeunt alternas, prout horum vel istorum Meridianus per Telluris revolutionem diurnam Soli subjicitur, vel (quod tantundem valet) prout Sol ad horum vel istorum Meridianum revolutione diurnâ apparente gyratus accedit; nisi fuerint in Zona Frigida, ubi die simul fruuntur. Alii rursus dicuntur *Antiaci*, in eodem Meridiano at oppositis Parallelis habitantes, ita ut meridies vel media nox utrique simul contingat; quippe qui eandem habeant longitudinem. At horum æstas evadit istorum hyems, prout Tel-

lus

lus motu annuo nunc ipsius polum borealem nunc australem Soli magis obvertit; vel prout Sol ad hunc vel istum Polum ab Æquatore declinat. Alii denique vocantur *Antipodes*, quod in oppositis Meridianis æque ac Parallelis versantes adversis e diametro pedibus incedant. Hisce omnia contraria eveniunt: His nimirum æstas & longæ dies vel noctes nullæ eodem tempore quo illis hyems & breves dies vel noctes perpetuæ; nox vero ibi quando hic dies, & dies quando hic nox. Patet Æquatoris incolam sibi esse Antœcum; eundem vero esse huic & Periocum & Antipodem: Poli autem utriusque incolam sibi esse Periocum, & ejus Antœcum eundem esse qui Antipodem.

PROPOSITIO IV.

Horizontis ejusque Secundariorum & Parallelorum genesin & naturam exponere. Vocesque in Astronomia usitatas hinc pendentes explicare.

PRæter jam dictos Eclipticæ & Æquatoris circulos; respectu quorum loca stellarum è Tellure visa determinant Astronomi, est & alius *Horizon* dictus, qui est magnus ille circulus, quem quisque in planitie constitutus visu circumactō definit, quo Cœli pars conspicua dividitur ab inconspicua. Circulus hic est omnium in sphaera ad apparentiam præcipuus; quippe à quolibet Observatore vel maxime rudi statim determinatus. Ejus generis ex vero Systemate tradita est superius Prop. xxxi I. Lib. I. Verum quoniam superficies sphaerica, ad quam phaenomena Cœlestia referimus, Telluri non oculo concentrica intelligitur; planum per oculum Tellurem contingens hanc in æqualia segmenta non dividit, quare Horizon ibi descriptus, per sectionem dicti plani & Sphaeræ genitus, *Sensibilis* proprie dicitur; quippe Sensu definitus: Et *Rationalis* istius Spectatoris Horizon ille est,

Z

qui

qui fit per sectionem dictæ superfici sphaericæ cum plano Horizonti sensibili parallelo, per ipsum Telluris centrum transeunte. Hæc autem plana parallela producta eundem in superficie sphaeræ valde magnæ, in qua Fixæ spectantur, circulum signant, cum ipsa Tellus ad Fixarum sphaeram comparata puncti rationem habeat. Ex quibus patet Horizontem inter Fixas consideratum esse circulum in sphaera maximum, à puncto Vertici hominis (cujus est Horizon) incumbente, *Zenith* dicto, & huic opposito *Nadir* æqualiter undique distantem: Quæ proinde puncta *Zenith* & *Nadir* sunt Horizontis Poli in quibus se invicem decussant Horizontis Secundarii per omnia Cœli puncta ducti, qui proinde *Verticales* nuncupantur, & quandoque *Azimuthi*: Horizontis vero paralleli, sive supra illum versus *Zenith* intelligantur, sive infra versus *Nadir*, *Almicamarath* dicuntur. Inter Circulos Verticales eminent præcipue duo, quorum alter per *Zenith* (communem Verticalium omnium nodum) & Mundi polos traducitur, vocaturque *Meridianus*; nempe *Celestis*, quippe directè incumbens Meridiano Terrestri: Circulus hic Horizontem intersecat in Cardinibus *Meridiei* & *Septentrionis*, illosque signat. Verticalium principalium alter est huic ad angulos rectos, & Horizontem in punctis Ortus & Occasus intersecat; & quoniam prior ille, licet Verticalis, alio item nomine sc. Meridiani indigitatur, posterior hic *Verticalis Primarii* appellationem sibi habet relictam. Per Horizontem ejusque Secundarios quodlibet in Cœlo punctum secundum Altitudinem supra aut Depressionem infra Horizontem, & Azimuthos disponitur: Nempe cujusvis puncti *Altitudo* aut *Depressio* est circuli Verticalis arcus inter dictum punctum & Horizontem interceptus: *Azimuthus* vero est Horizontis arcus interceptus inter cardinem Meridiei vel Septentrionis & punctum, in quo Verticalis per Phænomenon ductus occurrit Horizonti; qui *Orientalis* vel *Occidentalis* est, prout à Meridiano in orien-

orientalem vel occidentalem Cœli partem numeratur. Quandoque Azimuthus numeratur à Cardine Orientis vel Occidentis versus Septentrionem aut Meridiem. At à Cardinibus hisce perpetuo numeratur *Amplitudo Oriens* vel *Occidua*, quæ est Horizontis arcus inde ad punctum oriens vel occidens numeratus, & utraque proinde *Borealis* vel *Australis*; quanquam denominatio hæc primum fluxisse videatur à Constellationibus integris, quæsitumque quam amplum Horizontis spatium occupet oriendo vel occidendo constellatio quælibet.

Quatenus quælibet superficiæ convexæ Telluris portio, cui insistit spectator, tanquam planum habetur Horizonti parallelum; in illo considerantur Ventorum Plagæ, quarum Cardinales sunt Septentrio & Meridies, Oriens & Occidens; quæ nempe subsunt Meridiano & Primario Verticali supra descriptis, sive sectiones sunt plani Horizontalis cum planis dictorum circularum. Quatuor has Plagas monstrat nobis Cœli motus; Plagam nempe Orientis, ubi Sol in Æquinoctiis oritur: Occidentis, ubi se Sol condit eodem die: Septentrionis, quâ Polus mundi nobis Borealis hemisphærii Terræ incolis conspicitur, & Stellæ septem Triones dictæ perpetuo apparent: denique Plagam Meridiei, unde Sol nobis Medio die radiat. Voces enim Astronomicæ Terrarum tractibus in Zona temperata Boreali sitis accommodatæ sunt, quia Astronomia primum in iis solis colebatur. Mediæ totidem inter quatuor Cardinales nomina habent (in Anglicana & cognatis linguis) composita ex nominibus Cardinalium suorum lateralium, ita ut præponatur in compositione nomen præcipui Cardinis. Jam inter has octo collocatæ medio loco aliæ octo iterum ex nominibus priorum octo composita habent nomina, singula ex binorum lateralium sibi vicinorum, præposito nomine Cardinalis in compositione; unde fit, ut nomen præcipuorum Cardinum statim duplicetur, & reliquorum Cardinum nomina sint in initio &

sine diſtinctionis ſic compoſitæ. Inter ſedecim plagas, nominatas interjectæ ſedecim aliæ compoſita habent nomina, ſingulæ ab una primarum octo, cui cum præpoſitione annectitur nomen Cardinis quorſum illa declinat; exſurguntque triginta & duæ Ventorum Plagæ, quæ ſunt communes interſectiones planorum totidem Verticalium cum plano Horizontis, & ventis ſatis præciſe diſtinguendis inſerviunt. Pro Phænomenon vero Cœleſtium Azimuthis numerandis adhibemus Horizontis gradus, incipiendo ab aliquo quatuor Cardinum; ut ſuperius dictum eſt. Porro plagæ hæ (dum in plano Horizontali conſiderantur) rectæ lineæ habentur; ſi vero Terræ ſuperficies tanquam ſphærica conſideretur, (qualis revera eſt,) dictarum Plagarum per Terræ ſuperficiem productarum nulla recta eſt, Cardinales tantum ſunt circuli; nempe qui Septentrionem & Meridiem indicat maximus atque idem cum Meridiano loci unde initium ſumunt; qui vero Ortum & Occaſum oſtendit eſt circulus minor, parallelus nempe Æquatori, per locum tranſiens; niſi locus ſit in ipſo Æquatore, quo caſu etiam major eſt; quippe ipſe Æquator: Reliquæ Plagæ per Terræ ſuperficiem productæ, quæque nunc *Rhumbi* & *Loxodromiæ* dicuntur, Curvæ ſunt Spirales ſui generis, Meridianos omnes in datis angulis ſecantes.

PROPOSITIO V.

Meridiani Cæleſtis aliorumque Circulorum Horariorum geſſin & naturam explicare.

PROP. III. explicatum eſt, qualis circulus ſit Meridianus cujuſvis loci in Terra conſideratus; nempe circulus Terram cingens, per utrumque Polum & dictum locum tractus; & proinde maximus, quia per oppoſita puncta tranſiens. Et Meridianus Cœleſtis ejusdem loci eſt huic in Cælo directe ſuperincumbens & reſpondens;

dens ; nempe per Polos in Cœlo & loci Zenith traductus. Et quoniam Observator in eodem loco manens Tellurem & proinde sui ipsius locum ejusque verticem pro immotis habet, Meridianum Cœlestem per immotos Polos immotumque Verticem traductum, tanquam circulum Cœlestem immotum concipit : verum cum Cœlum & omnia Sydera motu diurno revolvi videantur, Meridianum sui loci motûs hujus minime participem, tanquam extra Cœlum mobile concipit, Cœlumque intra illum revolutum. Et in quovis loco sit Meridies, cum Sol, per Cœli revolutionem diurnam apparentem, ad prædictum immobilem Meridianum Cœlestem supra Horizontem pervenisse videtur ; media vero nox, cum Sol ad ejusdem partem infra Horizontem pertingit. Nam quoniam Meridianus hic Cœlestis per Horizontis & Æquatoris polos transit, & (per *Prop. xv. Lib. I. Sphæric. Theodosii*) Horizontem & Æquatorem hujusque parallelos omnes ad angulos rectos interfecat ; patet Meridianum omnium Æquatori parallelorum circulorum segmenta ab Horizonte facta in æquales partes dividere ; adcoque cum Sol per motum diurnum hujusmodi parallelum quendam describat, (arcum quidem illius supra Horizontem exstantem Diu, ejusque arcum infra eundem depressum Noctu,) constat Meridiem fieri, cum Sol ad circulum Meridianum supra Horizontem appellit, mediamque noctem cum ad ejus partem oppositam infra Horizontem latentem pertingit : unde & huic nomen est impositum. Et ob easdem rationes medium punctum moræ cujusvis Syderis supra aut infra Horizontem incidit, cum Sydus illud Meridianum attingit : Ubi simul ejus elevatio supra Horizontem est maxima, quæ & Altitudo Meridiana ejus Syderis dicitur.

Rursus, cum spatium temporis inter duos proximos meridies in 24 partes æquales (*Horas* dictas) divisum intelligatur, &, ob æquabilem Telluris revolutionem diurnam circa proprium axem, Sol æquabiliter Æquatorem

rem aut huic parallelum aliquem super Polos *Æquatoris* Cœlestis describere videatur ; præter Meridianum alii undecim concipiendi sunt circuli *Horarii* per *Æquatoris* polos traducti, qui una cum Meridiano *Æquatorem* in 24 partes æquales dividant ; atque hi (ejusdem loci respectu) immobiles intelliguntur Meridiani instar extra sphaeram positi, interea dum Cœlum æquabiliter subter illos revolvitur. Unde patet arcum *Æquatoris* inter duos hujusmodi circulos proximos interceptum esse 15^{te} ; nempe partem 24^{am} integræ peripheriæ. Sed mutato Meridiano Terrestri, Observator omnes suos Horarios circulos mutat. Horarii dicuntur, quoniam Sol ad illorum quemvis per motum diurnum apparentem pervenisse spectatus, talem ante vel post meridiem Horam efficit, qualis est ordine circulus iste Meridiano orientaliior vel occidentaliior. Imaginari licet & alios infinitos hujusmodi circulos Horarios, prout Horam divisam supponimus in 60 scrupula prima, quorum quodvis rursus in 60 secunda dividitur, atque ita porro. Circuli hi Horarii iidem sunt positione cum Declinationum circulis, (de quibus Prop. 11 ;) quippe *Æquatoris* secundarii : sed in hoc discrepant, quod Declinationum circuli una cum ipsis Stellis punctisque Cœli, quorum Declinationem mensurant, circumacti ; Horarii vero (ut dictum est) immobiles concipiantur. In Cœlo etiam respondent Horarii Meridianis in Terra ; & quidem Meridiani Terrestres sunt ipsi circuli Horarii, & non nisi per apparentiam in Cœlum inveciti. Nam sicut fit in loco dato meridies, cum Tellus motu diurno revoluta in eum situm pervenerit, ubi Meridiani planum productum in Solem incidit : ita talis est ante vel post meridiem Hora, qualis est ordine Meridianus Terrestis ille, in cujus plano producto Sol tunc reperitur, à Meridiano loci.

P R O.

PROPOSITIO VI.

Varias Sphæra Mundi appellationes, aliasque Voces in Astronomia usitatas, à varia inclinatione Horizontis ad Æquatorem pendentes explicare.

Cum pro diversitate locorum Terrestrium Horizon omnisque proinde Cœli facies; (hoc est, ipsa Mundi Sphæra) diversa sit; hanc diversitatem triplicem constituunt, pro triplici positione Horizontis ad Æquatorem. Aut enim Loci Horizon rectus est ad Æquatorem secans illum ad angulos rectos, aut obliquus, aut illum omnino non secat, sed cum eo coincidit. Quibus primum contingit, illi dicuntur incolere *Sphæram Rectam*; quibus vero secundum, *Obliquam*; quibus tertium accidit, eorum *Sphæra* dicitur *Parallela*, quod iis Stella quævis per motum diurnum videatur describere circumulum Horizonti parallelum.

In Sphæra Recta, (nempe ubi Æquator BQ ad Horizon-^{Tab. XII.}tem HO erectus est, ut in Figura,) Æquator ^{Fig. 1.} (per Prop. xv. Lib. I. Theodosii) per Horizonis polos Zenith & Nadir transibit: ipse ergo locus in Telluris superficie in Æquatore Terrestri erit; tales namque soli Zenith & Nadir in Æquatore Cœlesti habent. Sphæram igitur Rectam incolunt omnes, illique soli, qui sunt per longitudinem Æquatoris Terrestris dispersi. Horum Horizon per polos Mundi A & B transit (per supra citatam Theodosii Prop.) & quodvis in Cœlo punctum rectà super Horizontem ascendere videtur; quippe circumulum motu apparenti diurno describens Æquatori (qui ad hunc Horizontem rectus est) parallelum. Et puncta, quæ simul oriuntur, simul etiam ad Meridianum pertingunt, simulque occidunt; quia poli, circa quos motus diurnus, quo Sydera Oriri, ad Meridianum pervenire & Occidere videntur, sunt tam in Horizonte quam Meridiano-
hujus.

hujus Sphæræ. Atque ex hoc Sphæræ situ originem ducit modus reducendi puncta Cœli ad Æquatorem. Nempe *Ascensio Recta* cujuslibet in Cœlo puncti est arcus Æquatoris versus ortum numeratus, interceptus inter initium Arietis & punctum Æquatoris, quod simul cum dicto in Cœlis puncto ascendit in Sphæra Recta : Similiterque intelligitur quid sit *Descensio Recta* : & loco Horizontis Sphæræ Rectæ, cujuslibet loci Meridianus assumi potest. Exinde quod soli Æquatoris Terrestris incolæ Sphæram habeant Rectam, ex supra dictis (præcipue ad Prop. xxxiii. Lib. I.) patet, quænam sint hujus Sphæræ affectiones ; nempe noctes diebus hic perpetuo æquare, & quodlibet Cœli punctum tamdiu supra Horizontem conspici, quamdiu infra illum latet.

Tab. XII.

Fig. 2.

In Sphæra Obliqua, ubi Horizon HO Æquatorem EQ ad angulos obliquos secat ; horum neuter per alterius polos transit, adeoque alter Æquatoris sive Mundi Polus supra Horizontem est, alter infra eundem : ille igitur semper apparet, hic vero latet : neque Æquator per verticem Z transibit, sed vertex erit inter Æquatorem & polum conspicuum. Hujusmodi Sphæræ duo erunt genera ; vel enim polus Boreus B elevatur supra Horizontem HO , & Australis latet, vel è contra Australis attollitur, depresso Boreali. Prioris generis Sphæram habent omnes, qui inter Æquatorem Terrestrum & Polum Arcticum degunt ; posteriorem, qui inter Æquatorem & Antarcticum. Et præcipua utriusque phænomena quoad æstatem & hyemem hæcenus explicata videre est Prop. xxxiii. Lib. I. secundum verum Mundi Systema. Et in Systemate apparenti, cum quodvis in Cœlis punctum æquabili motu diurno describat vel Æquatorem vel illi parallelum quendam ; solus vero Æquator, parallelorum autem nullus in duas æquales partes ab Horizonte obliquo dividatur ; Sol & Stellæ omnes extra Æquatorem versus Polum conspicuum declinantes diutius supra Horizontem morantur quam

quam infra ; & è contra quæ versus Polum latentem declinant , diutius sub Horizonte latent quam supra eundem versantur. Atque hoc ad certum usque terminum versus utrumque Polum obtinet. Si enim Declinatio augeatur , donec Syderis distantia à Polo conspicuo minor sit quam Poli elevatio supra Horizontem , Sydus omnino non occidit : At si minor sit ejus distantia à Polo inconspicuo , supra Horizontem non ascendet ; hoc est , non orietur. Et paralleli $o v$, $h i$ semper conspicua & inconspicua in dato loco Sydera concludentes , Horizontemque tangentes , Veteribus quibusdam (ut *Euclidi* in *Phænomenis* , *Manilio* in *Astron.*) ejus loci *Polares* dicuntur , qui proinde majores sunt & longius à Cœlesti Polo remoti , quo locus , cujus sunt Polares , est ab Æquatore Terrestri remotior ; hoc est , quo obliquior est Sphæra. Omnes autem inter Polares hœc intermediæ Stellæ vicissitudines habent ortûs & occasûs , ascensionis & descensionis. *Ascensio* Stellæ aut cujusvis Cœli puncti *Obliqua* est Arcus Æquatoris versus ortum numeratus , interceptus inter initium Arietis & punctum Æquatoris quod simul cum Stella oritur , in data Sphæra Obliqua : atque hæc pro varia Sphæræ obliquitate varia est. Et *Differentia Ascensionalis* est differentia inter Ascensionem rectam & obliquam. Eademque de *Descensione Obliqua* sunt intelligenda.

In Sphæra Parallela , ubi Horizon $h o$ cum Æquato-Tab. XII.
re $e q$ coincidit , unumque ex motûs diurni parallelis ^{Fig. 3.}
constituit , illorum Poli (nempe Zenith & Mundi Polus) etiam coincident : adeoque hæc Sphæræ positio solis ad binos Terræ Polos degentibus competit ; omniaque Cœlestia per motum diurnum circulos Æquatori parallelos describentia , describent etiam circulos Horizonti parallelos. Unde nullus erit per motum hunc diurnum ortus aut occasus , nullaque adeo in hac Sphæra Ascensio Descensiove , nullusque Meridianus , cum hic per Polum

A a locique

locique verticem traducatur; cumque hi duo in hac Sphæra coincidunt, circum nequeunt determinare, quolibet verticali Meridiani nomen pari jure sibi vendicante. Solis vero phænomena ex motu Terræ annuo oriunda, in Sphæra parallela conspicua, Prop. xxxiii. Lib. I. explicata sunt; competentia nempe alterutius Poli incolis. In Systemate vero apparenti patet Solem, dum ad illum ab Æquatore Polum declinat qui Zenith occupat, perpetuo conspici, semestremque diem constituturæ; sicut ex adverso semestrem esse noctem, dum Sol ad alteras Æquatoris ac proinde Horizontis partes declinat; dieique & noctis initia incidere in Solis ingressus in puncta Æquinoctialia.

PROPOSITIO VII.

Latitudo loci est arcus similis arcui elevationis Poli supra Horizontem.

Tab. XIV
Fig. 4.

Ita $a e b q$ Tellus, cujus centrum τ , Poli a & b , Æquator $e q$. Sumatur in hujus superficie locus quivis l , cujus Latitudo est $l e$ arcus Meridiani inter ipsum & Æquatorem interceptus. Sit concentrica Sphæra Cœlestis, cujus Poli, Æquator, & Meridianus $B, A, E Q$ & $B E A Q$ respondeant Polis, Æquatori, & Meridiano Terrestribus. Sit loci l Zenith z & Nadir n ; nempe in rectæ τl productæ intersectionibus cum superficie Sphærica Cœlesti. Quare $h o$ circulus in Sphæra maximus super polos z & n descriptus est loci Horizon, & Meridiani arcus $o b$ est Altitudo Poli conspicui b supra Horizontem, quem aio similem esse arcui $l e$, Latitudini nimirum loci. Nam quia a & b sunt Poli circuli $E Q$, est (per Prop. x. Lib. I. Sphæric. Theod.) angulus $B T E$ rectus; & ob eandem rationem angulus $z T o$ est rectus. Si ergo ab æqualibus $E T B$, $z T o$ auferatur communis angulus $z T B$, reliqui $E T z$, $B T o$ crunt

erunt æquales. Et igitur (per Prop. XXXI. El. 6.) arcus $e l$, $b o$, quibus illi insistant ad centrum, sunt similes. Q. E. D.

PROPOSITIO VIII.

Crepusculi causas exponere, ejusque Limites definire.

Crepusculum est crepera illa sive dubia Lux ante Solis ortum & post ejus occasum. Si nulla esset circa Tellurem Atmosphæra, neque ullus Auræ Æthereæ Soli proximæ splendor, quamprimum per Telluris motum diurnum quilibet in illius superficie locus in Telluris umbram volveretur, vel quamprimum Sol motu apparenti diurno infra ejus loci Horizontem descenderet, meræ essent tenebræ; quippe Spectator à radiis Solaribus relictus luce destitueretur: Verum non tantum Sol, sed & Soli proxime circumfusa aura Ætherea (illiusque quasi Atmosphæra accensa) etiam splendet; cumque hæc oriendo aut occidendo tempus majus insumat quam ipse Sol, ante Solis ortum Aurora manifestâ circulari figurâ enitetur, surgens in claritatem figuræ ejusdem, quæ est istius segmenti circuli hætenus orti Atmosphære Solaris, & diversa prorsus ab illa, quæ ab illuminatione Atmosphære Terrestris ab ipso Sole facta procedit: Quod & de Crepusculo post Solis occasum similiter est intelligendum. Verum quia materia splendens ob Solis viciniam nunc magis nunc minus splendet, Crepusculi hinc orti termini non erunt usque adeo certi, præsertim cum conjungatur cum alia potentiorique Lucis hujus creperæ causa. Nam postquam Telluris incola superficiem insistent ultra Lucis metas in Telluris umbram revolvitur, Telluri circumjecta Atmosphæra, satis longè supra Terram expansa, etiamnum illuminatur, locumque observatoris radiis reflexis illustrat. Hæc etiam causa subinde mutatur, prout plures aut pauciores in Atmosphæra suspensæ reperiuntur

particulæ, radiis Solaribus reflectendis aut aliter ad nos detorquendis idoneæ; & prout particulæ hæc in majorem aut minorem emergunt altitudinem, quod ab Acris (quippe fluidi cui innatant) gravitate per Baroscopium indicanda pendet. Nam si prope Terræ superficiem humiles admodum hærent, statim etiam & hæc, paulo post cum loco cui incumbunt in umbram revolutæ, radios Solares non amplius exciperent: Si vero aut rari admodum in expanso spatio natarent, aut lumini detorquendo parum idoneæ, lumen Solis aut non omnino aut saltem tenuissimum & movendo sensui vix sufficiens ad nos mitterent; sicut revera experimur in expanso illo omni extra Telluris umbram, quod (licet perpetuo radiis Solaribus pateat) tam debile lumen versus nos remittit, ut vix illius nomen fortiatur.

Cum ex utraque causa Crepusculi duratio varia sit, observatione tamen constat Diluculi matutini initium plerumque fieri, cum jam Sol non amplius quam 18^{a} infra Horizontem deprimitur; & vespertino Crepusculo finem imponi, cum Sol ad similem profunditatem pervenit. *Tycho* quidem depressionem Solis, quæ Crepusculo terminum ponit, 16^{a} esse vult: Alii ad 19^{a} usque hanc extendunt; donec nimirum Fixæ minimæ cerni possint. *Cassini* ex propria observatione ad 17^{a} tantum hanc extendit. *Ricciolus* ex sua hanc aliam mane, aliam vespere, & diversis anni tempestatibus diversam invenit.

SCHOLIUM.

Crepusculo cognatum videtur Lumen istud ab oculatissimo D. *Cassini* primum Anno 1683. paulo ante Aëquinoctium Vernum vespere observatum, a Sole Orientem versus secundum Eclipticam protensum. Sequentes observationes ipsius D. *Cassini* & D. *Fatio* evicerunt Lumen hoc ab utroque Solis latere diffundi secundum Eclipticam fere, sed ordinario ab hac ad septentrionem potius

tius quam ad meridiem defletere. Forma est utrinque acuminata; cuspides binæ à Sole nunc magis nunc minus distantes, initio duobus Signis aut paulo amplius à Sole remotæ, & post tres annos distantia in tria Signa aut etiam 100^{te} excrevit: ejus latitudo est ultra 30^{te} prope Horizontem: nequit vero Phanomenon hoc conspici ubi latissimum est; nempe ad ipsum Solem secundum latitudinis circulum. Ejus latera sunt fere recta, nonnihil quandoque circa medium, Solem inter & alterutram cuspidem, gibba; angulo nunc majore nunc minore ad invicem inclinata. Angulus hic in mediocri sua quantitate circiter 21^{te}. Ex hisce patet Phanomenon hoc Luminosum simul cum Sole iisdemque passibus per Eclipticam moveri: quod & de utraque cuspidē etiam verum est; nisi quatenus hæ per totius incrementum aut decrementum à Sole magis minusve distant. Claritas ejus est Viæ Lactæ Caudæ Cometæ claritati haud absimilis, hujusque instar translucens; in medio major, versus extrema minor, sensim deficiens, & in circumfuso cæruleo Cœlesti extincta: Unde diversis Observatoribus pro oculorum acie, eodem tempore & loco diversæ magnitudinis, & pro Cœlo puro aut turbido, Crepusculi proprie sic dicti & lucidiorum Syderum absentia vel presentia, magis minusve extensa varietate terminata, mane semper debilior quam vespere apparet. Lumen hoc propter crepuscula pernoctia nequit mediâ astate in regionibus prope alterutrum Polum conspici; mane & vespere ejusdem diei circa mediam hyemem (silente Lunâ) videri potest: in locis prope Æquatorem idem quovis anni tempore fiet. In locis quibulvis eo clarius videtur, quo ad Horizontem erectum magis; quippe ex Crepusculo & Vaporibus prope Horizontem hærentibus magis exstans: adeoque in regionibus hisce Borealibus optime videtur mane post æquinoctium Autumnale, incunte scil. *Octobri*; & vespere, exeunte *Februario*; Eclipticâ, secundum

dum quam protenditur, tum (initio & fine Crepusculi tunc brevissimi) ad Horizontem magis erectâ ; punctis Æquinoctialibus in illo constitutis.

Corpus (aut potius corpusculorum congeries) cuius hæc sunt Phænomena, videtur Lentis formâ Solem ambire; ut D. *Fatio* coniecit. Planum per Lentis aciem est in Eclipticæ plano, aut saltem non procul ab illo : ipsa acies inter Orbitas Veneris & Telluris, ast huic propior. Particulæ istud lentiforme spatium replentes (ut Atmosphæræ Solaris particulæ, de quibus modo dictum) lumen Solis reflectendo prædictam speciem producere videntur : Annulus enim, cujus oppositæ facies planæ sunt & parallele, Ellipseos speciem præ se ferret, versus cuspidis obtusorem quam Phænomenon hoc. D. *Cassini* particulas hæc Solis lumen remittentes, spatio hoc contentas, pro innumeris Planetis habet, cum separatæ, Planetarum instar, motus suos circa Solem exerceant ; quo modo Lumen hoc matutinum & vespertinum ab innumeris Planetis ortum ducit, sicut Via Lactea ab innumeris Fixis.

D. *Fatio* Lumen hoc Mundo coævum esse suspicatur : *Cassinus* è contra, brevi ante primam ejus observationem à se factam natum esse, atque illud duobus ante annis non exstuisse, cum in loco, quem tum obtinere debuit, Cælo intentus Cometam oculis frequenter intueretur. Illud vero antea exstuisse, posteaque evanuisse satis ducit verisimile ex historiis antiquis, quæ illud describere videntur ; præsertim vero ex observatione D. *J. Childrey*, qui illud proculdubio vidit, ut patet ex ejus descriptione pag. 183, 184. in monito ad calcem *Libri*, quem sub titulo *Britanniæ Baronica* idiomate *Anglico* Anno 1661. edidit ; quippe eodem in loco, iisdemque constellationibus, quibus istâ anni tempestate nunc apparet. Ejus verba latine reddita hæc sunt : *Aliud insuper est, quod Mathematicorum observationi commendatum volumus ; nimirum Mense Februario, pauloque ante & post hunc sicut per*

per plures annos observavi) circa horam sextam à Mēridie, cum Crepusculum Horizontem jam pene deseruit, Semita Luminola à Crepusculo versus Pleiadas porrecta, illalque quasi contingens, se plane videndam præbet. Semita hæc quavis tempestate serena videtur; optime autem illumi Nocte. Et paulo post: Credimusque Phenomenon hoc olim existisse, & dehinc semper ad dictam anni tempestatem appariturum. At quam sit illius causa & natura, conjecturis apèqui nequeo; sed posterorum indagini relinquo.

PROPOSITIO IX.

Quid per Stellarum Ortum & Occasum Poeticum intelligatur, explicare, ejusque species, Cosmicum nempe, Achronycum & Heliacum exponere.

IN præcedentibus actum est de vero ortu & occasu syderum; ascensu nimirum supra Horizontem certi loci, & descensu infra eundem, sive potius depreffione dati Horizontis infra sydus, & elevatione ejusdem supra illud; atque istud quidem absque ulla Solis consideratione. Comparandi vero jam sunt ortus & occasus Syderum cum motu Solis per Eclipticam, adeoque cum luce diurna & cum Anni Tempestatibus. Hisce enim signis veteres Agricolaë & ex eorum traditionibus Scriptores rei rusticæ, nec non & Medici, Poetæ & Historici sunt usi ad Anni Tempestates designandas, qui proinde sine harum vocum explicatione intelligi non possunt.

Tres vulgo numerantur species ortûs & occasûs Poetici, *Cosmicus*, *Achronycus* & *Heliacus*. Oriri *Cosmice* vulgo dicitur Stella, quæ oritur oriente Sole, & occidere *Cosmice*, quæ occidit oriente Sole; adeo ut ortus & occasus Cosmicus idem sit ac matutinus, quasi principium diei artificialis, sive Solis ortus idem sit qui Mundi ipsius. Oriri vero & occidere *Achronyce* vulgo dicitur Stella, quæ oritur vel occidit occidente Sole; adeoque

Achronycus

Achrōnycus ortus vel occasus idem sonat atque vesper-
tinus. *Keplerus* vero hæc voces alio sensu accipendas
contendit; ita nempe ut oriri & occidere *Cosmice* idem
sonet quod supra Horizontem ascendere, vel infra illum
descendere; oriri vero aut occidere *Achronyce* sit idem
quod oriri aut occidere in Solis opposito, sive in altero
Acro aut termino Noctis: quo sensu & *Ptolemaus* & ad
hunc usque diem Astronomi plerique Planetam Achro-
nycum appellant, cum est Soli oppositus & torā nocte
fulgidus: Adeo ut oriri Achronyce sit, ut vulgo, idem
quod oriri occidente Sole; occidere vero Achronyce idem
sit quod occidere oriente Sole; qui occasus vulgo Cos-
micus dicitur.

Oritur Stella *Heliace*, quando quæ prius latebat sub
radiis Solis, sic ut eodem fere tempore cum Sole & ori-
retur & occideret, postridie è radiis Solis emerit in
tantum, ut Sole latente sub Horizontem ipsa primum cer-
ni possit, jamjam vel occubitura sub Horizontem vel
extinguenda superventu lucis diurnæ. Occidit vero Stella
Heliace, quæ cum prius, Sole non multum infra Hori-
zontem merso, adhuc cernebatur supra, jam in tantum
se condidit Solis radiis, ut postridie orta ex Horizonte,
vel occubitura sub illum, cerni amplius non possit. Si
nullum esset crepusculum, Ortus hic & Occasus ejusdem
stellæ Heliacus (qui rectius Apparitio & Occultatio di-
cerentur) non nisi per unicum diem ut plurimum inter
se distarent. Nam in illo casu Stella vel ante Solis or-
tum conspiceretur, si ejus ascensio obliqua in dato Ho-
rizonte vel tantillo minor esset quam ea Solis, vel post
ejus occasum cernebatur, si tantillo major. Immo si nul-
la prorsus esset Atmosphæra, stellæ minimæ vel interdiu
ipso Sole lucente conspicerentur. Ratio enim, cur nunc
non apparent, hæc est: Atmosphæræ particulæ à Sole
fortiter illustratæ tam vividam stipatamque lucem in ocu-
lum spectatoris effundunt, ut retina (aliudve si quod sit
vilius

visus sensorium) debili admodum stellulæ imagine prorsus non moveatur, illamque proinde non videat. Quod si nulla esset Atmosphæra Telluri circumfusa, nec circumjecta ulla Terrestria corpora quæ lumen reflectant ; si Solis radii directi ab oculo arcerentur, oculus à radiis corporis aut valde lucidi aut fortiter illustrati (similiter atque nunc noctu) vacuus stellas minimas clare videret, nisi hæc sub Atmosphæra Soli circumfusa laterent : hæc enim cum Sole corpus unum lucidum constituunt. Cum vero pro minore Stellæ claritate majore opus sit depressione Solis infra Horizontem, ut ea cernatur ; patet Occasum Heliacum citius fieri & Ortum tardius. Ac primo, opus est totali Crepusculi abolitione seu Solis depressione 18^{te}, ut Stellæ minimæ cernantur : pro sextæ magnitudinis Stellis cernendis, opus erit depressione Solis 17^{te}, & ita denuo, donec ad primæ magnitudinis Stellas cernendas, in Horizontis ea Plaga quæ ad Solem est, opus sit Solis demersione 12^{te}. Planetæ clariore pleniorique fulgentes luce tantâ non opus habent, adeo ut Marti & Saturno Gradus tantum 11 debeantur ; Jovi & Mercurio circiter 10 : Veneri vero cernendæ 5^{te} demersionis necessarii vulgo habeantur ; quamvis hæc etiam splendente Sole non raro cernatur, licet non ad Ortum vel Occasum Heliacum. Verum hæc in Planetis pendent à varia illorum à Tellure distantia, & pleniori orbe minusve pleno inferiorum.

Stellæ omnes Fixæ sub Zodiaco sitæ, item Planetæ superiores Saturnus, Jupiter & Mars, quos nempe Sol motu annuo versus orientem factò antevertit, oriuntur Heliace mane, paulo ante Solis ortum ; nempe paucis post diebus quam Cosmice oriuntur : occidunt vero Heliace vespere ; paulo nempe ante quam Achronyce occidunt. Luna vero, quæ Solem perpetuo antevertit, oritur Heliace vespere ; cum nempe nova ex radiis Solaribus emergit : occidit vero Heliace mane, cum jam vetus ad conjunc-

B b

junc-

junctionem cum Sole properat. Inferiores vero Venus & Mercurius, qui aliquando Solem anteverunt, aliquando versus occidentem post Solem relinquuntur, (sicut Lib. I. fufe est ostensum,) quandoque Heliace oriuntur mane, cum nempe retrogradi sunt; quandoque vespere, cum directi; quod & de Occasu Heliaco similiter est intelligendum. Fixæ vero, longe extra Zodiacum versus Polum elevatum positæ, possunt uno eodemque die simul & oriri & occidere Heliace, aliasque subire vicissitudines hujusmodi ortûs & occasûs respectu; ut consideranti patebit.

Græci & Romani olim utebantur Anno ad Solis motum non exacto; unde fiebat ut nunc prævenirent Solem, nunc sequerentur. Cum autem Tempestates Anni non revertantur cum erroneo Calendario, sed cum Sole & Solstitiis; ut operæ rusticæ, domesticæ, militares, suæ quæque tempestate fierent, Veteres proposuerunt ortus & occasus Syderum Calendarii loco. Cum enim stellæ Fixæ ab Æquinoctialibus & Solstitialibus punctis non nisi lente admodum & motu tum temporis vix percepto moverentur, nondubitabant Solem ad eundem respectu ejusdem Stellarum locum reversum, ad eundem etiam respectu Æquinoctiorum & Solstitiorum situm denuo pervenisse; hoc est, cum eadem Fixa rursus Cosmice, Achronyce aut (quod præcipue attendebant) Heliace oritur vel occidit, eandem rursus Anni Tempestatem Orbi redditam, ac proinde ad easdem operas revertendum esse; adeo ut statas Anni Tempestates *Sydera* appellarent. Verum deprehensum est Fixas post elapsos plurimos annos ex sedibus suis excessisse; adeoque si dies Ortûs vel Occasûs datæ Fixæ apud Veteres ad nostrum Calendarium reducendus sit, ratio est habenda motûs Fixarum intermedio tempore facti. Verum cum hodie exemplaria Calendarii facile comparari possint, & Calendarium Romanum (quo nos utimur) ad Solis motum, quo Anni Tempestates ordinantur, propius accedat

accedat quam Fixarum Ortus & Occasus ; fit ut paulatim observatio hujus Ortûs & Occasûs neglecta jaceat , nec ab aliis usurpetur quam à Poetis , qui Tempora per circumstantias tam varii Ortûs & Occasûs tot Syderum (quibus nihil pulchrius) describere & veluti pingere solent ; quamvis plerumque erroneè , quippe qui Calendarii nostri diem per ejusdem Stellæ ortum describunt nunc , per quem recte describebatur tempore Cælaris , cum tamen tempora discrepent 14 diebus fere.

SECTION II.

DE TEMPORIS DIVISIONE, ALIISQUE HINC
PENDENTIBUS.

PROPOSITIO X.

Temporis divisionem in Horas Dies & Hebdomadas , Vocesque in Astronomia usitatas hinc pendentes explicare.

HAËTENUS genesin circulorum sphaeræ in Systemate Mundi apparenti , & voces in Astronomia usitatio- res inde pendentes explicuimus : Cum vero nullæ voces in Astronomicis sæpius occurrant quam illæ , quibus Temporis spatium aliquod indicatur ; necesse est ut de hisce breviter hic agamus , Temporisque dispositionem Civilem obiter ostendamus , quatenus in calculo Astronomico usurpatur.

Temporis partes præcipuæ sunt *Dies* , *Hora* , *Mensis* & *Annus* . Inter has primo occurrit *Dies* , (quippe spatium temporis notissimum ;) estque vel Naturalis vel Artificialis . *Naturalis* dies est duratio integræ revolutionis apparentis Solis circa Terram . *Artificialis* est illa ejus pars , quâ Sol est supra Horizontem ; opponiturque *Nocti* , quæ pro mora Solis infra eundem accipitur : Naturalis vero Dies utrumque comprehendit . Dies Naturalis vel est Astronomicus vel Civilis ; qui quidem inter se non dif-

ferunt nisi principio, pro Civitatis consuetudine & Astronomorum placito: estque Astronomicus temporis spatium quod effluit ex quo Sol datum Meridianum Cœlestem reliquit, donec ad eundem proxime revertatur; hoc est, spatium quo revolutio integri Æquatoris Cœlestis peragitur, & præterea istius ejus partis quæ respondet Eclipticæ portioni, quam interim Sol motu annuo in ortum percurrit. At quia Æquatoris portio hæc Æquatori integro superaddita non est ubique æqualis, (licet ejus quantitas mediocris sit unius proxime gradus,) tam propter Eclipticæ obliquitatem, quam quod motus Solis annuus circa Terram apparens non est æquabilis, Dies Naturales sive Astronomici non sunt præcise inter se æquales: verum de inæqualitate hac inferius proprio loco agetur; minutias enim nunc negligimus. Astronomi plerique Diem inchoant à Meridie. *Copernicus* vero *Hipparchum* secutus à media Nocte, quod in Tabulis *Prutenicis* dictis retinetur. Civitates variae varium Diei initium statuunt. *Babylonii* Diem auspicabantur ab ortu Solis; *Judei* & *Athenienses* ab occasu, quod etiamnum faciunt *Itali*. *Aegyptii* à media Nocte, quod etiamnum apud *Britannos*, *Gallos*, *Germanos*, aliasque *Europa* gentes obtinet. Immo tacite olim à *Judeis* idem fiebat. Naturaliter enim Noctem, quam somno & silentio transigimus, partim ad præcedentem, partim ad insequentem Diem referimus; hoc est, *Nocturnorum* à media Nocte incipimus. *Umbri* olim à Meridie, quod adhuc *Arabes* retinent.

Licet dies Artificialis olim vix aliâ ratione vulgo divideretur quam in Matutinum Meridianum & Vespertinum tempus, & nox in Vigiliis; posterius tamen dies Naturalis accuratius in 24 partes dividebatur, *Horas* dictas. Hora alia est æqualis, alia inæqualis. *Æqualis* est pars diei naturalis vigesima quarta. Hujusmodi Horæ semper usi sunt Astronomi, & nunc omnes fere gentes eâ utuntur. Horam primam, secundam, tertiam & ita denno usque

usque ad 24^{am} ab initio Noctis (Dici quippe Civilis principio) numerant *Itali* ; eorumque horologia ita comparantur. Nos autem cum *Gallis* , &c. non 24 sed bis 12 Horas numeramus ; forte ne tedious esset pulsuum ab horologio factorum numerus. Unde fit ut bipartiamur diem in Horas ante & post Meridiem. Licet Hora vulgo dividatur in quatuor tantum Quadrantes , (qui & à quibusdam Puncta dicuntur ,) cum ulterior divisio in plerisque negotiis inutilis sit ; Astronomi (& nunc poliores quique) illam in 60 scrupula prima , & quodlibet primum in 60 secunda subdividunt. *Hora inaequalis* est pars duodecima dici Artificialis , & pars item duodecima noctis. Dicitur etiam Temporaria , quod diversis anni temporibus variæ sit quantitatis. Sic hora diurna æstiva longior est hybernâ , & nocturnâ brevior ; & hora diurna æstate longior est nocturnâ , & hyeme brevior : Tempore vero Æquinoctii diurnæ horæ nocturnis æquales sunt , & horæ hæ inæquales tunc eadem sunt cum æqualibus supra descriptis ; unde & æquales illæ horæ ab Auctoribus *Æquinoctiales* appellantur. Horis hisce temporariis : usi sunt *Judæi* , *Græci* & *Romani*. Qui mane vel vespere civilem diem inchoant , id faciunt , quod Sol tum sit in Horizonte , circulorum sphaeræ maxime sensibili. Illi hoc habent commodi , quod ex ipso horarum æqualium numero sciant quota pars dici naturalis , hoc est , quantum temporis elapsum sit ab ortu Solis ; hoc vero incommodi , quod tempora occasus Solis , Meridiei & mediæ noctis , diversis anni tempestatibus diversis horarum numeris insigniantur : qui non nisi per computationem innotescant : Hi hoc habent commodi , quod immediate dignoscant quantum temporis adhuc restet ad Solis occasum , ut itinera aliosque labores huic accommodare possint ; & hoc incommodi , quod non nisi per computationem horam ortus , Meridiei mediæque noctis numerare possint. Qui à meridie mediæ noctis diem

civilē aspiciantur, hoc faciunt, quod Sol sit tunc in maxima elevatione aut depressione; at nomen horæ, quā Sol oritur occiditve, non nisi subducto quasi calculo teneant. Qui vero horis inæqualibus modo descriptis uterentur, Solis ortum & occalum perpetuo per duodecimam horam indicarent; Meridiem & mediam noctem perpetuo per sextam; solamque horæ quantitatem calculo dignoscendam haberent.

Hebdomas est dierum collectio omnium antiquissima; ut ex Sacro Codice constat. Hæc usi sunt olim *Judæi*, & à Christiana Fide recepta gentes aliæ. Cuilibet Hebdomadis dici nomen impositum est à Planetarum aliquo, hæc ratione: cum Horæ dici naturalis sint vigintiquatuor, Planetæ vero septem, hoc ordine in Systemate vulgari, Saturnus, Jupiter, Mars, Sol, Venus, Mercurius, Luna; inceperunt à prima Hebdomadis *Judaica* die, tribuentes Soli (authori dici) primam illius Horam, Veneri secundam, tertiam Mercurio, quartam Lunæ, tum incipientes à Saturno quintam eidem tribuebant Horam, & ita deinceps; unde fit ut dici sequentis Hora prima Lunæ contingat, ac proinde isti Hebdomadis dici nomen de suo imponat: Quod in sequentibus ad Hebdomadis finem usque continuatur.

PROPOSITIO XL.

Temporis Divisionem in Menses, Annos, horumque varia genera & collectiones explicare.

Licet *Mensis* sit proprie spatium temporis, quo Luna Zodiacum percurrit; cum tamen duodecim præterpropter labantur Menses interea dum Sol Eclipticam semel peragrat, factum est ut *Mensis Solaris* nomine veniat etiam tempus illud, quo Sol Zodiaci Signum percurrit; quod fit diebus fere 30½. Rursus, *Lunaris* Mensis alius est *Periodicus*, quo Luna digressa ab aliquo Zodiaci punc-

to ad idem revertitur, estque paulo minor diebus $27\frac{1}{2}$; alius *Synodicus*, paulo major quam dierum $29\frac{1}{2}$, quo Luna omnes Phases subit, & ob hoc in Temporis notatione usus præcipui. Uterque Mensis, tam Solaris quam Lunar *Synodicus*, vel est *Astronomicus* (de quo hætenus) vel *Civilis* pro civitatis cujusque instituto. Gentibus enim quibusdam, ut *Ægyptiis*, Solares placere Menses, quorum quemvis posuerunt 30 dierum; atque ut annum complerent, post duodecim hujusmodi Menses posuerunt quinque dies confectos ex duodecies denis illis horis, quibus Mensis quisque Solaris 30 dies superat. Plebisque autem Veteribus Lunar *Synodicus* Mensis placuit, ut olim *Judeis*, *Græcis*, & ad *Julii Cæsaris* tempora *Romani*; & hodie *Muhammedanis*. Verum ut hujusmodi Menses Lunares, qui ex integris diebus non constant, ad usus civiles (in quibus dierum fragmenta considerari nequeunt) aptentur; Menses Civiles alternatim dierum 29 & 30 constituebant, (illos *Plenos*, hos *Cavos* dicere;) sic ut duo hujusmodi Menses duobus Lunaribus, quorum quisque est dierum $29\frac{1}{2}$ aquarentur; & ut Novilunium à Mensis Civilis die primo sensibilibiter non digrederetur in Annorum aliquot curriculo.

Annus aliquando accipitur pro tempore revolutionis Planetæ per Zodiacum; quo sensu Mensis quandoque Annus dicitur: immo & interdum pro Tempore integræ revolutionis apparentis Fixarum per Zodiacum, quod *Annus Magnus* vocant: *Annus* autem proprie est Tempus, quo Sol Zodiacum perlustrat. Estque duplex, *Astronomicus* vel *Civilis*: & *Astronomicus* rursus duplex etiam pro duplicibus Solaris revolutionis metis; *Sydereus* nempe & *Tropicus*. *Sydereus* Annus est spatium temporis, quo digressus Sol ab aliqua Fixa ad eandem revertitur; estque dierum naturalium 365, horarum 6, scrupulorum primorum scere 10. *Tropicus* sive *Vertens* est quo digressus Sol ab uno punctorum cardinalium, *Æquinoctiali* nimirum aut *Solstitiali*,
ad

ad idem revertitur; qui Sydereo aliquanto est minor, quia ipsa Eclipticæ puncta cardinalia regrediuntur, & Soli obviam quasi facta efficiunt ut Sol ad idem Eclipticæ punctum revertatur aliquanto citius quam ad eandem Fixam, ubi punctum istud Eclipticæ fuerat, cum Sol prius in dicto puncto versaretur: estque Annus Tropicus dierum 365, horarum 5, scrupulorum proxime 49; deficiens utique à Sydereo scrupulis fere 21.

Annus *Civilis* est spatium temporis, ad quod motus Solis vel Lunæ vel utriusque digitum intendit, populari cujusque gentis instituto receptum. Ex quo patet tres esse Anni *Civilis* formas; aut nempe erit pure *Lunaris*, aut pure *Solaris*, aut ex utroque compositus *Luni-Solaris*. Annus *Lunaris* constat ex duodecim Lunationibus sive Mensibus Synodicis, qui diebus 354 absolvuntur, post quos finitos Annum *Civilem* denuo incipiunt. Cumque hic à Solari Anno vertente, qui tempestates reducit, deficiat diebus 11; fit ut Anni hujus initium nunc in ver incidens post 8 annos incidat in hyemem, inde post alios totidem in autumnum, post in æstatem, & denique exactis annis circiter triginta & tribus, rursus in ver transeat. Atque hic vocatur *Annus Lunaris Vagus*, quod ejus initium vagetur per omnes Anni tempestates, idque unius hominis memoriâ: dicitur & *Solutus*, nempe à motu Solis, qui in illius ordinatione prorsus non consideratur. Tali anno utuntur *Turce*; & primo excogitatus videtur in regionibus, ubi discrimina æstatis & hyemis non sunt admodum evidentia; & ubi, ob Astronomiæ defectum, reditus Solis in puncta Zodiaci cardinalia, qui Annum Solarem definit, non facile cognoscitur: unde factum est, ut signa temporum à Luna petentes exordia suorum Annorum ab exordio Phasium perierint; nullusque sit Lunationum numerus, qui tam prope ad Solarem Annum (cujus aliquam saltem cognitionem habebant) ac duodenarius accedebat. A Luna etiam petendam esse rationem crediderim, cur Diem civilem

civilem ab occasu Solis inchoarent: necesse enim habebant Diem civilem simul cum Anno & Mense inchoare; hoc est, cum Novilunio, quod initio non aliter quam per oculorum indicium dignoscebant; cum nempe vespere immediate post Solis occasum novam Lunam spectarent. Et hinc etiam factum est, quod hujusmodi Mensis dies prima, secunda, tertia &c. vocetur Luna prima, secunda, tertia &c. & Dies Plenilunii consequenter quarta decima Luna.

Veteres, qui Lunarem Annum retinere volebant, illum tamen ita ad Solarem ligare, ut ejus initium quodammodo fixum censendum sit, retineatque Anni Cardines per tempestates indicatas, ne à Mensibus suis multum dilabantur, Mensibus utebantur Intercalariis sive Embolimæis. Ac primo ex undecim diebus reliquis ex quovis Anno Solari, post finitos duodecim Menses Synodicos, spatio trium Annorum Mensem conficiebant integrum, tertio quoque Anno intercalandum. Verum cum ne hoc artificium exactum esset, tres Menses, quorum quivis est 30 dierum, intercalabant in octo Annis: (nempe post tertium, quintum & octavum, alii vero aliter;) tandemque 8 Menses in Annis 19. Unde patet horum Annorum quosdam esse simplices, dierum nempe 354 vel 355, quot sunt in Lunari Vago; quosdam embolimæos sive intercalarios, dierum 384 vel 385, cum nempe Anno insunt tredecim Lunationes. Horum Annorum Lunarium fixorum, sive Luni-solarium, est usus apud *Judaos* & *Ecclesiasticos Pontificios*.

Annorum Solarium, sive ad unicum Solis motum atque hinc pendentes Tempestatum vicissitudines comparatorum, tria sunt genera; *Ægyptiacum* nempe, *Julianum* & *Gregorianum*. *Annus Ægyptiorum* est dierum 365, quem in duodecim Menses Solares dividerunt, quorum quisque dierum 30, & quinque dies ad finem superadjectos, (qui *ἡμερῶν* dicebantur;) sicut superius dictum.

Cc

Lq

In hujus Anni constitutione nulla est motus Lunæ habitatio : Verum cum deficiat hic Annus à Solari Tropico horis 5, scrupulis 49, sive fere 6 horis ; quatuor Annis antevertit Solarem Tropicum uno fere die integro, adeoque annis 1460 initium ejus vagatur per omnes Anni tempestates ; unde quodammodo Vagus dici poterit, licet unius hominis ætate, sive annis 60, illum non amplius quam 15 diebus antevertat.

*Julius Cæsar*prehendens Annum *Ægyptiacum* ideo antevertere Tropicum, quod sex horæ, quibus à Tropico deficit, prorsus negligantur in ejus constitutione ; ideo sex hæc horæ Anno *Juliano* cuivis addidit, adeo ut *Julianus* quisque sit dierum 365, horarum sex. Verum quia fragmentum hoc, sive dici quadrans, in usu civili considerari nequit ; ex illis constat in quatuor Annis diem quarto cuique Anno addidit inter 23^{ium} & 24^{um} diem *Februarii*, (quia ante *Cæsarem*, cum adhuc Anno Lunari uterentur *Romani*, mensem embolimæ ibidem intercalabant,) quo fit ut tum scribatur *bis sexto* Kalendas Martii ; unde & Anno illi nomen *Bisextilis* inditum. Atque Annus hic *Julianus* constans diebus 365, & adjiciens in quatuor Annis diem unum, ut post tres simplices quartus sit dierum 366, est Astronomico computo maxime accommodus ; quippe qui inter Annum utrumque naturalem, nempe vertentem dierum 365, horarum 5 & scrup. 49, & Syderum dierum 365, horarum 6 & scrup. 10, est medius, & naturalem repeditionem Equinoctiorum ad oculum quasi ostendit. Hæc Anni forma penes omnes gentes politiores inde à *Cæsare Augusto* (qui fere collapsum restituit) observatione continuâ trita est usque ad Annum 1582, quo à *Gregorio XIII. Pontifice Romano* reformatum est *Calendarium Julianum*. Illo tamen adhuc utuntur *Britanni*, *Hyberni*, aliique. Fatendum tamen est quantitatem Anni *Juliani* esse nimiam ; quare Anni hujus initium paulatim præcepit respec-

tu

tu Tempestatum, vel (quod eodem redit) tempora
 Æquinoctiorum & Solstitiorum repedant respectu dierum
 hujus Anni. Cumque singulis Annis repedatio hæc sit
 10 $\frac{1}{2}$ scrupulorum, Annis 133 circiter erit unius dici, &
 proinde ab Anno Christi 325, quo *Concilium Nicanum*
 celebratum est, ad Annum 1582, quo Pontifex Calen-
 darium reformavit, nempe 1260 annis repedatio hæc fuit
 10 dierum. Atque exinde evenit ut cum tempore *Nica-
 ni Concilii* Æquinoctium vernalis contingeret circiter ad
 Diem *xxi Martii*, Anno 1582 deprehensum sit sensim
 adrepsisse *xi Martii*. Quare cum restituere cuperet Æqui-
 noctium pristinae sedi, suppressi sunt mense *Octobri* Anni
 1582 decem dies, & Dies 5^{ta} mox habita pro 15^{ta};
 quomodo factum ut qui alias fuisset *xi Dies Martii* in-
 sequentis, & Æquinoctii tempus, evaderet *xxi Martii*;
 hoc est, ut Æquinoctium fieret Die *xxi Martii*, sicut
 fiebat tempore *Concilii Nican* Paschatis celebrandi ter-
 minos instituentis. Verum exemptis sic è Calendario 10
 diebus, si alia nulla reformatio fuisset adhibita, post ali-
 quot annos simili modo sublaberentur Anni Cardines.
 Cavet igitur Pontifex ut semel in 133 annis (in quibus
 excessus Anni *Juliani* supra Tropicum excrevit in diem
 solidum) unus dies eximeretur è Calendario; hoc est,
 ut tres dies eximerentur in Annis quadringentis: quod
 fieri iussit, faciendo Centesimum quemque *Æræ Christianæ*
 Annum communem, qui secundum *Julium* est Bis-
 sextilis; at Quartum quemque Centesimum, ut in *Julia-
 no*, Bissextilem. Nova hæc Anni forma, à Pontifice
Gregorio XIII. cujus Auctoritate stabilita est *Gregoriana*
 dicta, obtinet per *Italiam, Galliam, Hispaniam, Germa-
 niam* ubicunque Pontificis *Romani* auctoritas valet; &
 exeunte sæculo proxime elapso à multis *Germania* Refor-
 matis admissa est quoad menses civiles: Ad *Lunam* vero
Paschalem inveniendam se astrinxerunt *Kepleri Tabulis*
Rudolphinis, donec aliquid certius constituitur.

Sicut Anni forma apud varias nationes varia, ita & ejus Principium varium. *Judai* Annum Ecclesiasticum incipiunt à Novilunio mensis, cujus Plenilunium proxime insequitur Æquinoctium vernum: *Ecclesia Romana* Annum suum à Dominica quæ in dictum Plenilunium incidit, vel illud proxime insequitur; sive *Festo Resurrectionis Domini*, quod ante Annum 1564 in *Gallia* regno etiam obtinuit. *Judai* Annum Civilem incipiunt à Novilunio cujus Plenilunium proxime insequitur Æquinoctium Autumnale. *Græci* Annum suum auspicabantur à Novilunio proximo Solstitio Æstivo: & *Romani* olim suum à Novilunio insequente Solstitium Hybernium. Atque hæc videretur causa, cur *Julius Cæsar* principium sui Anni (licet Solaris) non posuerit in ipso Brumali Solstitio, sed expectârit Novilunium insequens, ubi secundum modum tum receptum initium sui Anni sive Calendas Januarias poneret. Sed & forsan nondum penitus abolita erat vetus opinio, Solstitia confici in octavis partibus Signorum Cancrî & Capricorni, non in ipsis horum Signorum iuitiis: (quâ nihil aliud apud peritiores intellectum est, quam quod Sol revera in octavis partibus Signorum versaretur, cum vulgo in eorum initio haberetur; quod idem sonat atque Æquinoctia & Solstitia per 6 aut 7 dies anticipasse.) Et si Sol fuisset in primo Capricorni puncto 1x. Cal. Jan. fuisset satis exacte in ejus octavo gradu ipsis Calendis Januariis. Quin & hoc artificio illud consecutus est, ut Calendis Mensis Quintilis, quem suo nomine *Julium* dixit, celebrarentur Ludi Olympici; forsan ex antiquissimo ritu propter Solstitium Æstivum instituti.

Quamvis Calendæ Januarii fere per totam *Europam* pro Anni, sive *Juliani* sive *Gregoriani*, capite nunc habeantur; alii tamen alia vel olim vel etiam nunc illi capita assignant. De Mobili Festo Paschatis hætenus dictum. Æquinoctium vernum pro capite Anni habent *Veneti*, *Florentini*,

Florentini, Pisani in Italia, & Treviri in Germania. v 111 Cal. *Apriles* sive Festum Annunciationis, hoc est, Incarnationis Christi, pro capite Anni statuerunt Veteres Ecclesiastici: statuit & adhuc Ecclesia *Anglicana*. Sed & Annum Civilem hinc etiam incipit *Anglia*, licet vulgus illum à Cal. *Jannarii* cum vicinis gentibus inchoet.

Collectiones Annorum celebriores, sive tempora per repetitos Annos mensurata, sunt *Olympias*, Annorum 4; *Lustrum*, Annorum nunc 4 nunc 5; *Jubilæum*, Annorum 49 aut 50; *Seculum*, Annorum 100; *Annus Magnus*, qui, si significet revolutionem integram apparentem Fixarum donec ad idem unde digressæ sunt punctum revertantur, est 25000 vel 26000 Annorum circiter.

PROPOSITIO XII.

Epochas præcipuas & notabiliores recensere, & earum ad se mutuo relationem declarare.

Sicut Astronomi in corporum Coelestium motibus supputandis certa assumunt Cœli puncta, à quibus initium sumant; ita & certa temporis momenta, à quibus, ceu radicibus, supputatio incipiat indeque procedat. Radices hæ, quas etiam *Epochas* & *Æras* dicunt, ordinario denominantur à celebri quodam & memorabili casu aut facinore, quod circa cujusvis initium accidit.

Illustrissima omnium & nobis maxime familiaris est *Epocha Nativitatis Christi*, sive Calendæ ejus *Jannarii*, quem supponimus proxime insequentum Nativitatem Domini: Atque 45 ante annis est *Epocha Julii Cæsaris*, sive *Anni Juliani caput*; quando nempe rejecto veteri Anno *Romano* ab usque, uti credunt, *Numa* continuato, Annum *Julianum* per Imperium *Romanum* observandum proposuit *Cæsar*. Verum quidem est Annum hunc non fuisse ab initio usque observatum, sed post varias & confusas intercalationes præter ordinem; Anno demum quinquage-

fino post ejus caput, hoc est, quinto Æræ vulgaris Nativitatis Christi, ab *Augusto* fuisse restitutum, eodem ordine ac si absque interruptione fuisset ab initio continuatum, mutato *Sextili* in *Augustum*.

Quamvis Epochâ Nativitatis Christi superius descripta sit ex usu vulgari stabilita jam & fere universaliter recepta, *Anglia* tamen & *Hibernia* in negotiis Ecclesiæ & Reipublicæ Epochâ utuntur integro Anno posteriore: & Christum natum ponunt, non *viii* Calendas *Januarias* finiente Anno quadragesimo quinto *Juliano*, sed Anno sequente; nempe finiente Anno *Juliano* quadragesimo sexto: & Christum conceptum ponunt *viii* Calendas *Apriles* Anni quadragesimi sexti *Juliani*: & Annum numerant non denominatum à Nativitate sed ab *Incarnatione* Christi, hoc est, Conceptione; ac proinde numero eundem, per maximam Anni partem, cum reliquo Orbe qui Annos à Nativitate numerat. Verum in tribus fere mensibus, inter Calendas *Januarias* & *viii* Calendas *Apriles*, diversum (ut ex sua Æra oportet) numerant Annum à reliquis. Ut differentia hæc inter Æras à Christo denominatas melius intelligatur, advertendum est *Dionysium Abbatem*, cognomento *Exiguum*, Annis post Christum plusquam quingentis Æræ hujus Auctorem fuisse, à quo primum tempore Anni à Christo Nato vel Incarnato numerari cœperunt, cum prius numerarentur per Consules, & ab Urbe Condita, in Imperio *Romano*; & extra illud per Annos quibus Rex quique regnaverat. Atque Æra hæc, quæ ab Auctore *Dionysiano* aliquando dicitur, pro exacta & historica habenda non est. Nam nondum extra dubium est positum, num natus sit anno uno vel altero, vel etiam tertio, quarto aut quinto ante Æram vulgarem; ut ex *Kepleri* Libro de *Anno Natali Christi* constat. Sed Æra hæc hypothetica est à vera non nimis remota, quod ad Æram sufficit. Atque secundum *Dionysium* Æræ auctorem, Christus conceptus est *viii* Calendas *Apriles* primi Anni currentis hujus Æræ.

Æræ, & natus Brumâ sequente, exeunte Anno 46^{to} *Julii Cæsaris*. Computus hic Anni fuit primo universaliter receptus, at in *Anglia* sola nunc relictus, una cum Anni tam Civilis quam Ecclesiastici capite (nempe Festo Annunciationis) tunc temporis obtinente: Nam in reliquo Orbe Christiano ab ista Epochâ tacite secessum est; opinio quippe vulgaris nunc est Christum Natum Brumâ antecedente Annunciationem *Dionysianam*, nempe exeunte Anno *Juliano* 45^{to}, ideoque Annos à Nativitate numerant: atque sic Christum Anno uno majorem natu faciunt quam *Dionysius* Æræ auctor, & cum illo *Angli*.

Cum Æræ Christianæ communiiori Tabulæ Astronomicæ nunc pleræque adaptentur, ad hanc reliquæ celebriores exigendæ sunt. Ac primo celebratur *Epocha Orbis conditi*, de qua tamen insignes sunt controversiæ. Alii contendunt Mundum conditum ante Æram Christi vulgarem Annis 3950, quos ad veritatem propius accedere ait *Gassendus*, quodque Astronomis *Gallis* etiamnum probatur. Alii Annis 3983, cum quibus facit *Petavius*. *Keplerus* Annis 3993, mediâ ætate, ex Astrologia. *Hevelius* Anno corrente 3963^{mo} ante Christum, 24 *Octobris Anni Juliani* retro producti, Horâ vi vespertina in Meridiano Edensi, cum ex suis Tabulis Solaribus invenerit tum temporis Solem in principio ♌, ejusque Apogæum in principio ♎. Alii illum multo antiquiorem ponunt, etiam usque ad 5199 Annos ante Christum.

Olympiadum Epochâ est inter profanas Antiquissima & Nobilissima, quæ refertur ad ætatem Anni ante Christum 777 ipsis Calendis *Julii*, in Anno *Juliano* retro producto.

Non multo posterior est *Epocha Urbis conditæ*, quæ ad Annum ante Christum 752 communiter refertur.

Æra Nabonassari, Astronomis semper celebris, incepit ad diem 26 *Februarii Anni Juliani* retro producti, Annoque ante Christum 747. Cumque hic dies fuerit primus Anni *Ægyptiaci*, *Ptolemaus* & post illum reliqui Astronomi, ipseque

ipseque *Copernicus*, motus syderum per Annos *Ægyptiacos* inde computant. *Ægyptiorum* enim Annus dierum 365, licet in ulu communi incommodus, quia ejus cardines per omnes tempestates vagantur, in Calculo Astronomico imprimis commodus est, quia nullâ intercalatione perturbatus.

Sequitur *Epocha Obitus Alexandri Magni*, die 12^{ma} *Novembris* tunc suppositi, Anno ante Christum 324. Cumque hic fuerit etiam vagi *Ægyptiaci* Anni primus (sic enim *Ærarum* conditores voluerunt, licet eventus ante vel post initium Anni inciderit) Annos *Ægyptiacos* dehinc computarunt *Theon*, *Albategnius* & alii qui illâ usi sunt. Inter *Æras Nabonassari* & *Obitus Alexandri Magni* intersunt Anni *Ægyptiaci* præcise 424.

Transiéo nunc *Æram Abyssinorum*, quæ & *Dioclesiani* & *Mariyrum* est: Item *Æram Arabum*, quæ & *Hegira* sive *Fuga Muhammedis*: *Epocham* etiam *Perfarum* sive *Jesdegird* dictam aliasque, quas (inter nos paucioris usus) apud Auctores videre licet; & etiam *Epocham* *Periodi Julianæ* Annorum 7980, à *Scaligero* excogitatæ, Annis *Julianis* 4714 ante *Æram Christi*, adeoque ante *Mundum conditum*.

SECTIO III.

DE SPHÆRIS, ALIISQUE MACHINIS AD MOTUM PRIMUM ADUMBRANDUM EXCOGITATIS, ET EARUM USU.

PROPOSITIO XIII.

Machinas vulgatiores, per quas Motum Primum sive diurnum imitantur Artifices & ad oculum demonstrant, nempe Globum Cælestem & Sphæram describere.

UT prædicti in Coelis circuli melius concipiantur, Coeli stellati imaginem nobis sistunt Artifices in Globo Cælesti, quæ

quæ est Sphæra ex Metallo, Charta vel simili aliqua materia constans, super duobus Polis facile mobilis. In superficie convexa notantur loca præcipuarum Stellarum Fixarum ita inter se & Polos Sphæræ disposita, sicut Stellæ, quas referunt, disponuntur ad se invicem & ad Polos, circa quos Cælum motu diurno revolvi videtur. Depinguntur item imagines & deformationes Asterismorum, quos Stellæ istæ Veteribus, vel similitudine vel religione ductis, referre visæ sunt.

Delineantur præterea in superficie Globi Æquinoctialis circulus inter Polos medius, atque huic paralleli duo Tropici hinc inde ab Æquinoctiali gradibus $23\frac{1}{2}$ remoti, totidemque Polares tantundem ab utroque Polo distantes. Delineatur etiam Ecliptica ad utrumque Tropicum pertingens, & Æquinoctialem in Globi superficie interfecans in punctis ita versus Stellarum loca relatis, sicut puncta Æquinoctialis Cœlestis (ubi Sol apparet Æquinoctiorum tempore) referuntur ad ipsas Stellæ, sæculo quo Globi conficiuntur. Tam Æquinoctialis quam Ecliptica in gradus dividitur, initio factò à puncto Æquinoctii verni punctum referente; & Æquinoctialis quidem continuato numero usque ad 360, Ecliptica vero in 12 Signa propriis characteribus distincta, quorum quodvis rursus in 30 gradus dispescitur: & per cuiusvis Signi initium ducti Eclipticæ secundarii in ejus polis coeuntes Globum universum in Signa etiam dividunt. Æquatoris vero duo tantum secundarii, Coluri nempe, in Globo Cœlesti depinguntur, quorum alter, nempe Solstitionum Colurus, Eclipticæ etiam secundarius est. Globus hujusmodi, Firmamentum stellatum referens, volubilis est circa prædictos polos, ita in Meridianum, circulum æneum immobilem extra Globum positum, insertos, ut alteri Meridiani hujus faciei, quæ gradibus distinguitur, congruant; quæ facies proinde pro Meridiano vero habenda est, circuli crassitie ad firmitatem tantum conducente. Porro, Globus Meridiano (ut dictum est) cinctus in compagem (lig-

Q d

gncam

gneam communiter) Horizontem referentem ita demittitur, ut ejus dimidium exstet supra compagis superficiem superam, quæ proinde pro Horizonte habenda est. Et ut Globus ad Horizontem satis prope undique accedat, in Horizonte sunt crenæ, ut Meridianus extra Globum prominens in illas inferatur hinc inde. In Horizonte hoc artificiali satis lato, præter circulum intimum in gradus suos à convenientibus initiis numeratos divisum, est Calendarium *Julianum* pariter & *Gregorianum*, cum gradibus Signorum Eclipticæ juxta positis, quos Sol isto seculo præter propter diebus istis occupat: est etiam & alius Ventorum sive plagarum circulus. Horizon hic suffultus est quatuor aut pluribus columellis pedamento infixis, cui etiam Pyxis Nautica imponitur, ut Globus præterpropter ad Mundi plagas dirigatur. Est præterea & Quadrans Altitudinis, qui ad Meridiani punctum supremum ope cochleæ affigi potest. Hujus margo in gradus divisa pro vero Quadrante habenda est: & numerantur gradus 90 ab ejus extremo Horizontem attingente sursum versus Zenith. In Globis, sicut hodie communiter fabricantur, adest etiam & Circulus *Horarius* dictus, Meridiano affixus, cui Polus est centrum, Dividitur circellus hic in bis 12 horas, ut ad nostrum horas numerandi morem accommodetur, à Meridiano incipientes. Et cum Polus Indicem gestet, horas pro Globi revolutione ostendet index, si duodecimam diurnam attingeret, dum Solis locus Meridiano subiceretur.

Sphæra vulgo sic dicta in hoc differt à Globo, quod ejus superficies non sit unita & perfecta ut in Globo, sed circuli principales ex Armillis constati (unde & Sphæræ hujusmodi *Armillaris* nomen) sphericam superficiem adumbrent. In hujusmodi Sphæra, præter Horizontem & Meridianum (intra quos immotos, Globi instar, rotatur) sunt quatuor circuli maximi; nempe *Æquator* & *Ecliptica* sive potius *Zodiacus* (nam fasciæ instar 20^æ latus est hic circulus) duoque *Coluri*; & quatuor minores

nores, sc. duo Tropici & totidem Polares: unde fit quod decem vulgo numerentur Sphæræ Circulî. Ita excavata est Sphæra hæc, ut transparentia quasi suâ Mundi effigies sit, ostendatque in sui medio Terræ globulum immotum ab axe suspensum, quod in Globo, cujus superficies integra est & unita, non tam bene procedit. Ex dictis patet in Sphæra Armillari supra descripta Fixarum loca non posse notari, si paucas excipias, quæ in Zodiaco videntur, quæ tamen plerumque etiam negliguntur; & ideo quæ Fixas attinent problemata, non posse per istiusmodi Sphæram solvi. Cum vero in superficie Globi Circuli Sphæræ dicti delineati sint, omnia, quæ per Sphæram Armillarem fiunt, per Globum etiam facillime confici possunt. Adeoque Sphæræ, licet sub initio renascentis Astronomiæ magni fuerint nominis, raro nunc, præterquam ad Juniorum imaginationem adjuvandam adhibentur.

Sphæris hisce armillaribus quandoque adduntur Planetæ simulati in diversis circulis mobiles, ordine quo ab Astronomis Sectæ *Ptolemaica*, *Tychonica* aut *Copernicana* numerantur; unde & Machinis istis nomen. Adeoque in Sphæra *Ptolemaica* & *Tychonica* Planetæ intra Armillas, quibus Fixarum Coelum repræsentatur, in plano Zodiaci in diversis circulis feruntur circa Terrellam in medio immobilem. At cum ad Motum Primum sive diurnum repræsentandum requiratur ut superficies Sphærica (ab Armillis adumbrata) sit Terræ concentrica, & hæc sit in *Sphæra Copernicana* mobilis; ideo in illa Planetas simulatos extra Armillas Terræ circa mentitum Solem mobili circumdatas ponunt Artifices. Quandoque Sphæræ istiusmodi & Globi Elatere aut Pondere ita animantur, ut Fixarum ortum & occasum, omnemque motum diurnum mentiantur: quandoque etiam Planetæ circuitus suos debito tempore perficiunt: Verum hæc non sunt hujus loci.

Globum Terreſtrem, qualem vulgo conſtrunt Artiſces, deſcribere.

Globus hic Terreſtris à ſupra deſcripto Cœleſti non differt, præterquam quod loco Stellarum & ex hiſce conſtatorum Aſteriſmorum delineantur Terrarum & Marium deformationes. Horum Tractus, Sinus, Promontoria, reliquaque Terreſtria, in ſuperficie ſphærica convexa ita depinguntur, ut illotum imagines cum inter ſe & Polos, circa quos Globus in Meridiano convertitur; ſitum obtineant, quem habent loca Terreſtria, quæ referunt, Polique circa quos Tellus revera motu diurno revolvitur. Telluris autem hujus ſimulatæ loca tum demum ſitum iſtum obtinebunt, ſi quiſque ſecundum longitudinem latitudinemque obſervatam in hanc quaſi Terrellam transferatur. Depinguntur etiam in Globo Terreſtri Æquator, ejuſque ſecundarii ſive Meridiani per denos gradus tranſeunt: inter quos unus præcipue eminet, qui per *Inſulas Azores* aut *Fortunatas* traductus primus Meridianus appellatur; à quo nimirum cujuſque loci Longitudo computatur, ut dictum eſt; & ab hoc proinde Meridiano numeratio graduum Æquatoris verſus ortum continuatur. Depinguntur item Æquatori paralleli, Tropici nimirum & Polares, alique denis ſemper gradibus inter ſe diſtantes, & etiam (in ſpatiis præſertim ampla vaſtaque maria referentibus) Rhumbi Navium curſus per Pyxidem Nauticam ordinatos referentes. Porro, ut Globus Terreſtris præter uſus proprios etiam Sphæræ Cœleſtis (deficiente hac) vices ſubire poſſit, Eclipticam illi aptarunt artiſces. Cum vero circulus hic ſit pure Cœleſtis, & in Tellure locum nullum habeat, ideo ejus interſecſionem cum Æquatore Terreſtri (quam ubivis ponere potuiſſent) poſuerunt ubi primus Meridianus Æquatorem interſecat.

P R O.

PROPOSITIO XV.

Varia Problemata circa Situm locorum Terra ad se invicem & Motum Astrorum diurnum, per Globos resolvere; hoc est, usum præcipuum utriusque Globi ostendere.

Quamvis sequentium Problematum solutio per Globos non sit accurata, ad Juniorum tamen animos formandos plurimum conducit: Ea autem omnia unica Propositione absolvemus. In illorum praxi per Globos exercenda concipiendus est Globus Cœlestis tanquam ipsa Mundi Machina; Sol vero & Stellæ, omniaque quæ in concavo Firmamento aspicimus, concipienda sunt tanquam super convexam superficiem spectata ab oculo extra superficiem illam posito: in Terrestri non opus est hâc fictione. Et quoniam Globi sunt instrumenta quibus in hac Propositione utimur, ii pro perfectis habendi sunt, neque quomodo fabricandi sint nunc inquirendum, sed hactenus fabricati adhibendi ad Problemata sequentia & similia.

1. *Dati in Globo Terrestri Loci Longitudinem & Latitudinem invenire.*

Datum Locum admove Meridiano (intellige semper faciei ejus numeris distinctæ, quæ (ut supra dictum) verus est Meridianus) & gradus Æquatoris, qui tum sub Meridiano reperietur, numero suo ostendet Longitudinem quæsitam. Nam initium numerandi gradus hosce sumitur à Meridiano primo; ut superius dictum. Porro, ab Æquatore computa in Meridiano ad Locum usque datum gradus Latitudinis: Nam Meridianus dividitur in quater 90 gradus, quorum bis 90 incipiunt numerari ab Æquatore versus utrumque Polum; at reliquorum bis 90 graduum numeratio incipit ab utroque polo, desinitque in Æquinoctiali, sub Horizonte. Latitudo autem Septentrionalis erit aut Meridionalis, prout Locus datus

Dd 3

ab

ab Æquatore recedit ad hunc vel illum Polum.

2. *Datis Longitudine & Latitudine, Locum in Globo Terrestri, cui ille congruit, assignare.*

Quære in Æquatore gradum Longitudinis datæ; patet Locum quæsitum esse in Meridiano per punctum hoc in Æquatore sumptum traducto. Punctum igitur hoc admove Meridiano divisio, & ab Æquatore numera gradus Latitudinis datæ versus Polum Arcticum, si borea sit, vel Antarcticum, si australis, & punctum in numerationis fine erit ipse Locus quæsitus.

3. *Globum utrumque ad datam Latitudinem, nec non Quadrantem Altitudinis Globo aptare; & Globos uti decet ad Mundi Cardines disponere.*

Si Latitudo loci data sit borea, elevetur Polus Arcticus supra Horizontem, si australis Antarcticus, donec arcus Meridiani inter Polum & Horizontem interceptus totidem sit graduum, quot ipsa loci Latitudo: per Prop. enim VII. Elevatio Poli est arcus similis Latitudini loci; hoc est, totidem gradus continens. Unde ad oculum patet quamnam Stellæ sint perpetuæ apparitionis; nempe quæ, voluto Globo sic aptato, Horizontem non subeunt: quamnam è contra perpetuæ occultationis. Deinde ab Æquatore computa in Meridiano sursum gradus Latitudinis datæ, & punctum, in quod desinit numeratio, erit vertex dati loci: (Nam Altitudo Poli æqualis est distantia Æquatoris à vertice, cum idem arcus, nempe distantia Poli & Verticis sit utriusque complementum ad quadrantem:) Vertici sic invento affigatur Quadrans altitudinis ope cochleæ, ita ut ejus margo in gradus divisus (quæ Quadrantis vicem gerit) inde quasi procedat. Denique opè Pyxidis Nauticæ pedamento Globi affixæ, recta, quæ est communis sectio planorum Horizontis & Meridiani, in linea Meridiana collocetur, ita ut Polus Globi elevatus Mundi Polum ibi conspicuum respiciat. Supponimus enim acum Magneticam secundum lineam Meridianam

dianam dirigi ; saltem ejus declinationem (quo minus istud contingat) notam esse. Unde & Meridianus Globi cum Meridiano loci congruet, & reliqui cardines cum reliquis cardinibus. Planum autem, cui insistit Globus, Horizontale est eligendum, ut Globi Horizon Loci Horizonti parallelus fiat, uti decet.

4. *Gradum quem Sol in Ecliptica ad datum tempus tenet, ope Calendarii & adjuncti Circuli Signorum super Horizontis superficie delineatorum indagare, indeque Locum ejus in ipsa Ecliptica assignare.*

Quare in dicto Calendario Menſem & Diem propositum, & è regione invenies Signum ejusque gradum quem Sol tum occupat. Deinde in Ecliptica, superficiem Globi inscripta, quare dictum Signum ejusque gradum, qui erit Locus Solis quaesitus. Si exactius procedere libeat, Locus Solis ex Ephemeridibus inventus in Ecliptica in superficie Globi descripta, ut prius, determinandus est. Eodemque modo Planetarum loca ex iisdem quaesita in Globi superficie designare licebit; quaerendo nimirum primo longitudinem Planetæ in Ecliptica, & ejus latitudinem ab hac vel illa Eclipticæ parte ope circini ex Ecliptica protrahendo. Pro gradu, quem Sol præterpropter dato tempore in Ecliptica tenet, necesse tantum est scire, quo Die cujusque Mensis Sol Eclipticæ Signum ingreditur, & gradum unum pro quovis deinde Die computare. Ad illud consequendum recitantur versiculi, quos apud Doctrinæ Sphaericæ scriptores videre est.

5. *Ascensionem rectam & Declinationem Solis, vel Stellarum, vel puncti cujusvis dati invenire, adeoque Tempus Culminationis data Stella vel puncti invenire.*

Ascensio recta Solis, aut cujusvis puncti in Globo Cœlesti, similiter investigatur atque longitudo & latitudo loci in Globo Terrestri; (per Probl. 1 :) idem enim in Cœlesti sunt Ascensio recta & Declinatio, quod in Terrestri longitudo & latitudo. Porro, loco Solis ad Meridianum adnoto,

admoto, adijunge indicem horarium horæ duodecimæ, (nam duodecimam numeramus cum Sol est in Meridiano;) & circumvoluto Globo, donec Stella aut punctum datum culminet, ostendet index simul delatus horam, quâ illud continget. Quoniam vero circellus hic horarius parvus nimis est, horæ partes in illo vix distingui possunt: sic ergo accuratius procedere licet. Quia integer Æquator (cum ejus portione quadam, competente nimirum motui Solis proprio interea factò) Meridianum spatio diei naturalis pertransit, idque æquabiliter; patet Æquatoris partem 24^{am} , sive gradus 15, in una hora Meridianum pertransire, & illius gradum unum in quatuor scrupulis primis horariis; atque sic porro. Si ergo ab Ascensione recta Stellæ auferatur Ascensio recta Solis, relinquetur portio Æquatoris, quæ Meridianum pertransit, labente tempore intermedio inter Culminationem Solis & insequentem Stellæ Culminationem: quod si tempus assumatur necessarium ut pertransseat dictus Æquatoris arcus, (concedendo pro quindecim gradibus horam unam, & pro quovis gradu minuta horaria 4, ut dictum est; quæ Operatio communiter dicitur *Conversio arcus Æquatoris in Tempus*;) invenietur tempus Culminationis Stellæ à meridie. Quod si Stellæ Ascensio recta minor sit Ascensione rectâ Solis, ita ut hæc ab illa subduci nequeat, illi addendus est integer circulus, sive gradus 360.

6. *Dato Loco Solis vel Stellæ cujuscvis, Ascensionem ejus & Descensionem Obliquam, nec non Amplitudinem Orientiam & Occiduam invenire.*

Datum Locum Solis vel Stellæ adijunge Horizonti ortho, (Globo prius ad loci latitudinem per Probl. 3^{iam} composito,) & nota gradum Æquatoris qui una ascendit: Arcus enim Æquatoris inter initium Arietis & punctum notatum interceptus (qui per numerum exprimitur puncto adpositum) est ipsa Solis vel Stellæ Ascensio Obliqua: Tum à cardine Orientis (hoc est, ab intersecciónē Æquatoris & Horizon-

Horizontis) ad Locum usque Solis vel Stællæ, arcus in Horizonte interceptus est Amplitudo Syderis Ortiva. Sin eundem Locum Solis vel Stællæ adjungas Horizonti occiduo, erit gradus Æquatoris simul descendens Descensio Obliqua, & Horizontis arcus interceptus inter Occidentis cardinem & Sydus occidens est ejus Amplitudo Occidua.

7. *Data Ascensione Solis vel Stællæ rectâ pariter atque obliquâ, dimidiatam ejus moram supra & infra Horizontem; & si Sol sit, cujus Ascensiones dantur, Longitudinem Diei & Noctis, Horamque Ortûs & Occasûs Solis; si vero sit Stælla, ex dato tempore Culminationis Horam Ortûs & Occasûs ejusdem invenire: Et è contra, datis Loco Solis & Longitudine Diei, Loca in Tellure, quibus illa competis, determinare.*

Si indicem horarium aptaveris horæ duodecimæ Meridianæ circuli horarii, cum locus Solis sub Meridiano est; voluto retrorsum Globo, donec idem locus Solis sit in Horizonte ortivo, ostendet index Horam Ortûs Solis; si vero Locus hic Solis ad occiduum Horizontem volvatur; indicabitur tum Hora occasûs; ostendetque index Horam, quâ Stælla data culminat, occidit vel oritur, quando Stælla in Globo notata pervenit ad Meridianum vel Horizontem ortivum vel occiduum. In hisce enim omnibus ipsam rerum naturam imitamur. Ex Hora vera Ortûs & Occasûs, mora Syderis supra vel infra Horizontem per se constat.

Ex datis Ascensionibus absque Globo idem accuratius per computum sic elicitur. Differentia Ascensionalis in tempus conversa, & addita sex horis si Sydus ab Æquatore declinet ad Polum Mundi elevatum, vel subducta à sex horis si declinet ad Polum depressum, dabit dimidiatam Syderis moram supra Horizontem: Hæc vero addita momento Culminationis dabit Horam Occasûs, ab eodem vero subducta exhibet Horam Ortûs Syderis. Unde dabitur mora ejus integra supra Horizontem, (quæ

Ec cum

cum de Sole agitur, est Longitudo Diei,) & reliquum ad 24 horas est ejus mora infra Horizontem.

Si vero quærat^rur Locus in quo Dies est datæ Longitudinis, cum Sol datum in Ecliptica punctum occupat; Locum Solis ad^junge Meridiano, indicemque horæ duodecimæ, & volvatur Globus donec index ostendat Horam Ortûs vel Occasûs Solis datæ Diei longitudini congruam; tum, elevando vel deprimendo alterutrum Polum, in eum situm adducatur Globus, ut Solis locus Horizontem occupet dum index dictam Horam ostendit; in quo casu Globus est in eo situ, in quo Sol in dato Eclipticæ puncto existens Diem efficit Longitudinis datæ. Omnia ergo Terræ Loca, quorum Latitudo æquatur Altitudini Poli Globi sic compositi, quæsito satisfaciunt. Et si datus Solis Locus sit in Tropico versus Polum conspicuum; (hoc est, si Locus desideretur cujus dies longissima est datæ longitudinis,) Problema hoc Climatibus & Parallelis distinguendis inserviet.

8. *Datis Latitudine Loci & Loco Solis, si præterea ex his tribus nimirum Horâ diei, Altitudine Syderis & ejusdem Azimutho, unicum detur, reliqua duo invenire.*

Compone globum ad Latitudinem Loci datam, per Probl. 3; Locum Solis ad^junge Meridiano, indicemque horæ duodecimæ; tum si Hora detur, volve Globum donec index ostendat Horam istam, vel accuratius, donec tot quindenî Æquatoris gradus Meridianum prorsum vel retrorsum transcant, quot Horæ à meridie elapsæ sunt, aut ad meridiem adhuc deficiunt; & si Horæ datæ adhæreant scrupula, pro singulis quaternis scrupulis horariis pertranscant Æquatoris gradus unus. Firmato in hoc situ Globo, Solis vel Stellæ Altitudo & Azimuth mensurentur per Quadrantem Altitudinis ad Zenith prius affixum: Altitudo nempe in Quadrante ab Horizonte sursum numeranda est; Azimuth vero computandus est in Horizon-
te à

te à cardine Meridiei vel Septentrionis ad ipsam intersectionem Quadrantis cum Horizonte. Si vero Solis vel Stellæ Altitudo detur, volve Globum donec Stella datam attingat Altitudinem, (quod Quadrante Altitudinis experiri statim licet) ostendetque pes Quadrantis ejusdem Azimuthum, & index horarius Horam. Dato vero Azimutho, adjuuge pedem Quadrantis ipsi Azimutho dato, & volve Globum donec Sydus datum Quadrantis marginem attingat, statimque innotescet Altitudo Syderis in Quadrante computata, & Hora ex indice : nisi satius sit hanc determinare ex numero graduum Æquatoris, qui Meridianum pertransierunt, ex quo Locus Solis illi fuerat adjunctus. Per Horas hic intelligimus Æquinoctiales à meridie vel media nocte numeratas, quas tamen ad *Italicas* vel *Babylonicas* pronum est reducere, quarendo (per Probl. præc.) horam Ortus vel Occasus Solis, unde illæ (itidem Æquinoctiales) numerantur : Facile etiam est horam Æquinoctialem numero datam, à quovis principio numeratam, ad inæqualem sive *Planetariam* reducere, adhibitâ longitudine diei. Quod si Planetarum loca (ex Ephemeridibus ad idem istud tempus inventa) in superficie Globi signentur, ex Globo facillime Constellationes Fixarum & ipsi Planetæ discernentur, si nocte serenâ Globus sic ad noctis horam compositus cum ipsa Coeli facie comparetur, & labente nocte paulatim roteetur Globus, ut eundem cum Cœlis situm conservet.

9. *Invenire Tempus, quo data Fixa Cosmice vel Astronomicæ oritur vel occidit.*

Datam Stellam adjuuge Horizonti ortivo, & nota punctum Eclipticæ cooriens ; & quando Sol illud occupat, (quod in Globi Horizonte facile deprehendes ex circulo Signorum cum adjuncto Calendario,) Stella oritur Cosmice : Si vero Tempus Occasus Cosmici queratur, nota in Globo punctum Eclipticæ oriens cum data Stella Horizontem occiduum attingit, & Tempus quo Sol no-

tatum punctum Eclipticæ tenet est Tempus quæsitum. Pro ortu vero Achronyco, notetur punctum Eclipticæ occidens cum Stella oritur, & Tempus quo Sol punctum istud occupat est illud quod queritur. Si vero Eclipticæ punctum notetur quod simul cum Stella Horizontem occiduum attigerit, die quo Sol illud occupat dicta Stella occidit Achronyce. Atque hæc sufficiunt, si per Ortum & Occasum Cosmicum & Achronycum intelligatur Ortus & Occasus matutinus & vespertinus, ut vulgo fit. Si vero Ortus & Occasus Cosmicus (ut vult *Keplerus*) idem significant atque supra dati loci Horizontem ascensus, & descensus infra eundem, tum hic quotidie (siquidem omnino) cuius Fixæ accidit ; cuius momentum ex Probl. 7 determinatur. Atque Ortus Stellæ Achronicus (qui secundum eundem significat ortum Stellæ dum Sol occidit) idem erit eodemque modo reperietur quo prius : Occasus vero Achronycus eodem recidit cum Occasu Cosmico in sensu vulgari.

10. *Tempus invenire, quo data Fixa Heliace oritur vel occidit.*

Cum Fixæ omnes Heliace oriantur manè & occidant vespere, ad inveniendum Tempus quo data Fixa (*ex. gr.* magnitudinis primæ) oritur Heliace, determinandum est Eclipticæ punctum, quod 12^{ta} infra Horizontem ortivum deprimitur cum illa oritur : Cum enim Sol dictum Eclipticæ punctum occupat, tantum deprimitur infra Horizontem, quantum requiritur ut Stella ista nunc supra Horizontem emersa conspici possit. Ut hoc per Globum inveniatur, admove Stellam Horizonti ortivo, & per Quadrantem Altitudinis explora punctum Eclipticæ 12 gradus supra Horizontem occiduum elevatum : Huic oppositum illud ipsum est quod queritur, sc. 12 gradus depressum infra Horizontem ortivum : Die igitur quo Sol punctum istud Eclipticæ tenet, (quod ex Calendario circulo Signorum in Horizonte Globi adjuncto facile exploratur,)

ratur,) dicta Stella magnitudinis primæ oritur Heliace. Si stella sit magnitudinis secundæ, inveniendum est Eclipticæ punctum, quod tredecim gradibus deprimitur infra Horizontem, dum stella illi adjungitur: si tertiæ, 14 opus erit gradibus, & ita deinceps; uti ex Prop. IX. patet. Quod si tempus Occasus Heliaci datæ Stellæ primi honoris desideretur, adjunctâ Stellâ Horizonti occiduo, reperiatur ut prius punctum Eclipticæ, quod eo momento 12 gradus elevatur supra Horizontem ortivum; & huic oppositum (quod nempe totidem gradibus deprimitur infra Horizontem occiduum) est ipse Solis locus in Ecliptica, dum dicta Stella occidit Heliace. Pari modo invenietur locus, quem Sol in Ecliptica tenebat, cum data Fixa dato præterito tempore Heliace oriebatur vel occidebat; ac proinde tempora à scriptoribus rei Rusticæ & Medicæ olim consignata cum nostris comparari poterunt: vice enim datæ Stellæ, prout hodie in Globis nostris depingitur, adhibendus est ejus locus, quem dato illo sæculo occupabat; nempe pro quolibet sæculo elapso Longitudinem Stellæ gradu uno & triente minorem quam hodie sumendo, & eandem Latitudinem conservando.

11. *Ad datum Tempus initium Crepusculi matutini & finem vespertini determinare.*

Composito Globo ad latitudinem Loci, (quæ in hoc & ubique in præcedentibus data supponitur,) Locum Solis dato tempori congruum adjuuge Meridiano, indicemque horarium (uti decet) horæ duodecimæ; tum volvatur Globus ortum versus, donec punctum Eclipticæ Solis loco oppositum elevetur supra Horizontem occiduum 18 gradibus, quo casu locus ipse Solis totidem gradibus deprimitur infra Horizontem ortivum; adeoque (per Prop. VIII.) incipit Crepusculum matutinum: hujus proinde momentum ostendit index. Præstat vero arcum Æquatoris, qui Meridianum pertransiit, (interca dum

Globus volvitur in situm hunc ab eo quem obtinebat cum Locus Solis Meridianum attingeret,) in tempus convertere à duodecim horis subducendum, ut habeatur Tempus initii Crepusculi matutini. Similiter finis Crepusculi vespertini obtinetur,volvendo Globum donec punctum Solis loco oppositum elevetur 18 gradibus supra Horizontem ortivum, &c.

12. *Datorum in Terra duorum Locorum distantiam invenire, & Angulum Positionis; nempe quem circulus maximus per data Loca traductus comprehendit cum Meridiano utriusvis.*

Distantia proxima duorum Locorum, quæ in circulo maximo computatur, invenitur capiendo distantiam eorundem in Globo depictorum; (circino nempe cruribus incurvis ad istud comparato,) & intercapedinem hanc ad Æquinoctialem vel Meridianum primum applicando, ut numerus graduum inter bina Loca innotescat; & pro quovis gradu 60 milliarum *Anglica* vel 15 *Germanica* computando. Ea enim est Telluris magnitudo, ut gradus circuli maximi in ejus superficie descripti sit præterpropter 60 milliarum *Anglicorum* vel 15 *Germanicorum*. Ad inveniendum Positionis Angulum, volvatur Globus donec Locus primus attingat Verticem, (quod fiet cum ad Meridianum pervenerit, si Globus ad loci istius latitudinem fuerit compositus;) tum Quadrantem altitudinis Vertici & proinde Loco primo affixum circumduc donec secundum attingat; arcus Horizontis inter Meridianum & Quadrantem altitudinis interceptus erit mensura Anguli Positionis inter Meridianum Loci primi & circulum maximum (nempe dictum Quadrantem) per Loca traductum comprehensi, quoniam Zenith est Horizontis polus. Ejusdem Quadrantis arcus inter Loca data interceptus in milliarum conversus (absque ope circini superius adhibiti) exhibebit distantiam locorum. Quod si, eadem praxi repetitâ, quæretur angulus, quem idem circulus per bina Loca

Loca

Loca traductus facit cum aliquot intermediis Meridianis ; (per singulos v. g. gradus Æquatoris incedentibus ;) determinabuntur *Rhumbi*, secundum quos, ad loca intermedia in dictis Meridianis posita, eundem est, ut præterpropter in circuli maximi arcu (hoc est, brevissimā viā) iter fiat inter Loca data.

13. *Datā Horā in dato Loco numeratā, Horam eodem momento in alio dato Loco numeratam determinare ; & Locum invenire, in quo data Hora numeratur.*

Adjunge Locum Meridiano, & indicem Horæ datæ ibi numeratæ ; deinde volve Globum donec alter Locus datus Meridiano subjiciatur ; ostendet index Horam quæsitam. Pro secundo casu adjunge Locum datum Meridiano & indicem Horæ datæ ut prius ; dein volvatur Globus donec index Horam alteram datam ostendat ; Loca omnia Meridiano tum adjuncta datam illam Horam numerabunt.

Si vero per calculum procedere libeat, ita accuratius fiet. Si Loca duo data sub eodem sint Meridiano, sive eandem habeant longitudinem, eandem quoque à meridie vel media nocte numerant Horam ; si vero eorum longitudes sint diversæ, Differentia longitudinum per Globum explorata in Tempus (ut in Probl. 5) conversa dat intervallum Horarum in Locis istis eodem momento numeratarum, ita ut Locus orientior numeret Horam majori numero insignitam. In posteriori casu, ubi Temporis differentia datur, convertatur hæc in arcum Æquatoris : hic arcus erit Differentia longitudinis, quæ addita longitudini Loci dati, si hic priorem numerat Horam, vel ab illa subducta, si posteriorem, exhibebit longitudinem quæsitam ; omniaque Loca Telluris in Meridiano, cujus ista est longitudo, satisfacient proposito. Quodque de Horis nostris à meridie vel media nocte numeratis hic dictum est, facillime ad *Italicas* vel *Babylonicas*

lonicas vel etiam *Planetarias* reducendo transfertur; sicut Probl. 8. ostensum est.

14. *Locum Telluris assignare, cui Sol dato Tempore perpendiculariter imminet; item Loca omnia, quibus dicto tempore Sol in Horizonte apparet oriens vel occidens.*

Composito Globo Terrestri ad latitudinem loci tui & ad Mundi Cardines, volvatur Globus donec ille Verticem occupet; & Globus sic compositus Solis radiis exponatur, (amotus Horizonte qui Solis radios impediret,) atque uno oculi ictu apparebit quibus Terræ locis Dies sit, quibus Nox; quibus Sol oriatur, quibus occidat. Nam quoniam Globus hic ipsaque Tellus sunt Figuræ similes, similiterque positæ: similiter etiam illustrantur à Sole, cujus distantia immensa pro infinita habetur. Locus vero ille, qui polus est circuli per confinia lucis & umbræ signati, ipse est cui Sol perpendiculariter imminet; & qui mechanice facile determinatur, querendo locum ubi styli superficiei globi normaliter insistentis umbra nulla est, sive in ipsum styli pedem incidit. Si vero eadem desiderentur cum Sol non splendet, queratur (per Probl. præc.) Meridianus locorum ubi tum est meridies; & in hoc Meridiano sume Terræ Locum, cujus eadem est & versus eundem Polum latitudo, atque Solis declinatio tum temporis; erit hic ipse Locus cui Sol normaliter imminet, qui si in vertice ponatur, Horizon ostendet confinia lucis & umbræ, sive Loca omnia, quibus Sol in Horizonte videtur; ex quibus facile distinguuntur ii quibus Sol oritur, ab illis quibus occidit.

15. *Sciotericum Horizontale dato loco congruum ope Globi construere.*

Componatur Globus (ut sæpe supra) ad Loci latitudinem & Mundi cardines: Si præter Meridianum alii undecim Horarii circuli (hoc est, 24 Horarii Semicirculi) extra Globum immobiles circumstarent, & Globus
omnis

omnis diaphanus esset præter Axem circa quem revolvitur; patet Solem in Meridiano positum Axis umbram in alteram Meridiani semissem projicere, & Solem in circulo Horæ primæ post meridiem constitutum opaci Axis umbram in circulum Horæ primæ post mediam noctem similiter projicere, alteram nempe ejusdem Horarii circuli medietatem ultra Polos; & sic in cæteris Horariis accidere. Si præterea concipiatur planum Horizontale Axis umbram in se projectam reflectendo ostendere; cum Sol in Meridiano consistit, Axis umbra in Horizontale planum projecta erit in parte ea communis sectionis Meridiani & Horizontis, quæ ultra centrum est; hoc est, in recta jungente centrum cum puncto intersectionis Meridiani & Horizontis: cum Sol ad circulum Horæ primæ pervenit, umbra opaci Axis in Horizontale planum projecta erit pars ea communis sectionis circuli Horæ primæ cum Horizontali plano, quæ ultra centrum jacet, sive quæ conjungit centrum cum communi intersectione circuli Horæ primæ post mediam noctem; quæque adeo cum linea Horæ duodecimæ sive Meridiana angulum comprehendit, quem metitur arcus Horizontis interceptus inter Meridianum & circulum Horæ primæ post meridiem aut mediam noctem. Eodemque modo Sol, in circulo Horæ secundæ post meridiem positus, umbram Axis super Horizontale planum projicit in rectam jungentem centrum & intersectionem circuli Horæ secundæ post mediam noctem & Horizontis; quæque proinde cum linea Meridiana angulum comprehendit, cujus mensura est Horizontis arcus inter Meridianum & circulum Horæ secundæ comprehensus: atque similiter in reliquis lineis Horariis super Horizontale planum, earum quælibet cum linea Meridiana comprehendit angulum, cujus mensura est Horizontis arcus inter Meridianum & ejusdem Horæ circumlum interceptus.

Ut ergo Horologium Sciotericum in Horizontis plano

Ff deli.

delineetur, puncto quolibet ceu centro describatur circulus Horizontem in Globo repræsentans, (namque hujus centrum refert centrum Terræ sive, in casu præsentii, Mundi centrum;) per centrum ducatur Meridiana recta, nempe quæ producta ad cardines meridiei & septentrionis pertingeret; & ex centro erigatur recta opaca Axem mundi repræsentans, quæ ad Polum dirigitur; hoc est, quæ in plano Meridiani cum linea Meridiana comprehendit angulum æqualem angulo elevationis Poli supra Horizontem loci. Hisce constitutis, linea Horæ primæ post meridiem ducatur ex centro circuli ad latus orientale Meridianæ lineæ, cum illa angulum continens, quem metitur arcus Horizontis inter Meridianum & circulum Horæ primæ comprehensus. Quoniam vero circuli Horarii in Globis non reperiuntur, eligatur certus Æquatoris secundarius, (v. g. Colorum alter,) atque ita collocetur Globus, ut assumptus hic circuli Horæ primæ locum teneat; hoc est, ut 15 gradus Æquatoris inter Meridianum fixum & assumptum hunc intercipientur, & numerentur in Horizonte ejus gradus inter fixum Meridianum & assumptum intercepti. Volvatur dein Globus, donec assumptus ille Æquatoris secundarius locum teneat circuli Horæ 2^æ pomeridianæ, hoc est, donec 30^æ Æquatoris ipsum & Meridianum fixum interjaceant; numeratisque Horizontis gradibus inter Meridianum & circulum assumptum sic positum interceptis, ducantur ad latus ejus orientale lineæ ex centro Scioterici cum Meridiana linea angulos continentes iisdem numeris graduum mensuratos, eruntque hæ ex supra dictis lineæ Horæ 1^æ & 2^æ. Et procedendo subsequantium Horarum lineæ similiter ducantur, donec ad Horam perveniatur quâ Sol die longissimâ occidit: Ubi patet lineam Horæ sextæ ad Meridianam lineam esse normalem, cum in omni latitudine 90 gradus Horizontis intercipientur inter Meridianum & circulum Horæ sextæ. Similiter determinabuntur anguli,

guli, quos lineæ dimidiarum Horarum aut aliarum quarumvis partium comprehendunt in Horizontali plano cum lineâ Meridiana. Absolutâ vero linearum Horarum declinatione ab una parte lineæ Meridianæ, v. g. pro Horis post meridiem, lineæ Horariæ antemeridianæ ita ducuntur, ut lineæ referentēs Horas à meridie æqualiter distantes æqualibus quidem angulis cum lineâ Meridiana inclinentur, sed ad alteras partes jaceant. Pari modo) adhibendo etiam Probl. 13,) Horologium Sciotericum in quovis plano describetur : quodvis enim planum est cujusdam Loci Horizontale planum.

SECTIO IV.

DE DETERMINANDO PER OBSERVATIONES
SITU & RESPECTU, QUEM CIRCULI SPHÆ,
RÆ AD SE MUTUO OBTINENT.

PROPOSITIO XVI.

Planum Meridiani Circuli, in data Habitatione, per observationes determinare.

DAtâ Habitatione, datur ejus Horizon : hic enim circulus visu definitur. Cumque solus sit in sensum incurrens, reliqui hujus respectu determinandi veniunt ; ac primo quidem Meridianus. Observentur duo plana circulorum Verticalium, quos Sydus declinationem non mutans occupat, cum æquialtum est ante & post maximam supra Horizontem elevationem ; planum verticale bifecans angulum sub observatis duobus planis comprehensum erit Meridiani planum, quod visu in Cælos productum signabit Meridianum quæsitum. Quoniam (ex hypothesi) Sydus declinationem non mutat, motu diurno describet circulum Æquatori parallelum : hujus ergo circuli (sicut ipsius Æquatoris) punctum altissimum est in

Ff 2

Meri-

Meridiano circulo, & puncta æqualiter alta hinc inde à Meridiano æqualiter distant. Quare è converso, circulus à quo verticales, in quibus Sydus ejusdem erat altitudinis, æqualiter distant hinc inde, Meridianus est; hoc est, circulus, cujus planum bisecat angulum à prædictis verticalibus comprehensum, est ipse Meridianus. Q. E. I.

Praxin quod attinet, sic commode conficitur Problema: Super planum Horizonti parallelum, hoc est, cui Perpendicularum sive filum pondere onustum normale est, (cum Zenith & Nadir, in quæ perpendicularum productum incidit, sint Horizontis poli,) erigatur Gnomon, cujus radice (sive puncto apici directe subiecto) ceu centro describatur in plano Horizontali circulus, noteturque punctum in hujus circumferentia, in quod apicis umbra à Sole facta ante meridiem incidit; rursusque ejus punctum, in quod ejusdem umbra post meridiem incidit: Recta conjungens centrum circuli cum puncto bisecante arcum inter notata duo puncta interjectum est communis sectio plani Meridiani cum plano Horizontali, quæ & *Linea Meridiana* nuncupatur; quippe cardines meridiei & septentrionis directione suâ monstrans. Super hanc ergo erectum planum ad Horizontem rectum est Meridiani planum quæsitum. Cum Sydus in hac praxi adhibitum sit Sol, patet illam tunc exercendam cum Sol declinationem suam sensibilibiter non mutat; (illud enim in Sydere ad hoc electo necessarium est;) hoc est, tempore Solstitiali. Quoniam vero observationes instituendæ sunt ante & post meridiem, Solstitium æstivum eligendum est, quoniam in brumali, ob Solem tum temporis Horizonti vicinum, Refractiones incertæ praxin redderent dubiam: & præterea Sol oblique nimis tunc ascendit descenditque, verticalem multo magis quam elevationem mutans; quod incommodum est in praxi hac, ubi verticalis ex elevatione determinandus est. Unde, Sole in æstivo Solstitio existente, ita ducendus est in plano Horizontali

horizontali circulus, ut Gnomonis umbræ extremitas in illum incidat, cum Sol elevationem multum, Azimuthum parum mutat; adeoque plures concentrici circuli ducendi sunt, ut commodior eligatur.

Ad Lineam Meridianam determinandam, ad quam instrumenta perfectiora sunt collocanda, sæpius repetenda esset hæc praxis, & aliæ adhibendæ, quas apud Auctores passim videre licet, & quilibet per se facile excogitabit: quod & de aliis quibuscvis observationibus intelligendum est, quæ fundamentales sunt, quibusque aliæ longâ serie superstruuntur. Gnomonum, præcipue altiorum, alii sunt commodissimi in observando usus: loco tamen extremitatis opacæ commode adhibetur, in ædificio magno, foramen radios Solis intra tectum transmittens; ut in Templo S^u Petronii Bononiæ à Cl. D. Cassini factum est.

PROPOSITIO XVII.

*Altitudinem Poli & Situm Æquinoctialis circuli respectu Tab. XIX.
Horizontis per observationes determinare.* F& 5.

UBi Polus alter elevatur, observetur per instrumentum in plano Meridiani (per præced. determinato) collocatum Fixæ cujusvis nunquam occidentis Altitudo maxima $o s$, & minima $o e$ supra Horizontem $h o$, quarum utraque in Meridiano contingit. Harum differentiæ $s e$ dimidium $p s$ vel $p e$ est distantia Syderis à Polo: Hæc ergo $p e$ vel $p s$ minori Altitudini $o e$ addita, vel à majore $o s$ subducta, facit $o p$ Altitudinem Poli quæsitam. Si Sydus in Altitudine maxima sit ad alteram verticis z partem, inter z & h ; tum loco maximæ Altitudinis Syderis, in calculo prædicto, adhibendum est ejus complementum ad semicirculum.

In observatione hac instituenda, summâ curâ & diligentia procedendum est: hinc enim reliquæ omnes Solis & Fixarum observationes, ac Proinde Astronomica quæ-

Tab. XII.
Fig. 5.

vis superstruuntur. Quare Fixa talis seligenda est, quæ in minima Altitudine Refractioni minime sit obnoxia; hoc est, Polo vicinior quævis, quæ Horizonti non admodum appropinquat: nam Refractio Syderum loca prope Horizontem observata incerta reddit; ut inferius ostendetur.

Si Polorum neuter satis fuerit supra Horizontem elevatus, tum ex Altitudine Meridiana Syderis, cujus nota est declinatio, res perficitur; ut in Corollario Prop. sequentis ostendetur. Immo in locis plerisque, ubi paucas tantum observationes instituere decretum est, rem sic conficiunt. Verum, cum declinationis Syderum observatio à Poli Altitudinis notitia pendeat, æquum est modum tradere hanc observandi, qui ab illa non pendet; quique à cautis omnibus observatoribus, qui Stellarum loca determinare volunt, aliorumque observatis (quæ repetere licet) minime fidere, necessario usurpanda est.

Inventâ Altitudine Poli, Altitudo Æquatoris sive HE arcus Meridiani inter Horizontem HO & Æquatorem EQ interceptus determinatur; est enim prioris complementum ad circuli quadrantem: Nam quia HZO est semicirculus, & PE quadrans, erunt PO & HE simul quadranti æquales. Determinatur igitur Æquatoris situs respectu Horizontis dati HO : Illum enim interfecat in punctis veri Ortus & Occasus, quæ per rectam signantur Meridianæ lineæ (Prop. præced. inventæ) normalem; ejusque planum inclinatur ad planum Horizontis angulo, cujus mensura est arcus HE modo inventus.

SCHOLIUM.

Ope harum duarum Propositionum Telluris magnitudo innotescet. Si secundum Lineam Meridianam (per Prop. XVI. ductam) iter factum exactissime mensuretur, & ex observata (per Prop. XVII.) Altitudine Poli ad initium & finem itineris, arcus Meridiani Terrestris intercepti ratio ad integrum Meridianum determinetur; non latebit ambitus

ambitus integri Meridiani Terrestris : ac proinde , ex cognita circuli dimensione , Telluris Diameter , & exinde (per Geometriam) illius superficies & soliditas innotescunt. Porro , quoniam in hac praxi iter sub quolibet Meridiano confectum , sive longitudo viæ ubique quamproxime proportionalis deprehenditur observatæ mutationi elevationis Poli ; constat communem sectionem superficiæ Telluris & plani Meridiani cujuscvis esse circulum , & proinde Telluris figuram esse sphericam. Abstrahimus nunc à parva elevatione ad Æquatorem , (de qua Prop. xxxi. Lib. I.) quæ in prædicta praxi erit insensibilis.

PROPOSITIO XVIII.

Cujuscvis Syderis Declinationem observare.

Propositi Syderis Altitudo Meridiana observetur. Si ^{Tab. XII. fig. 6.} Sydus fuerit in Meridiani quadrante $z h$, in quo Æquator $z q$ Meridianum intersecat , ut ad e ; erit differentia altitudinis Æquatoris $h e$ & altitudinis Syderis $h e$ (nempe $e e$) Declinatio Syderis quæsita. Si vero Sydus fuerit in Meridiani quadrante $z o$, in quo Polus p , ut in s ; tum differentia altitudinis Poli p & altitudinis Syderis $o s$, (nempe $p s$,) sive distantia Syderis à Polo , est complementum Declinationis quæsitæ. Q. E. I.

Nihil hic de observationum praxi & instrumentorum constructione addimus , in quibus horum præcipua difficultas consistit. Artificem enim in *Geometria Practica* , *Mechanicis* & *Opticis* versatissimum supponimus. Patet vero cuicvis Fixarum loca determinaturo commodissimum fore , si Quadrantem aut potius Semicirculum in Meridiani plano ptorfus immotum , & in gradus horumque partes secundum artem divisum habeat , super cujus centrum index Pinnacidiis Telescopicis instructus movetur , ut Syderis cujuscvis Altitudo Meridiana prompte mensuretur , cum ad Meridiani planum appellit : hæc enim Declinationis

tionis Syderum observatio in Fixarum locis restituendis præcipua est.

COROLLARIUM.

Tab. XII.
Fig. 6. Sicut ex datis Elevatione Poli vel Æquatoris & Altitudine Syderis Meridiana ejus Syderis Declinatio invenitur, ita è converso, ex datis Syderis Altitudine Meridiana & Declinatione, Æquatoris vel Poli Elevatio habetur. In quadrante enim $z e h$, summa vel differentia ipsarum $h e$, & e dat Æquatoris elevationem $h e$. In quadrante vero $z p o$, summa vel differentia ipsarum $o s$ & $p s$ exhibet altitudinem Poli.

PROPOSITIO XIX.

Inclinationem Eclipticæ ad Æquatorem, sive Eclipticæ Obliquitatem observare, ejusque ac proinde Colorum, Troporum & Polarum situm respectu Æquatoris determinare.

Quotidie circa Solstitium utrumvis observetur (per præced.) Solis Declinatio : Hæc, ubi maxima, ipsa est Eclipticæ Obliquitas quaesita. Quoniam enim Ecliptica est ipsa via Solis, quanta est Solis declinatio maxima, tanta etiam est ipsius Eclipticæ; unde observatâ illâ, simul observatur & hæc. Q. E. F.

Verum cum, ex praxi præcedente, Syderis Declinatio observari nequeat, nisi cum Sydus istud est in Meridiano; si contingat Solstitium celebrari, Sole in Observatoris Meridiano non existente, (quod certe plerumque fiet,) paululum aberrabitur: hoc autem tantillum est, ut sit merito negligendum. Præcipimus enim quovis meridie Declinationem inquirere; adeoque abetratio maxima est cum Solstitium mediâ nocte celebratur; nempe temporis puncto à meridie remotissimo. Error igitur cum maximus est, tantus erit, quanto Solis Declinatio 12 horis ante aut post Solstitium deficit ab ejus Declinatione

nc

ne maxima: hic autem defectus ad quatuor minuta secunda non ascendit; cum tamen ipsa Obliquitas intra minutum primum aut etiam duo ab Artificibus nondum sit definita. E Solstitiis eligendum erit illud, in quo Sol commodissime observari poterit absque erroris periculo, v. g. in regionibus hisce prope Polum septentrionalem Solstitium æstivum, quoniam Sol in Solstitio hyberno ipso meridie refractionum periculis non caret; quæ res in hujusmodi observatione maximi est momenti. Dantur & habitationes, ubi ad Obliquitatem Eclipticæ inquirendam consultum sit altitudinem Meridianam Solis, in uno Solstitiorum positi, subducere ex ejusdem altitudine Meridiana in altero Solstitio, si Sol in utroque casu sit ab eadem verticis parte; sed si ad diversas, ex posterioris Meridianæ altitudinis complemento ad semicirculum, ut relinquatur distantia Tropicorum, cujus semissis est ipsa Obliquitas quaesita.

Ad exquisitam autem indagationem Obliquitatis Zodiaci, ait Observatorum solertissimus *Hevelius* plurimorum annorum continuatas, omnibusque numeris absolutissimas, majoribus & fide dignissimis Organis administratas observationes requiri. Atque hinc fit quod etiamnum hodie, quando instrumenta sunt & magna & accurate divisa, & Telescopiis instructa, discrimen satis sensibile interfit inter Zodiaci Obliquitates ab Artificibus positas. Siquidem *Hevelius* illam ponit $23^{\circ} 30' 20''$; eandem quam *Ricciolus* in *Astronomia Reformata*: *Montanus*, qui integrum fere librum hac de re scripsit, illam post multas & repetitas observationes, mediamque inter extremas eligens hanc, constituit $23^{\circ} 30'$, quam etiam Obliquitatis mensuram ex selectis observationibus *Ricciolus* in *Almagesto* ponit: hanc etiam ponit *Strictius* in *Astronomia Carolina*, & generaliter Artifices usurpant. Quo non obstante Cl. D. *De La Hire* in *Tabb. Astron. Paris. Prior. de Motibus Solis & Luna* illam minuto primo integro minorem constituit;

nempe tantum $23^{\circ} 29'$, idque ex observationibus prope Zenith & extra refractionis periculum factis. Si vero Veterum hac de re placita notare libet, tanta reperitur inter Obliquitatem ab illis observatam, & illam quæ nunc ex Cœlis deducitur, differentia, ut plurimi Auctores eam mutabilem posuerint præter mutationem bis quolibet anno restitutam; de qua utpote fere insensibili hic non disputamus: quandoquidem tempore *Aristarchi Samii*, qui 300 prope annis ante Christum natum floruit, ea ipsa habita est 24° : vivente vero *Ptolemao* annis post Christum 140, non amplius quam $23^{\circ} 51'$: & rursus *Albategnii* tempore 900 fere post Christum annis, tantum $23^{\circ} 35'$: & *Tycho* $23^{\circ} 31' 30''$ eam per observationes prodit. Verum diligentissimi hujus sæculi Observatores illam nihilominus constantem volunt; *Gassendus* nempe, *Ricciolus*, *Horroxius* & ipse *Hevelius*, qui Veterum observationibus haud adeo multum tribuendum esse in *Prodromo* censet, cum nec instrumenta omnibus numeris perfecta adhibuerint, nec tutiori viâ incesserint. Immo Antiquiores ipseque *Ptolemaus* in *Almagesto* idem censent; & *Albategnius* ob eandem cum *Hevelio* rationem Veterum observationes suis postponit. Et *Gassendus* in *Vita Peireskii* ostendit per observationes à se institutas, eandem esse hodie Zodiaci Obliquitatem, quæ fuerat tempore *Alexandri Magni*; eandem quippe à se observatam rationem Gnomonis ad suam umbram in meridie Solstitii æstivi *Massilia*, quæ fuerat in eadem urbe tum observata à *Pythea Massiliensi*.

Porro, puncta in Cœlo, ubi Ecliptica Æquatorem intersectat, illa sunt, in quibus Sol apparet dum dies noctibus æquales sunt Observatori, cui Polorum alteruter elevatur supra Horizontem. Eclipticæ ergo situs is est, ut Æquatorem intersectet in dictis punctis, & ad Æquatorem inclinetur in angulo supra determinato, ejus dimidio ad Polum Boreum vergente, in quo Sol versatur dum

dum dies noctibus sunt longiores Borealis hemisphærii Terræ incolis. Eclipticæ situ dato, protinus datur situs Tropicorum; quippe qui Æquatori paralleli Eclipticam contingunt, suntque tantum ab Æquatore remoti, quanta est Eclipticæ Obliquitas: & Polares tantundem à Polaris proximis distant. Colorum etiam situs hinc deducitur: nam in Polaris hæcenus per observationes determinatis, ad angulos rectos se mutuo interfecantes, per puncta Æquinoctialia & Solstitialia supra inventa transeunt.

PROPOSITIO XX.

Datâ Eclipticæ Obliquitate, Ascensionem rectam & Declinationem dati in ea puncti, item Angulum, quem ad dictum punctum comprehendis Ecliptica cum Meridiano, per calculum eruere; & è converso, Ecliptica punctum, cui horum aliquod competit, definire. & proinde locum Solis in Ecliptica, ex observatione per Prop. XVIII. facta, determinare.

R Eferat E Q Æquatorẽ, cujus Polus P ; E L Eclipticam; E Æquinoctii alterutrius punctum; L punctum in Ecliptica datum, per quod traductus concipiatur circulus declinationis P L Q . In triangulo sphærico E L Q datur latus E L , nempe distantia puncti dati ab E , & angulus Q E L Eclipticæ Obliquitas; datur item angulus Q , nempe rectus, quia P est Polus circuli E Q : Invenietur igitur (per Trigonometriam sphæricorum) latus Q L puncti L Declinatio quæsitâ, quæ borealis est vel australis pro Poli adjacentis natura; item latus E Q , quod (pro situ puncti L in hoc vel illo Eclipticæ quadrante, & natura puncti E) erit vel ipsa Ascensio recta quæsitâ, vel illius complementum ad quadrantem, vel semicirculum, vel tres quadrantes, vel integrum circum. Datur etiam angulus Q L E , quem Ecliptica in dicto puncto facit cum Declinationis circulo sive Meridiano.

Gg 2

diano,

Tab. XIV.
Fig. 7.

•

diano. Hujus conversum similiter construitur : advertendum tamen duo esse Eclipticæ puncta, quorum eadem est versus datum Polum Declinatio; adeoque opus esse determinatione aliquâ.

SECTIO V.

DE STELLIS FIXIS, EARUM LOCIS PER
OBSERVATIONEM DEFINIENDIS, ALIIS-
QUE HUC ATTINENTIBUS.

PROPOSITIO XXI.

Stellarum Fixarum classes varias explicare, in quas ob diversam magnitudinem apparentem dividuntur; hujusque differentia rationes reddere.

Propositionibus quibusdam præcedentibus modum tradidimus, quo præcipuorum Sphæræ circularum Positio respectu Horizontis sensu definiti determinatur; Meridiani nempe, Æquatoris, Zodiaci, Coluri utriusque, Tropi-
corum & Circularum Polarium: consequens est ut Fixarum loca circularum istorum respectu inveniendi modum tradamus. Oportet autem prius aliquid de ipsis Fixis, harumque differentiis & ordine præfari.

Et primo cuivis Cœlum nocte serenâ & illumi aspicienti ingens Stellarum diversitas apparet quoad magnitudinem apparentem & radiorum vim. Hujus respectu Astronomi illarum sex fecerunt classes, quarum maximas appellarunt *Prima Magnitudinis*, minimas *Sextæ* & intermedias eodem ordine. Diversitatem hanc aliqui in ipsam Stellarum veram magnitudinem rejiciunt, alias aliis esse revera majores asserentes, dum omnes æqualiter distant; quippe secundum hos in superficie spherica locatæ: Alii Veteres secuti causam diversæ Magnitudinis rejiciunt in diversam earum distantiam.

Huic sententiæ numerus Fixarum primæ & secundæ magnitudi-

gnitudinis multum faveat. Nam si Fixa quælibet Solis officio fungatur in spatii Mundani portione fere æquali huic, cui Sol noster imperitat, tot erunt Fixæ magnitudinis primæ, quot hujusmodi Systemata nostrum tangentes circumstare possunt; hoc est, quot æquales Sphæræ mediam æqualem contingere possunt. Ex Geometria autem constat tredecim Sphæras mediam illis æqualem circumcirca contingere; (perperam enim *Keplerus* duodecim hujusmodi pro numero angulorum *Icosaedri* reperiri asserit, in *Lib. I. Epis.*) & totidem observantur in contraversæ Stellæ magnitudinis primæ. Advertendum enim inter ipsos Fixarum observatores, de illarum numero non prorsus constare: Nam *Hevelius* *Lucidam in scapulis Aquilæ* ad secundam magnitudinem refert, quam *Tycho* primæ magnitudinis dixit; & è contra *Hevelius* *Canem minorem* & *dextrum Humerum Orionis* primæ censet, quas tamen *Tycho* secundæ ponit. Aliæ interim reperiuntur, de quarum classe dubitat ipse *Hevelius*.

Rursus, si quærat quæ Sphæræ prioribus æquales prædictum primum ordinem Sphærarum, Sphæram ab initio positam circumstantium (sive potius priores illas 13 cum decimaquarta centrali comprehendentem Sphæram,) contingere possunt; inveniatur harum numerus 52, sive 4×13 . Nam Sphærarum harum secundi ordinis centra versantur in superficie sphærica, quæ quadrupla est ejus in qua versantur centra Sphærarum primi ordinis intimam tangentium, cum illius diameter diametri hujus dupla sit; Et totidem præterpropter deprehenduntur Fixæ magnitudinis secundæ; *Hevelio* illas circiter 50 statuente, dum *Keplerus* *Tychonem* secutus ipsas 38 ponit; *Ptolemaus* non ultra 45; inter quos nos medium assumimus: in Stellis enim magnitudinis secundæ, magis quam in iis magnitudinis primæ, diversi observatores diversa sentiunt. Nec in numero Fixarum reliquarum magnitudinum hæc methodo determinando magis aberratur. Ad hanc rem ulterius

confirmandam, restat ut ostendamus eundem inter Fixas primi honoris observari ordinem, qui inter corpora centralia Sphærarum intimam Sphæram (prope cuius centrum oculus ponitur) circumcirca contingentium; eundem inter Fixas secundæ magnitudinis, qui inter corpora centralia Sphærarum ordine secundarum ab his; atque ita denuo. Atque hic quidem res non æque procedit, (quæ causa fuit, cur *Keplerus* in aliam abiit sententiam;) ut vel exinde constat quod primo obtutu quidam Firmamenti tractus Stellis innumeris quasi scatentes cernantur, alii vero ab iis tantum non vacui deprehendantur. Ast in primæ & secundæ magnitudinis Stellarum ordine adeo non est aberratum, ut comparanti patebit: Nam sex sunt Stellæ primæ magnitudinis in Zodiaco, tres ad Boream, & quatuor ad Austrum, præterpropter uti ex hac theoria decet.

PROPOSITIO XXII.

Constellationes, in quas Fixæ ab Astronomis distribuuntur, enumerare.

V Eteres vel lineamenta secuti dispositionis variæ Fixarum, vel religione ducti distribuerunt Fixas omnes, in Zona nostra Temperata conspicuas, in Imagines 48: Quarum 12 in Zodiaci longitudinem incidunt, ejusque Dodecatemoriis nomina imponunt sua: Suntque in Boreali Zodiaci dimidio, *Aries, Taurus, Gemini, Cancer, Leo & Virgo*; in Australi, *Libra, Scorpius, Sagittarius, Capricornus, Aquarius & Pisces*. Reliquæ imagines in Hemisphæriis per Zodiacum distinctis locantur: in Septentrionali 21, nempe *Ursa minor, Ursa major, Draco, Cepheus, Bootes, Corona Septentrionalis, Hercules, Lyra, Cygnus, Cassiopeia, Perseus, Andromeda, Triangulum, Auriga, Pegasus, Equuleus, Delphin, Sagitta, Aquila, Serpentiarius, Serpens*. Hisce postea adjectæ sunt Constellationes

lationes *Antinoi* ex informibus prope Aquilam, inter hanc & Capricornum & Sagittarium, & *Coma Berenices* ex informibus prope Caudam Leonis. Antinoum ad Aquilam, & Equuleum ad Pegasus reducit *Ptolemaeus*. Ad Australem Zodiaci partem sunt Asterismi 15 Veteribus cogniti, nempe *Cetus*, *Eridanus*, *Lepus*, *Orion*, *Canis major*, *Canis minor*, *Argo-navis*, *Hydra*, *Crater*, *Corvus*, *Centaurus*, *Lupus*, *Ara*, *Corona Australis*, *Piscis Austrinus*.

Hicce nuper adduntur, quæ circa Polum Austrinum sunt nobis inconspiciuæ, Constellationes 12. *Phoenix*, *Grus*, *Indus*, *Pavo*, *Apus*, *Triangulum Australe*, *Musca*, *Chamaeleon*, *Piscis volans*, *Toucan* sive *Anser Americanus*, *Hydrus*, *Xiphias* sive *Dorado*.

Extra depictarum imaginum limites sunt Stellæ quædam ad illas irreducibiles, quas ideo *Informes* vocant, atque ex hisce insigniores Fixarum Observatores novos Asterismos subinde confingunt, nominaque imponunt. Cl. nempe *Edmundus Halleius*, dum in *Insula S^{ta}. Helena* Stellas Polo Austrino vicinas primus exacte observaret, jure suo usus est in nova Constellatione sub specie Quercûs ex informibus inter Argum Navem & Centaurum condenda, & sub nomine *Roboris Carolini* consecranda, in perpetuam sub illius latebris servati *Caroli II.* memoriam in Cælum translati. Sic *Bartschius* in Globo suo Quadrupedali novas duas fundavit Constellationes, *Camelopardum* & *Monocerotem*, quas retinet *Hevelius*. Ipse autem *Hevelius* omnium longissime in hac materia progressus est, pluraque ex informibus prius Stellis construxit Sydera nova quam Recentiorum quivis, ut ex ejus *Firmamento* patet; nempe inter Leonem & Ursam majorem *Leonem minorem* invexit, & *Lyncem* inter Ursam majorem & Aurigam supra Geminos; *Canes Venaticos* post Ursam majorem & sub ejus Cauda reposuit, ita ut quæ *Tychoni* fuit informis inter Caudas Helices & Leonis, (quæ postea *Cordis Caroli* nomine fuit ab *Anglis* insignita,)

ta,) *Hevelio* sit in *Anulo Armille Chæra*; *Lacertam* sive *Stellionem* inter *Andromedam* & *Cygnum*; *Urania Sextantem* inter *Leonem* & *Hydrum*; *Scutum Sobiescianum* inter *Aquilam* & *Serpentarium*; *Vulpeculam cum Anserem* inter *Aquilam* & *Lyræ* sub *Cygro*; *Triangulum minus* inter *Triangulum Boreale* & *Arietis Caput*. Veteres etiam *Constellationes* quasdam immutavit paululum, aliasque illis adjunxit; ut *Antinomum* prius inermem *Arcu* & *Sagittæ* armavit, in *Herculis* genu inflexi sinistram *Cerberum* induxit, & sub *Bootis* pedibus *Montem Manalium* posuit. Prædicta Sydera in *Locis* descriptis collocavit ad *tabulæ veteris* adjacentium Syderum continuationem, ne *Astrologorum* placita & regulas nimium turbaret, vel ad *facinoris nobilioris* memoriam perpetuandam.

Alii rursus integra Sydera novis nominibus iisque *Christianis* designanda censent; cujus specimen dedit *V. Beda* in *Astris Zodiaci*, & continuavit in suo *Cælo Stellato* anno 1627 edito *Julius Schillerus*. Consilium tamen hoc merito improbarunt *Copernicus*, *Tycho*, & *Hevelius* in *Firmamento*, alique *Astronomi*, qui *priscas formas* & *antiqua nomina* retinenda censent, ne *Veterum Astronomia* paulatim deperdatur, & *confusio* oriatur. Modo enim hucusque ab ipsis *Astronomiæ* primordiis recepto, quod in hac re præcipuum est consequimur; nempe (ut ait *Copernicus*) ut tanta *Stellarum multitudo per partes discerneretur*, & ut ha denominationibus quibusdam designari possint.

Ad *Asterismos* etiam pertinet *Via Lactea*, quam nostrum sæculum innumerarum minutarum *Fixarum* congeriem esse deprehendit, prout *Veterum* quidam, teste *Manilio*, censuere: Estque *Circulus* latus candore *Lactis* perfusus, totum *Cælum* ambiens; nonnunquam duplici tramite, plerumque simplici incedens per *Cassiopeiam*, *Perseum*, *Aurigam*, *Pedes Geminorum*, *Clavam Orionis*, *Monocerotis anteriora*, *Caudam Canis majoris*, *Argum Navem*,

Navem, Robur Carolinum, Crucem & Centauri pedes, quos ultra, è regione Aræ, in duplicem dividitur tramitem; cujus pars Orientalior transit per Aram, extremam Scorpii Caudam, Pedemque Serpentarii orientaliorem, Arcum Sagittarii, Scutum Sobiescianum, Antinoi Pedes & Cygnum, ubi maxima ejus pars alteri jungitur: Occidentaliore autem per priorem partem Caudæ Scorpii, Serpentarii Dextram & Cygni Sydus, absolvitque periodum suam in Cassiopeia, unde ejus descriptionem incipit *Manilius*. Sunt etiam & aliæ *Galaxiæ* divisiones minores, quas videre licet in *Hervellii Firmamento*. Viæ Lactæ etiam affines sunt duæ *Nubeculae* prope Polum austrinum sitæ, in *Europa* inconspiciæ, quarque à nautis *Nebula Magellanica* appellantur; illius enim albedinem (teste *Cl. Halleio*) exacte referunt, & Telescopio inspectæ hinc inde Nebulas parvas & exiguas Stellas ostendunt. Harum major inter Hydram & Doradonem; minor inter Anserem Americanum sive Toucan & Hydram collocatur.

PROPOSITIO XXIII.

Datis Solis Theoriâ & Horologio Automato, Fixarum Ascensionem Rectam per observationes determinare.

Explicatâ Fixarum diversitate tam secundum apparentem magnitudinem, quam secundum figuras Asterismorum, in quos communiter dividuntur, restat ut cujusvis ex illis locum determinandi methodum ostendamus respectu circulorum Sphæræ, quorum situs superius est determinatus, ac primo quidem respectu Æquatoris; in quem finem cujusvis Declinationem observare Prop. XVIII. docuimus: Reliquum est ut illius Ascensio Recta etiam inveniat. Verum, quoniam Æquatoris initium, à quo Syderum Ascensio Recta numeratur, est illius intersectio cum Ecliptica; in qua licet Sol reperiatur semel in anno, incunte sc. nostro Vere, inde tamen statim discedit, &

H h

punctum

punctum istud relinquit obscurum, nullo phænomeno; quod in sensus incurrat, insignitum, & tale denique unde Stellarum Ascensiones nequeunt immediate per observationes deduci; aliquod igitur eligendum est Phænomenon, cujus Ascensio Recta quolibet momento datur, ut aliorum Ascensiones Rectæ hinc observentur. Inter omnia vero ad hoc opus Sol est maxime commodus, quippe cujus motus est maxime simplex, cujusque Ascensio Recta ex dato ejus loco in Ecliptica expedite invenitur per Prop. xx. Hujus ergo Theoriâ datâ; hoc est, ad datum tempus dato ejus loco in Ecliptica, & dato etiam Horologio Automato indicem æquabiliter circumagente, sic observantur Fixarum Ascensiones Rectæ.

Primo, ita ordinetur Horologium, ut index 24 horas numeret labente tempore, quo Fixa quævis à Meridiano digressa ad eundem revertitur, quod die naturali paulo est brevius. Horologii sic ordinati index ad initium numerationis constituatur, dum Sol Meridianum attingit, & notetur hora ab Horologio numerata, quando Fixa, cujus Ascensio Recta queritur, eundem attingit. Horæ earumque partes ab indice numeratæ in Æquatoris gradus & illorum partes convertantur, ut supra est dictum: Prodiabit intervallum Ascensionum Rectarum Fixæ & Solis; hoc vero additum Ascensioni Rectæ Solis exhibet Fixæ Ascensionem Rectam quæsitam.

Si vero, in Automato ad motum Fixæ diurnum ordinato, loco 24 horarum ostendantur 360 gradus horumque partes sexagesimæ, &, dum Sol est in Meridiano, indices statuantur ad numerum graduum & scrupulorum, ex quibus Solis Ascensio Recta tum constat; ostendent hi (absque ulteriore reductione) Ascensionem Rectam Fixæ, cum hæc Meridianum attingit.

PROPOSITIO XXIV.

Datis Declinatione & Ascensione Rectâ unius Syderis, & Declinatione alterius una cum Syderum Distantia, posterioris hujus Ascensionem Rectam invenire; & e converso, Syderum, quorum Ascensiones Rectæ & Declinationes dantur, Distantiam invenire.

R Eferat EQ Aequatorem, cujus Polus P ; sintque ^{Tab. XIX.} Sydera A & B , ex quorum Declinationibus CA , ^{Fig. 8.} DB dantur horum complementa sive distantiae à Polo, nempe PA , PB , daturque etiam (ex hypothesi) Syderum distantia AB . Quare in triangulo APB , datis lateribus invenietur angulus APB , & proinde ejus mensura CD arcus; differentia nempe Ascensionum Rectarum Syderum A & B , quæ proinde addita vel subducta Ascensioni Rectæ datæ unius, (prout circulus Declinationis per hoc transiens est ad ortum vel occasum circuli Declinationis per illud transeuntis,) dat alterius Ascensionem Rectam quæsitam.

E converso, datis Syderum A & B Ascensionibus Rectis, datur harum differentia CD ; hoc est, angulus CPB , cujus iste arcus est mensura: & in triangulo APB , dantur latera PA , PB datarum Declinationum complementa, una cum angulo comprehenso APB : invenientur igitur reliqui anguli, & latus AB Syderum Distantia quæsitæ.

Pariterque duorum in Telluris superficie Locorum, quorum Longitudines & Latitudines dantur, invenientur Distantia in circulo maximo computata, & anguli quos hic (qui communi Azimutho Cœlesti respondet) cum utroque Meridiano continet.

PROPOSITIO XXV.

Data Stellæ Ascensionem Rectam per observationes determinare, mediante Phænomeno interdiu & noctu conspicuo.

Observetur Phænomeni diu noctuque conspicui Declinatio (per Prop. xviii.) & distantia tam à Sole quam à Stella; hæc noctu, illa interdiu. Ex Phænomeni Declinatione, Distantia à Sole, & Solis loco, elicitur (per præced.) Phænomeni Ascensio Recta; ex qua & ejusdem Declinatione observata, una cum observatis Stellæ Declinatione & Distantia à Phænomeno, similiter invenietur Stellæ Ascensio Recta quæsita. Q. E. F.

S C H O L I U M.

Veteres, qui temporis mensurâ accuratâ (qualem Prop. xxi. requirit) carebant, (Clepsydræ enim ab Antiquissimis adhibitæ erant nimium fallaces,) Fixarum loca mediante Lunâ exquirebant, capiendo distantiam Lunæ à Sole secundum Æquatorem aut Eclipticam computatam de die, & distantiam Stellæ à Luna noctu, unde Distantiam inter Stellam & Solem, ac proinde (ex Solis Theoria) Distantiam Stellæ ab Eclipticæ initio concludebant.

Recentiores Venerem adhibuerunt loco Lunæ, quod hujus diameter parva minorem in distantia observanda errori ansam præbeat; & quod Lunæ locus observandus sæpenumero veniat per Fixarum loca prius correctâ, ut ejus Theoria, in hunc diem (præsertim circa quadraturas, quando Veterum observationes hæc instituebantur) minus accurata, corrigatur; & etiam quod Veneris motus neque sit tam velox, neque tam incertus. Ideoque Venerem observare conveniet in maxima elongatione à Sole, cum illius motus motui Solis propemodum est æqualis; & etiam cum ob elevationem Sol & Venus Reira-
ctiōni

tioni minime sunt obnoxii. In huiusmodi observationibus faciendis præcipue curandum, ut sæpius repetantur tam cum Venus orientalis est Sole, quam cum occidentalis; ut ex observationibus diversis ad eundem Fixæ locum determinandum conspirantibus verus locus certo constet. Ricciolus loco Veneris *Sirium* substituendum censet, quem ait splendere adeo ut circa *Æquinoctia* octo & amplius minutis ante occasum Solis *Martio*, & post ortum Solis *Septembri*, videri possit. Sed & *Regulus* & *Arcturus* tandem in Meridiano, lucente Sole, nudis oculis observati sunt à Regiæ Scientiarum Academiæ *Gallicæ* Astronomis; etiam cum Sol extra incertas Refractionis limites elevaretur: quod ope Telescopii in quavis Fixa illustriori quotidie fieri poterit.

PROPOSITIO XXVI.

Datâ Altitudine Poli, Horâ à Meridie & Loco Solis, si præterea Syderis Altitudo & Azimuth observatione innovescant, invenire Syderis istius Ascensionem Rectam & Declinationem.

REferat $PZH O$ Meridianum; $HA O$ Horizontem, ^{Tab. XII. Fig. 9.} cuius Polus est Zenith Z ; $ER Q$ *Æquatorem*, cuius Polus P ; s Stellam, per quam traducti intelligantur circulus verticalis ZSA & declinationis circulus PSR . In triangulo szp , dantur zp latus, complementum elevationis Poli OP ; zs latus, complementum altitudinis Stellæ sA ; & angulus szp , quem mensurat arcus $A O$ ex Azimutho datus: Invenitur igitur latus ps , complementum arcus rs Stellæ Declinationis quæsitæ; & etiam angulus zps , & proinde ejus mensura, nempe arcus ER . Sed ex data Hora datur arcus *Æquatoris* interceptus inter Meridianum & circulum Declinationis per Solem traductum; horum ergo arcuum datorum dantur summa & differentia. Hæc autem summa, si Sol &

H h 3 Stella

Stella fuerint ad diversa Meridiani latera; vel differentia, si ad idem, est differentia Ascensionum Rectarum Solis & Stellæ. Et ex dato Solis loco datur ejus Ascensio Recta, (per Prop. xx. ;) quare innotescit etiam Stellæ Ascensio Recta quæsitæ.

PROPOSITIO XXVII.

Data Stella Longitudinem & Latitudinem investigare.

Tab. XII. Fig. 10. **I**N schemate E Q repræsentet Æquatorem, cujus polus P; E C Eclipticam, cujus polus B; punctum E communem horum circularum intersectionem, initium φ vel $\frac{\pi}{2}$; s Sydus datum, per quod ducti intelligantur Eclipticæ & Æquatoris secundarii B S L, P S A. Et circulus maximus P B Q C ipsos polos conjungens est Colurus Solstitiorum. Invenitur per Prop. xviii. Syderis Declinatio A S, unde habebitur ejus complementum P S; & per Prop. xxiii. vel xxv. Stellæ Ascensio recta E A, (saltem ex data Ascensione recta dabitur E A,) unde habebitur ejus complementum Q A, & angulus Q P A, cujus est mensura. In triangulo igitur B P S, dantur latus P S & latus P B, distantia nempe Polorum Æquatoris & Eclipticæ hujus obliquitati æqualis, una cum angulo ab iis comprehenso B P S: Innotescit igitur latus B S, hujusque proinde complementum S L, Stellæ Latitudo quæsitæ. Invenietur etiam angulus P B S, ejusque mensura arcus C L, adeoque hujus complementum L E. Atqui arcus hic vel est ipsa Longitudo quæsitæ, vel ejus complementum ad unum, duos, tres vel quatuor quadrantes.

Similiter ex dato situ Stellæ respectu Eclipticæ determinabitur ejusdem situs respectu Æquatoris.

PRO-

PROPOSITIO XXVIII.

Datis Longitudine & Latitudine duorum Syderum, & Distantiâ tertii ab utroque, tertii istius Locum invenire.

R Eferat CED Eclipticam, cujus Polus P ; A & B Tab. XI. Fig. 1. Stellæ, quarum Longitudo & Latitudo dantur, per quas traducti intelligantur Latitudinis circuli PAC , PBD : anguli CPD sub illis comprehensi mensura est Eclipticæ arcus CD , Longitudinum datarum differentia, ac proinde datur. In triangulo APB , datis lateribus PA , PB , Latitudinum CA , DB complementis, & angulo APB , invenietur AB latus, & angulus PBA . Rursus, in triangulo ASB , datis omnibus lateribus; nempe SA , SB , distantis Stellæ s à duabus A & B , & prius invento AB , reperietur angulus ABS ; adeoque SBP , hujus & prius inventi PBA intervallum: & tandem in triangulo SBP , datis duobus lateribus BP , BS , cum angulo ab illis comprehenso SBP , invenietur PS , & consequenter ejus complementum ES , nempe Syderis s Latitudo; & angulus BPS , hujusque mensura DE , differentia nempe Longitudinum Stellarum B & s addenda Longitudini Stellæ B ut fiat Longitudo Stellæ s , si PSE sit orientior quam PBD ; subtrahenda vero, si occidentalior. Alii sunt hujus Problematis casus pro vario situ punctorum A & s , sed qui omnes similiter solvuntur.

Eodemque prorsus modo, si detur situs Stellarum A & B respectu alterius cujusvis circuli, Æquatoris *ex. gr.* hoc est, si dentur earum Ascensiones Rectæ & Declinationes, & Distantia tertiæ s ab utraque; dabitur etiam hujus situs respectu ejusdem circuli. Atque hæc in Tellure sunt similiter.

P R O.

PROPOSITIO XXIX.

Fixarum Catalogum condendi modum describere; præcipuos ejus Couditores, methodosque, quibus sunt usi, indicare, & Globum Cælestem construere.

C Ujusque Asterismi Stellæ singulæ pro loco, quem quævis in Asterismo obtinet, ordine describantur; & è regione cujusvis, ejus Longitudo & Latitudo per Prop. XXXVII. inventæ adscribantur, atque postea ejus Magnitudo notetur. Si plures fuerint in eadem Asterismi parte (capite *ex. gr.* vel manu) Stellæ, in descriptione distinguantur in borealiores & australiores, & in præcedentes, medias & sequentes; ubi illæ præcedentes ab Auctoris *Ptolemaum* secutis vocantur, quæ ad occidentem sitæ sunt; sive quæ Zodiaci partes præcedentes *i. e.* initio Arietis viciniore obtinent; hoc est, quæ in motu diurno præcedunt: A quibusdam etiam distinguuntur per literas alphabeti adscriptas. Si Stella notabilis in Asterismo occurrit, quæ singulari nomine indigitatur, nomen hocce etiam apponitur; ut *Arcturus* in Eoote, *Regulus* in Leone, *Sirius* in Cane, &c. Post Stellæ cuique Asterismo proprias adjiciuntur & informes circa eundem, similiter per viciniam hujus vel illius partis (cui sc. adjacent) descriptæ, cum cujusque Longitudine, Latitudine & Magnitudine.

Primus, qui Fixas omnes in Catalogum reducere, earumque loca determinare est aggressus, fuit *Hipparchus Rhodius* annis ante Christum circiter 120, ex *Plinii* sententia ausus rem etiam Deo improbam, adnumerare posteris Stellæ & Sydera ad normam expandere. Ex *Ptolemao* tamen constat *Tymocharidem* & *Aristyllum* plurimas circa hanc rem observationes, 180 annis ante *Hipparchum* factas, reliquisse. *Menelaus* item *Geometra* anno *Trajani* primo quadam de Fixarum locis observavit *Roma*. Post hos

hos *Claudius Ptolemaus*, circa annum à nato Christo 140, nonnulla de Fixarum progressionem in consequentia animadvertere ac literis mandare aggressus est; *Hipparchico* tamen circa earum ad invicem quoad longum & latum collocationem retento abaco, qui ad Fixas 1026 ascendit. Neque præter ea, quæ à *Ptolemao* sunt consignata, Veterum observata amplius existant. Idem quoque fecit *Albategnius Syrus* circa annum Christi 880: nam in Libro quem inscripsit de *Scientia Stellarum*, Cap. LII. pag. 202. ait se 11. gradus & dimidium & tertiam partem addidisse locis, in quibus, in *Ptolemai* Libro, eas scriptas invenit. Neque etiam *Perse Astronomi* aut *Alphoncini*, neque illis recentior *Copernicus* omnes Fixas observarunt, sed *Hipparchico* Catalogo acquieverunt, additâ solummodo in respectivis Catalogis portione motionis in omnibus interea factâ; de qua inferius. *Copernicus* interim Stellarum omnium Longitudines numerat à duarum in Arietis Cornu Præcedente, quam *Omnium Primam* vocat; quæque proinde omni ævo sunt eadem, dum Primæ hujus Longitudo ab Æquinoctii puncto indies augetur.

Hi omnes ad Stellarum loca determinanda Armillarem Sphæram, vel ejus partem (quam *Astrolabium* dixerunt) ut plurimum adhibuerunt. Ejus descriptionem vide Cap. 1. Lib. v. *Magne Constructionis*. Hoc enim instrumento ad Mundi cardines & Loci Latitudinem composito, Armillam Eclipticam referentem de Die ope radiorum Solis (cujus locum ex ejus Theoria notum habebant) in eum componebant situm, quem tum Horizontis istius respectu Ecliptica obtinebat, & Lunæ locum in Ecliptica, ope circuli Latitudinis in Astrolabio mobilis, exinde observabant. Nocte deinde insequente, mediante Lunâ, (pro cujus motu interea factò locum prius inventum corrigebant,) Armillam illam Zodiacalem in situm isti temporis puncto congruum (quemadmodum prius mediante Sole) componebant, unde cujusvis Stellæ longitudinem se-

cundum Eclipticam numeratam observabant, sicut prius Lunæ Longitudinem interdiu observassent (per mobilem Latitudinis circulum collimando) ejusque Latitudinem ope pinnacidii in dicto circulo itidem mobilis. Hunc observandi modum plene descriptum videre licet *Cap. 4. Lib. v. 11. Magnæ Constructionis Ptolemai, & Cap. 14. Lib. 11. Copernici de Revolut.*

Quamvis Veteres Lunam credidere prorsus necessariam ad Stellarum loca respectu Æquinoctialium & Solstitialium punctorum definienda, & cum iis sagacissimus *Copernicus Cap. 14. Lib. 11.* sic loquatur ; *Enim sine ipsa non erat modus locis Stellarum comprehendendis, utpote quæ ex omnibus sola Diei & Noctis sit particeps ; nihilominus Hieronymus Cardanus, in Libro quem inscribit Supplementum Almanach, (postquam monuit Fixas ad Lunam comparandas esse tempore Eclipseos Lunaræ, quia locus Lunæ Solis respectu est tum temporis optime perspectus, quippe oppositus,) Veneris Stellam in hoc negotio Lunæ feliciter substituit, quippe diei & noctis etiam participem, cujusque alia etiam sunt commoda, Schol. Prop. x x v. exposita.*

Proximus post *Hipparchum*, qui Fixas de novo observavit, fuit *Ulugh Beigh Tamerlanis Magni* Nepos. Hic quidem in Præfatione ait se observasse omnes, quæ observari poterant, præter 27 australiores. Mortuus est Princeps hic circa annum Christi 1449. Stellarum loca notavit in *Catalogo* suo (à *D. Tho. Hyde* latine reddito) ad annum Christi 1437.

Sæculo demum post Christum natum decimosexto illuxit sæculi istius Atlas, immortalis *Tycho Brahe*, qui indefesso labore Fixas omnes supra Horizontem *Uraniburgicum* facile conspicuas denuo observavit. Eodemque tempore *Gulielmus Illustrissimus Hassia Landgravius* hoc ipsum opus *Cassellis* aggregatus est, & cum Mathematicis suis *Roßmanno* & *Byrgio* ultra 30 annos continuavit. Stellarum longitudinem

itudinem & latitudinem calculo quæsit, ex Ascensione Recta & Declinatione prius observatis per Methodum Prop. xxvii ; ut *Tycho* testatur *Cap. 2. Part. 1. Progymnasmatum pag. 147* : quam tamen non usquequaque probat *Tycho*, ob difficultatem tempus à Meridie exacte numerandi, quod utut à se sæpius tentatum fuerit per Horologiorum constructionem, modisque aliis in *Progymnasmatum. Cap. citato* descriptis, nunquam tamen satis pro voto successit. At licet Principis observationes non extendantur ad plures quam 400 Fixas, & instrumentis paulo minoribus fuerint factæ, illas tamen ipsius *Tychonis* laboribus præfert *Hevelius* in *Prod. Astr.* quod ex sua sententia majorem diligentiam adhibuerit Princeps cum suis coobservatoribus, quam *Tycho* cum suis. Princeps postea per Veneris Stellam rem perfecit. *Tycho* autem, licet *pag. 146. Lib. 1. Progymnasmatum.* exprobrat *Cardano* errorem in loco Meridionalioris & Lucidioris Lancium Libræ per Venerem constituendo majorem, quam est is *Alphonsinarum Tabularum*; fatetur tamen hoc exinde profluxisse, quod Veneris situs nullis tum numeris adstrictus esset: Veneremque ille etiam ad idem opus adhibet modo Prop. xxv. descripto. Loco Armillæ Zodiacalis à Veteribus adhibitæ ad Syderum longitudinum differentias & latitudines observandas, *Tycho* optimis rationibus permotus Armillas Æquatorias substituit; quibus nempe Ascensionum rectarum differentias & declinationes etiam extra Meridianum observaret, altitudine Meridianâ ad alias comprobandas semper adhibitâ. Reliquas, quas diligentissimus Observator adhibuit, cautiones videre licet *Cap. 11. Lib. 11. Progymnasmatum.* Ex positis semel quarundam Stellarum locis, per methodos hætenus traditas inventis, aliarum Stellarum prope Æquatorem aut Eclipticam collocatarum loca modo Prop. xxiv. adducto determinavit: Cujusvis vero ignotæ Stellæ Ascensionem rectam per binas, quarum loca hætenus verificata erant, inquisivit;

sivit, & si paululum inter se discrepantes essent ejusdem Stellæ Ascensionēs Rectæ sic inventæ, mediam pro vera absque omni hæsitatione assumpsit: postea ex Ascensione Recta & Declinatione ejus Longitudinem & Latitudinem, modo Prop. xxvii. demonstrato, supputavit. Stellarum vero prope Polos positarum loca ex prioribus deduxit per praxin Prop. xxviii; verificato tamen loco sic invento per distantiam à Stella tertia prius determinata observatam. Et universaliter, Fixæ loco unicâ tantum observatione determinato, nunquam acquievit; sed singulæ tum per methodos supra indicatas, tum per Armillas suas Æquatorias, tum per praxin Prop. xxiii, Horologij optimis ad mensurandum tempus adhibitis, & hydrargyro plumboque arte Chymicâ in pulverem redactis, & decursu per foraminulum tempus simul indicantibus; quæ omnia in *Progymnasmo*. graphice descripta videre licet.

Hâc curâ & diligentia ad Annum MDC conditus *Catalogus 777 Fixarum Tychonicus*, ex ipso Cœlo desumptus, tandem prodiiit, Anno MDCX in *Astron. Instaur. Progymnasmo*. editus; & deinde Anno MDCXXVII. in *Tabulis Rudolphinis* translatus, & Stellis 223 auctus ex alijs *Tychonis* observationibus, ita ut *Catalogus* hic in *Tabulis Rudolphinis* ad mille Fixas ascendat. Addidit *Keplerus* classem secundam Fixarum, quas de vetusto *Hipparchi* Catalogo à *Ptolemao* repetito & emendato *Tycho* omisit, quasque *Semi-tychonicas* appellat: Tertiam subjungit xii Imagines Cœlestes complectentem, in Zona nostra temperata Septentrionali inconspicuas. Hasce à *Lusitanis* denominatas, & à *Petro Theodori* ad normam Astronomicam correctas, in Catalogum refert. Iama est Australiores hasce postea observasse quendam *Fredericum Houtmannum Batavum*, & ex illis observationibus *Globum Cœlestem Blavianum* correctum fuisse. Verum hunc laborem, prout Astronomum decuit, primus exantlavit Cl. *Edmundus Halleius* in *Insula S^a Heiena*, & Fixarum 350
Austra-

Australiorum ad Annum Incarnationis 1677 completum restitutarum *Catalogum* edidit, *Catalogi Tychonici* vere *Supplementum*. Distantias Australium ignotarum à *Tychonice* quibusdam observavit; & illarum loca ex assumptis locis quarundam *Tychonicarum* (per Prop. xxviii.) calculo supputavit, adjectis etiam ipsis distantis observatis.

Proximus post *Tychonem*, qui integrum Fixarum *Catalogum* proprium Orbi ostendit, est R. P. *Ricciolus*, in *Astr. Reform. Lib.* iv. ad Annum Christi MDCC completum. Verum *Catalogus* hic, qui continet plane tot *Stellas*, quot *Tycho* habet, ex *Tychonico* desumptus est, præterquam in *Stellis* 101, quas solas ex Cœlo per *Observationes* deduxit. In reliquis, paululum citra ultra à *Tychone* recedit, ejus errores manifestissimos in suum etiam transtulit, *Stellasque* quasdam à *Tychone* vere observatas, sed *Riccioli* tempore haud amplius conspicuas, in *Catalogo* suo conservavit, sicut *Hevelius Prop. Astron.* p. 133. & seqq. notat.

Prodiit denique Illustris Viri Jo. *Hevelii Daniscani Fixarum Catalogus*, *Stellas* in universum 1888 continens; nempe 950 Veteribus cognitæ, 603 quas suas dicit, utpote quas ante illum nemo recte & rite determinavit debitis instrumentis, & 335 *Halleii* in Horizonte *Gedanensi* inconspicuas. In hoc condendo sancte profiteatur se ad nullius Auctoris observationes attendisse, sed negotium hoc ita suscepisse, ac si nullus *Catalogus* fuisset in rerum natura. Immo aliena fundamenta rejecit prorsus omnia, Solisque Theoriam Tabulasque Solares suas de novo construxit, propriis observationibus unice nixas. Sincere denique affirmat se nemini quicquam surripuisse, aut *Stellæ* minimæ Locum in *Catalogum* retulisse, quem non per diversas distantias & altitudines Meridianas ipse cruerit.

Catalogos duos instruxit *Hevelius*, primum sive Majorem exhibentem tam Longitudines & Latitudines, quam

Ascensiones Rectas & Declinationes ad Annum Christi completum MDCLX, cui annexa sunt Loca secundum Longitudinem & Latitudinem, ad eundem annum reducta, Fixarum olim à *Tychone Brahe*, *Principe Hassia*, *Ricciolo*, *Ulugh Beigh* & *Ptolemæo* observata; alterum sive Minorem earundem Fixarum loca secundum Longitudinem & Latitudinem exhibentem, ad Annum Christi MDCC completum, cui subnectitur Cl. *Halleii Catalogus Stellarum Australium*, ex observationibus *Gedanensibus*, quoad Longitudinem partim correctus, ad idem tempus reductus: Adeo ut Catalogus Major exhibeat simul omnium Antecessorum Catalogos, quo protinus ad oculum pateat quousque observationes omnium inter se conveniant vel discrepent. Hisce subnectit Tabulam Ascensionis Rectæ & Declinationis plurimarum Fixarum ad Annos Christi 1660 & 1760, cum earundem differentiis pro 100 istis annis.

Ex hujusmodi Fixarum Catalogo facile construitur Globus Cœlestis: Signatis enim in superficie Globi Eclipticâ ejusque Polis, Fixarum loca è Catalogo deprompta secundum Longitudinem & Latitudinem ad Eclipticam istam exacta itidem signentur, additis Asterismorum imaginibus. Delineetur etiam Viæ Lactæ tractus per loca Fixarum, quas pertransit; addanturque Æquinoctialis Circulus, Eclipticam in assumpto numerationis initio & puncto huic opposito secans & ad illam debite inclinatus, Tropici etiam & Polares, reliquaque necessaria; de quibus supra Prop. XIII. dictum est. Atque ad hunc præcipue finem Catalogum Minorem destinavit *Hevelius*, & hinc etiam Uranographiam suam sive Tabulas omnium Syderum in plano delineatas deduxit, quas sub *Firmamenti Sobiescianii* Titulo Anno MDCC in lucem edidit. Hæ enim à Globo Cœlesti differunt sicut Regionum Tabulæ à Globo Terrestri. Schemata hæc Asterismorum Uranographica in plano ita sunt delineata, ac si Cœlum convexum ab extra, ut in Globis artificialibus contingit, aspiceremus; quod

quod à Prædecessoribus, qui Cælum contemplati sunt, Fixarum Catalogos condiderunt, aut de Attris scripserunt, factum est. *Bayerum*, quia in *Uranometria* contrarium molitus est, incogitato animo *Sydera omnia invertere* dicit *Hevelius*; & quod per ejus *Figuras nihil amplius præstant*, quam quod totum Cæleste negotium perturbant, & quod omnes *Stella, qua in Globis ad sinistram sunt constituta, ad dextram appareant*. Firmamenti ab *Hevelio* editi ope Globi Cælestis Constructio longe erit faciliior, quia Asterismorum *Figuræ in illo apte sunt delineatæ*, cum *Via Lactea ejusque quasi rivis diversis*. Fixarum vero Catalogum longe omnium amplissimum expectare jubent *Clariss. D. Flamstedii Observationes*, per plures annos instrumentis magnis simul & commodis in hunc finem institutæ.

PROPOSITIO XXX.

Mutationes aliquas notabiliores inter Fixas recensere.

JAm olim *Hipparchi ævo Stella Nova inter Fixas apparuit*. Atque hæc, teste *Plinio*, in causa fuit cur *Hipparchus aggressus sit annumerare posteris Stellas, Syderaque ad normam expangere, organis excogitatis, per qua singulorum loca & magnitudines signaret; ut facile ex eo discerni posset, non modo an obirent nascerenturve, sed an omnino aliqua transirent moverenturve; item an crescerent minuerenturve, Cælo in hereditate cunctis relicto*. Et quamvis non pauciores quam sex *Stellas Novas tempore medias inter hanc & celebrem illam, quæ in Cassiopeia Anno 1572 apparuit, numeret Ricciolus*; cum tamen vel vix omnino vel ab imperitiis sunt observatæ, de iis nihil fere dicendum restat. Nova hæc in *Cassiopeia*, maximarum in Cælo æmula, primo apparuit circa initium *Novembris Anni 1572, duravitque usque ad Martium Anni 1574*. Hæc non secus atque *Hipparchus illa occasionem*

sionem præbuit *Tychoni* observandi, novis ac maximis instrumentis, Fixas, easque de novo ad normam expandendi; ut ipse in *Progymnasim.* testatur, ubi de Nova hac expresse agit.

Anni 1596 mense *Augusto*, Novam magnitudinis 3^{ta} in Ceto observavit *David Fabricius*, quæ post duos menses evanuit.

Anno 1600 Nova apparuit in pectore Cygni, prius ab aliis, postea ab ipso *Keplero* visa, qui de ea narrationem conscripsit Astronomicam. Hæc ad Annum usque 1659 teste *Hevelio* (qui illam ab Anno 1638 majoribus organis observaverat) ejusdem mansit magnitudinis, sc. tertiæ; verum ab Anno 1659 notabiliter decrevit, & exeunte Anno 1661 plane evanuit. Elapso vero quinquennio, nempe *Septembri* 1666, illa rursus *Hevelio* 7^{ma} aut 6^a magnitudinis nudo oculo apparuit, eundem præcisè Cœli locum retinens.

Anno 1604 circa initium *Octobris*, Nova in dextro pede Serpentarii visa est, quæ Jove major & Veneri propemodum æqualis apparuit: duravit per integrum annum; quippe post *Octobrem* 1605 invisæ. De hac Librum edidit *Keplerus*, Physicis & Astrologicis disputationibus plenum. Novas istas tres, nempe in Cassiopeia, Cygno & Serpentario, subministravit Galaxia, quæ propterea Stellarum Novarum Promptuarium à quibusdam dicitur. Observatæ sunt & aliæ Novæ, nempe illa Anno 1612 in cingulo Andromedæ à *Simone Mario Mundi Jovialis* Auctore, & alia in Antinoo à *Justo Byrgio Principis Hæstæ Automatopæo* & aliis.

Anno 1638 *Johannes Phocylides Holnuarda Franequera* observavit Novam in collo Ceti tertiæ magnitudinis, aut etiam amplius. Quomodo hæc singulis annis dispareat, ac rursus prodeat, sed non semper eodem prorsus tempore, (licet *Bullialdus* aliter sentiret,) postea per quatuor integros annos plane delituerit, ex ejus Historia ab

Hevelio

Hevelio conscripta & *Mercurio* suo annexa, & ex *Anno Climacterico* abunde patet. D. *Cassini* easdem hujus Stellæ Phases exactis prope 330 diebus recurrere ex observationibus comperit; sic tamen ut 15 diebus aliquando restitutio hæc retardetur aut prævertat. Hæc Stella eadem videtur esse cum illa, quam Anno 1612 observaverat *Fabricius*; loca enim congruunt.

Anni 1670 mense *Julio*, Novam tertiæ magnitudinis sub capite Cygni detexit *Hevelius*, quam ad Vulpeculam suam in *Catalogo* refert; brevi autem adeo diminuta est, ut circa finem *Augusti* 1671 penitus sit exstincta: sed proximo *Martio* rursus affulsit, initio instar minutissimæ Stellulæ, deinde vero ad tertiam magnitudinem crevit, ac postea denuo sensim imminuta sic ut alterâ vice, *Septembri* Anni 1672, penitus evanuit, amplius non visa.

Non tantum Fixæ Novæ nunc primum apparent, sed & aliæ magnitudinis sextæ, quintæ & quartæ, Veteribus cognitæ & ab ipso *Tychone* observatæ, penitus evanuerunt, cujus exempla in *Hevelii Catalogo* passim videre est. Ipse quatuor memorat in *Prodr. Astr.* nempe Stellam in sinistro femore Aquarii, contiguam in cauda Capricorni præcedentem, secundam ventris Ceti, & post lances Libræ informium primam. Aliæ etiam circa hæc factæ sunt ab Astronomis *Gallis* observationes. Sed & notabiles Fixæ primæ, secundæ & tertiæ magnitudinis claritatem & magnitudinem suam sensibilibiter mutare deprehenduntur; ut ex Auctorum circa Fixas primæ & secundæ, vel secundæ & tertiæ, magnitudinis diversis sententiis dilucide constat. Ut autem Posterius de mutatione Fixarum notabiliorum facilius & absque errore dijudicare valeant; plura huc spectantia à se observata adscripsit *Hevelius* in *Prodromo*.

Transco nunc alias in Fixis mutationes ope Telescopii observatas, quales sunt quæ à D. *Cassini* noviter detectæ perhibentur; quod nempe quædam, ut Arietis prima &

K k

præ-

præcedens caput Geminorum, aliquando in binas æquales intervallo diametri utriusvis distantes divisæ appareant; quædam aliæ, ut Pleiadum aliquæ & media in gladio Orionis, quandoque triplæ aut etiam quadruplæ videantur. Phænomena enim hæc, præterquam quod nudis oculis (de quibus solis nos hic agimus) non cernantur, aliunde originem ducere videntur, & alio proinde loco tractanda veniunt.

PROPOSITIO XXXI.

Fixarum Equinoctialium Præcessionem veram, sive Fixarum Motum in consequentia apparentem definire; & ad datum tempus Locum cuiusvis Fixæ ex dato Fixarum Catalogo determinare.

Hipparchus olim, referente Ptolemao Cap. 1. Lib. vii. *Magna Constructionis*, ex comparatione suarum observationum cum illis *Aristylli* & *Tymocharidis*, suspicionem habuit motûs Fixarum in Zodiaco sitarum in consequentia: *Ptolemaus* vero ex *Hipparchi* & aliorum observatis, comparatis cum suis, hunc diserte affirmavit de omnibus, & quidem in circulis Eclipticæ parallelis factum; quod in plurimis notabilioribus Fixis Cap. ii. & iii. comprobatur, comparatis earum locis respectu Æquatoris ab Antecessoribus & à seipso observatis. Motumque hunc progressûs comperit esse unius gradus in Annis centum. *Abategnius* ex Reguli locis à *Menelao* & à seipso observatis, intercedentibus annis 785, motum Fixarum esse unius gradûs in 66 annis Cap. lxi. *Libri de Scientia Stellarum* colligit. *Ulugh Beigh*, pluribus adhuc annis interpositis edoctus, singulis septuagenis Annis Solaribus Fixas per unum gradum moveri in *Præf. ad Tabulas* suas pronunciat. Posteriores Astronomi, comparatis veteribus, *Abategnii* intermediis, & recentioribus circa hanc rem observationibus, invenerunt & motum hunc esse æquabilem,

lem, & celeriore[m] quam credidit *Ptolemaeus*, tardiore[m] vero quam *Albategnius* eundem fere quem *Ulugh Beigh* posuit. *Tycho* enim in *Progymnaſm. Lib. 1.* hunc colligit gradus unius & 25' in centum annis, ſive 51" in uno anno. *Copernicus* licet motum hunc inæqualem habuerit, medium ex obſervationibus antiquis & ſuis invicem collatis poſuit 1^h: 23': 40": 12" in annis 100: At paulo minorem poſuit *Ricciolus*, nempe 1^h: 23': 20" pari tempore, quem retinet D. *Flamſtedius*. *Stæetius* in *Aſtronomia Carolina* cum adhuc minorem ponit, quippe non ultra 1^h: 20'. *Bullialdus* in *Aſtronomia Philolaica* hunc ponit 1^h: 24': 54" in annis 100, dum noſſime *Hevelius* in *Tabb. Solar. in Prodr.* cum vult tantum 1^h: 24': 46": 50".

Pro ſingulis igitur annis, proſum ab Anno cui Catalogus aptatur, addantur Longitudini Fixæ per Tabulas inventæ 50", (numero rotundo inter variorum numeros intermedio,) fietque Longitudo quaſita: Latitudo interim invariata manet, cum & Fixæ & Ecliptica ſint in Cælo immobiles, ſolusque Æquator (circulus origine Terreſtris) luxatus quaſi priſtinas ſuas ſedes deferat. Pro ſingulis vero annis, retrorſum ab Anno Catalogi dato, ſubducantur 50" à Longitudine Tabulari, ut proveniat Longitudo dato tempori congrua. Si vero Catalogi dati ſit ordo, ut ſingularum Fixarum Longitudines à Prima Arietis numerentur, (ut ſit in *Copernici* Fixarum Catalogo, item *Clavii*, & quarundam *Tabulis Carolinis* adjuncto,) numero Longitudinis Tabularis (quippe perpetuæ) addatur Longitudo Primæ Arietis (quæ incunte Anno 1701 ex *Hevelio* eſt 29^h: 00': 58", & ſingulis poſt annis augetur per 50", ſingulis vero ante minuitur per totidem, ut ſuperius dictum) tempori dato congrua, & conſtabitur Longitudo quaſita ab Æquinoctio verno, reſecto integro circulo, ſi ſumma hunc exceſſerit. Quod ſi ad tempus datum quaerantur Fixæ Aſcenſio Recta &

Declinatio, ex inventis ejus Longitudine & Latitudine ad tempus datum ut prius, fiet propositum per conversam Prop. xxvii.

SECTIO VI.

DE PRIMI MOTUS PROBLEMATIBUS INSIGNIORIBUS PER CALCULUM RESOLVENDIS.

PROPOSITIO XXXII.

Datorum duorum in Telluris superficie Locorum Differentiam Meridianorum sive Longitudinum per observationes determinare, & Loca illustriora Telluris cum Latitudinibus & Meridianorum Differentiis in Catalogum referre, & Globum Terreſtrem conſtruere.

AB observatoribus in datis Locis observetur Phænomenon aliquod instantaneum, (initium ex. gr. aut finis Eclipsæ Lunæ nostræ, aut Eclipsis cujuscvis è Satellitibus Jovis,) notatâ in utroque Loco horâ; Differentia horarum indicatarum in Equatoris arcum conversa dat Longitudinum sive Meridianorum Differentiam quaesitam. Locorum autem propositorum ille est orientior, qui plures post meridiem numerat horas; si vero eandem numèrent, sub eodem sunt Meridiano. Nam quoniam idem Temporis punctum diversis nominibus horarum in duobus illis Locis gaudet, tantum inter se distabunt Locorum Meridies, aut aliæ quævis horæ eodem nomine insignitæ, quantum diversæ illæ horæ in eodem Loco; adeoque Equatoris arcus inter Locorum Meridianos interceptus rite reperitur tribuendo cuilibet horæ 15^{gr}. Dicitur autem Temporis intervallum *Meridianorum Differentia* vocatur, apposite satis, quia est revera Meridierum.

Pariter, si Horologium Automaton horas in Locorum altero exacte indicans ad alterum deportetur, ut cum alio,

alio horas illic indicante comparetur; Differentia horarum ab Horologiis numeratarum in *Æquatoris* arcum conversa dat Longitudinum Differentiam quæsitam: sic enim, ut in casu priori, cognoscitur intervallum inter horas eodem momento in binis Locis numeratas. Horologium enim deportatum supponitur horas similiter indicare, ac si suo in loco constitisset.

Locorum illustriorum in Catalogum repositorum cuivis adponatur Latitudo propria, eodem numero graduum designata (per Prop. VII.) quo Altitudo Poli ibi observata per Prop. XVII. Adjiciatur etiam in altera columna Differentia Meridianorum per horas earumque partes expressa (ex supra descriptis inventa) Loci propositi & Loci præcipui assumpti, cum titulo Additionis vel Subtractionis, prout illius Meridianus ad occasum jacet vel ad ortum respectu Meridiani hujus.

Facillime ex datis Locorum Latitudinibus & Differentiis Meridianorum construitur Globus Terrestris: Polis enim & circulo super illis maximo in Sphæra ad id comparata signatis, qui Telluris Polos & *Æquatorem* referant, ducatur per Polos Circulus Meridianum Loci (ad quem reliquorum in Catalogo Locorum Meridiani referuntur) representans, in quo notetur punctum totidem gradus ab *Æquatore* ficto distans, quot numerantur in Loci Latitudine tabulari; & propterea illud ipsum erit, quod dictum Locum refert. Alius quivis Locus ponitur in circulo per Polos transeunte, inter quem & Meridianum hactenus positum tot interjiciuntur *Æquatoris* ficti gradus, (& quidem pro Loci secundi situ, versus ortum vel occasum numerati,) quot reperiuntur in Longitudinum Differentia tabulari supra inventa; & tot gradus ab *Æquatore* ficto versus alterutrum Polum, quot sunt in ejus Loci Latitudine tabulari. Similiter reliqua Loca illustriora in superficie Globi signantur. Internedia vel minus illustria per Chorographiam vulgarem & itinera supplentur,

tur, adhibita quorundam Latitudine ad correctionem; hæc enim facilius observatur quam Differentia Longitudinis. Globo sic perfecto, vel Meridianus Loci proprii, vel alius quivis per Azores vel Fortunatarum aliquam traductus, pro primo haberi poterit; hoc est, Æquatoris gradus ab ejus intersectione cum Meridiano dicto (ceu initio) versus orientem numerandi sunt. Reliqui circuli aliaque necessaria Prop. XIV. descripta addantur secundum artem.

PROPOSITIO XXXIII.

Datâ Elevatione Poli, & Stella vel alterius in Cælo puncti Ascensione Rectâ & Declinatione, ejusdem Differentiam Ascensionalem, adeoque Ascensionem Obliquam, Motum supra Horizontem, & Amplitudinem Orientis invenire.

T Raditâ in præcedentibus methodo situm circulorum Sphæræ pro qualibet habitatione determinandi, Stellarum loca respectu dictorum in Sphæra Cœlesti circulorum, Locorumque in Tellure situm respectu eorundem in Telluris superficie consideratorum per observationes inveniendi; ordo postulat, ut præcipuorum (quæ reliqua sunt) circa hæc prius determinata & inventa Problematum per calculum resolutionem breviter indicemus, ad quorum exemplum alia quævis circa Motum Primum similiter resolvere proclive erit.

Tab. XX.
Fig. 2.

In casu presenti, repræsentet $E Q$ Æquatorem, cujus Polus P ; $H O R$ Horizontem, quorum communes intersectiones, O & punctum huic oppositum, sunt puncta veri Ortus & Occidus, poli nempe Meridiani $P E Q$. Sit s Sydus oriens vel occidens per quod traductus intelligatur circulus Declinationis $P s A$. In Triangulo $O A s$ dantur, præter rectum ad A , angulus $s O A$, cujus mensura est $H E$ altitudo Æquatoris; latus $A s$, Stellæ Declina-

Declinatio data ; invenitur ergo $O A$, Differentia Ascensionalis quaesita : nam O est punctum Aequatoris simul cum Stella ad Horizontem pertingens ; A ejusdem punctum quod simul ad Meridianum appellit. Hæc igitur Differentia Ascensionalis detracta ex Ascensione Recta Stellæ declinantis ad Polum elevatum, addita vero Ascensioni Rectæ Stellæ declinantis ad Polum depressum, dat ejusdem Ascensionem Obliquam ; & è contra in Declensione Obliqua. Ast hæc eadem Differentia Ascensionalis, quadranti addita vel ab eodem subducta, dat arcum semidiurnum Stellæ, prout hæc declinat ad Polum elevatum vel depressum : Hic autem in Tempus conversus dat dimidiatam Syderis Moram supra Horizontem. Invenitur etiam in triangulo $O A S$ latus $O S$, Syderis Amplitudo Ortiva vel Occidua.

Similiter prorsus resolvendo idem triangulum $O A S$ solvitur Problematis hujus conversum ; ex datis nempe Syderis punctive Ascensione Recta, Declinatione & Mora supra Horizontem, Poli Elevationem invenire.

PROPOSITIO XXXIV.

Data Poli elevatione, si Stella, cujus Ascensio Recta & Declinatio sunt nota, Altitudo observatione innotescat, Temporis momentum & Syderis Azimuthum invenire.

Idem Sphæræ circulis per easdem literas denotatis, intelligatur porro per Sydus s verticalis $z s A$ traductus. *Tab. XP, Fig. 3.*
In triangulo $p z s$ dantur omnia latera ; nempe $p z$, complementum Elevationis Poli ; $z s$, complementum Altitudinis Stellæ supra Horizontem ; & $p s$, ejusdem Stellæ distantia à Polo sive Declinationis complementum : Invenitur ergo angulus $p z s$, quem metitur Azimuthus quaesitus $O A$; item angulus $z p s$, cujus mensura est Aequatoris arcus $E R$. Sed ex dato loco Solis datur ejus Ascensio Recta : ergo datur differentia inter hanc & Stellæ

læ Ascensionem Rectam ex hypothesi etiam notam : Dabitur ergo horum arcuum summa vel differentia ; nempe arcus Æquatoris interceptus inter Meridianum $P E H$ & circulum Declinationis per Solem tractum, qui in tempus conversus exhibet tempus ante vel post meridiem, prout Sol ad hujus latus orientale vel occidentale situs est.

Idem fiet, si loco Altitudinis Stellæ ejus Azimuthus observatione notus sit.

PROPOSITIO XXXV.

Datis Longitudine Loci, Diei Horæ & Solis Loco, situm Eclipticæ respectu Horizontis determinare ; hoc est, Eclipticæ & Horizontis angulum, (sive gradus Eclipticæ ab oriente puncto Nonagesimi Altitudinem supra Horizontem.) punctum Eclipticæ oriens (indeque gradum Nonagesimum) punctumque Horizontis, in quo Eclipticæ illum interfecat, invenire.

Tab. XV.
Fig. 4

R Elipsis manentibus ut prius, sit in Eclipticæ $M S B A$ Sol s . Ad Horam datam inveniat (per Prop. xx.) ejus Ascensio recta, sive (posito $P S B$ declinationis circulo) punctum B in Æquatore, ejusve adeo distantia ab E proximo Æquinoctiali puncto, nempe $E B$. Cumque Hora detur, innotescit Æquatoris arcus $B Q$ inter B & Meridianum interceptus, adeoque & $B O$ ejus complementum ad Æquatoris quadrantem $Q O$: sed datur $B E$, unde notus est $E O$ arcus. In triangulo igitur $A E O$ inter Eclipticam, Æquatorem & Horizontem comprehenso, dantur anguli $A E O$ Eclipticæ obliquitas & $A O E$ inclinatio Æquatoris ad Horizontem, & modo inventum latus $E O$: unde innotescunt reliqua ; quorum $E A O$ hujusve complementum ad duos rectos $M A H$ est angulus, quem Eclipticæ facit cum Horizonte, ab Altitudine gradus Nonagesimi mensuratus ; $E A$ distantia puncti Eclipticæ

Eclipticæ orientis ab Æquinoctiali puncto E , indeque punctum altissimum; sive gradus ab oriente puncto A Notagesimus innotescit; & $O A$ distantia orientis puncti A à vero Ortus O , in Horizonte computata. Q. E. F.

PROPOSITIO XXXVI.

Isdem datis, Syderis, cujus Longitudo & Latitudo dantur, situm respectu Horizontis, sive Altitudinem & Azimuthum invenire; item punctum angulumque, in quo Verticalis per dictum Sydus Eclipticam intersecat, determinare.

SYderis s locus secundum Longitudinem & Latitudinem ^{Tab. XP. Fig. 5.} s datus (per convers. Prop. XXVII.) reducat ad Æquatorem; hoc est, quarantur ejus Ascensio Recta & Declinatio. Cumque Solis Ascensio Recta detur, dabitur & Ascensionum harum differentia. Sed ex Hora data notus est Æquatoris arcus inter Meridianum & circulum declinationis per Solem traductum interceptus: innotescit igitur & $Q B$ arcus Æquatoris inter Meridianum & $P S$ declinationis circulum per s transeuntem; adeoque, quem hic mensurat, angulus $Q P B$. In triangulo $Z P S$ dantur latera $P Z$, $P S$ (illud complementum Elevationis Poli, hoc dati Syderis distantia à Polo, ex illius Declinatione cognita) cum modo reperto angulo $Z P S$; unde innotescet latus $Z S$ & angulus $P Z S$: $Z S$ est Altitudinis s complementum, & angulum $P Z S$ mensurat $R E$ arcus Horizontis, qui Azimuth dicitur; cumque $R O$ sit quadrans, inventus est arcus $O E$ distantia inter O punctum veri Ortus & verticalem $Z E$ per s traductum. Porro, in triangulo $E C A$ inter verticalem $Z S E$, Horizontem $H O R$ & Eclipticam $A C M$ comprehenso, dantur anguli ad E & A (hic supra inventus, Prop. preced. ille rectus) cum latere interjecto $E A$, cognitorum arcuum $O E$, $O A$ summa vel differentia: ergo dantur reliqua; nempe $A C$ distantia puncti c ab oriente puncto

cognito A , E C latus, & angulus $E C A$, quem verticalis $z s e$ per Sydus s traductus cum Ecliptica continet. Q. E. F.

Licet Probl. hoc sit Prop. xxvi. quasi conversum, illud ipsum tamen, ob frequentem usum, placuit inferere.

COROLLARIUM.

Iisdem datis, eâdem operâ determinatur Terræ locus, cui Stella s est in vertice. In triangulo enim $z p s$, in quo omnia latera angulique innotescunt, latus $p s$ indicat distantiam loci Terræ à Polo ipsi p subjecto; unde ejus latitudo nota est, & angulus $z p s$ est distantia Meridianorum Loci dati & quaesiti. Quod si s sit in ipsa Ecliptica, Problema simplicius evadit; & adhuc magis tale, si sit Sol, eive oppositum punctum.

PROPOSITIO XXXVII.

Data Elevatione Poli & Ascensione Obliquâ Stella, ejus Ortum Cosmicum & Achronicum invenire.

Tab. XV. Fig. 6. **S** Phæræ circulis per literas ut saepe supra designatis, in triangulo $e o a$ datur angulus ad e , nempe Eclipticæ Obliquitas; latus $e o$ Syderis s Ascensio Obliqua (saltem distantia puncti Aequatoris coorientis ab Aequinoctio proximo, ex Ascensione Obliqua data) & angulus $e o a$ inclinatio Aequatoris ad Horizontem, vel hujus complementum ad duos rectos; Dabitur ergo $e a$ latus, adeoque punctum in Ecliptica cum Stella oriens. Igitur quo tempore Sol locum hunc in Ecliptica tenet, Stella s oritur Cosmice; Sole vero punctum huic oppositum occupante, eadem Stella Achronyce oritur. Similique modo ex Stellæ Descensione Obliqua (per Prop. xxxiii. inventa) Occasus Cosmicus & Achronycus Stellæ elicientur.

Quod si Ortus & Occasus Cosmicus idem significant, quod

quod supra Horizontem Ascensus infraque eundem Descensus ; Ortus & Occasus Cosmici tempus per præced. determinatur : Stellæ enim Altitudo (quippe in Ortû & Occasu nulla) datur , unde temporis momentum innoteſcet. Et tunc Ortus Achronicus idem quod vulgo ſonat ; nempe vespertinus : Occasus vero Achronycus eodem redit cum Occaſu Cosmico vulgo dicto, ſive matutino.

PROPOSITIO XXXVIII.

Data Stella Ortum & Occaſum Heliacum deſignare.

R Eliquis manentibus ſit D locus quem tenet Sol, cum Tab. XV.
fig. 7. Stella s oritur Heliace. Datur igitur in triangulo $A F D$, præter rectum ad E , $F D$ latus, ſc. arcus depreſſionis Solis requiſitæ ut Stella date magnitudinis appareat; item angulus $D A F$, quem Ecliptica comprehendit cum Horizonte, cum Stella s oritur, per Prop. xxxv. reſpertus: invenietur igitur latus $A D$. Hic autem arcus ad-junctus arcui $E A$ (per præced. invento) dat $E D$ diſtanti-
antiam Solis ab Æquinoctiali puncto E , quando s ori-tur Heliace. Innoteſcet igitur tempus Ortûs Heliaci dati Syderis s ; idem nempe quo Sol inventum Eclipticæ punc-tum D tenet. Similiterque Occaſus ejus Heliacus reperi-
tetur.

PROPOSITIO XXXIX.

Datis Latitudine Loci & Loco Solis, initium Crepuſculi Matutini & ſinem Vespertini invenire.

D Eſignet $z e p n$ Meridianum; $e q$ Æquatorem; $h o$ Horizontem, cujus Poli Zenith z & Nadir N ; s fig. 8. Solem infra Horizontem depreſſum: per quem traductus intelligatur Declinationis circulus $p s r$, & verticalis $z s n$. In triangulo $z p s$ dantur omnia latera; nempe $p z$ complementum Elevationis Poli; $p s$ diſtantia Solis à Po-lo, ex ejus Loco nota; & latus $z s$, compoſitum ex qua-
Ll 2 drante

drante & depreffione Solis ad initium vel finem Crepusculi necessaria: Innatescet igitur angulus zps , cujus mensura est arcus RE , qui in Tempus conversus exhibet horas quasitas, post Meridiem numerandas ad finem Crepusculi vespertini; harumque complementum ad 12 horas, sive arcus RQ , horas à media nocte numerandas ad initium Crepusculi matutini.

PROPOSITIO XL. LEMMA.

Si circulum in Sphæra maximum duo maximi ad angulos æquales secuerint, omnium huic parallelorum circulorum arcus à duobus secantibus intercepti sunt inter se similes; intersectantium vero arcus inter binos parallelos comprehensi sunt inter se æquales.

Tab. XV.
Fig. 9.

Circulum maximum EQV secent duo maximi HEO ; HQR in E & Q , ita ut anguli HEQ , HQV sint æquales. Dico cujuscunque circuli PAL ipsi EQV paralleli arcum AP , ab ipsis HEO , HQR interceptum, similem esse ipsi EQ ; ipsorum vero HEO , HQR arcus PE , AQ inter binos parallelos interceptos esse inter se æquales. Per Polos ipsius EQV ducantur circuli maximi PB , AC . Estque Sinus arcus AC . Sinum AQ : (Sinus AQC . Radius:: Sinus PEB . Radius::) Sinus PEB . Sinum PE . Sed arcus PB , AC (per Prop. x. Lib. 2. Sphæric. Theodosii) æquantur, adeoque & horum Sinus: ergo etiam arcus AQ , PE æquales sunt. Porro, in triangulis PEB , AQC , in quibus anguli B & C (quippe recti) & E & Q (ex hypothesi) sunt æquales, item latera PE , AQ & PB , AC hætenus ostensa æqualia, erunt etiam & latera EB , QC æqualia, adeoque arcus EQ , BC æquales. Sed AP , BC (per Prop. x. Lib. 2. Sphæric. Theodosii) sunt arcus similes, ergo & QE , AP etiam similes sunt. Et quoniam circulus PAL sumptus est utcunque, omnium ipsi EQV parallelorum circulorum

culorum arcus à circulis HEO , HQR comprehensū sunt ipsi EQ & proinde inter se similes. $Q.E.D.$

PROPOSITIO XLI.

Parallelum invenire, in quo Sol versatur tempore Minimi Crepusculi.

Longe diversam esse rationem incrementi & decrementi Crepusculorum ab incremento & decremento Dierum Artificialium jam olim est observatum: Dies enim augentur Sole à Tropico hyemali ad æstivalem redeunte; Crepuscula vero non item. Hæc enim minuuntur post brumam usque ad certum terminum ante Æquinoctium vernum, ubi minima sunt; & postea augentur, dum Sol Æquatorem transít & ad Tropicum æstivum tendit: inde vero minuuntur ad certum terminum post Æquinoctium autumnale; post hunc vero ad mediam hyemem augentur rursus. Proponatur inquirendus Parallelus à Sole per motum diurnum descriptus, cum Crepusculum in data habitatione est minimum.

In schemate sit $ZSNM$ Meridianus, SEM Horizon, ^{Tab. XP. Fig. 10.} cui sit parallelus *Circulus* minor CAR *Crepusculorum* dictus; is nempe in quo Sol hæret ad initium Crepusculi matutini & finem vespertini. Ponatur AP parallelus quæsitus. Per punctum A , ubi hic interfecat CR , ductus concipiatur $AQHO$ circulus maximus Horizonti HO in O & H occurrens, qui Æquatorem EQ secat in Q , ita ut angulus AQE sit æqualis angulo PED vel TEK . Et (ideo per præc. Lemma) EQ arcus similis est arcui PA ; & alterius cujuscvis circuli Æquatori paralleli arcus ap , inter OES & OAL interceptus, eidem AP vel QE similis etiam erit; eorumque quilibet erit mensura durationis Crepusculi, dum Sol parallelum PA percurrit. Quoniam vero (ex hypothefi) istud minimum est, horum arcuum nullus, præter PA , ad CR pertinget.

LI 3

(Nam

Tel. XV
Fig. 10.

(Nam dum Sol motu diurno alium quemvis parallelum describit, durationis Crepusculi mensura est ejus arcus $p b$, inter Horizontem $s e m$ & Crepusculorum circulum $c a r$ interceptus; quæ cum (ex hypothesi) major sit quam Crepusculi Minimi mensura $p a$, patet $p a$ ad $c r$ non pertinere, quia major $p b$ eousque tantum pertingit.) Et igitur Crepusculorum circulus $c a r$ circulum maximum $o a h$ contingit: & quia ejus pars infra Horizontem (nempe $o a h$) est semicirculus, & $c a r$ Horizonti parallelus, patet $h i a$ vel $o a$ esse circuli quadrantem. Ideoque polis o & h per a descriptus circulus $n a t z$ Æquatorem ad k intersecans maximus est, & per Zenith & Nadir transit, & Horizonti ad angulos rectos in t occurrit. Porro, in triangulis sphericis $e t k$, $q a k$ anguli $e t k$, $q a k$ (per *Prop. xv. Lib. I. Theod.*) recti sunt & proinde æquales, item anguli $t e k$, $a q k$ (per constructionem) æquales, & reliqui $t k e$, $a k q$ æquales; (quippe ad verticem positi:) unde (ex sphericis) invicem æquilatera sunt ista triangula; hoc est, arcus $t k$ æqualis $k a$, & $t e$ æqualis $q a$: Sed (per præced. Lemma) $q a$ æqualis $e p$, quare $t e$ æqualis $e p$. Præterea, in triangulo spherico $e t k$ rectangulo ad t (per *Prop. Trigonom. Spheric. notissimam*) est radius ad tangentem complementi anguli $t e k$ inclinationis Æquatoris ad Horizontem, sicut tangens arcus $t k$ ad sinum arcus $e t$: & permutando, radius ad tangentem semissis arcus depressionis circuli Crepusculorum infra Horizontem sicut tangens Elevationis Poli ad sinum arcus $e t$ vel $e p$. Rursum, in triangulo $e d p$ (posito $d p$ circulo Declinationis) rectangulo ad d sinus arcus $e p$ est ad sinum arcus $d p$ ut radius ad sinum anguli $d e p$; hoc est, ad sinum complementi Elevationis Poli: Sed in omni arcu tangens est ad sinum sicut radius ad sinum complementi; quare sinus arcus $e p$ est ad sinum arcus $d p$

ut

ut tangens Elevationis Poli ad ejusdem sinum. Et inver-
tendo ac permutando, tangens Elevationis Poli est ad
sinum arcus EP , sicut sinus dictæ Elevationis ad sinum
arcus DP : Sed est (ex superius ostensis) in casu Mi-
nimæ Crepusculi, ut radius ad tangentem semissis arcus
depressionis circuli crepusculorum ita tangens Elevationis
Poli ad sinum arcus EP ; & igitur est radius ad tangen-
tem semissis arcus depressionis circuli crepusculorum, sicut
sinus Elevationis Poli ad sinum arcus DP ; nempe de-
clinationis Paralleli, quem Sol decurrit dum Crepusculum
est Minimum. Q. E. I.

SCHOLIUM.

Si depressio circuli Crepusculorum infra Horizontem sit
 18° , (ut communiter statuitur,) erit radius ad tangen-
tem 9° ut sinus Latitudinis ad sinum declinationis Solis
versus Polum depressum tempore Minimæ Crepusculi. Da-
tis vero paralleli Declinatione & Obliquitate Eclipticæ,
invenientur (per Prop. xx.) Eclipticæ puncta bina, &
(ex Theoria Solis) tempora Anni, quibus Sol est in
dati locis; hoc est, quando Minimum sit Crepusculum.
Sic Londini Minimum Crepusculum est Sole ab Æquato-
re declinante versus austrum $6^{\circ} 7'$, & $15^{\circ} 30'$ \pm vel
 \times occupante, quod hoc ævo circa diem 22 Februarii &
27 Septembris Anni Juliani contingit. Hoc à Blancano
in Sphæra annotatum est, qui ait Crepuscula brevissima
circa dimidiam Libram ac dimidios Pisces contingere.
Problema hoc proposuit ac solvit (per binas tamen
analogias) Petrus Nonius in Libro de Crepusculis Anno
1541 edito, quem sequuntur Ambrosius Rhodius & Cla-
vius.

P R O.

PROPOSITIO XLII.

In dato positione plano, cui Horologium Sciotericum est inscribendum, Lineam Meridianam, Angulum Styli, & Lineam Substylarem determinare.

Tab. XVI.
Fig. 1.

Planum omne, cui Sciotericum Horologium inscribitur, per centrum Sphæræ transire supponitur, (quia respectu distantiae Solis ejus distantia à centro insensibilis est,) adeoque hujus intersectio cum Sphæræ superficie est circulus maximus. Sit tale planum $IRSMCT$ per Mundi centrum T transiens, quod ad superficiem productum circulum efficit $IRSMC$. Sit HIO habitationis Horizon, HZO Meridianus (in quo Polus P , & Zenith Z) priorem circulum ad M interfecans. Ex data plani $IRSC$ positione datur ejus *Declinatio*, per angulum ITH sive arcum IHO mensurata, quâ nempe plani, $IRSC$ recta Horizontalis IC declinat ab HO linea Meridiana in plano Horizontali per Prop. XVI. ducta. Datur etiam ZR ; nempe arcus circuli verticalis ad $IRSC$ normalis inter Zenith & dictum circulum interceptus, *Inclinationis* vel *Reclinationis* plani dati mensura. In triangulo Sphærico mzr rectangulo ad r datur zr , & angulus $rz m$ æqualis complemento anguli ITH ad rectum: (Nam verticalis zr in circulum $IRSC$ normalis tantum declinat à verticali primario (per ortum & occasum Æquinoctialem traducto) quantum IT ab HT ; adeoque illius complementum, nempe $rz m$, æquale est hujus ITH complemento.) Invenietur ergo latus rm , sive (quem hoc mensurat) angulus in Scioterici plano RTM . Sed datur TR positione; (est enim in plano dato perpendiculi succedaneum, sive recta Horizontali rectæ ITC normalis;) quare dabitur quaesita Meridiana recta TM in plano Scioterici, sive communis sectio plani Meridiani cum plano Scioterici. In eodem triangulo mzr
inve.

inveniuntur etiam latus $z m$ & angulus $r m z$, usui modo futura. Rursus, per Polum Mundi p ducatur arcus circuli maximi $p s$ ad $i r s c$ normalis: Et in triangulo $p s m$ rectangulo ad s datur angulus $p m s$ modo inventus, & latus $p m$ prius inventi arcus $z m$, & distantia Poli à Zenith, nempe $z p$ summa vel differentia: innotescet igitur tum arcus $p s$, sive, quem hic metitur, angulus $p t s$ inclinatio Axis $p t$ ad planum $i r s c$; hoc est, Styli Angulus quæsitus; tum latus $m s$, sive, quem hoc mensurat, angulus rectilineus in Scioterici plano $s t m$ comprehensus inter $t m$ lineam Meridianam prius determinatam & Substylarem rectam $t s$, cui nempe insistens planum Gnomonis $p t s$, cujus acies altera est Mundi Axis $p t$ umbram faciens, est ad Scioterici planum normale. Q. E. F.

PROPOSITIO XLIII.

Invenire angulum, quem linea Hora data comprehendit cum Meridiana in plano Scioterici; & inde Horologium Sciotericum in dato plano describere.

Iisdem manentibus, sit circulus Horiarius $b p b$, cujus ^{Tab. XVI.} plani cum plano positione dato $i m c$ intersectio $t b$ ^{Fig. 2.} quæritur. Ex data circuli hujus Hora datur angulus $n p b$ vel $m p b$, quem hic cum Meridiano comprehendit. In triangulo igitur spharico $p m b$, dantur (ex Prop. præc.) latus $p m$ & angulus $p m b$, & etiam angulus $m p b$: Invenitur ergo arcus $m b$; & quem hic metitur, angulus rectilineus in plano Scioterici $m t b$, quem linea Horaria $t b$ cum Meridiana $t m$ continet. Datâ ergo (per Prop. præc.) positione $t m$ rectâ, determinabitur $t b$ linea Horaria quæsitâ in Scioterici plano dato. Q. E. F.

Atque hoc modo Horologium Solare perficitur, Meridianam & Substylarem (per Prop. præc.) ex puncto pro
Mm centro

centro assumpto ducendo, & super Substylarem rectam Stylum in angulo, per præced. etiam invento, erigendo, reliquasque Horarias in angulis cum Meridiana $T M$ per Prop. hanc determinatis ducendo, propriisque numeris notando. Sic $T b$ est linea Horæ undecimæ post mediam noctem, si $P B$ circulus sit ad orientem Meridiani $P Z H$, cum illo continens angulum 15° ; hoc est, si $T b$ sit ad occidentalem lineæ Meridianæ $T M$ plagam, & angulus $M P b$ in superficie Sphæræ 15° . Similiterque $T x$ ad easdem partes sita erit linea Horæ decimæ, si $M P x$ sit 30° ; & ita porro.

PROPOSITIO XLIV.

Hora data lineam ducere in Horologio Scioterico, cujus planum per Polos transit; & inde Sciotericum Polare describere.

Tab. XVI
Fig. 3.

QUoniam circuli horarii omnes in Axe Mundi se mutuo interfecant, hic autem Axis semper est in plano Polari; patet lineas Horarias, in tali plano, omnes in ista recta reperiri: Verum ut discretæ sint, non cum Substylari confusæ, concipiendum est Horologium non in ipso plano IMC per centrum transeunte describi, (ut in omni alio casu,) sed in alio plano $im\gamma$ priori parallelo & proximo; adeo ut recta opaca umbram projiciens & cum Axe Mundi coincidens distet à plano $im\gamma$, rectâ ps . Cumque distantia Solis pro infinita habeatur, quævis data ps ejus respectu evanescit, planaue parallela per IMC , $im\gamma$ traducta proxima æstimantur; & circulorum Horariorum $fp m$, $B P b$ &c. se mutuo in Polo P decussantium portiones pm , $P b$ &c. inter Polum & circulum $im\gamma$ interceptæ pro rectis habendæ sunt; & sphericæ superficiæ pars quam portiones hæ occupant (cum sit respectu totius infinite exigua) pro plano est habenda.

In plano igitur Polari, inventâ (per Prop. XLIII.) Substylari

Substylari rectâ, erigatur Stylus cujusvis assumptæ latitudinis, ut PS , cujus acies altera in Mundi Axe posita est Substylari parallela; namque nullus est hic Styli angulus. Ad inveniendam lineam Meridianam advertatur, in triangulo rectilineo PSM præter rectum ad S dari latus PS , nempe Styli altitudinem; & angulum SPM æqualem angulo MPT , ad Prop. XLII. invento: invenietur ergo SM distantia Meridianæ lynce à Substylari in recta SM , quæ est ad Substylarem normalis, quia MP (ad i ; parallela) normalis est ad PT ; invenieturque etiam latus PM . Per punctum ergo M ducta recta Substylari parallela (quia, ut supra ostensum est, lineæ Horariæ & Substylaris, quæ etiam est harum una, in hujusmodi plano parallelæ sunt) erit in proposito Scioterico linea Meridiana. Si ducenda est linea alterius cujusvis Horæ datæ, cujus nempe circulus est BT , v. g.; in triangulo PBM dantur anguli PMB , & MPB , (ille superius inventus, hic æqualis angulo ad verticem ZPB dato ex Hora circuli PB data;) item latus PM prius determinatum: invenietur ergo MB , cujus terminus M datur, quare dabitur & B . Per hoc igitur ducta recta Substylari parallela erit linea Horæ, cujus circulus est PB . Similiterque reliquæ omnes Horariæ ducentur, & Horologium in plano Polari perficietur. Q. E. F.

Sunt & alii faciles modi Scioterica Horologia describendi: nos maxime obvium & ad doctrinam Primi Motûs elucidandam accommodum arripuimus; ad horum autem exemplum alia quævis per Gnomonis umbram indicanda in Scioterico describere proclive erit.

SECTIO VII.

DE PARALLAXI SIDERUM.

PROPOSITIO XLV.

Parallaxis naturam describere, ejusque varias species enumerare.

*Tab. XVI.
Fig. 4.*

PER totum hunc Librum supposuimus Phænomena, de quorum locis agimus, esse inter Fixas sita; vel (si locum sortiantur inter centrum sive Tellurem & superficiem sive Fixas intermedium) illa ad Fixas referri ope rectarum à centro per Phænomena protensarum; hoc est, ex centro spectari. Et licet Tellus respectu Sphæræ Fixarum centri vicem gerat, & puncti naturam induat, respectu tamen distantiarum aliorum Syderum idem non contingit; sed fiet ut Phænomenon aliquod intermedium, spectatum è Telluris superficie, diversum sortiatur locum inter Fixas (sive in superficie Sphæræ concavæ Terræ concentricæ infinite dissita) ab illo quem è centro spectatum sortiri videretur; & Diversitas hæc voce aptissimâ *Parallaxis* vocatur: Ut si L T designet Terram, cujus centrum C ; L locum in ejus superficie, cujus Zenith Z ; Z S H Fixarum Sphæram; Phænomenon P ex L spectatum inter Fixas ad e referetur, sed è centro C ad s ejus locum verum. Differentia inter locum verum s & visum e , sive arcus s e , est Phænomeni P Parallaxis: Sed & hæc eadem per angulum s P e vel L P C exponitur; nam quia L T respectu circumferentiæ Z S H evanescit, etiam & z P h (ad quam L T sensibilem habet rationem) ipsius Z S H respectu centri instar est; hoc est, arcus s e considerari potest tanquam centro P descriptus. Unde liquet per Parallaxin Phænomenon quodvis Horizonti propinquius in circulo verticali videri, & quidem tanto

tanto magis (cæteris paribus) quanto depressius est ; & Phenomenon in vertice , ut in z , spectatum è superficie in l ad eundem inter Fixas locum referri atque si è centro c spectaretur , sive Parallaxin esse in Zenith nullam.

Per Parallaxin supra descriptam (quæ vel *Parallaxis* *Tab. XVI*
Altitudinis vel etiam simpliciter *Parallaxis* dicitur) mutat *Fig. 1.*
etiam Phenomeni Locus secundum Longitudinem & Latitudinem : Sit enim Locus Phenomeni verus c , visus γ , ita ut Parallaxis sit $c\gamma$; si ducti concipiantur per c & γ circuli Latitudinis ce , γe , Eclipticæ el occurrentes in e & γ , erit Locus visus in Ecliptica γ , verus e ; adeoque mutatio Longitudinis propter Parallaxin facta est $e\gamma$, quæ & *Parallaxis Longitudinis* vocatur. Latitudo autem vera ce mutatur in visam γe , quarum differentia γo (posito $c o$ parallelo Eclipticæ) est *Parallaxis Latitudinis*. Quod si contingat verticalem , ut $z d n$, per Phenomenon d transeuntem esse etiam Eclipticæ normalem , (quod fit cum per Eclipticæ punctum altissimum a sive nonagesimum ab oriente gradum incedit ,) tum omnis *Parallaxis* Latitudinem solam afficit. Per Parallaxin enim locus in verticali tantum mutatur , & quoniam (in casu præfenti) hic cum Latitudinis circulo congruit , locus in hoc solo mutatur , immutato manente Eclipticæ puncto , ad quod per dictum Latitudinis circulum refertur : similiterque Longitudo sola quandoque afficitur , immutata Latitudine ; nempe quando Phenomenon est in Ecliptica per Zenith transeunte. Ex quibus constat Phenomeni ad orientem ab Eclipticæ gradu nonagesimo positi Longitudinem per Parallaxin augeri , quia adhuc magis in orientem ab hac causa promovetur ; inde ad occidentem vero positi Longitudinem minui : unde præter alium omnem motum Phenomeno competentem , ex Parallaxi moveri videbitur , quoniam ob mutatam Parallaxin ejus locus visus mutatur. Atque motus hic , qui non verus est sed visus , *Parallaxis Mo-*

ius à quibusdam dicitur. Quæque de Phænomeno respectu Eclipticæ ejusque Secundariorum, de eodem ad Equatorem relato similiter sunt intelligenda.

PROPOSITIO XLVI.

Distantia Phænomeni à centro Terræ est ad semidiametrum Terræ, ut sinus distantia, apparentis à vertice ad sinum parallaxis.

Tab. XVI.
fig. 6.

Si T centrum Terræ; locus in ejus superficie L , cuius Zenith Z , Horizon TH ; sitque Phænomenon in P . Estque (ex notissima trianguli rectilinei proprietate) TP ad TL sicut sinus anguli TLP (sive hujus complementi ad duos rectos ZLP) ad sinum anguli TPP ; hoc est, distantia Phænomeni à centro Terræ ad semidiametrum Terræ sicut sinus distantia apparentis à vertice ad sinum Parallaxis. Q. E. D.

Hinc datâ Parallaxi datâ altitudini competenti, dabitur distantia Phænomeni à centro Terræ, & vicissim.

PROPOSITIO XLVII.

Sinus distantiarum apparentium Phænomeni à vertice sunt sicut sinus Parallaxium.

Enim (per Prop. præc.) sinus distantia apparentis à vertice est ad sinum Parallaxis ut distantia Phænomeni à centro Terræ ad semidiametrum Terræ; hoc est (in eodem Phænomeno) in ratione constanti. Quare ut sinus distantia apparentis à vertice in prima observatione ad sinum distantia apparentis à vertice in observatione quavis alia ita sinus Parallaxis in observatione prima ad sinum Parallaxis in secunda observatione. Q. E. D.

PRO-

PROPOSITIO XLVIII.

Duorum Phænomenon inæqualiter à Terra centro remotorum, quorum æqualis est distantia apparens à vertice, Parallaxes sunt reciproce ut distantia à centro Terra.

R Eliquis ut prius designatis, sint duo Phænomena p & p in æquali distantia apparenti à vertice z , per angulum z l p mensurata. Pater sinum anguli l p t esse ad sinum anguli p p t vel l p t , hoc est, sinum Parallaxis Phænomeni p ad sinum Parallaxis Phænomeni p sicut t p ad t p , hoc est, reciproce ut Phænomenon distantia à centro t . Tab. XVI.
Fig. 7.

PROPOSITIO XLIX.

Ratio sinûs Parallaxis unius Phænomeni ad sinum Parallaxis alterius Phænomeni componitur ex ratione inversa distantiarum à centro Terra, & ratione directâ sinuum distantiarum apparentium à vertice.

N Am datâ distantia à centro Terræ, sinus Parallaxis est ut sinus distantia apparentis à vertice, (per Prop. XLVII;) & datâ apparenti distantia à vertice, sinus Parallaxis (per præced.) est inverse ut distantia à centro Terræ: & igitur neutrà datâ, sinus Parallaxis est ut distantia apparens à vertice directè, & distantia à Terræ centro inverse conjunctim Q. E. D.

PROPOSITIO L.

Phænomeni declinationem non mutantis, inter Polum & verticem transeuntis, Parallaxin investigare.

S It z p Meridianus, in quo z Zenith, p Polus; Phænomeni cujus parallelus à primo motu descriptus v a , locus verus sit v , visus l ; Verticalis à Meridiano remoti- Tab. XVI.
Fig. 8.

invenientur; unde ipsi arcus similiter atque prius noti fient.
Q. E. F.

PROPOSITIO LII.

Datâ utraq̃ue altitudine meridianâ Phenomeni, neque declinationem mutantis neque occidentis, ejus Parallaxin invenire.

SIT Z H Meridiani quadrans à Zenith ad Horizontem ^{Tab. XVI.}
protenſus, in quo Polus P; locus Phenomeni verus ^{Fig. 10.}
ſupra Polum A, viſus α ; infra Polum ejus locus verus B,
viſus β . Si Phænomenon tranſeat inter Polum & verticem,
differentia inter viſas à Polo diſtantias, nempe
 $P\beta - P\alpha$, eſt Parallaxium in α & β ſumma: nam Polo
P deſcriptus per A circulus tranſit etiam per B, quia
Phænomeni eadem eſt vera declinatio. Si porro per α de-
ſcribatur ſuper eodem Polo circulus αC , erit $PC = P\alpha$;
adeoque $P\beta - P\alpha = (P\beta - PC = C\beta =)$ ſummæ
Parallaxium in α & β . Datâ vero ſummâ Parallaxium
in α & β , & ratione ſinuum earundem, (eâdem nempe,
per Prop. XLVII. cum ratione ſinuum diſtantiarum
apparentium à vertice,) invenientur per præc. Lemma
ipſæ Parallaxes quæſitæ.

Si Phænomenon tranſeat ultra verticem reſpectu Poli, ^{Fig. 11:}
tum differentia inter $P\beta$, $P\alpha$ viſas à Polo diſtantias eſt
æqualis Parallaxium differentia. Cum enim B β ſit Paral-
laxis in viſo loco, & A α ſive (eâdem adhibitâ pre-
paratione quæ prius) B C in loco α , eſt C β (hoc eſt
 $P\beta - P\alpha$) differentia Parallaxium in locis viſis β & α .
Datâ vero duorum arcuum differentiâ, cum ratione ſinu-
um, (eâdem nempe cum ratione ſinuum diſtantiarum
apparentium Z α , Z β à vertice,) invenientur ipſi arcus
ſive Parallaxes quæſitæ.

Si vero Phænomenon tranſeat per ipſum verticem; hoc
eſt, ſi puncta Z, A & α coincidant, item B & C; tum
B β vel C β eſt ipſa Parallaxis loci viſi β .

N n

P R O.

PROPOSITIO LIII.

Datâ utraq̃ue altitudine Phænomeni, declinationem non mutantis, in eodem verticali circulo observatâ, illius parallaxin investigare.

Tab. XVI.
Fig. 12.

R Eliquis ut prius designatis, sit z $A B$ verticalis, in quo Phænomenon bis observetur, visum nempe in a & in β , sed cujus loca vera sint A & B , & $A B E$ Phænomeni parallelus per motum primum descriptus. Eodem Polo P per a describatur alter circulus $a c$, & verticalis portiones $A a$, $B c$ inter illos interceptæ (per Prop. 13. Lib. 2. *Sphæric. Theodosii*) sunt inter se æquales; adeoque $c \beta$ est vel summa vel differentia Parallaxium $A a$, $B \beta$. Ad hanc inveniendam ducti intelligantur circuli in Sphæra maximi $P a$, $P c$. Et in triangulo $z a P$, ex datis $z P$ complemento altitudinis Poli, $z a$ distantia visa Phænomeni in a à vertice z & angulo comprehenso $a z P$ ex Azimutho, observatione cognito, invenietur $a P$, cui æqualis est arcus $c P$. Rursum, in triangulo $P z c$, ex datis duobus lateribus $P z$, $P c$, cum angulo $P z c$, innotescet $z c$, cujus defectus ab observato arcu $z \beta$ est $c \beta$ summa Parallaxium in locis a & β , cum $P z$ excedit $P a$; vel earum differentia, cum $P z$ deficit à $P a$. In utroque autem casu, cum præterea detur ratio sinuum dictarum Parallaxium, (eandem nempe, per Prop. XLVII. cum ratione sinuum distantiarum apparentium à vertice,) invenietur utraq̃ue Parallaxis locis visis a & β competens.

P R O.

Nov

PROPOSITIO LIV.

Datis duabus Altitudinibus Phenomeni eodem temporis momento in datorum Locorum Terreſtrium communi Azimutho obſervatis, Phenomeni Parallaxin inveſtigare.

SInt duo in Tellure Loca A & B, quorum vertices ^{Tab. XVII. Fig. 1.} z & x, communis Azimuthus z d x: ſitque Phenomeni verus locus d, locus ex A viſus δ , ex B vero viſus d : ſintque primo puncta hæc inter vertices z & x. Summa diſtantiarum apparentium à vertice, (nempe arcuum z δ & x d ,) obſervatione cognitorum, excedit verticum diſtantiam z x (per Prop. XXXIV. inventam) exceſſu æquali $d \delta$ Parallaxium ſummæ. Quod ſi puncta d $d \delta$ ſint extra arcum x z, differentia diſtantiarum apparentium à vertice, (nempe z δ dempto x d ,) excedit verticum diſtantiam x z exceſſu æquali $d \delta$ Parallaxium quæſitarum differentię.

Præter Parallaxium ſummam vel differentiam modo ſupradicto inventam, datur ratio ſinum dictarum Parallaxium; eadem nempe (per Prop. XLVII.) cum ratione ſinum arcuum z δ , x d diſtantiarum apparentium à vertice. Unde (per Prop. LI.) in utroque caſu invenientur ipſæ Parallaxes. Q. E. F.

PROPOSITIO LV.

Datis duabus altitudinibus Phenomeni è datis in Tellure Locis, eodem temporis articulo etiam extra communem Azimuthum obſervatis, Phenomeni Parallaxin invenire.

EX datis Locorum longitudinibus idem temporis ^{Fig. 2.} momentum, ad obſervationem in binis Locis inſtituendam neceſſarium, designatur per numeros horarum à Meridie vel media nocte reſpective numeratarum, quarum differentia æqualis eſt differentię longitudinum in tempus converſæ, orient-

Tab. XVII. orientaliore Loco plures horas numerante; quod inter ob-
fig. 1. servandum determinatur in præc. cum Phænomenon in com-
 muni Azimutho reperitur, nisi uterque locus sit in Æqua-
 tore. Sit xz communis Azimuthus duorum Locorum
 Terreſtrium, quorum vertices x & z ; è quibus eodem
 temporis momento (diverſis licet appellationibus designa-
 to) obſervetur Phænomenon, cujus verus locus D ;
 ejusque viſus locus ex habitatione cujus vertex x ſit d ,
 ex habitatione cujus vertex z ſit δ . In triangulo $x Dz$,
 ex datis angulis x & z (quos nempe obſervati Azimuthi
 cum Azimutho habitationum communi comprehendunt)
 & latere xz verticum diſtantia (per Prop. $xxiv$. in-
 venta) inveniuntur $x D$, $z D$ arcus, qui ſubduci ab
 arcubus obſervatis $x d$, $z \delta$ relinquant $D d$, $D \delta$ Pa-
 rallaxes quaſitas. Q. E. F.

PROPOSITIO LVI.

*Phænomeni Parallaxin per methodum præcedentibus duabus
 haud abſimilem exactiſſime inveſtigare, adhibendo vici-
 nam aliquam Stellam Fixam.*

fig. 3. **C**UM Phænomenon, cujus quaeritur Parallaxis, eſt in
 communi Azimutho $x Dz$ duarum habitationum in
 Terra ad hoc designatarum, quarum vertices x & z ;
 obſervetur illud cum vicina aliqua Fixa: ſitque Fixæ
 locus s , Phænomeni locus ex habitatione infra x ſit d ;
 adeoque hæc obſervatione dantur arcus $x d$ diſtantia vi-
 ſa Phænomeni à vertice, arcus $s d$ diſtantia inter Phæ-
 nomenon & Fixam, & angulus $x d s$ inter hunc &
 communem Azimuthum comprehenſus. Eodem temporis
 articulo ex habitatione infra z , è qua Phænomeni locus
 viſus eſt δ , obſerventur $z \delta$, $s \delta$ & angulus $s \delta z$:
 & quamvis arcus $x d$, $z \delta$ nequeant quam exactiſſime
 obſervari, (utpote ad quorum dimensionem quadrantem
 adhibere opus eſt;) poſſunt tamen ſatis accurate ad noſ-
 trum

trum institutum: & si possent quam accuratissime, Phænomeni Parallaxis (per Prop. LIV.) inde immediate pateretur. Tamen arcus $d s$, $s s$ & anguli ad d & s possunt accuratissime observari, Phænomeni & vicinæ Fixæ s imaginem ope speculorum aut lentium in planum projiciendo, in quo recta est ducta communem Azimuthum $x z$ referens, ejusque imaginis (si quam projiceret) locum tenens, (ut in Opticis & Astronomicis observationibus versato satis constat:) & igitur in triangulo $d s s$, ex datis lateribus $s s$, $s d$ cum angulis ab illis subtensis d & s , invenitur $d s$ basis, quæ est Parallaxium summa; ex qua & ratione sinuum segmentorum $s D$, $d D$, (posito D Phænomeni loco vero,) eadem nempe (per Prop. XLVII.) cum ratione sinuum $z s$, $x d$ distantiarum apparentium à vertice, innotescunt (per Prop. LI.) ipsa segmenta $D d$, $D s$ Parallaxes quasitæ. Nec secus invenietur Parallaxium differentia, indeque ipsæ Parallaxes (per dictum Lemma) si D , d , s sint extra $x z$, sed in illo producto.

Si Phænomeni locus verus D sit extra habitationum ^{Tab. XVII.} communem Azimuthum $x z$, iisdem per eadem atque ^{Fig. 4.} prius designatis, per vertices x & z & Phænomeni loca visa respectiva ducantur circuli verticales $x d$, $z s$, quorum intersectio est verus Phænomeni locus D . Ducantur etiam per Fixæ locum s verticales $x s$, $z s$, junganturque puncta s , d , s circulis maximis $s d$, $s s$, $d s$. Observator infra x exactissime observet (præter arcum $x d$) angulos $x d s$, $x s d$ & latus $s D$, vel modo superius insinuato vel accuratiori quovis; item observator infra z (præter $z s$,) angulos $z s s$, $z s d$ & arcum $s s$. Potro, ex datis habitationibus (per Prop. XXIV.) datur $z x$, & ex hujus situ, per Fixæ s observationem, habentur anguli $z x s$, $x z s$; unde innotescet angulus $x s z$, qui ex summa ipsorum $x s d$, $z s s$ ablatu relinquet $d s s$, ex quo & lateribus

$s d$, $s s$ cognitis inveniuntur anguli $s d s$, $s s d$ & $d s$ latus. Sed prius noti erant, per observationem, $s d x$, $s s z$; quare & reliqui $d d s$, $d s d$ innotescunt, per quos & cognitum latus $d s$ in triangulo $d d s$ inveniuntur latera $d d$, $d s$ Parallaxes quæsitæ.

PROPOSITIO LVII.

E Datis duabus observationibus Phænomeni fixi, hoc est, cujus nullus est motus præter diurnum, ejus Parallaxin invenire.

Tab. XVII.
Fig. 5.

R Eferat $E C L I$ Eclipticam; B Phænomeni locum verum, Eclipticæ respectu prorsus fixum. Et in observatione altera sit $z B L$ circulus verticalis, in quo Zenith z , & Phænomeni locus visus β ; in altera sit $x B L$ verticalis, x Zenith, (etenim punctum verticale considerari potest moveri respectu Eclipticæ immotæ, æque ac Ecliptica respectu immoti verticis, & quidem magis proprie;) & b Phænomeni locus visus. Ex prima observatione (per Primi Motus Problemata supra constructa) determinabuntur Eclipticæ punctum L , ubi verticalis per B transiens Eclipticæ occurrit; & arcus $z L$, portio nimirum verticalis circuli inter Zenith & Eclipticam interceptus; & angulus $z L E$ inter dictum verticalem & Eclipticam comprehensus. Similiterque in observatione secunda Phænomeni in B innotescunt punctum Eclipticæ C , arcus $x C$, & angulus $x C L$. In triangulo igitur $B C L$, ex datis angulis $B C L$, $B L C$ & latere interjecto $C L$ (distantia nempe notorum in Ecliptica punctorum) innotescunt latera $B L$, $B C$, quæ ab arcubus prius inventis $z L$, $x C$ ablata relinquunt $z \beta$, $x \beta$. Atque hi rursus ablati à $z \beta$, $x \beta$, cognitis distantis apparentibus à vertice, relinquunt $B \beta$, $B b$ Phænomeni Parallaxes momentis observationum congruentes.

P R O.

PROPOSITIO LVIII. LEMMA.

*Sint duo triangula rectilinea ABC, DEF habentia angulos
ABC, DEF datos; sintque data rationes AB ad DE,
AC, ad DF, & BC ad EF: oportet ex dato latere A
B utrumque triangulum invenire.* Tab. XVII.
Fig. 6.

Fiat angulus GBC æqualis DEF, sumaturque BG talis, ut ratio BA ad BG æqualis sit rationi compositæ ex rationibus datis BA ad ED & EF ad BC, quod fiet capiendo BG æqualem quartæ proportionali ipsis EF, BC & ED. Deinde, in BC positione data eligatur punctum C tale, ut junctarum AC, GC ratio æqualis sit compositæ ex datis rationibus AC ad DF & EF ad BC, quod fiet ut prius. Deinde, sit BG ad BH in ratione BC ad EF, sitque HI parallela GC: Dico triangula ABC, BHI esse quæsitæ.

Manifestum est ex constructione, rationem BC ad BI esse æqualem rationi BC ad EF; item angulos ABC, BHI esse æquales datis. Porro, ratio AB ad BG (per constructionem) componitur ex rationibus AB ad ED & EF ad BC: Sed ratio AB ad BI componitur ex ratione AB ad BH & ratione BH ad BG, seu EF ad BC; & ideo AB eandem habet rationem ad BI quam ad E. Rursus, ratio AC ad CG (per constructionem) componitur ex ratione AC ad DF & ratione EF ad BC, seu HI ad GC: Sed ratio AC ad BI componitur etiam ex ratione AC ad HI & HI ad GC; & proinde AC eandem habet rationem ad BI quam ad DF. Triangula igitur ABC, BHI requisitas habent conditiones.

P R O.

PROPOSITIO LIX. LEMMA.

Tab. XVII. Fig. 7. E Datis ratione sinuum arcuum integrorum ad datum circum pertinentium AB, CD, ratione sinuum arcuum ablatorum AE, CF & ipsis arcibus relictis EB, FD; arcus integros & ablato AB, CD, AE, CF invenire.

Sumpti concipiantur, ex circulis dato æqualibus, arcus GL, LH, IM, MK respective dupli ipsorum AE, EB, CF, FD: unde & GLH, IMK ipsorum AB, CD erunt respective dupli. Compleantur triangula rectilinea LGH, MIK, in quibus dantur ratio GL ad IM, eadem nempe cum ratione data sinus arcus AE ad sinum arcus CF; ratio LH ad MK, eadem nempe cum ratione sinuum arcuum datorum EB, FD; ratio GH ad IK; quæ eadem est cum ratione data sinuum arcuum AB, CD. Dantur etiam & anguli LGH, MIK arcibus cognitis insistentes, & ideo (per Prop. præc.) innotescunt anguli LHG, MKI, & inde arcus GL, IM, & horum semisses AE, CF: Sed dantur ipsi EB, FD arcus; igitur & toti AB, CD noti erunt.

Similiterque, ex datis ratione sinus arcus integri ad sinum arcus ablati ipsoque arcu reliquo, invenientur totus & ablatus. Ponatur enim GLH duplus arcus totius, & GL arcus ablati; unde LH arcus reliqui erit duplus. Junctis porro GH, GL, LH, in triangulo LGH datur ratio laterum GL, GH; eadem nempe cum data ratione sinuum totius arcus & ablati: datur etiam angulus LGH, dato arcui LH insistens. Et igitur (per XLI. *Datorum Euclidis*) dantur anguli GLH, GHL; adeoque arcus quibus insistent; sc. complementum ipsius GLH arcus ad integram peripheriam, & GL arcus; ideoque ipsi GLH & GL, horumque dimidia, nempe arcus quæriti.

PROPOSITIO LX.

Ex datis duobus Altitudinibus Phænomeni declinationem non mutantis & Azimuthis correspondentibus ejus Parallaxin invenire.

IN duabus Phænomeni fixi observationibus quinque dari possunt; duæ nimirum Altitudines, duo Azimuthi, & Tempus inter observationes intermedium; è quorum quatuor quibuscumque Parallaxis innoteſcit, unde emergunt tria Problemata ſequentia.

Ad primi ſolutionem referat P Polum; L Phænomeni locum verum; & in observatione altera ſit $L M$ circulus verticalis, & Phænomeni locus in illo viſus M , adeoque Parallaxis $L M$; in altera circulus verticalis per L tranſiens ſit $L N$, & obſervationis hujus Parallaxis $L N$. Duæ intelligantur circuli maximi $P M$, $P N$, $M N$. Ex Altitudinibus & Azimuthis obſervatis, & Poli elevatione innoteſcunt arcus $P M$, $P N$ diſtantiæ viſæ à Polo P , & anguli $P M L$, $P N L$ inter declinationum circulos & verticales comprehenſi: datur præterea ratio ſinus Parallaxis $L M$ ad ſinum Parallaxis $L N$; eadem nempe (per Prop. XLVII.) cum ratione ſinuum diſtantiarum obſervatarum à vertice. Dantur ideo angulorum integrorum $P M N$, $P N M$ ratio ſinuum, eadem nempe cum ratione ſinuum notorum arcuum $P N$, $P M$; item ratio ſinuum angulorum ablatorum $L M N$, $L N M$, eadem cum ratione ſuperius inventa arcuum $L N$, $L M$; item anguli reliqui $P M L$, $P N L$ prius ex calculo inventi. Innoteſcunt igitur (per præcedens Lemma) ipſi anguli $P M N$, $P N M$, $L M N$, $L N M$. Rurſus, in triangulo $M P N$, ex datis lateribus $P M$, $P N$ cum angulis ab illis ſubtenſis invenitur baſis $M N$. Et denique in triangulo $L M N$, ex datis baſi $M N$ & angulis adjacentibus $L M N$, $L N M$ inveniuntur latera $L M$, $L N$ Parallaxes quæſitæ. Q. E. F.

O o

Si

Tab. XVII
Fig. 8.

Si observationum altera facta fuerat Phænomeno in Meridiano existente, tum triangulorum PML vel PNL alterum mutatur in arcum, & calculus multo simplicior evadit.

Si vero Phænomenon L Declinationem mutet, & quidem æqualiter, (quod in una Terræ revolutione præterpropter fiet,) ejus Parallaxin venabimur nihilo minus, loca Phænomeni per Declinationis partem proportionalem sic corrigendo: Quando Phænomenon primo, deinceps post observationem primam, Azimuthum LM attingit, observetur ejus Altitudo apparens, quæ diversa erit ab altitudine prædictæ observata, alias eandem retineret Declinationem. Sit differentia A . Vocetur intervallum temporis inter primas duas observationes in M & N factas, B ; & tempus inter binas Phænomeni observationes in LM Azimutho, C . Et si prædicta Altitudinum differentia A sit excessus, Altitudini apparenti in M addatur $\frac{BA}{C}$; si vero differentia hæc defectus sit, auferatur ab eadem. Hæc summa vel differentia erit correctæ Altitudo apparens, quæ (loco prioris Altitudinis in LM) in calculo præcedente posita exhibebit Phænomeni Declinationem mutantis Parallaxes quasitas.

PROPOSITIO LXI.

Ex duabus Phænomeni Altitudinibus, cum Azimutho eorum alteri respondente & Tempore inter binas observationes, Phænomeni Parallaxin investigare.

Tab. XVII.
Fig. 9. **S**IT Polus P , Phænomeni locus verus E , apparens F cum Zenith est X , & H cum Zenith est Z . Dantur duæ distantie apparentes à vertice, nempe XF , ZH , & angulus PXF , cum detur unus Azimuthus, & angulus XPZ ex tempore notus. In triangulo Pxz isoscele, è datis æqualibus lateribus Px , Pz & angulo xPz inveniuntur

tur Pxz , xz : Cumque detur PxF , invenitur etiam zxF . Dantur igitur in xzf triangulo xz , xf , zxf ; *Tab. XVII. Fig. 9.*
& propterea innotescunt zf , zfx . Datur igitur ratio sinus anguli zfh ad sinum anguli zhf ; eadem nempe quæ sinus arcus zh ad sinum arcus zf ; & ratio sinus anguli zhf ad sinum anguli efh , seu sinus arcus ef ad sinum arcus he , vel sinus arcus xf ad sinum arcus zh . Datur propterea ratio sinus anguli zfh ad sinum anguli efh ; & datur angulorum differentia, nempe zfe : & ideo (per Prop. LIX.) innotescunt ipsi anguli zfh , efh ; ac proinde etiam ehf . Et tandem in triangulo ehf , è datis hf , ehf , efh innotescunt Parallaxes quæsitæ ef , eh . Q. E. F.

PROPOSITIO LXII.

E Duobus Phanomenis Azimuthis, cum Altitudine eorum alteri respondente & Tempore inter binas Azimuthi observationes, Phanomeni Parallaxin investigare.

Idem in eodem schemate positus, inveniuntur eodem modo Pxz æqualis Pzx & xz . Ex binis Azimuthis dantur anguli Pxe , pze , & ideo innotescunt anguli xze , zxe ; è quibus, unà cum xz , invenitur xe . At propter Altitudinem datam datur ejus complementum xf , & proinde innotescet ef Parallaxis quæsitæ. Q. E. F.

Si vero, in casu utriusvis hujus Problematis, Phanomenon motum aliquem habeat, post integram Terræ revolutionem, cum Zenith x ad idem Cœli punctum redit, observabitur Phanomenon, non in f (sicut ante) sed in alio loco, puta g ; & observatione innotescunt fg , xfg . Fiat igitur ut integer circulus ad fg ita angulus xpz ad fl , ductus intelligatur circulus maximus xl secans zh in m . In triangulo xfL , è datis xf , fl , xfL dantur xl , fxl ; & ideo datur zxL . Demum,

sumendo puncta l , m loco ipsorum F , E , inveniatur (ut ante) nm Phænomeni Parallaxis. Q. E. F.

Sunt & alia observationum genera, ex quibus Phænomeni Parallaxis Geometrice determinari potest; ut ejus Ingressus in umbram Planetæ; & Conjunctio corporalis visa inter Phænomena. Verum cum hæc ad Parallaxin generaliter consideratam non pertineant, in libris sequentibus locum sibi vendicant.

PROPOSITIO LXIII.

Datis Phænomeni loco respectu Eclipticæ & Parallaxi Altitudini datæ congruâ, item Solis loco & Diei horâ, Phænomeni Parallaxin Longitudinis & Latitudinis invenire.

Tab. XVII.
Fig. 10.

SIT vh Horizon, ecb Eclipticæ, & zcv circulus verticalis per Phænomenon traductus. Sit A locus Phænomeni in illo verus, a visus; adeoque Aa Parallaxis altitudinis. Per A & a ducantur Latitudinis circuli Ab , ab Eclipticæ occurrentes in B & b . Dantur autem (per Prop. xxxvi.) angulus vcb & arcus va , vc , horumque proinde differentia ac . Sed quoniam datur Parallaxis altitudini cuidam datæ congrua, dabitur (per Prop. xlvii.) & illa, quæ altitudini datæ va congruit; arcus sc. Aa . Datur ergo horum arcuum ca & Aa summa vel differentia ca . In triangulo igitur acb , præter rectum ad b , dantur angulus acb latusque a c ; unde innotescunt latera cb , ab . Sed quoniam Phænomeni A locus respectu Eclipticæ notus est, & punctum Eclipticæ c (per Prop. xxxvi.) etiam notum, noti sunt arcus Ab & cb . Innotescit igitur differentia inter ab & Ab , nempe Parallaxis Latitudinis; & differentia inter cb & cb , nempe Parallaxis Longitudinis. Q. E. F.

Hujus Problematis conversum eodem modo solvitur; si nempe detur Parallaxis Longitudinis bb , aut Parallaxis Latitudinis

Latitudinis differentia inter $b\alpha$ & $\beta\alpha$, dabitur (ex hac-
tenus dato Phænomeni loco respectu Eclipticæ, indeque
arcubus $c\beta$ & $\beta\alpha$) $c\beta$ vel $\alpha\beta$. Cumque præterea de-
tur angulus ad c in triangulo rectangulo $c\beta\alpha$, dabitur $c\alpha$,
& proinde $\nu\alpha$, cum hæcenus detur (per Prop. xxxvi.)
ipse νc : Sed notus est $\nu\alpha$; non latebit igitur Parallaxis
altitudinis $\alpha\alpha$. Si Phænomenon ipsam Eclipticam teneat,
ut Sol, casus est multo simplicior.

Quoniam vero corporum Cœlestium, etiam vicinissimo-
rum, Parallaxis arcus est satis parvus; ideo Problema
hoc, de inveniendâ Parallaxi Longitudinis aut Latitudi-
nis ex data Altitudinis Parallaxi, sic expeditius construunt
Præctici: Per α ducta intelligatur linea $\alpha\beta$ ipsi $\beta\beta$ paral-
lela. In triangulo igitur parvo $\alpha\beta\alpha$, quod pro rectili-
neo habent, datis præter rectum ad β , angulo $\beta\alpha\alpha$ ipsi
 $\alpha c\beta$ æquali & laterum uno $\alpha\alpha$ Parallaxi Altitudinis,
inveniuntur reliqua latera $\alpha\beta$ Parallaxis Longitudinis &
 $\alpha\beta$ Parallaxis Latitudinis, solo trianguli plani resolutione.

Quod si non ipsa Parallaxis Phænomeni absoluta de-
tur, sed relativa respectu alterius Phænomeni remotioris;
hoc est, excessus Parallaxeos Phænomeni viciniore supra
Parallaxin remotioris; ex dato tali excessu in verticali
dabitur excessus secundum alium quemvis circulum. Nam-
que Parallaxis Phænomeni absoluta est excessus Parallaxeos
ipsius Phænomeni supra Parallaxin circuli Sphæræ, quæ nul-
la est, quia hic infinite diffusus supponitur.

SECTIO VIII.

DE REFRACTIONE SYDERUM.

PROPOSITIO LXIV.

Propter Atmospharam Æthere densiorem Telluri circumfusam, Stella quævis supra Horizontem elevatior in eodem circulo verticali apparet, quam appareret si nulla esset Atmosphæra.

Tab. XVII.
Fig. 1.

Designet T Tellurem, cui circumfunditur Atmosphæra AED ; s Stellam quamvis; O Spectatorem in Terræ superficie positum. Si nulla esset Atmosphæra, aut si illa æquidensa esset atque circumfusus Æther, Radii lucis directè ab s ad O pertingerent, neque uspiam incurvarentur; quippe in medio homogeneo. Si vero Radii post trajectum Ætherem s Q Atmosphæram densiorem ad A subeant, refringuntur versus rectam QAP , Atmosphære superficiæ ad A normalem; ut ex *Dioptrica* patet. At vero verisimile non est Atmosphæram notabiliter densiorem Ætheri immediate subjici, deinde illam æqualiter densam ad Terram usque protendi; sive Radium à Stella provenientium Refractionem omnem in unica superficie Ætherem ab Atmosphæra determinante peragi, (uti vulgo supponitur,) dum interim Radii portiones ab s ad Atmosphære superficiem extimam, & deinde ab hac ad Terram protensæ rectæ manent; sicut apud nos Radius ex Aere in Aquam illapsus ad hujus superficiem tantum incurvatur, citra ultraque directus. Quin potius videtur Atmosphæram sese in maximam altitudinem extendere, & in altioribus sui partibus & à Terra remotioribus (aeris instar) rariorem, in humilioribus densiorem esse: Unde Radius à Stella s proveniens Refractionem aliqualem versus perpendicularum patitur in (ultra quam vulgo creditur)



ditur) magna à Telluris superficie distantia; in prog-
 fu autem (ut ad B , C &c.) versus eandem plagam re-
 fringitur, quia medium Atmosphæræ, quod subit, magis
 Tab. XI. III. Fig. 1.
 magisque densum est, prout ad Terram descenditur: adeo-
 que Radius post ingressum in Atmosphæram (à perpetua
 Refractione ad superficies sphericas Terræ concentricas me-
 dii perpetuò densioris) curvus est in omnibus sui parti-
 bus, & versus T cavus. Oculus autem ad O positus
 Stellam videt in Radii $A B C O$ parte ultima ad O in di-
 rectum protensa, puta in e ; hæc enim sola Oculum affi-
 cit. Radii autem pars $O C$ protensa, sive recta curvam
 $A B C O$ tangens in O , nempe $O e$, ad spectatoris Ho-
 rizontem $H O$ minus inclinata est quam recta s & O con-
 jungens; quoniam linea $A B C O$ est versus T cava: Et
 igitur, Oculo ad O , Stella propter circumfusam Atmos-
 phæram supra Horizontem elevatior apparet in e , quam
 appareret si nulla esset Atmosphæra.

Porro Curva, quam Radius per Atmosphæram obli-
 que propagatus induit, est in eodem plano per Stellam
 & Telluris centrum protenso: Nam in *Dioptrici* osten-
 sum est ejus Curvæ (ex rectis quasi constata) partem
 priorem $A B$ esse in plano, in quo sunt rectæ $A s$,
 $A Q$ (quippe plano Inflectionis;) hoc est, in plano
 per Stellam s & Telluris centrum T protenso; etenim
 (per Prop. v. Lib. I. *Spheric. Theodosii*) recta $Q A P$
 producta per centrum T transit, ejusque pars secunda
 $B C$ similiter est in plano per $B A$ & perpendicularum per
 B ducto; hoc est, in eodem plano cum priore: at-
 que sic de cæteris curvi radii $A B C O$ partibus. Tota
 igitur Curva ista est in eodem illo plano per Stellam &
 Telluris centrum protenso; & ideo Curvam hanc con-
 tingens recta $O e$ (quippe ejus particula in directum
 producta) in eodem est plano: Sed hoc planum est Obser-
 vatori O verticale, (transit enim per punctum O & Ter-
 ræ

ræ centrum;) Stella igitur, propter Refractionem in Atmosphæra factam, in eodem verticali, sed supra Horizontem elevatior apparet. Q. E. D.

S C H O L I U M.

Tab. XVII. Ex Prop. præc. demonstratione apparet eandem esse
Fig. 1. Refractionem in Stella Terræ propiore atque in remotiore (ex. gr. in s atque in s ,) dummodo eadem sit illarum Altitudo apparens supra Horizontem: In hoc enim casu recta $e o$ super axem $t o$ rotata locum apparentem ipsius f attingit. Porro, verisimile est Terræ circumfusam Atmosphæram ad Lunam sese non extendere, nedum ad Stellas remotiores; & igitur ejus lineæ $s f$ $A B C O$ pars directa $s A$ (antequam ab Atmosphæra incurvari incipit) Stellam proximam f stringet. Et Radius proinde ab illo procedens (nempe $f A$) simili, immo eodem prorsus modo in Atmosphæra incurvatur in $A B C O$, quo $s A$ à remotiore propagatus; cum perinde sit (ad Refractionem in Atmosphæra factam quod attinet) utrum Radius ab s vel ab f incipiat. Luminis igitur naturæ repugnat, ut Stellæ propioris Radii aliter refringantur (cæteris paribus) quam remotioris. Verum quidem est angulum $e o s$ majorem esse angulo $e o f$, sed horum differentia $f o s$ excessui Parallaxeos Stellæ propioris supra remotioris Parallaxin ortum debet, non Refractioni.

P R O P O S I T I O L X V.

*Stella humiliores ex Refractione ad Atmosphæram magis ele-
vantur, cæteris paribus, quam altiores.*

Fig. 2. **I**N Dioptricis demonstratum est, iisdem positis mediis, quo obliquior est Radii incidentia, eo angulum inter Radium refractum & incidentem rectâ productum esse majorem; id est, in casu præfenti, Radii $A B C O$ ab humiliore Stella s provenientis partem $A B$ majorem angulum

gulum cum $s A$ producta continere, quam Radii $F G K O$ Tab. XVII. ab altiore R provenientis partem $F G$ cum $R F$ producta; Fig. 1. quia $s A Q$ angulus major est quam $R F L$, posito quod $L F$ producta in T incidat. Similiter $B C$ continebit majorem angulum cum $A B$ producta, quam $G K$ cum $F G$ producta, & ita deinceps; hoc est, linea $A B C O$ in singulis sui partibus curvior est quam $F G K O$ in partibus correspondentibus, sive æqualiter à Terra remotis. Et igitur recta contingens curvam $A B C O$ in O majorem angulum continebit cum $O S$ recta, quam recta ibidem tangens $F G K O$ cum recta $O R$. Stella igitur humilior magis ex Refractione elevatur quam altior. $Q. E. D.$

COROLLARIUM I.

Phænomeni in Zenith positi locus ex Refractione non mutatur: Nam Radii in superficies omnes mediorum, ex quibus Atmosphæra conflatur, normaliter in isto casu incidentes non refringuntur; sed rectà ad Oculum in o progressi Phænomenon in eadem recta ostendunt, in qua, absente Atmosphærà, appareret. Et ob eandem rationem Oculo in centro T constituto, Refractionis ad Atmosphæram factæ nullæ essent vires ad Stellæ locum apparentem mutandum: nam quodlibet in Cœlo punctum huic pro Zenith esset.

COROLLARIUM 2.

Hinc etiam ratio redditur, cur Sol aut Luna prope Horizontem figuræ ovalis appareat. Quoniam enim superior margo parum elevatior justo apparet, inferior multum elevatior justo, hic per Refractionem illi appropinquare videbitur. Itaque Luminaris diameter erecta sive verticalis videtur contracta, transversa sive horizontalis non itidem, quia ejus extrema ex Refractione æqualiter elevantur. Ob eandem rationem duarum Fixarum

Pp

rum

rum distantia observata minor est sensibilibiter, (si instrumento mensuretur,) cum illarum in eodem verticali positarum altera est prope Horizontem, quam dum utraque propter magnam altitudinem est à Refractione immunis.

COROLLARIUM 3.

Hinc etiam fit, quod Sol, Luna, reliquaque Sydera citius aliquanto supra Horizontem attollantur, seriusque infra illum descendant, quam oporteret pro eorum locis per prædicta definitis. Radii enim à punctis Cœli paululum infra Horizontem positos manantes in Atmosphæra ita incurvantur, ut rectæ illas tangentes ad extrema in Oculum impingentia productæ sint supra Horizontem. Unde Luna defectum pati est visa, Sole adhuc supra Horizontem hærente; cum tamen Luminarium tunc temporis (per Prop. xviii. Lib. I.) oppositorum altero supra Horizontem elevato alterum necessario infra eundem revera deprimatur. Eidem ergo Atmosphæra Telluri circumfusæ debent ejus incolæ, quod unicuique illorum Sol diutius luceat quam absque illa luceret; quodque Sole tandem per Terræ superficiem gibbam, ne amplius datum incolam illustret, impedito, densissimæ tenebræ non statim ingruant, sed Crepusculo gaudeat per tempus satis notabile, quod lumen sensim exstinguit.

PROPOSITIO LXVI.

Quanto Stella in data Altitudine apparente per Refractionem elevetur, definire; & Tabulam Refractionis Stellarum construere.

ELigatur Stella, cujus nulla est sensibilis parallaxis; Fixarum nempe aliqua, quæ supra Observatoris Horizontem multum elevatur. Hujus locus (per Prop. xvi.) determinetur ex observationibus factis dum multum

tum elevatur, adeoque dum extra Refractionis sensibilis effectus versatur. Tempus notetur cum ad Altitudinem datam vel ascendendo vel descendendo postea pervenerit, quaraturque per calculum Stellæ (cujus locus est cognitus) Altitudo temporis notato congrua, quæ ab Altitudine observata deficit, quanto Stella in data ista Altitudine apparente per Refractionem attollitur.

Hoc modo Tabula Refractionis Syderum omnium tutissime constructur, si Fixæ Altitudines veræ, temporibus per Horologium Oscillatorium exacte numeratis competentes, conferantur cum ejusdem Altitudinibus, iisdem punctis temporis apparentibus: Intervallum enim inter Altitudinem apparentem & veram est Refractio dictæ Altitudini competens. Cumque longissime distantis Fixæ & alterius cujusvis Stellæ propioris eadem sit (per Schol. Prop. LXIV.) Refractio in eadem Altitudine apparente, patet constructam esse Tabulam Refractionis Stellarum.

Q. E. F.

SCHOLIUM.

Si nota esset Atmosphæræ densitas *Dioptrica* in data quavis à Tellure distantia, sive ratio Sinus anguli incidentiæ ad sinum anguli refracti in transitu Radii per ejus superficiem Terræ concentricam, cujus distantia à Terra innotescit; tum ex Geometria inveniri posset natura Lineæ, in quam Radius propter Atmosphæræ continuam Refractionem incurvatur. Unde ex dato per Observationem angulo, quo Stella in data Altitudine propter Refractionem plus justo elevatur, definiri posset angulus, quo in alia quavis Altitudine proposita plus justo elevaretur, eadem manente Atmosphærâ; hoc est, Refractionis Tabula construi posset ad singulos gradus elevationis Stellæ. Quoniam vero huic obstat prædicta Refractionis in Atmosphæra celebratæ Lex nondum perspecta, satius erit illam ex observatione construere; ut in

præcedente. Porro, utrique methodo condendæ Tabulæ Refractionis obstat Atmosphæræ in diversis locis diversitas, & in eodem mutatio, propter quam fit ut eadem Tabula omnibus locis non sit accommodata. In locis enim prope alterutrum Telluris Polum Refractio major est in eadem ab Horizonte distantia, (ut ex *Bataavorum* in *Nova Zembla* hybernantium observatione notissima satis patet ;) & in eodem loco diversis Anni tempestatibus, sicut non tantum ex observatione *Bataavorum*, sed etiam ex celebrioribus Observatoribus constat, qui Refractionem Hyemalem Æquinoctiali, & hanc rursus Æstivali majorem ponunt, Tabulasque Refractionis integras huic mutationi superstructas condunt. Sed & hanc etiam in horas mutatam demonstrant summitates Montium quandoque ex dato loco conspicuæ, quandoque inconspicuæ, nullâ impediende caligine : Quorsum etiam faciunt experimenta ab *Hugenio*, in *Tractatu de Lumine* consignata ; quod nempe Turris alteriusve cujusvis rei immobilis pars humilior mane & vespere, pars altior meridie videatur per Telescopium immotum manens ; quodque ex eodem loco Turris remotioris fastigium supra propioris summitatem quandoque eminere videatur, quandoque infra illam latere. Hæc enim omnia, præter mutatam in horas Radiorum Refractionem in Atmosphæra, ostendunt eorum curvedinem, (ex natura rerum supra ostensam,) cum è loco altiore in humiliorem oblique propagantur, aut vicissim.

Fatendum tamen est Refractionis mutationem hanc omnem intra satis arctos limites contineri : prædictæ enim Observationes, de Solis, Montium, Turriumque Altitudine apparente mutata, in exigua supra Horizontem elevatione factæ sunt, neque ultra tertium ab illo gradum extenduntur. Vaporum à Terra assurgentium, item caloris & frigoris, quibus vapores rarefiunt & condensantur, tanta est prope Terram vicissitudo, ut nihil certi de mediis

dii densitate statui possit. Radium porro Lucis inclinatio tam valde est obliqua ad incidentiam in Atmospharam, dum Phænomenon non ultra 3 aut 4 gradus elevatur, ut illius locus ex Refractione admodum mutetur. Immo superficiiei Terræ quandoque insidet tam densa, licet diaphana satis, vaporum quasi Nubes, ut oculo extra hanc eminenti, quæ infra ipsam sunt visibilia, nempe valde humilia, prorsus invisâ mancant propter radios superficiem superioris rariorisque medii non penetrantes, sed ab illa deorsum reflexos; ut fieri oportere ex *Dioptrici* constat: Quæ vero supra extraque ipsam immediate consistunt, nempe paulo altiora, præterquam quod radio directo videntur, apparent etiam inversa per reflexionem ad prædictæ Nubis superficiem factam tanquam ad speculum horizontale. Verum hæc non sunt huius loci, neque ad Astronomiam directe pertinent. Satis interrim ostendunt Tabulæ cuius Refractionis Syderum infra tertium Altitudinis gradum non esse fidendum; neque proinde observationibus ad Phænomeni locum determinandum in ista Altitudine factis.

Si vero non ex observatione Fixæ Refractionis Tabulam condere, sed à fundamentis *Dioptrici* illam exstruere liceat, sic tutissime procedere licebit. Atmosphæra ad 40 aut 50 miliaria in altum protensa supponatur, divisâ per 8 aut 10 superficies parallelas in totidem media diversæ densitatis; ita tamen ut quod binas proximas superficies interjacet medium ejusdem sit densitatis, quæ ad dictam superficiem mutetur instantè in rarius sursum, densiusque deorsum: non quod res revera ita se habeat, (proculdubio enim Atmosphære densitas descendendo per minima augeatur;) sed ad calculum ineundum. Octo decemve hæc media ita attentando attemperentur ad se invicem, ut in una, duabus aut pluribus Altitudinibus (nam quo plures, eo accuratior erit Tabula) totales Refractiones ad omnia ista media factæ eadem sint cum Refractionibus,

quæ per observationes exactissimas Altitudinibus istis respectivis congruere deprehenduntur. In quo casu Refractio, in assumpta qualibet Altitudine, ad dicta media facta, & per *Dioptrices* leges calculo cognita, quamproxime est æqualis Refractioni ex Cœlo depromptæ, quæ eidem Altitudini respondet. Hoc modo etiam Linea quamproxime determinabitur, in quam Radius Atmosphæram oblique trajiciens incurvatur. At in exquirenda per hanc methodum Refractione correspondente elevationi tribus quatuorve gradibus minori, Mediorum prædictorum (ex quibus constat Atmosphæra) inferius, vel inferiora bina, ternave, paululum rariora supponere oportebit; nam, in Terræ vicinia calefacta, talia revera sunt.

SECTIO IX.

DE TABULIS PRIMI MOTUS ET FIXARUM LIBRO SECUNDO INNIXIS.

Licet singula ad Motum Primum pertinentia per Methodos Libro hoc demonstratas possint inveniri, prout fert occasio; cum tamen aliqua sint frequentioris usus, illorum *Tabulas* construunt Artifices, ut inde depromantur expedite, quæ calculo de novo essent invenienda perpetuo. Et præter Tabulas ex aliis disciplinis petitas, ut Rectarum circulo inscriptarum & adscriptarum, Logarithmorum &c. construunt Astronomicas, quarum quæ huic Libro innituntur Tabulæ sunt duorum generum: nimirum vel quæ sunt eadem omnibus totius Terræ incolis; atque hæc rursus vel Primum Motum attinent vel Stellarum Fixarum, quarum motus motu primo non est multo magis compositus; vel quæ tantum in certa Terræ habitatione locum habent.

PRO.

PROPOSITIO LXVII.

Tabulas describere omnibus Terra incolis communes, quæ Motum Primum attinent.

Æ Quator Cœlestis & Ecliptica omnibus Telluris incolis iisdem sunt, horumque insignes sunt perpetuoque occurrentes in Astronomicis usus: Illius nempe, quia Motus primi sive diurni Cœlorum apparentis medius est & quasi norma; hujus, quia Solis (Diei Tempestatumque arbitri) via est & semita. Horum igitur circulorum mutua habitudo & ad invicem in singulis punctis respectus in Tabulas disponitur: Cuique nempe gradui Eclipticæ proprio nomine (hoc est numero, quem in suo Signo tenet) insignito Declinatio ab Æquatore, Ascensio Recta & Angulus, quem Ecliptica cum Meridiano ad illud comprehendit, correspondentes adscribuntur; ut Prop. xx. ostensum est. Et ideo commode tres hæ Tabulæ in unam coalescunt, ferentem universalem Titulum *Declinationis & Ascensionis Rectæ singulorum Eclipticæ graduum, Angulorumque Eclipticæ cum Meridiano*. Et quia in huiusmodi Tabulis vel iisdem numeri denuo recurrunt, vel iisdem aucti quadrante, semisse aut tribus quadrantibus circuli; in illis condendis non opus erit calculum ultra unicum quadrantem adhibere, cum reliqua Tabulæ pars hinc, vel per primæ columnæ mutationem vel per solam additionem, facile fluat.

Porto, cum apparens revolutio integra Æquatoris Cœlestis Diem naturalem efficiat, & proportionaliter in revolutionis hujus partibus, ob motûs Terræ diurni æqualitatem; Tabulam etiam construunt, ex qua Tempus cuique parti revolutionis Æquatoris, & vicissim revolutionis pars cuivis Tempori respondens, prompte excerpitur. Et quia apud gentes politiores, ubi Astronomia viget, Dies naturalis in 24 horas dividitur, Hora autem in 60 scrupula

scrupula prima, quorum rursus quodvis in 60 secunda dividitur, & ita porro; Tabulæ prædictæ ad hancce Temporis divisionem accommodantur.

PROPOSITIO LXVIII.

Tabulas describere omnibus Terra incolis communes, qua Stellas Fixas attinent.

Fixarum loca quoad Longitudinem & Latitudinem disponuntur per methodos Prop. xxi. explicatas. Huiusmodi Tabula (sive Catalogus) est omnis Syderalis scientiæ fundamentum : & quoniam Planetarum loca ex cognitis Fixarum locis exquiruntur, Fixarum in Zodiaco positarum loca summâ curâ notant Astronómi ; immo non tantum quæ nudo Oculo, sed etiam quæ minori Telescopio armato conspiciuntur.

Quoniam vero Fixarum Longitudo continuo crescit propter punctorum Æquinoctialium regressum, *Regressus hujus Tabula* Fixarum Catalogo subnectitur; hoc est, quantus hic sit in Anno, hujus partibus Annisque collectis indicatur, ut Longitudo Fixæ Tabularis hinc corrigatur modo satis obvio. *Copernicus* & hunc sequuti alii Fixarum distantiam in Ecliptica Ortum versus numerant ab Arietis Stellarum in Cornu duarum præcedente, ut superius dictum est: Addendo arcui huic (in quavis Fixa constanti) distantiam puncti Æquinoctialis verni à dicta Arietis prima perpetuo auctam, ex altera ista Tabella depromendam, constatur Stellæ Longitudo ab Æquinoctio vernò.

Quoniam notabiliorum quarundam Fixarum Ascensio Recta & Declinatio frequentis sunt usus; at illas ex Longitudine & Latitudine datis (per convers. Prop. xxvii.) pro occasione exquirere opus foret tædii plenum; ad datum tempus *Notabiliorum Fixarum Ascensionis Rectæ & Declinationis Tabulam* construunt qui aliorum labori parcere volunt, additâ differentiâ utriusque pro certo An-

norum

norum numero, in quo illarum mutationem ad sensum æquabilem esse supponunt.

Prædictis de Fixarum motu Tabulis subjungitur & *Tabula Refractionis Syderum*, pro diversa earum supra Horizontem elevatione per Prop. LXVI. construenda. Cujusvis Stellæ Altitudo observata minuenda est correspondente Refractione, ut evadat vera; vel Altitudo vera (ex vero Stellæ loco ad tempus datum per calculum inventa) Refractione dictâ augenda, ut fiat apparens. Stellæ diversa hæc ex Refractione Altitudo diversitatem loci Stellæ secundum longum & latum, vel in alio quovis circulo, inducit, simili prorsus modo, quo supra de Parallaxi ostensum est. Tabulam hanc Refractionis hoc loco inter Fixarum Tabulas numeravimus, licet aptius forsitan ad præcedentes referenda fuerit tanquam omnibus Phænomenis Cœlestibus communis: Alii interim illam Tabulis Prop. insequenti describendis censebunt annumerandam, cum aliâ atque aliâ opus sit Refractionis Tabulâ pro diversa Atmosphæræ densitate in diversis locis.

PROPOSITIO LXIX.

Tabulas enumerare vulgatiore, quibus Locorum Terrestrium insigniorum situs mutus & respectu Æquatoris describitur, quibusque Tempus in eorum aliquo numeratum ad Tempus secundum alterius usum reducitur.

IN Catalogo Locorum insignium cuique loco adscribitur Elevatio Poli in isto loco, (per Prop. XVII. definita;) cui æqualis est Latitudo Loci. Adscribitur etiam (per Prop. XXXII. inventa) Differentia Meridiani Primi (sive is per Astronomi habitationem, sive per Azores aut Fortunatas. insulas traductus supponatur) & Meridiani dicti loci, & in Æquatoris partibus, vel in horis horæque partibus expressa. Sic enim Locorum istorum situs ad se invicem & ad Æquatorem constat, quo pro

re nata in Geographicis & Hydrographicis uti licebit. Hora in locorum altero numerata, si augeatur Differentiâ Meridianorum in horis horæque partibus expressâ, exhibet horam in Orientaliori loco numeratam; si minuatur Meridianorum differentiâ, horam in Occidentaliori numeratam ostendit, modo uterque locus eodem genere horarum utatur: si diverso utuntur, adhibitâ pro diversitate reductione ad idem reducantur.

Præsto etiam sunt Tabulæ, quibus Tempus in Locorum altero per Calendarium quodvis expressum, & ab Epochâ quavis cognita numeratum, ad Tempus datæ formæ in altero usitatæ expedite reducit. Nam cum (per Prop. XI. & XII.) & Epochæ inter se conferri possint, & Annorum apud varias gentes formæ variæ, patescit harum Tabularum (hominibus negotia historiamve tractantibus æque ac Astronomis necessariorum) fundamentum & construendi ratio.

Porro, circuli Climata ac Parallelos determinantes in Tabulas à quibusdam rediguntur. Si enim initium fiat ab ipso Æquatore, habetur Longissimæ Diei quantitas ad finem cujusvis Climatis & Paralleli, initiumve proximi; hoc est, mora puncti solstitialis ad Polum conspicuum declinantis supra Horizontem. Dantur præterea dicti solstitialis puncti Declinatio (nempe Eclipticæ Obliquitas) & Ascensio Recta: datur ergo (per convers. Prop. XXXIII.) Elevatio Poli in illo loco; hoc est, circuli propositum Clima vel Parallelum terminantis distantia ab Æquatore.

PROPOSITIO LXX.

Tabulas describere vulgatiores, quibus Primi Motûs Problemata in diversis Terra locis promptius solvuntur.

AD loca temporaque definienda ortûs & occasûs Fixarum aliorumque Syderum, quorum nota sunt loca, aliaque circa hæc solvenda Problemata Artifices calculum

calculus adhibent, prout fert occasio. Verum, cum Mortus Solis longe insignior & frequentior sit usus, ipseque Sol Anni curriculo diversos Eclipticæ gradus teneat; Tabulæ, quæ respectum horum punctorum id Horizontem ostendant, ad omnes Latitudines conducunt: nempe ad quemvis Latitudinis ab Æquatore gradum, Differentia inter Ascensionem Rectam & Obliquam cujusque Eclipticæ gradus (per Prop. xxxiii. inventa) isti Eclipticæ gradui suo nomine insignito adjungitur, ex quibus Tabula fit, sive potius Tabularum congeries; siquidem pro quovis Latitudinis gradu opus sit Tabula ad singulos Eclipticæ gradus sese extendente. Vocantur hæc *Tabule Differentiarum Ascensionalium*.

Differentiis Ascensionalibus sic in Tabulas redactis, facile per solam additionem aut subtractionem Ascensionis Obliquæ Arcusque Diurni singulorum Eclipticæ graduum similiter in Tabulas rediguntur; indeque Horæ Ortus Occasusque Solis puncta ista tenentis. Verum Operationes hæc tam leves sunt, ut illas ad proprium Calculatoris laborem rejiciant: Nisi quod plerumque Astronomus, supputationibus multum detentus, ipsas hæc ad Domus propriæ locum supputatas habeat. Aliquando etiam *Amplitudinum Ortivarum* singulorum Eclipticæ graduum vel ad plures Latitudines, vel saltem ad Latitudinem sibi propriam, *Tabule* (ope Prop. xxxiii. constructas) in procinctu habet.


Alia insuper est *Tabula* (per Prop. xxxv. construenda) *Anguli Orientis*, nimirum quem Ecliptica cum Horizonte comprehendit pro diversis Eclipticæ punctis Orientibus in Latitudine data, vel (quod eodem recidit) Altitudinis supra Horizontem gradus ab Oriente puncto Nonagesimi. Et quoniam in Solis Defectibus supputandis & aliis, hujusce Anguli maximus est usus, Tabulas ejus conducunt pro singulis Latitudinis gradibus ab Æquatore ad Polum.

Qq 2

Quando-

Quandoque etiam Initii & Finis Crepusculi Matutini & Vespertini, pro gradu Eclipticæ quem Sol tenet, ad diversas Latitudines, (vel saltem ad Habitationis propriæ Latitudinem,) Tabulæ conduntur per Prop. xxxix.

In omnibus hisce Tabulis condendis laboris calculique compendia occurrunt, qualia Prop. Lxvii. ostensa sunt; breviorque & ornatio Tabulas ordinandi ratio inde oritur.



ASTRO.

ASTRONOMIÆ

PHYSICÆ ET GEOMETRICÆ

E L E M E N T A.

LIBER TERTIUS

DE THEORIA PLANETARUM PRIMARIORUM.



Ibro Primo ostensum est, quibus legibus oportet Planetam moveri, ut Ellipsin describat circa Solem in ejus umbilicorum altero constitutum, quam solam inter figuras patiuntur Phænomena, quod fusc ex observatis ostendit *Keplerus* in suis *Commentariis de Motibus Stella Martis*, & nunc omnes Astronomi agnoscunt. Ipsi Veteres Astronomi cum *Ptolemao* (quibus nihil placuit in Cælo præter perfectos Circulos, corporibus ingenerabilibus & incorruptibilibus, qualia Cœlestia habuerunt, aptissimos,) per Phænomena compulsi in hanc sententiam pene transierunt; dum motum in Excentrico commenti sunt vere inæqualem, sed æqualem in circulo Æquante, cujus centrum tantum ultra Excentrici centrum inde distabat, quantum veri motus centrum citra illud; hoc est, dum Excentricitatem bisecabant, & Orbitam Planetæ ex puncto bisecationis tanquam centro describebant. Excentrica enim hujusmodi Planetæ Orbita Circularis non differt ab Orbita

Elliptica, cujus Foci sunt dicta centra, præterquam quod illa circa medium crassior sit, hæc gracilior; quæ crassitiei Orbitæ differentia in plerisque Planetis propter parvam Excentricitatem insensibilis fere est, & per Veterum observationes non distinguenda. Illam tamen ex *Tychonis* observationibus clarissime & citra dubium evincit *Keplerus* *Cap. XLIV. dictorum Commentariorum*. Verum quidem est *Ptolemaum* ad Theoriam Solis simplicem Excentricum adhibere, neque Excentricitatem Orbitæ bifecandam censere; at in reliquorum Planetarum quolibet, præter Epicyclum (quo Phænomena revera à motu Telluris ipsi non agnito orta explicat) usus est (*Cap. v. Lib. IX. Magn. Construct.*) Excentrico descripto ex centro bifecante Excentricitatem. Immo ipse *Copernicus* perfectionem motus & viæ Planetarum tam ratam habuit, ut Excentricitatis bifecationem (*Cap. II. Lib. v.*) propterea censeat rejiciendam, quod absurdum sit concedere *motus circularis aqualitatem fieri posse circa centrum alienum & non proprium*, (quam & *Ptolemæi* quondam fuisse sententiam liquet ex *Cap. III. Lib. III.* ubi pronunciat *Stellarum motus auales omnes esse circularesque naturâ*; id est (ut ipse explicat) *omnes lineas, quæ Stellæ aut circulos earum circumducere intelliguntur in omnibus simpliciter aqualibus temporibus auales Angulos ad centra cujuscunque circulationis intercipere*, licet hanc postea mutaverit citato *Lib. IX.*) & *Cap. IV. ejusdem Lib.* Epicyclum cum simplici Excentrico potius inducendum vult, paria cum Excentrico & Æquante facientem; vel etiam Concentricum cum duobus Epicyclis. Sed nondum factæ erant exactissimæ illæ & multiplices *Tychonis* observationes, quibus solis nixus *Keplerus* Planetarum Orbitas Ellipticas esse ostendit, licet *Ricciolus* oblique insinuet cepisse *Keplerum* suspicari Viam Planetæ per Auram Ætheream esse Ovi-formem; id scilicet pro sua sagacitate subodoratum ex inspecta figura Ovali, quam *Reinholdus* in fine *Theoricarum Purbachii* ad-

jeci-

jecisset ad Lunam pertinentem. In hujusmodi igitur vera
 Planetæ Orbita Elliptica ALP , ubi s Focus alter est So-
 lis locus, A & P linea Apsidum, A Aphelium, P Perihelium,
 L Locus Planetæ ad libitum assumptus, ALS Area
 sub rectis SA , SL & curva Elliptica AL comprehensa
 (computata ab SA in consequentia Signorum,) vocatur
Anomalia Media, id est, Æquabilis; hæc enim Area
 crescit æquabiliter, nempe in eadem ratione cum tempore:
 Et ASL Angulus, à linea Apsidum SA & radio
 vectore SL comprehensus, dicitur *Anomalia Coagulata*, si-
 ve *Vera*. Decuit enim Astronomiæ Physiçæ Cultores
 quam minimum fieri posset ab antiquis vocibus discedere;
 quippe non solum usu stabilitis, sed revera etiam aptis-
 simis.

Tab. XVIII.
Fig. 3.



SECTIO I.

GENERALIA AD PLANETARUM OMNIUM THE-
ORIAM SPECTANTIA.

PROPOSITIO I. LEMMA.

Tab. XVIII. Si super Ellipseos PBA , cujus centrum C , majorem axem
Fig. 4. PA tanquam diametrum describatur circulus PDA , &
à puncto G in circuli circumferentia ad libitum assum-
pto ad PA demittatur perpendicularis GE , Ellipsin ad L
intersecans; & ab aliquo in axe KP puncto (ex. gr.
focorum alterutro S) ad G & L ducantur rectæ SG , SL ;
erit trilineum AGS sub rectis SA , SG & curva circulari
 AG comprehensum ad integrum circulum, sicut trili-
neum ALS sub rectis SA , SL & curva Elliptica AL
comprehensum ad integram Ellipsin.

DUcatur enim ad EG utcumque parallela eg , dia-
metro in e , Ellipsi in l , & circulo in g occurrens.
Eritque (per Prop. XXI. Lib. I. Conicorum Apollonii) el
ad cb in subduplicata ratione rectanguli sub pe , eA ad
rectangulum sub pc , ca , sive cdq : & eg ad cd est
etiam in subduplicata ratione $pe \times eA$ ad cdq : Igitur
(per XI. El. v.) el est ad cb , sicut eg ad cd ;
adeoque $el : eg :: cb : cd$; in ratione sc. data. Cum-
que hoc semper fiat, erunt omnes el super EA insiten-
tes ad totidem eg ; hoc est, semi-segmentum ellipticum
 ALE ad semi-segmentum circulare AGE , in eadem illa
ratione data cb ad cd . Rursus (per Prop. I. El. vi.)
triangulum LSE est ad triangulum GSE ut LE ad GE ;
hoc est (ut hactenus ostensum) ut cb ad cd ; unde
(per Prop. XII. El. v.) ALE & LSE simul; hoc est,
 ALS est ad AGE & GSE simul, sive AGS , in ra-
tione cb ad cd : Et similiter, in eadem ista ratione c
 B ad cd sunt etiam omnes el super integram PA insi-
stentes

Stantes ad totidem eg ; hoc est, semi-ellipsis PBA ad semicirculum PDA . Et igitur ALS est ad AGS , sicut semi-ellipsis PBA ad semicirculum PDA , sive ut Ellipsis ad circulum. Et vicissim trilineum ALS est ad integrum Ellipsin, sicut trilineum AGS ad integrum Circulum. Q. E. D.

Tab. XIII.
Fig. 4.

Unde si proponatur semi-ellipsis PBA dividenda in duo segmenta habentia rationem datam, per rectam SL è dato in Axe puncto S exeuntem, sufficit semicirculum PDA (semi-ellipsi quodammodo notiores) dividere per rectam SG in dicta ratione, & ex G puncto ad PA perpendicularem GE demittere Ellipsi in L occurrentem: juncta enim recta SL semi-ellipsin PBA in eadem ratione dividit, in qua semicirculus PDA per rectam SG divisus est: Vel si ABA sit Orbita Elliptica Planetæ, in cujus altero foco S est Sol; sicut Planetæ in L Anomalia Media repræsentatur per trilineum ALS , repræsentari etiam poterit per trilineum AGS .

PROPOSITIO II.

Data Planeta Orbita, quot libueris Anomalias Medias & correspondentes Veras calculo determinare.

SIt data Planetæ Orbita Elliptica $ALBP$, in cujus Focorum altero S Sol constituitur. Sit A Aphelium, P Perihelium, C Centrum, CA vel CP media Planetæ à Sole distantia, CB ad AP normalis. In circulo ADP , circa majorem Orbitæ axem tanquam diametrum descripto, sumatur ad libitum ab A arcus AG vel angulus ACG numero graduum & scrupulorum (ut vulgo fit) expressus. Et quoniam (per XXXIII. *El.* VI.) arcus AG est ad integram circumferentiam ut AGC sector ad integrum circulum, si circulus æque ac circumferentia divisus intelligatur in partes æquales 360. nempe sectores circulares circumferentiæ gradibus correspondentes; idem numerus, qui exprimit arcum AG , exprimit etiam & sectorem circula-

Fig. 5.

R_r

cularem

Tab. XVII.
Fig. 5.

cularem AGC ; hunc quidem in parvis sectoribus, illum verò in parvis arcibus: horum utrumvis vocat *Keplerus Anomaliam Excentri*. Sed ex circuli dimensione (accurata satis ad calculum) datur ratio quadrati semidiametri ad integrum circulum; & ex Orbitæ specie data, dabitur ratio mediæ distantiae BS seu CA , & etiam semiaxis minoris BC ad excentricitatem SC ; & inde ratio trianguli BCS ad radii quadratum; & ex ratione arcûs assumpti AG ad circumferentiæ quadrantem AD , dabitur ratio sinuum eorundem, sc. DC ad GE , & consequenter etiam ipsius BC ad GE ; hoc est, per I. *El.* VI. ratio trianguli BCS ad GCS . In partibus ergo quarum circulus continet 360 , dantur sector AGC & triangulum GCS , (cui analogum LCS *Aequationis Pars Physica* dicitur, sicut Angulus SLC *Pars Optica*;) adeoque horum aggregatum AGS trilineum, quod Prop. præced. ostensum est proportionale esse trilineo ALS , & proinde Anomaliam mediam jure representare. Nam si Orbitæ Ellipticæ ABP area tota in 360 partes æquales divisa concipiatur, illius pars ALS , nempe Anomalia media Planetæ in L , tot ejusmodi partes continebit, quot AGS continet partes similes areae circularis ADP ; adeoque eodem exprimitur numero. Rursus, in triangulo GCS , datâ ratione laterum GC , CS (Distantiæ mediæ Planetæ à Sole ad Excentricitatem) & angulo comprehenso GCS , (assumpti nempe ACG complemento ad duos rectos,) dabitur (per XLII. *Datorum*) angulus GSC ; adeoque & ASL Anomalia corquata, nempe angulus cujus tangens EL est ad EG tangentem anguli ASG prius inventi in ratione datæ Orbitæ semiaxis minoris CB ad semiaxem majorem CD . Et cum Anomalia media & vera, per calculum inventæ, eidem assumpto arcui AG congruant, erunt & inter se congruæ; sive altera alteri correspondebit. Et pari modo licet alium quemvis arcum assumere, & congruas Anomalias (mediam sc. & veram) inde calculo determinare, quæ proinde erunt inter se correspondentes.

PROPOSITIO III.

Datâ Anomaliâ mediâ Planetæ, cujus Orbita datur, Anomaliâ veram & Planetæ Distantiam à Sole per calculum invenire, & vicissim.

Nullam dari calculi methodum directam Problema hoc solvendi pronunciat *Keplerus* ad finem *Part. IV. Physica Cælestis*. Quomodo vero methodo indirectâ & ad usus Astronomicos satis accommodatâ hujusce Problematis calculus absolvi poterit, nunc ostendendum est. In circulo $A D P$, Orbitam in Aphelio & Perihelio tangente, sumantur Anomaliæ Excentri arcus $A G$, vel anguli $A C G$, per singulos gradus se excedentes. Ad horum unumquemque (per præcedentem) inveniantur correspondentes Anomaliæ; mediæ sc. & vera. Post conditum ergo, pro Planetæ Orbita data, Canonem Anomaliæ mediæ & correspondentis cœquaturæ ad singulos arcus Anomaliæ Excentri, quarratur inter eas Anomalia mediæ data; correspondens Anomalia vera est ea quæ quæritur. Quod si Anomalia mediæ proposita inter Canonicas istas non reperitur, per partem proportionalem (modo vulgo noto) inveniatur Anomalia vera quæsitæ. Si sine Tabulis operandum sit, *Keplerus* Regulam Positionum (Falsi etiam dictam) adhibere suadet; ponendo scilicet Anomaliæ Excentri $A G$ arcum, vel $A C G$ angulum, vel $A G C$ sectorem (tria enim hæc eodem numero designantur) partium quotlibet, eique sic sumptæ addendo vel subducendo, prout opus fuerit, congruum Equationis parti Physicæ analogum triangulum, nempe $G S C$, ut fiat Anomalia mediæ $A G S$. Nam si ea tanta prodit quanta est quæ proposita fuit, bene posita erat Anomalia Excentri, & huic congrua Anomalia vera est ea quæ quæritur; quippe Anomaliæ mediæ datæ competens: At si non tanta prodit, ex illa quæ prodit emendanda erit positio, laborque repetendus. Ad Planetæ Distantiam à Sole in-

Rr 2

venien-

Tab. XIII.
Fig. 5.

Tab. XVIII.
Fig. 5.

veniendam, in triangulo LCs datur angulus LsC , superius nempe inventa Anomalia coæquata; item angulus Lcs , reliquus ad duos rectos ipsi LcA , cujus tangens est ad tangentem anguli AcG Anomalix Excentri ut Orbitæ axis minor ad majorem: datur etiam Excentricitas sc , unde innotescit sL distantia Planetæ à Sole.

Parique modo, vel ex Tabulis jam conditis vel per Regulam Positionum, ex data Anomalia vera determinabitur media.

PROPOSITIO IV.

Semicirculum, per rectam ex dato diametri puncto educitam, in data ratione dividere.

Fig. 6.

SIt semicirculus AGB , cujus centrum c , diameter AB ; punctum in diametro datum s ; è quo nempe educenda est recta sg peripheriam in g interfecans, ita ut area AGs sit ad aream BHg in ratione data, nempe P ad Q . Ponatur factum, & ex g in Ac demittatur perpendicularis GE . Vocentur semidiameter Ac vel cb ; R ; AE , x ; quarta proportionalis rectis sc , cA & semiperipheriæ AHB , M . Unde fiet semiperipheria AHB ducta in radium cA ; hoc est, duplus semicirculus AHB , æqualis $sc \times M$, sive $M = \frac{2 AHB}{sc}$. Rursus, quoniam ex hypothesi Area AGs est ad BHg ut P ad Q ; erit $AGs + Bhgs$; hoc est, semicirculus AHB ad AGs ut $P + Q$ ad P : unde $P \times AHB = AGs \times P + Q$, & hinc $\frac{P \times 2 AHB}{P + Q} = 2 AGs$. Vocetur porro $\frac{P \times M}{P + Q}$, a : adeoque, loco M ponendo illius valorem $\frac{2 AHB}{sc}$, erit $a = \frac{P \times 2 AHB}{P + Q \times sc}$; hoc est, ipsi $\frac{2 AGs}{sc}$; sive $sc \times a = 2 AGs$. Sumatur præterea ad partes B , CT quæ sit ad cb ut cb ad cs , voceturque AT , b ; unde

b ; unde $CT = b - R$, adeoque $sc = \frac{R^2}{b - R}$; & *Tab. XVIII. Fig. 6.*

$sc \times a$; hoc est, $2AGS = \frac{R^2 \times a}{b - R}$. Cumque $CE =$

$R - x$ erit $SE = R - x + \frac{R^2}{b - R}$. Atqui $2AGS =$

$2AGE + 2GSE = 2AGE + GEXES$. Sed ex Serierum doctrina nunc vulgo nota, in circulo cujus semidiameter vocatur R , segmentum cujus sagitta AE est x ; hoc est,

$$2AGE = \frac{4}{3} \sqrt{2} R^{\frac{1}{2}} x^{\frac{3}{2}} - \frac{2R - \frac{1}{2} x^{\frac{5}{2}}}{5 \sqrt{2}} - \frac{a - \frac{1}{2} x^{\frac{7}{2}}}{28 \sqrt{2}} - \&c.$$

Et ipsa $GE = (\sqrt{2RX - X^2})$, ex ipsa operatione,)

$$\sqrt{2} R^{\frac{1}{2}} x^{\frac{1}{2}} - \frac{R - \frac{1}{2} x^{\frac{3}{2}}}{2 \sqrt{2}} - \frac{R - \frac{1}{2} x^{\frac{5}{2}}}{16 \sqrt{2}} - \&c. \text{ Unde } SE \times EG, \text{ sive}$$

$$2SEG \text{ Triang.} = \begin{cases} \sqrt{2} R^{\frac{1}{2}} x^{\frac{1}{2}} - \frac{5R^{\frac{1}{2}} x^{\frac{3}{2}}}{2 \sqrt{2}} + \frac{7R - \frac{1}{2} x^{\frac{5}{2}}}{16 \sqrt{2}} \\ + \frac{R^2}{b - R} \text{ duct. in } \sqrt{2} R^{\frac{1}{2}} x^{\frac{1}{2}} - \frac{R - \frac{1}{2} x^{\frac{3}{2}}}{2 \sqrt{2}} \\ - \frac{R - \frac{1}{2} x^{\frac{5}{2}}}{16 \sqrt{2}} \&c. \end{cases}$$

$$\text{Adeoque } 2AGS = \frac{R^2 a}{b - R} = \begin{cases} \frac{4}{3} \sqrt{2} R^{\frac{1}{2}} x^{\frac{3}{2}} - \frac{2R - \frac{1}{2} x^{\frac{5}{2}}}{5 \sqrt{2}} \\ - \frac{a - \frac{1}{2} x^{\frac{7}{2}}}{28 \sqrt{2}} \&c. \\ \sqrt{2} R^{\frac{1}{2}} x^{\frac{1}{2}} - \frac{5R^{\frac{1}{2}} x^{\frac{3}{2}}}{2 \sqrt{2}} + \\ \frac{7R - \frac{1}{2} x^{\frac{5}{2}}}{16 \sqrt{2}} \&c. \\ \frac{R^2}{b - R} \text{ duct. in } \sqrt{2} R^{\frac{1}{2}} x^{\frac{1}{2}} \\ - \frac{R - \frac{1}{2} x^{\frac{3}{2}}}{2 \sqrt{2}} - \frac{R - \frac{1}{2} x^{\frac{5}{2}}}{16 \sqrt{2}} \&c. \end{cases}$$

Rr 3

Et

Et post ordinatam reductamque æquationem secundum artem invenietur,

$$a = \sqrt{2} b R - \frac{1}{2} x^{\frac{3}{2}} - \frac{2 R - \frac{1}{2} x^{\frac{3}{2}}}{3 \sqrt{2}} + \frac{\sqrt{2} b R - \frac{1}{2} x^{\frac{3}{2}}}{12} \\ - \frac{\sqrt{2} R - \frac{1}{2} x^{\frac{3}{2}}}{20} + \&c.$$

Et quadrando utramque æquationis partem ad tollendam asymmetriam, eamque ordinando deletis terminis se mutuo destruentibus, fiet

$$a^2 = \frac{2b^2}{R} \times x + \frac{b^2}{3R^2} \times x^2 + \frac{2}{9R} \times x^3 \quad \&c. \\ - \frac{4b}{3R} \quad + \frac{4b^3}{45R^3} \\ - \frac{14b}{45}$$

$$\text{Unde } x \text{ seu } \Delta E = \frac{R a^2}{2b^2} + \frac{R^2 a}{6b^3} - \frac{R a^2}{24b^4} + \frac{R a^5}{720b^5} \quad \&c.$$

Sumptâ igitur ΔE æquali tot hujus seriei terminis quot libuerit, & ex E erectâ ad AB perpendiculari AG , occurret hæc circulo in quæsito puncto G . Q. E. F.

Et per Prop. 1. eadem EG Ellipsi cuivis AKB super majorem axem AB descriptæ occurret in L , ita ut junctâ SL dividat semi-ellipsin AKB in duas partes ALS , BKL datam habentes rationem.

Quo minores fuerint distantia punctorum c & s (hoc est, quo minor Ellipseos excentricitas) & ratio P ad Q , eo pauciores hujus Seriei termini in usum aliquem sufficient : Nam oportet rationem P ad Q parvam esse ut series, quæ est valor segmenti AGE , cito convergat ; hoc est, ut pauci illius termini sint segmento proxime æquales.

Problematis illius solutionem hanc jam olim dedi in *Exercitatione Geometrica de Dimensione Figurarum* Anno 1684 *Edinburgi* edita : placuit tamen illam hoc loco (quippe suo) denuo inferere. P R O.

PROPOSITIO V.

Ellipsin haud admodum excentricam rectâ per focorum alterum ita dividere, ut Area Elliptica portio inter maiorem Axem & ducendam rectam comprehensa sit quamproxime ad integram Ellipsin in data ratione minoris inaequalitatis.

Methodus Prop. III. tradita Anomaliam veram ex media inveniendi tentativa & indirecta habetur: Geometrica vero quævis utut elegans (qualem per Cycloidem protractam olim exhibuit Celeb. D. Wallisius) calculo Astronomico minus apta; quæ vero per Series rem conficit (ut Prop. IV) laboriosa nimis; unde ad approximationes confugiunt Astronomi, imprimis sequentem.

Proponatur Ellipsis ALP , cujus centrum C , focus alter S , alter F . Ex foco S ducenda est recta SL , ita ut trilineum ALS datam quamproxime habeat rationem ad integram Ellipsin $ALPA$. Tab. XVIII. Fig. 7.

Ad Focum alterum F fiat angulus $AF L$, eandem habens rationem ad quatuor rectos, quam oportet trilineum ALS habere ad integram Ellipsin, cujus crus FL Ellipsi occurrit in L , iuncta SL propositum quamproxime conficiet. Nam, coeuntibus focus S & F cum centro C , propositum exacte conficitur, ut ex Prop. XXXIII. *El. VI.* constat; error ergo tantus est quantus ab Excentricitate provenit: Eâ igitur parvâ existente, hoc est, in Ellipsi haud admodum excentrica, area ALS est ad integram Ellipsin sicut angulus $AF L$ ad quatuor rectos; id est in ratione data.

SCHOLIUM.

Ipse *Keplerus*, qui primus ostendit Ellipsin ita à Planeta percurri, ut æqualibus temporibus æquales aræ per rectas

rectas ad Solem in Foco positum ductas abscissæ describuntur, advertit etiam ad hanc approximationem, eamque *Cap. 111. Part. Alter. Lib. v. Epit.* describit dicens; *ut si L esset Planeta, AFL angulus esse posset loco Anomalie media fere.* Ab illa tamen prorsus abstinuit, tum quod in Planeta Marte aperte dissentiat à Cœlo, tum præcipue quod elegantes demonstrationes motuum à Causis suis Physicis hoc pacto prorsus neglectæ & incultæ, quippe penitus ignotæ, jacerent; maluitque in vera Physica Planetarum Theoria persistere, licet methodum indirectam adhibere compulsus fuerit, ut ex Anomalie media coæquatam inveniret, quam aliam à naturali alienam sequi, in qua istud facillime & directe fieri possit.

Postea tamen Celeb. Astron. *Sethus Wardus* hanc tanquam ab ipsa Rerum Natura adhibitam Planetarum Theoriam usurpavit; cujusvis nempe Planetæ Orbitam esse Ellipticam assumit, in cujus Foco altero est Sol, quem Motuum Planetariorum verum atque Physicum instrumentum agnoscit; super alterum interim Focum ita temperari Planetæ cujusque motum, ut temporibus æqualibus æquales illic angulos absolvat; & super hanc hypothesin *Astronomiam* suam *Geometricam Ellipticam* (opus egregium & cui plurimum debet omnis sanior Astronomia) extruxit. Geometriam enim (quâ pollebat) adeo feliciter ad Astronomiam applicuit, ut non tantum ex data Anomalie media veram directe & Geometrice invenerit; sed omnium Planetarum Orbitas tum quoad figuram & situm, tum quoad magnitudinem (assumptâ Orbitâ Telluris pro mensura) determinaverit. Attamen *Astronomia adhaerentem* *Agrippægenius labem* minime delevis: Ista enim solvit Problemata Astronomica non in genuino & vero Systemate, in quo ad eorum solutionem Geometras provocaverat *Keplerus*; sed in vicario & ficto; licet vero proximo. Maximi tamen est usus Astronomiæ suæ Methodus:

thodis : cum enim Planetarum ellipticæ Orbite non sint admodum excentricæ, sed ad circulos fere accedant, neque *Wardi* hypothesi, in qua motum circa Focum à Sole diversum statuit æquabilem, ab accurata multum abluet ; & ad determinandas quamproxime Planetarum Orbitas conducet plurimum, quæ (repetendo calculum, ut inferius ostendetur) poterunt denuo accuratiores ad libitum reddi.

Verum quidem est Clariss. *Ismaelem Bullialdum* in *Astronomia Philolaica*, dum Planetam quemque in Ellipsi moveri statuit, & Ellipsin hanc ita ex Cono secat, ut Coni axis per Ellipseos umbilicorum alterum transeat, & denique dum *Cap. xv. Lib. 1. motum Planetæ æqualem* ponit circa Conum & in circulis basi Coni æquidistantibus ; æquabile incrementum angulorum ad Focum à Sole diversum, (illum nempe per quem Coni axis transit,) hoc est, *Wardi* Hypothesin nescientem supposuisse : neque hoc prius agnovit quam Cl. *Wardus* in *Astronomiæ illius fundamenta* inquireret, in cujus *Inquisitionis Cap. 1.* istud demonstrat. *Bullialdus* igitur ipse, qui *Kepleri* propter errores suos & defectus in Geometria miseretur, vicissim ab *Acutiss. Wardo* poenas luit, dum hic ostendit *Bulliallo* (præter errores aliquammultos quos admissos ingenue fatetur in *Astron. Philolaic. Fundament. Assert. contra S. Wardum*) suam Hypothesin sibi minime fuisse perspectam, dum motum æquabilem circa Ellipseos Focum à Sole diversum inscius supponit ; quam tamen si expresse agnovisset, maximam *Astronomiæ* suæ partem felicius multo & facilius absolvisset.

Sed & *Comes Paganus* hanc ipsam hypothesin, motus nempe angularis æquabilis Planetæ circa Ellipseos Focum à Solis loco diversum, pro vera & genuina serio arripuit, & *Planetarum Theoriam* huic superstructam *Parisiis* Anno MDCCLVII. Gallico idiomate edidit ; dissensumque ejus à Cœlo, qui in Ostantibus ab Apsidibus est maximus,

Ss

in

in Observatorum errores audacter rejicit ad finem suæ Theoriæ. Et licet *Pagani Theoria* hæc *Wardi Affronciâ Geometricâ* posterior sit anno integro, & tribus minimum annis *Inquisitione in Bullialdi Astr. Philol. Fundamenta*, (ubi Astronomiæ suæ omnis fundamenta jecerat, & Problemata præcipua construxerat;) tamen ulterius non pergit *Paganus*, quam ad Planetæ locum in sua Orbita data ad tempus assignatum ejusque à Sole distantiam determinandum, hoc est, ipsa Astronomiæ principia stabilienda; omiſſa omni Astronomiâ comparativâ, in qua, per Geometriam excolenda, operam tam pulchre collocaverat *Celeb. Wardus*.

PROPOSITIO VI.

Positâ approximatione modo descriptâ pro satis accurata, (id est, in Hypothesi Wardi,) ex data Anomalia media Anomaliâ coæquatam & Planetæ à Sole Distantiam invenire in Orbita data.

Tab. XVIII
Fig. 8.

Proponatur $A L P$ Planetæ Orbita elliptica circa Solem in s tanquam Focum constituta; hujus Aphelium sit A , Perihelium P , Axis major $A P$: ex data Anomalia media $A F L$ angulo inveniendâ est Anomalia coæquata, nempe angulus $A S L$, & Planetæ in L Distantia à Sole, sc. $s L$; hoc est, hujus rectæ ratio ad $F s$ vel $A P$.

Producatur $F L$ ad B , ut sit $L B$ æqualis $L S$; & jungatur $B s$. Et quoniam (per *Prop. LII. Lib. III. Conic. Apollonii*) $F L$ & $L S$ simul æquantur axi $A P$, erit $F B$ eidem $A P$ æqualis. Adeoque in triangulo $B F s$ datis lateribus $B F$, $F s$ cum angulo intercepto $B F s$, Anomaliæ mediæ datæ $A F L$ complemento ad duos rectos aut ad quatuor, (prout L est in primo vel secundo Anomaliæ semicirculo;) innotescunt anguli $F S B$ & $F B s$, sive $L S B$, quorum differentia $A S L$ est Anomalia coæquata quaesita. In triangulo porro $L F s$ ab initio dantur angulus $L F s$ & latus

& latus FS , & nunc inventus est angulus FSL , adeoque
& reliquus FLS ; invenitur ergo latus LS in partibus da-
tæ distantiae Focorum SF ; hoc est, Planetæ à Sole Dis-
tantia. Q. E. F.

Tab. XIII.
Fig. 8.

In quærendis angulis FSB , FBS in triangulo BFS , ex
datis BF , FS , cum angulo BFS ; fit (per vulgatum
Trigonometriæ canonem) BF & FS simul ad BF dempro
 FS , sicut tangens semissis angulorum B & FSB ad tan-
gentem semissis differentiæ eorundem. Sed BF & FS
simul æquantur ipsis AP & FS simul; & BF dempro FS
æqualis AP dempro FS , sive bis SP ; & summa angu-
lorum B & FSB æqualis externo AFS , nempe Anomalie
mediæ; illorum vero differentia æqualis FSL Anomalie
coæquatæ. Et igitur summa ipsarum AP & FS est ad $2P$
 S , sive illius semissis SA ad hujus semissim PS ; hoc est,
distantia Planetæ aphelios ad ejusdem distantiam perihelion,
ut tangens dimidiæ Anomalie mediæ ad tangentem
dimidiæ Anomalie coæquatæ: in qua analogia primi duo
termini sunt constantes in dato Planeta.

Simili modo ex data Anomalia coæquata invenitur
media. Quod si non Anomalia coæquata ASL datæ me-
diæ AFS congrua quærat, sed angulus FLS , (*Æqua-
tio Elliptica* dicta;) erit hic duplus anguli FBS prius
inventi. Hic vero angulus subtractus ab Anomalia me-
diæ AFS , Planetâ ab Aphelio ad Perihelium descenden-
te, sive in primis sex Anomalie Signis, relinquit coæqua-
tam ASL : additus vero Anomalie mediæ in ultimis sex
ejusdem Signis coæquatam conficit; unde & *Prosthapha-
resis* dicitur.

PROPOSITIO VII.

Approximationis præcedentis correctionem à Cl. Ismaele Bullialdo adductam explicare; & , quomodo (eâ positâ) Anomalia conuata & Planeta Distantia à Sole inueniantur, ostendere.

Tab. XVIII.
Fig. 9.

CL. Ismael Bullialdus, dum *Astronomiam Philolaicam* tueretur aduersus *Wardum* in Libro cui titulus *Astronomia Philolaica Fundamenta explicata, Cap. I. & II.* ex quatuor observationibus à *Tychone* factis ostendit Hypothesin modo descriptam *Wardi* Marti non convenire; sed in primo & tertio Anomalix mediæ quadrante Martem esse promotiorem quam pro hac Hypothesi esse debet, at in quadrante Anomalix mediæ secundo & ultimo Martem minus esse promotum quam postulat hac Hypothesis. At ne nunc quidem ad sagacissimum *Keplerum* respexit, secundum cujus Systema physicum rem ita se habere in omni Ellipsi oportet, & quidem in Marte sensibiliter, (quippe cujus Orbita sensibiliter est excentrica;) & prout ipsi numeri à *Keplero* adducti ostendunt. Sed Hypothesin *Wardi* corrigere certus, quo illi paria rependere possit, huiusmodi correctionem Anomalix mediæ, ut supra inventæ, *Cap. IV.* dicti Libri adduxit. Sit $A L B P$ Planetæ Orbita elliptica, cujus Foci, *Apides*, Centrum &c. designantur iisdem literis quibus sæpius supra: Sitque angulus $A F L$ Anomalia media in Hypothesi *Wardi*; nempe angulus $A F L$ ad quatuor rectos, sicut tempus quo Planeta percurrit arcum ellipticum $A L$ ad integrum tempus periodicum. Et quoniam punctum L in primo & tertio quadrante Anomalix mediæ (hoc est, dum angulus $A F L$ est minor recto, vel major duobus, minor vero tribus) non est tam promotum quam requirunt observationes, in secundo vero & quarto quadrante iusto promotius; hoc est, quoniam $A F L$ angulus est in

in primo casu parvus nimis, in secundo nimius; ideo angulum hunc ita corrigit *Bullialdus*. Per L ad A P ducatur perpendicularis Axi ; huic in E , circulo vero diametro $A P$ descripto occurrens in G , jungatur $F G$; angulus $A F G$ pro Anomalia media assumatur loco ipsius $A F L$; & angulum $A F G$ vocat *Bullialdus*, pro jure suo, *Anomaliam Medianam-veram*, relicto nomine *Media* angulo $A F L$, qui Tempori est proportionalis: Adeoque locus Planetæ correctus in sua Orbita erit v punctum, ubi $F G$ Orbitæ occurrit. Angulo autem Anomaliæ mediæ $A F L$ correspondens angulus Anomaliæ mediæ-veræ $A F V$ expedite invenitur, sumendo angulum cujus tangens est ad tangentem Anomaliæ mediæ, sicut major axis Ellipsis ad minorem; eritque hic is qui quaritur. Nam $G E$ tangens anguli $G F E$ est ad $L E$ tangentem anguli $L F E$ ad eundem radium $F E$, ut $D C$ (sive $C A$) ad $B C$. In triangulo porro $V F S$ (prorsus ut Prop. præced. in triangulo $L F S$) datis latere $F S$, angulo externo $A F V$ & summâ laterum $F V$ & $V S$, invenitur $F S V$ Anomalia coequata, & latus $V S$ Distantia Planetæ correctæ à Sole. Q. E. F.

Atque hæc est *Wardi Hypotheses* correctio à *Bullialdo* adducta, satis quidem felix si pro correctione approximationis ad verum Systema tantum habeatur, prout decet; quippe quâ effecis ut vel tandem ex Anomalia media colligeretur coequata à priori, simulque calculus satisfaceret observatis, quod ante cum (ex *N. Mercatoris* sententia) in *Hypothesi Elliptica* præstiterat nemo. At cum illam pro vero & genuino Systemate venditat *Bullialdus*, & illius causas Physicas (Cap. III. & IV.) suo more ex Cono petit, non tantum Astronomiæ suæ *Philolaica* Fundamenta inexplicata relinquit, sed & quasi nulla prorsus forent Physica Astronomiæ fundamenta disputat.

PROPOSITIO VIII.

Describere Orbitam, in qua Planetam circa Solem deferri censet Celeb. Astronomus Dominicus Cassini, ejusque cum Causis Physicis & Phenomenis convenientiam & discrepantiam explicare.

Tab. XIX.
Fig. 1.

Circuli $AKBH$ diameter AB dividatur bifariam in c puncto, per quod ducatur recta indefinita DE ad AB normalis. Dividatur rursus AB in G , ita ut AG sit ad GB sicut Planetæ (cujus Orbita est describenda) Distantia à Sole aphelios ad Distantiam perihelion; & capiatur CF æqualis CG . Ex F ad AB erigatur normalis FH circulo occurrens in H . Centro F distantia FH describatur, circulus secans indefinitam DE in D & E punctis, quæ erunt extrema minoris Axis Orbitæ describendæ. Ad inveniendâ reliqua ejus puncta ducatur per F utcumque recta IFK circulo in I & K occurrens. Centro F distantia IF vel KF describatur circulus; centroque G distantia æquali alteri rectæ IFK segmento, nempe KF vel IF , alter circulus: horum circulorum intersectiones L, L, L, L erunt ad Orbitam. Atque hoc modo, propter binos super utroque centro circulos, quatuor Orbitæ puncta eadem opera determinantur. Similiter alia atque alia illius puncta determinabuntur, aliam atque aliam ducendo rectam per F transeuntem & à circulo utrinque terminatam. Quoniam rectangulum sub segmentis rectæ per punctum F ductæ & à circulo terminate datum est, nempe rectangulo sub AF, FB (per *Prop. xxxv. Elem. III.*) æquale; patet rectangulum sub rectis FL, GL à punctis F & G ad quodvis curvæ ALB punctum L ductis etiam dari, & rectangulo sub AF, FB vel sub AG, GB æquari; & ideo esse AG ad GL sicut FL ad GB vel FA . Sicut in Ellipsi vulgari summa rectarum à duobus Focus ad punctum quodvis in circumferentia inclinatorum data est,

p

ta est, ita rectangulum sub rectis à punctis F & G ad quodvis in curva $ADBE$ punctum ductis datur, unde & punctis hisce F & G *Focorum* nomen indidit *D. Cassinus*.

Curvam hanc vult esse Planetæ Orbitam, quam ita circa Solem in Foco G positum percurrit, ut anguli ad alterum Focum F proportionales sint Temporibus, quem proinde Focum seu Centrum medii Motûs appellat, sicut alterum G Motûs veri, ubi Solis Mundique Centrum locat. Unde Planetæ distantia qualibet binæ à Foco veri Motûs sunt reciproce ut ejusdem distantia à Foco Motûs medii. In Orbita hac ex data Anomalia media, nempe angulo AFI , Anomalia vera AGL determinatur, si in triangulo IFG ex datis basi FG alteroque angulorum adjacentium IFG , (ipsius AFI Anomaliæ mediæ complemento,) & rectangulo sub reliquis duobus lateribus FI , IG comprehenso inveniantur reliqua.

Hypothesis hæc *Cassiniana*, in *Tractatu de Origine & Progressu Astronomiæ* breviter tradita, hoc habet incommodi physici, quod licet Planeta, urgente vi centripetâ versus Solem cujusdam certi generis, (cujus Lex per Corol. Prop. xxxvii. Lib. I. innotescet,) possit Orbitam $ADBE$ circa eundem in G positum describere, tamen vis hæc diversa prorsus erit ab ea in plerisque Operationibus naturalibus usurpata, quaque Ellipsis vulgaris, cujus iidem sunt Foci & Vertices, circa Solem ibidem positum describitur: Et hoc insuper, quod Planeta Curvam $ADBE$, ut à *D. Cassini* supponitur, describens (nempe ut ducta FI ubique ad Planetam, angulus AFI sit Tempori proportionalis) isti etiam Legi universali Prop. xi. Lib. I. demonstratæ minime obtemperat, ut area ALG , quam radius vector GL è Sole exiens verit, sit etiam Tempori proportionalis. Unde Hypothesis hæc, æque ac supra descripta *Wardi* & *Pagani* Hypothesis, est physice impossibilis. Impossibile utique est ut Planeta, quâcunque vi centripetâ ad Solem tendente agitur,

agitur, Ellipseos vulgaris Orbitæ hujus *Cassiniana* perimetrum describat, ita ut anguli ad Focum à Sole diversum sint Temporibus proportionales. Nam hoc posito, aræ ad Solem non essent Temporibus proportionales) ut de Ellipsi vulgari supra est ostensum, & infra de utraque ostenderetur) quod tamen necessario fit, ut Prop. XI. Lib. I. demonstratum est.

Demonstrabimus autem quod in Figura supra descripta A L D B E, (aliâve quâvis versus centrum ubique cavâ, cujus quatuor partes per duos axes factæ sunt inter se æquales & similes, & duo Foci F & G à centro æqualiter remoti,) angulus omnis ad Focum F non est ad quatuor angulos rectos sicut area ad Focum G ad integram figuram A D B E.

Tab. XIX.
Fig. 2.

Supponatur angulum ad Focum F esse ad quatuor rectos ut area ad Focum G ad integram figuram. Ducatur recta FL normalis ad AB; quo modo erit AFL angulus pars quarta quatuor rectorum, vel semissis duorum: adeoque area ALG erit ex hypothesi pars quarta integræ figuræ A D B E, vel semissis dimidiæ A D B; hoc est, æqualis ipsi L D B G reliquæ ad dimidiam. Ex G ipsi FL parallela agatur GM Orbitæ occurrens in M; eritque, ex natura Orbitæ, GM æqualis ipsi FL; & proinde per Prop. XXXIII. Elem. I. ML (quæ tota cadit intra curvam A D B E, cum ex hypothesi hæc sit ubique versus centrum C cava) est æqualis & parallela ipsi GF; & per Prop. XXXIV. Elem. I. MGL triangulum æquale est triangulo GFL. Cumque etiam figura ALF sit, ex natura Orbitæ, æqualis figuræ BMG; erit figura ALG æqualis figuræ BMLG, rectis BG, GL, LM, & curvâ BM comprehensæ. Sed modo ostensum est esse figuram BMDLG, rectis BG, GL, & curvâ BMDL comprehensam, æqualem figuræ ALG; & igitur figura BMLG æqualis est figuræ BMDLG; pars toti: quod est absurdum. Non est igitur figura ALG qua-

quadrans integræ figuræ $A D B E$, quando $A F L$ angulus est quadrans quatuor rectorum; sive angulus omnis ad Focum F non est ad quatuor angulos rectoros sicut area ad Focum G ad integram figuram. $Q. E. D.$

Prædicta porro Hypothesis in eo laborat, quod Anomalia vera, & congrua Anomalia media, Planetæque Distantia à Sole Phænomenis Cœlestibus minime quadrent. Cum enim Ellipsis vulgaris Phænomenis congruat, altera illa *Cassini*ana, cujus diversa est natura, illis congruere nequit. Alius enim erit, ad tempus datum, Planetæ locus in Ellipsi vulgari $A Y B Z$, alius in Orbita *Cassini*ana $A D B E$, iisdem Verticibus A, B iisdemque Focis F, G descripta, tum quoad Anomalias veram sive angulum cum $A B$ ad G contentum, tum quoad Distantiam à Sole respectu Apheliæ distantia $G A$. Et licet in Orbitis, quarum Excentricitas est admodum parva, differentia non sit valde sensibilis; ubi Excentricitas est magna, res aliter se habet. In priori casu ipse circulus $A Q B X$ diametro $A B$ descriptus Phænomenis fere satisfacit. Omnes tamen Astronomi hodie agnoscunt Orbitam circularem esse circa medias longitudes, ut Q & x , latam nimis. Orbita vero hæc *Cassini*ana $A D B E$ è contrario peccat gracilitate nimia in iisdem locis. Ponatur *ex. gr.* Ellipsis vulgaris $A Y B Z$, cujus major Axis est minoris sesqui-quartus, iisdem verticibus & focis descripta intelligatur Orbita *Cassini*ana $A D B E$; deficiet hujus minor Axis $D E$ à veræ Orbitæ ellipticæ minore Axe $Y Z$ plusquam hujus triente, cum interim Orbitæ circularis latitudo $Q X$ minus excedet $Y Z$; ejus nempe tantum quadrante. Orbita igitur hæc, cum neque Rationes Physicæ respondeant, (quippe omnino impossibile est ut describatur modo quo ab ipsius Auctore *D. Cassini* requiritur, nempe ita ut anguli ad Focum à Sole diversum proportionales sint Temporibus; sic enim area per radium vectorem descripta non esset Tempori proportionalis:

T t

nalis:

Tab. XIX.
Fig. 3.

nalis: immo ad illam quomodocunque describendam opus esset Vi Centripetâ ad Solem abhorrente ab illa per rerum naturam usurpata, quæ, alterius omnis virtutis naturalis, à centro vel ad centrum, in lineis rectis per regiones in circuitu propagatæ inslar, est ut quadratum distantie à centro inverse,) neque Orbita Phænomenis observatisque Cœlestibus congruat, propter minoris Axis brevitatem, Orbisque medii gracilitatem inde ortam; Orbita, inquam, hæc ex Astronomia est rejicienda.

A D D I T I O

ad

PROPOSITIONEM VIII.

præcedentem excerpta ex

Transact. Philosophicis Mens. Septembr. Anni 1704.

DE ORBITA CASSINIANA.

Per

DOCTOREM GREGORIUM.

Tab. XIX.
Nº. 1.
fig. 1.

EX quo Celeberrimus *Dom. Cassini*, in *Tractatu de Origine & Progressu Astronomia*, Curvam quandam pro Planetæ Orbita Astronomis proposuit, & de ipsius Curvæ natura, & de Gravitatis lege ad eam percurrentem requisita, varie multumque ab eruditis disputatum est. Mihi etiam de eadem denuo cogitanti cum diversæ ejus species, tum & harum proprietates aliquæ nondum satis perspectæ occurrebant. Has breviter contexere, & cum iis publice communicare volui, quibus hujusmodi contemplationes non injucundæ videbuntur.

Satis notum est illius Orbitæ hanc esse naturam. Si a datis duobus punctis F & G ad quodvis curvæ punctum H ducantur rectæ FH , GH ; rectangulum sub FH , GH æquale

æquale est dato spatio. Recta FG hinc inde producta donec curvæ occurrat, ostendit Vertices A & B ; & AB est Axis principalis; mediumque inter vertices punctum C est figuræ Centrum; & DE , per C ad AB normalis, Axis minor; punctaque F & G Foci. Tab. XIX.
Nº. 1.
Fig. 1.

In hac figura si axis minor excedat distantiam focorum, Curva figuram terminans est ubique versus centrum cava, qualis vulgo habetur. Si, manente axe principali, distantia focorum minuat, augebitur axis minor, qui tamen minor manet axe Elliptis eodem axe principali, iisdemque focus descriptæ; donec tandem, cocuntibus focus, ille evadat æqualis axi majori, & figura abeat in Circulum. Si vero, è contra, distantia focorum augeatur; minuetur axis minor, fietque æqualis dictæ distantiæ, cum hæc est ad axem principalem sicut unitas ad medium proportionalem inter unitatem & ternarium.

Si ulterius augeatur distantia focorum, minuetur adhuc axis minor, & Curva non erit amplius ad hujus extrema versus centrum cava, sed convexa, ut in schemate 2; donec auctâ eousque distantia focorum, ut hæc sit ad axem majorem sicut latus quadrati ad ejusdem diametrum, axis minor fiat nullus, & curva pertingat ad centrum hinc inde. Tab. XIX.
Nº. 2.
Fig. 2.

Si distantia focorum fuerit major quam pro dicta ratione, axis minor fit impossibilis, & figura in duas conjugatas abit, ut in schemate 3; quæ auctâ focorum distantia minuentur, donec tandem figura in bina puncta conjugata abeat. Fig. 3.

Crescente porro distantia focorum, rursus emergunt binæ figuræ conjugatæ, quæ similiter crescunt atque prius decreverant à prioribus diversæ in focorum verticumque ordine, augentur que donec infinitæ evadant. Posteaque Systema hoc iisdem gradibus ad circulum rursus accedet quibus ab illo recessit.

Ex his vel primo intuitu satis patet Figuram hanc ad
Tt 2 consti-

Tab. XIX.

No. 2.

Fig. 2.

constituendam Planetæ Orbitam minime idoneam esse. Ut enim taceam casus ubi in duas conjugatas abit, Orbitæque naturam deponit, nimirum ubicunque tanta sit ejus excentricitas, quantam Cometæ (si circa Solem Planetarum instar versantur, quod verisimillimum est) ad cursum suum describendum postulant: ut hos inquam casus præteream: sunt etiam in iis casibus, ubi in se redit orbitamque perficit, quadam ejus excentricitates ita amplæ, ut curva prope D & E (Fig. 2.) versus Solem convexa evadat; adeoque vi à Sole centrifugâ Planetæ opus esset, ut hanc Orbitæ suæ partem percurreret, dum interim in locis propioribus & remotioribus B & A vis ad Solem centripeta requiritur. Id est corpora circumsolaria eâ lege moveri posse concedendum esset, ut in paribus à Sole intervallis hic vis centripeta, illic centrifuga obtineret, quod quam sit à naturæ legibus alienum facile omnes perspicient. Et licet nullius è Planetis tanta sit excentricitas, cum tamen Geometris notum sit figuræ, cujus species omnes ultra certum terminum munerì cuius naturæ obeundo ineptæ fuerint, ejus species reliquas citra dictum terminum, quasi eidem munerì idoneas, admitti non posse: Necessè est Curvam hanc Cassinianam ex Astronomia rejicere, non solum ob rationes Prop. VIII. Lib. III. Elem. Astr. adductas, nempe quod neque observatis celestibus congruas propter minoris axis brevitate, neque rationes Physicæ respondeant, cum ad illam describendam opus esset vi centripetâ ad Solem abhorrente ab illa per rerum naturam usurpata, sed etiam propter absolutam impossibilitatem. Impossibile namque est hujus figuræ speciem quamcunque posse à Planeta percurri, ita ut anguli ad focum à Sole diversum proportionales sint temporibus; sic enim area per radium vectorem descripta non esset tempori proportionalis. Non enim aucto angulo ad focum unum æqualibus incrementis, arcæ ad alterum incrementa simul facta etiam æqualia sunt, uti perperam nuper sentiebam.

In

Prop.
præced.

In duobus ultimis schematibus maxima figuræ latitudo invenitur si centro c per focos describatur circulus; scababit namque hic Curvam in punctis L , L quasitis. Estque maxima ordinata $K L$ tertia proportionalis rectis $G F$ & $F D$ in horum primo, vel quarta proportionalis ipsis $G F$, $G A$, & $A F$ in utroque.

Superfite $D E$, ordinata ex foco $F P$ æqualis est semi-axi minori $C D$, quando axis minor est ad distantiam focorum ut latus quadrati ad diametrum. Si distantia focorum fuerit major quam pro hac ratione, $F P$ excedet $C D$.

Tab. XIX.
No. 1.
Fig. 1. & 3.

SECTIO II.

DE TELLURIS ORBITA DETERMINANDA, &
THEORIA TELLURIS Æ SOLE VISÆ, SIVE
SOLIS Æ TELLURE.

PROPOSITIO IX.

*Orbita Telluris Speciem, & Positionem Axis; Telluris item
Tempus periodicum per observationes definire.*

CUM Libro hoc propositum sit Orbitalium Planetarum primariorum circa Solem ordinarum Species determinare, & illarum Positionem ad se invicem ex observatis colligere; oportet ab Orbita Telluris circa Solem ordiri, tum quod hac eadem sit cum illa quam Sol tempore annuo circa Tellurem peragraré videtur, tum præcipue quod hujus Species & Positio requirantur ad similia in reliquis determinanda. Nam cum observantis oculus simul cum Tellure deferatur, hujus Viam oportet omnium primum cognitam habere, si aliorum Planetarum Vias peripsas volumus.

Observetur Solis motus apparens in Ecliptica cum hic velocissimus est; hoc est, cum dato temporis spatio maximum arcum versus ortum conficit; in isto enim casu

Tab. XIX.
Fig. 4.

T t 3 (per

Tab. XIX. (per Corol. 3. Prop. XLII. Lib. I.) Tellus, est in Perihelio P : cum vero motus iste deprehenditur tardissimus *fig. 4.* Tellus est in Aphelio A. At loco Solis è Tellure observato plane oppositus est Terræ locus è Sole visus, & igitur habetur locus Eclipticæ è Sole visus Aphelii & Perihelii Telluris ; hoc est, Positio lineæ Absidum Terræ. Sed Lib. II. ostensum est quomodo Fixarum loca Eclipticæ respectu, hoc est, Eclipticæ cardines reliquaque puncta Fixarum respectu determinari possint, unde lineæ Apsidum Telluris Positio inter Fixas inveniatur. Idem fiet bisecando angulum comprehensum inter rectas ductas ad bina loca, ubi Solis motus è Tellure apparentes, dato tempore facti, sunt inter se æquales ; hujusmodi enim puncta æqualiter distant à punctis Aphelii & Perihelii. Ad Orbitæ Speciem inveniendam, advertatur esse (per Corol. 3. Prop. XLII. Lib. I.) motum apparentem è Sole focum s occupante visum Telluris in Aphelio A ad ejusdem motum apparentem in Perihelio P ut s p q ad s A q. Cumque Telluris motus è Sole apparens idem sit cum Solis motu è Tellure viso ; ex hoc observato, dum Tellus Aphelium & Perihelium tenet, innotescet ratio s A q ad s p q, hujusque proinde subduplicata s A ad s p : compositæ igitur & divisim dabitur ratio s A + s p ad s p, & s A - s p ad s p ; sive A p ad s p & (posito F foco altero) s F ad s p, ac proinde etiam ratio A p ad F s datur.

Fig. 4. Eadem ex observato Solis semidiametro apparente determinare licet : Tum enim Terra est in Aphelio, cum Solis diameter apparens est minima ; adeoque locus Solis loco tum observato oppositus est Aphelii locus è Sole visus : & similiter de Perihelio. Punctum item medium inter duo puncta, ubi Sol ejusdem est diametri apparentis, locum ostendit Aphelii vel Perihelii Terræ ; quæ omnia nimis sunt manifesta. Ad Ellipseos Speciem determinandam, sit D I diameter Solis in Foco s siti. Estque angulus



angulus $\angle DAI$ ad $\angle DPI$ angulum, ut SP ad SA ; sed hujus analogiæ dantur priores duo termini per observationem; ergo innotescit ratio SP ad SA : unde, ut prius, elicitur ratio quæsitâ AP ad FS Ellipsicos Speciem determinans. Loco diametrorum aut semi-diametrorum Solis apparentium, per angulos aut arcus mensuratarum, accuratius sumuntur tangentes angulorum $\angle DAS$, $\angle PS$ semi-diametrorum apparentium, ut patet.

Porro, temporis spatium inter momenta proxime se insequentia quibus Tellus eandem Apsidem tenebat, ex dictis in hac Propositione determinanda, est Telluris Tempus periodicum. Istud vero tutius definitur, si momenta adhibeantur quam fieri potest inter se dissita, & tempus intermedium dividatur per numerum revolutionum Terræ circa Solem interea factarum; prodibit quippe Tempus unius revolutionis Terræ circa Solem.

PROPOSITIO X.

Tempus Æquinoctii utriusvis per observationes determinare.

PROPE Æquinoctium observetur (per Prop. XVIII. Lib. II.) Solis declinatio, quæ si nulla sit, erit tunc ipsum Æquinoctii Tempus: si vero aliqua, exinde invenietur (per Prop. XX. Lib. II.) Solis locus in Ecliptica. Idemque, interjecto aliquo tempore, denuo vel etiam tertio repetatur. Et ex locis sic inventis & tempore interjecto æstimabitur Tempus ipsius Æquinoctii.

In hoc Problemate & hujusmodi observationes Solis corrigendæ sunt (ut semper) per Parallaxin & Refractionem congruam, reliquaque cavenda quæ calculum incertum redderent; v. g. observationes binæ ad easdem partes Temporis definiendi; sed potius duæ observationes seligendæ erunt, quarum altera Æquinoctium præcedit, altera sequitur.

P R O.

PROPOSITIO XI.

*Tempus Solstitii utriusvis determinare.*Tab. XIX.
Fig. 5.

Quoniam Tropicus tangit Eclipticam in puncto Solstitii, Tropici & Eclipticæ portionem exiguam prope Solstitium referet schema annexum; ubi TR est Tropicus; EC Ecliptica illum in Solstitii puncto s contingens; & rectulæ dl , dl ad TR normales repræsentabunt deviationes punctorum Eclipticæ l , l à Tropico, sive Declinationis eorundem mutationes: In quo casu rectulæ dl , dl sunt (per Prop. $xxiv$. Lib. i .) ut quadrata arcuum sl , sl , vel hisce proxime æqualium rectarum sd , sd respectivè. Unde Eclipticæ portio exigua prope Solstitium s sensibilibiter non abludet à Parabola esc ; figura nempe, cujus ea est proprietas, ut sit dl ubique ut quadratum rectæ sd respectivè. Rursus, arcus sl , sl sunt ut tempora quibus illi à Sole describuntur: nam quoniam Orbitæ Ellipticæ, quam Sol ad sensum describit, Apides prope Solstitialia puncta hoc tempore hærent, Solis motus apparens erit ibi æqualis; hoc est, arcus sl , sl ut tempora quibus describuntur. Ex quibus tandem conficitur Eclipticæ portionem prope Solstitium (puta quam Sol decem plus minus diebus percurrit, quinque nempe ante Solstitium totidemque post) minime discrepare à Parabola sl , in qua abscissæ sp , sp sunt defectus Declinationis Solis quovis momento à Declinatione maxima: & consequenter harum differentiæ pp , pp sunt ut ipsarum Declinationum differentiæ; hoc est, ut intervalia Altitudinum Solis supra Horizontem (vel distantiarum ejusdem à Vertice) in Meridiano vel alio quovis verticali: & ordinatim applicatæ pl , pl sunt respectivè ut tempora quibus Sol prædictas Declinationes acquirit, harumque intervalia ut intervalia illarum.

Fig. 6.

Hisc

Hiscæ demonstratis, erigatur Gnomon AB , cujus umbra facta à Sole prope Solstitiorum alterutrum constituto & in planum CD (cui fere perpendicularis est recta BN Solem & Gnomonis verticem B connectens) excepta signat punctum N : Et interjectis aliquot diebus (v. g. 3 aut 4) observetur rursus punctum ubi apicis B umbra cadit, Sole eundem tenente verticalem; sitque illud F : Ac postea similis repetatur observatio, & punctum notatum sit G . E datis tribus punctis N , F , G inveniendum est Tempus ipsius Solstitii. Patet rectas NF , GF esse intervalla distantiarum Solis in eodem verticali ab Horizonte, vel à Vertice; (hoc est, per supra ostensa, mutationes Declinationis.) Nam F G N minime differt ab arcu circuli centro B distantia B G descripti, quia F B G , N B G anguli sunt admodum parvi. Et si loco plani CD , cui B G est normalis, umbra excipiat in aliud quodvis planum CE ad CD inclinatum angulo DC E non admodum magno, ex. gr. in punctis h , f , g ; rectæ hf , gf eadem fere habebunt inter se rationem quam NF , GF , quia rectæ ff , gg , hh sunt fere parallelæ; quippe quæ concurrunt non nisi ad B punctum satis distantum respectu distantiarum ff , gg , hh . Problema igitur de inveniendi Solstitio ex datis punctis F , G , N , & Temporis momentis quando Sol in eodem verticali positus puncti B umbram ad ista projicit, ad sequens Problema pure Geometricum reducitur.

Trium rectarum parallelarum AB , TY , ES in eodem plano jacentium datis mutuis distantis AT , TE ; describere Parabolam KLM , cujus axis CVD est ipsis AB , TY , ES parallelus, illas secantem in punctis K , L & M , ita ut ductis ad axem ordinatis KH , LF , MG , intercepta axis portiones FG & FH sint rectis datis æquales.

Ita enim fiet, ut (si FG & FH æquales fuerint ipsis FG , FH per supra descriptam observationem signatis,

V

&

Tab. XIX.
Fig. 7.

Fig. 8.

Tab. XIX.
fig. 8.

& ratio ΛT ad TE eadem cum ratione Temporis inter observata puncta H & F , ad tempus inter observata puncta F & G) KH , LF , MG respective repræsentent Tempora inter observationes punctorum H , F & G , & ipsum Solstitii momentum; id est, ut punctis Λ , T & E repræsentantibus Temporis momenta quibus observata est Gnomonis umbra in punctis H , F & G , punctum C repræsentet ipsum Solstitii momentum. Vocetur linea ΛT , a ; TE , b ; FH , c ; FG , d ; TC , x . Unde ΛC sive $KH = a + x$, & EC sive $GM = b - x$. Parabolæ latus rectum principale vocetur r . Erit per Parabolæ naturam $x^2 = VF \times r$, adeoque $VF = \frac{x^2}{r}$. Similiter

$$\text{est } VH = \frac{a^2 + 2ax + x^2}{r}, \text{ \& } VG = \frac{b^2 - 2bx + x^2}{r}.$$

$$\text{Quare } c = (FH = VH - VF) = \frac{a^2 + 2ax}{r};$$

$$\text{\& } d = (FG = VG - VF) = \frac{b^2 - 2bx}{r}.$$

Rejctâque, ope duarum harum æquationum, ipsa r inveniatur $\frac{a^2 + 2ax}{c} = \frac{b^2 - 2bx}{d}$. Ordinâtâque æqua-

$$\text{tione ut vulgo, fiet quæsitâ } x = \frac{b^2c - ad}{2ad + 2bc}; \text{ hoc}$$

est, spatium temporis interjectum inter notum momentum per T repræsentatum, (quando nempe Gnomonis umbra in F observata est,) & momentum Solstitii quæsitum: Unde dabitur ipsum Solstitii Tempus. Q. E. F.

Quod si quærat Tempus interjectum inter observationem umbræ in H & ipsum Solstitium, ipsi TC modo inventæ addatur ΛT , fietque quæsitâ $\Lambda C = (a + x =) \frac{b^2c + 2abc + a^2d}{2ad + 2bc}$. Pari modo erit $EC = (b - x =) \frac{b^2c + 2abd + a^2d}{2ad + 2bc}$. Si vero is sit observationum ordo, ut

ut observatio umbræ Gnomonis in F sit exacte media inter ejusdem observationes in H & G; hoc est, si $AT = TE$, sive $a = b$, æquatio paulo simplicior fiet; erit nempe distantia Temporum Solstitii & observatæ umbræ in F æqualis $\frac{ac - ad}{2d + 2c}$, Solstitii distantia à Tempore observatio-

nis umbræ in H æqualis $\frac{3ac + ad}{2c + 2d}$, & à momento ob-

servationis umbræ in G æqualis $\frac{ac + 3ad}{2c + 2d}$; hoc est, in

schemate, sicut $2FH + 2FG$ ad GH , sive $4HF - 2GH$ ad GH , sive $2HF - GH$ ad $\frac{1}{2}GH$, ita semissis Temporis inter primam observationem umbræ in H & ultimam ejusdem in G versantis ad tempus interjectum inter observationem mediam umbræ in F & ipsum Solstitii momentum quæsitum.

Primus modum hunc Solstitiorum Tempora determinandi excogitavit & publico impertivit Acutiss. Ed. Halleius in *Transact. Philos.* incunte Anno 1695, & exemplis Solstitiorum binorum, per observationes *Waltheri & Gasendi*, ex hoc definitorum illustravit; ubi etiam in praxi advertenda quædam notat de Gnomonis situ & figura comoda, de Umbræ accurata observatione aliisque.

PROPOSITIO XII.

Anni Vertentis quantitatem definire.

CUM Annus vertens sive Tropicus sit Temporis spatium quo Anni tempestates eadem demum redeunt; hoc est, quo Sol ab aliquo Eclipticæ puncto (puta illo in quo Tropicum contingit) digressus ad idem revertitur; patet ejus quantitatem definiri, si Sol bis in eodem Eclipticæ puncto observetur, (v. g. bis in eodem Æquinoc-
tio per Prop. x, aut in eodem Solstitio per xi,) &

Vv 2 tempus

tempus interjectum dividatur per numerum revolutionum Telluris circa Solem interea factarum. Si quis sit error in Æquinoctiū vel Solstitiū momento definiendo, ne hic Anni Tropici mensuram turbet, convenit Solstitia vel Æquinoctia adhibere quam fieri potest maxime inter se distantia, ut error in plures partes discriptus (divisione facta per magnum revolutionum interjectarum numerum) insensibilior evadat.

Sed quoniam Solstitiorum Tempora difficulter discerni Veteribus videbantur, ut ipse *Ptolemaeus* ait, qui propterea *Metonis* & *Euſtemonis* ipsiusque *Aristarchi* Solstitia prætermisit; quod & Recentioribus usque adeo verum est visum, ut *Ricciolus* asseruerit *Ptolemaum* nimis confidenter sperasse in Solstitialibus nec se nec *Archimedem* in observatione atque computatione ad quartam usque partem dici errasse; & *Hevelius* Cap. 1v. *Prodr. Astron.* dicat *Solstitia*, licet optimis & maximis instrumentis etiam ab omnium exercitatissimo observatore sint deprehensa, nequaquam profecto posse in ipsis minutissimis particulis determinari: Astronomi adhibuerunt Æquinoctiorum observationes, quorum momenta accuratius definienda crediderunt, propter magnam & sensibilem circa Æquinoctiorum tempora Declinationis Solis mutationem. Verum Solstitiorum tempora, methodi præcedentis ope, saltem æque accurate ac ipsorum Æquinoctiorum deinceps determinari possunt.

Loco quod Sol nunc tardius nunc celerius moveri videtur, (pro varia nempe velocitate Telluris circa Solem,) si concipiatur aquabiliter moveri, ita ut tempore per Prop. hanc definito Eclipticam percurrat; talis Motus apriſtino nomine dicitur Solis *Motus Medius*, (quippe inter celerissimum & tardissimum revera talis,) & locus quem Sol sic motus teneret, ejus *Locus Medius* appellatur.

PROPOSITIO XIII.

Anni Syderei quantitatem definire.

Comparando locum quem data Fixa olim in Ecliptica tenebat cum illo quem nunc tenet, inveniatur Præcessio Annua Æquinoctiorum; hoc est, quantum quodlibet Eclipticæ punctum à data Fixa versus Occasum spatium unius Anni recedit, quod Lib. II. Prop. xxxi. factum est: Et (per Prop. præced.) determinetur Temporis spatium requisitum ut Sol arcum Eclipticæ inventæ Præcessionis æqualem faciat. Hoc ergo quantitati Anni Tropici additum dat quantitatem Anni Syderei, constantis nempe ex Anno Tropico, quo Sol ab Eclipticæ puncto digressus ad idem sibi interim paululum obviam factum revertitur, & illo præterea quo Sol describit arcum istum per quem dictum Eclipticæ punctum Soli interim obviam est factum; hoc est, quo Sol à puncto immoto (Sydere v. g. Fixo) digressus ad idem denuo reverti videtur.

PROPOSITIO XIV.

Ex datis tribus Solis Locis, Prop. xx. Lib. II. definitis, & Telluris Tempore Periodico, proxime equali Anno Sidereo per Prop. præc. definito, Orbita Telluris Speciem, Linea Apſidum Situm & Tempus quo Tellus Aphelium tenebat invenire.

Methodi Prop. ix. traditæ Speciem & Positionem Tab. XX
Fig. 1. Orbitæ Telluris inveniendi observationes requirunt usque adeo accuratas, ut praxi minus sint idoneæ: sequentem ergo usibus Astronomicis accommodatorem hic apponimus. Dentur tria Solis Loca observata, nempe cum Tellus est in tribus Orbitæ suæ punctis B, C, D. Habentur igitur positione tres rectæ s B, s C, s D, sive tres anguli

Tab. XX. anguli $BS C$, $CS D$, $BS D$. Et ex periodo Telluris
Fig. 1. data & Temporibus inter observationes datis, dantur rationes inter Arcam totam Ellipseos $ACPB$ & ejusdem partes BCS , $CD S$ & $BD S$. Problema igitur eo reducitur, ut describatur Ellipsis super Focum datum s talis, ut tota ejus Area sit ad ejus partes sub rectis positione datis $s B$, $s C$, $s D$ & curva Elliptica comprehensas, in datis rationibus.

Intelligatur AP Orbita Telluris, cujus Foci s & r , Aphelium A , Perihelium P . Porro, centro s semidiametro æquali Axi majori descriptus concipiatur circulus, cujus circumferentiæ occurrant rectæ $s B$, $s C$, $s D$ productæ in R , Z & Y . Jungantur rectæ FB , FC , FD , FR , FZ , FY ; quarum una ZF producatu donce iterum peripheriæ occurrat in G , & jungantur RG , GY , YZ , ZR . Si $ACDPB$ sit vera Telluris Orbita, erunt (per Prop. v.) anguli BFC , CFD , BFD respectivé ad quatuor rectos quamproxime ut Tempora inter observationes ad Tempus periodicum: & vicissim, si dicta ratio obtineat in angulis hisce, $ACDPB$ est Telluris Orbita quæsitæ. Istud igitur restat faciendum, ut ex datis, præter angulos $BS C$, $CS D$ & $BS D$, rationibus angulorum BFC , CFD & BFD ad quatuor rectos Positio rectæ $s F$ vel AP & Ellipseos Species inveniantur.

Quoniam dantur anguli RSZ , ZSY , RSY , nempe differentię Longitudinum observatarum, & anguli BFC , CFD , BFD ; nempe Motus Terræ medii fere pro temporum spatiis inter observationes interjectis; ideo dantur & RFZ , ZFY , RFY arithmetice porportionales inter BFC & RSZ , CFD & ZSY , BFD & RSY respectivé. Nam quia sR æqualis est AP per constructionem, & summa rectarum sB & BF eidem æqualis, (per Prop. LI. Lib. III. Conicorum Apollonii,) erunt BR , BF æquales; similiterque ostendentur CZ , CF , item rectæ DY , DF æquales. Unde æquales erunt BRF & BFR ;
 CZB

$\angle CZF$ & $\angle CFZ$; item $\angle DYF$ & $\angle DFY$. Sed angulus BFC ^{Tab. XX. fig. 1.}
 $= \angle RFZ + \angle BFR + \angle CFZ$; & $\angle RFZ = \angle RSZ + \angle BRF$
 $+ \angle CZF$. Quoniam igitur BFC tantum superat RFZ ,
 quantum hic angulum RSZ ; patet hos esse arithmetice pro-
 portionales. Similiter sunt CFD , ZFY , ZSY ; item anguli
 BFD , RFY , RSY arithmetice proportionales. Porro, in
 triangulo YFG dantur omnes anguli; nempe YFG æqua-
 lis complemento ad duos rectos anguli YFZ , medii nempe
 arithmetici inter notos CFD & CSD , & YGF semissis
 observati ZSY : Et igitur posito YF partium quocunque
 ad libitum, dabitur FG in iisdem partibus. In triangu-
 lo RFG datis omnibus angulis (nempe RFG complemen-
 to ipsius ZFR ad duos rectos & FRG semisse anguli
 ZSR) & latere FG , dabitur FR . Et in triangulo YFR
 datis FY & FR & angulo YFR , (quippe medio arithme-
 tico inter BFD & BSD ,) dabitur YR & anguli FRY ,
 FYR . Deinde, in triangulo isoscele YSR dantur omnes
 anguli (quia datur YSR ad trianguli verticem) & YR ; da-
 bitur ergo YS . Denique in triangulo FYS datur angulus
 FYS (intervallum nempe notorum $RY S$, $RY F$) & latera
 FY , YS ; invenietur ergo angulus YSF & latus SF : Sed
 datur rectæ YS Positio, nempe Locus Solis in tertia obser-
 vatione, cum Tellus esset in D ; dabitur ergo Positio linæ
 Apsidum AP , quippe in noto angulo YSF inclinata
 ad YS positione datam. Sed in iisdem partibus, in qui-
 bus exprimitur YS , inventa est recta SF ; datur ergo ratio
 inter YS vel huic æqualem AP Orbitæ Axem majorem &
 SF Distantiam Focorum; id est, Species Orbitæ. Ne-
 que ex observationibus aliud quidvis determinari potest:
 quælibet enim Orbita Elliptica ipsi ACD similis, Fo-
 co s descripta, cujus Axis major positione est idem cum
 SF recta, propositis observationibus faciet satis. In tri-
 angulo porro DFS datis latere SF , angulo DSF &
 angulo SDF , duplo ipsius SYF , modo inventi, inve-
 nitur DFS , & proinde huic deinceps DFA . Tempus
 vero

Tab. XX.
Fig. 1.

vero quod est ad integrum Tempus periodicum ut angulus D E A ad quatuor rectos, illud est quod interjicitur inter momentum observationis in D & momentum quo Tellus Aphelium tenebat: hoc igitur innotescit.

Methodus Orbitæ Speciem & Linæ Apſidum Positionem determinandi, hic tradita, alteri cuivis Planetæ circa Solem delato æque ac Telluri competit, modo suppetant tres observationes tantundem facientes in altero isto Planeta, atque tres hic adhibita in Tellure.

PROPOSITIO XV.

Positionem Linæ Apſidum & Orbitæ Speciem supra determinatas ad libitum corrigere.

Sumantur Linæ Apſidum Positio & Orbitæ Species per præcedentem inventæ pro veris & accuratis, (neque enim multum inde abludunt per Prop. v.) ex quibus & Tempore periodico temporibusque inter observationes datis inveniantur anguli correcti ad E, temporibus observationum in punctis B, C & D factarum congruentes; & quidem si primam tantum Correctionem (*Bullialdi* nimirum) adhibere libet, hoc fiet per Prop. VII; ad quantam libet vero exactitudinem procedere licebit per Prop. IV. Per angulos istos sic correctos, loco priorum qui simpliciter temporibus proportionales erant; id est, in Phrasi Astronomica per angulos Anomalix mediæ sic æquatos, loco angulorum Anomalix mediæ simplicis prius adhibitorum, repetatur calculus Prop. præc. invenianturque Positio Linæ Apſidum & Orbitæ Species, quæ erunt accuratiores.

COROLLARIUM.

Hinc Apſidum Orbitæ Telluris Motus determinabitur: Comparando nimirum Locum quem Aphelium nunc tenet, cum Loco quem ante plura sæcula tenebat, (quorum

rum uterque per Prop. xiv. invenitur & per Prop. xv. corrigitur,) & arcum à dicto Aphelio interea factum dividendo per Annorum intermediarum, numerum, prodibit Aphelii Motus Annuus, qui ad Anni partes etiam extendetur.

PROPOSITIO XVI.

Ad datum Tempus Telluris Locum à Sole visum, ejusque à Sole Distantiam invenire.

Specie Orbitæ Telluris & Aphelii loco ad quodvis Tab. xx.
Fig. 1. Tempus cognitum per ultimas duas Propositiones definitis, quærat Aphelii locus ad Tempus datum: nempe si hoc sit posterius Tempore ad quod Aphelii locus fuit determinatus, addatur motus Apfidum interea factus, per Prop. præc. Corollarium definitus, ad Aphelii locum prius definitum; vel ille ab hoc auferatur si Tempus datum prius fuerit, conficieturque Aphelii Locus ad Tempus datum. Determinetur porro (per Prop. xiv.) Tempus quo Terra aliquando Aphelium tenuit, cumque per xiii. innotescat Telluris Tempus periodicum; inde innotescet Tempus quo proxime ante Tempus propositum Tellus Aphelium tenebat, & proinde nota est ratio inter Tempus Terræ periodicum & Tempus elapsum à proximo Aphelio; hoc est, in figura ATP , Orbitam Telluris referente, ratio integræ Ellipseos ad aream ATS : Et proinde (per Prop. iii, iv. vi vel vii.) innotescet AST angulus. Cumque rectæ AS positio nota sit, nota etiam erit positio rectæ ST ; hoc est, Telluris Locus à Sole visus. Porro, per Propositiones supra citatas, innotescit ratio rectæ TS ad AP rectam; hoc est, Distantia Telluris à Sole in partibus Axis majoris.

PROPOSITIO XVII.

Dicrum Naturalium Inæqualitatem explicare, & quomodo Tempus æquetur ostendere.

CUM Astronomi munus sit Stellarum motum ostendere, & hic in Tempore fiat, nec absque illo concipi possit; Temporis vero pars maxime sensibilis sit Dies naturalis, nempe per quem sapius repetitum Anni, per eundem divisum Horæ harumque partes fiunt; cumque in motibus supputandis Dies omnes inter se æquales supponere oporteat; quantum hoc à vero abest, tantum & motus Cœlestes è Tabulis deprompti à Phænomenis dissidebunt, nisi inæqualitatis hujus ratio habeatur. Ad hanc vero intelligendam, advertatur Diem naturalem esse Temporis spatium, quod effluit ex quo Sol datum Meridianum Cœlestem reliquit donec ad eundem revertitur; hoc est, spatium quo revolutio integri Æquatoris Cœlestis peragitur, & præterea istius ejus partis, quæ respondet Eclipticæ portioni, quam interim Sol motu Annuo in Ortum percurrit. At quia Æquatoris portio hæc, integro Æquatori superaddita, non est ubique æqualis, tam propter Eclipticæ obliquitatem, quam quod motus Solis Annuus circa Tellurem apparens æquabilis non est; neque Dies isti naturales inter se æquales erunt: Adeoque tum demum forent æquales, si Sol è Terra visus motu Annuo & æquabiliter & in ipso Æquatore moveretur; patetque in isto casu, postquam integer Æquator Meridianum pertransit, relinqui quæ adhuc pertranseat portionem illam quam Sol interim motu Annuo versus Ortum conficeret, quæ semper sibi æqualis esset, cum motum hunc æquabilem ponamus; adeoque & Tempus mensurans transitum per Meridianum totius Æquatoris & portionis hujus additivæ esset sibi perpetuo æquale. Fingamus igitur Solem alium, ut dictum est, in Æquatore

Æquatore motum, ac proinde Tempus aquabile sive medium mensurantem : Patet differentiam Temporis, quæ intercedit inter appulsus Solis veri & ficti ad Meridianum, vel alium quemvis circulum horarium, eam esse, quæ ex Meridie apparenti faciat Meridiem medium, vel ex medio apparentem; hoc est, ipsam *Temporis Equationem*. Et quoniam Sol verus & Æquatoris punctum, ubi desinit ejus Ascensio recta, simul ad Meridianum appellantur; Æquatio autem Temporis est Temporis spatium, quod labitur dum arcus Æquatoris inter extremum punctum Ascensionis Rectæ Solis veri & locum Solis ficti comprehensus Meridianum pertransit; si arcus hic convertatur in Tempus, fiet Temporis Æquatio quaesita. Porro, Locus Solis ficti tantum in Æquatore distat à puncto Æquinoctii verni, quantum locus Solis medius in Ecliptica ab eodem : & igitur prædictus arcus Æquatoris, Æquationis Temporis mensura, æqualis est differentiæ inter Solis veri Ascensionem rectam & distantiam loci medii Solis ab Æquinoctio verno. Atqui vulgo notum est differentiam duarum quarumvis quantitatum A & B æqualem esse differentiæ inter A & assumptam quamlibet x , & differentiæ inter hanc x & B simul. Assumpto igitur tertio arcu, nempe distantia veri loci Solis ab Æquinoctio verno, erit Arcus, temporis Æquationem mensurans, summa duorum arcuum, quorum alter est differentia inter Solis Ascensionem rectam ejusque locum verum in Ecliptica, alter autem differentia veri & medii Motus Solis. Accidit autem aliquando, ut duarum quantitatum differentia æquipolleat summa illarum simpliciter sumptarum; nempe cum altera negativa est, altera positiva; Quare Arcus in tempus convertendus, ut fiat Æquatio Temporis, semper est summa vel differentia duorum arcuum, quorum alter est differentia veri Motus Solis & Ascensionis ejus rectæ, alter autem est differentia veri & medii Motus Solis.

X x 2

Quoniam

Quoniam autem Arcus hic duabus partibus constat, illas seorsum considerabimus. Ac primo abstrahamus ab inæquali motu Solis sub Ecliptica; hoc est, illum jubeamus paulisper esse æqualem; adeoque motus Solis ficti in Æquatore æqualis erit motui Solis veri in Ecliptica, sive Sol verus & fictus æqualiter distabunt ab utroque Æquinoctio. Et quoniam in primo quadrante Eclipticæ, sive ab initio φ ad initium \odot , Solis distantia ab initio φ major est ejusdem Ascensione rectâ; Sol fictus magis distat ab initio φ versus Ortum quam est Ascensio recta Solis veri, & igitur Sol verus citius ficto appellit ad Meridianum, quippe qui Occidentior est; hoc est, Tempus apparens præcedit medium: unde cum Sol est in primo quadrante Eclipticæ, Æquationis Temporis pars illa, quæ est differentia veri Motûs Solis & ejus Ascensionis rectæ, in Tempus conversa detrahenda est ab apparenti, ut fiat Tempus medium sive æquabile. Solis vero versantis in secundo Eclipticæ quadrante Ascensio recta est major distantia Solis ab φ initio, (quoniam Ascensionis rectæ complementum ad semicirculum minus est distantia Solis ab initio \odot ;) & igitur Sol fictus (qui, ex hypothesi, tantum in Æquatore distat ab initio φ , quantum Sol verus in Ecliptica distat ab eodem) minus distat ab initio φ quam Sol verus; & proinde ad Meridianum citius pertingit, & ideo Meridies medius præcedit apparentem; hoc est, Tempus medium numerat horas 12, cum apparens nondum numerat tot, licet idem sit Momentum varie appellatum. Adeoque in hoc casu, cum Sol est in secundo Eclipticæ quadrante, Æquationis Temporis pars hæc (quæ ab obliquitate Viæ Solis ad Æquatorem oritur, estque differentia inter Solis Motum ejusque Ascensionem rectam in Tempus conversa) addenda est apparenti ut fiat medium Tempus, sive detrahenda medio ut fiat apparens. Quod si Sol sit in tertio Eclipticæ quadrante, idem faciendum ac si esset in primo;

hic

hic enim Distantia Solis ab initio ♀ major est ejusdem Ascensione rectâ, ut in primo: Et Sole in quarto Eclipticæ Quadrante existente, idem obtinet quoad Æquationis Temporis partem hanc ac si in secundo hæreret, ac propter easdem rationes.

Consideremus deinde Dierum naturalium Inæqualitatem ab inæquali motu Solis in Ecliptica oriundam, sive Temporis Æquationem hinc ortam, sepositâ tantisper Eclipticæ Obliquitate; hoc est, considerando Solem similiter eodemque passu motum in Æquatore atque revera in Ecliptica moveri deprehenditur, hosque duos Soles verum & fictum simul ab Apogæo discedere. Cumque fictus moveatur Motu medio, præcedit ille Solem verum dum ab Apogæo ad Perigæum progreditur; hoc est, Orientalior est fictus vero: verus igitur citius ad Meridianum appellit; ergo apparens Meridies præcedit medium. Et differentia inter loca Solis veri & ficti, sive inter Motum Solis verum & medium, in Tempus conversa est Æquatio Temporis ex inæqualitate hac motûs Solaris oriunda: hanc ergo Æquationem, dum Sol ab Apogæo tendit ad Perigæum, sive (in phrasi Astronomica) in sex primis Anomalie Signis, detrahere oportet ab apparenti Tempore ut fiat Tempus medium, vel medio addere ut ex illo fiat apparens. In Perigæo Sol verus asequitur fictum, & inde usque ad Apogæum Orientalior est: fictus ergo toto isto tempore, nempe ultimis sex Anomalie Signis, citius appellit ad Meridianum; hoc est, Meridies medius præcedit Meridiem apparentem, quanto arcus inter fictum Solem & verum in transitu per Meridianum infumit; hoc est, quantum arcus ille, nempe differentia inter Motum Solis verum & medium, in tempus conversus conficit. Hæc ergo Temporis Æquationis pars in hoc casu addenda est ad Tempus apparens ut fiat medium, vel medio demenda ut fiat apparens.

X x 3

Obti-

Obtinente vero (quod res est) utrâque hâc Æquationis Temporis causâ, horum utrumque faciendum est, hoc est, ad Tempus æquandum Locus Solis dupliciter considerandus est, videlicet & in quo Eclipticæ quadrante versetur, ut altera Æquationis pars addatur vel dematur apparenti, prout supra dictum; & quo Anomalix semicirculo, ut ejusdem pars hinc pendens pro sua natura dematur etiam vel addatur. Atque hinc fit quod Æquatio Dierum naturalium (quæ ex supradictis, absolute loquendo, est Differentia medii loci & Ascensionis rectæ veri loci Solis in tempus conversâ) duabus constat partibus. Et quoniam Aequinoctium vernum & Solis Apogæum, harum partium capita sive initia, non eandem perpetuo inter se conservant positionem, sed illud in Occidentem latum hoc deserit, ut Lib. 1. est ostensum; fit ut ex hisce constata Æquatio Temporis (absoluta & unica) non sit perpetua, sed in Annis non adeo multis inutilis reddatur, Sole non amplius eundem Anomalix gradum occupante sive eundem respectu Apsidum situm, cum ad idem Eclipticæ punctum redit.

Supra descriptam Temporis Æquationem discrete demonstrat *Ptolemaeus Cap. x. Lib. III. Magn. Construct.* quo non obstante *Vendelinus* & alii eam omnem inutilem dixerunt, & Tempus apparens & medium indiscriminatum usurpant. *Keplerus* e contra tertiam æquandi Temporis causam suspicatus est, exinde ortam quod Telluris revolutio diurna non sit prorsus æquabilis, sed intendatur & remittatur pro minore aut majore ejus distantia à Sole, motûs fonte; atque Æquationis partem hinc pendentem *Physicam* appellat, relicto nomine *Demonstrativa* alteri illi superius descriptæ, ex binis partibus constata. Hujus remissionis & concitationis Primi Motûs suspensionem etiam habuit *Tycho*, & hinc alteram Æquationis partem à Solis Anomalix pendentem pensari voluit; nam alteram tantum ex obliquitate Eclipticæ oriundam adhibuit, quamque

Em.

Empyricam dixit, quia Eclipsibus à se observatis calculo subducendis sufficeret. *Streetsius* vero hanc Primi Motûs inæqualitatem eam credidit, quæ sufficeret ut pars à *Tychone* neglecta sub titulo contrario usurparetur, sicut eam in *Astronomia Carolina* posuit.

PROPOSITIO XVIII.

Solis Locum è Terra visum, per Prop. xvi. inventum, corrigere.

SI datum Tempus est medium, Locus inventus nullâ indiget correctione; etenim hæcenus est verus: Sin secus, Tempus apparens datum convertatur in medium (per Prop. præced.) ex assumpto Solis Loco superius Prop. xvi. invento tanquam accurato: (Etenim Solis Locus iste revera satis accuratus est ad Temporis Aequationem definiendam, cum hæc proxime eadem maneat, sive Locus Solis sit is qui supra est inventus, sive verus & correctissimus:) & ad medium hocce rursus (per dictam xvi.) quærat Locus Solis, erit sic inventus correctus & accuratus. Namque Tempus medium solum est aptum ad usus Astronomicos, unde *Astronomicum* dicitur; hoc ergo adhibendum esset: Atqui ad medium ex dato apparente determinandum Locus Solis est necessarius; ergo ille præterpropter erat prius inveniendus, Tempus apparens, quasi medium fuisset, adhibendo, ut Temporis Aequatio inveniat. Hæc vero semel inventâ, & apparente Tempore ad Astronomicum reducto, ad Tempus istud (idem quod propositum est momentum, sed numero ad ingressum in Tabulas apto expressum) quærat (per eandem Prop. xvi.) Solis Locus, & Distantia Telluris à Sole, quæ patet esse vera & correctâ.

Non absimiliter Problematis huius conversum construetur, Tempusque invenietur, quo Sol è Tellure visus datum Locum tenebit.

SECTIO

SECTIO III.

DE RELIQUORUM PLANETARUM PRIMARIO-
RUM ORBITIS DETERMINANDIS. & HORUM
CUM Æ SOLE, TUM Æ TELLURE SPECTATO-
RUM THEORIA CONDENDA.

PROPOSITIO XIX.

*Positionem Lineæ Nodorum Orbis Planetarii, & ipsius Pla-
netæ in Nodo versantis à Sole Distantiam per observatio-
nes determinare.*

Tab. XX.
Fig. 3. **I**N Figuris binis ad binos casus superioris & inferioris
Planetæ accommodatis referat s Solem ; t Orbitam
Telluris, cujus Focus s ; n Lineam Nodorum Planetæ
propositi. Sitque primum Terra in t , & ex hac obser-
vetur Planeta in Ecliptica, ideoque in Nodo suo, puta
 p : nunquam enim Planeta in Ecliptica videbitur Æ Tellu-
re in Eclipticæ plano versante, nisi cum in Eclipticæ pla-
no etiam fuerit. Post integram revolutionem observetur
Planeta in eodem Nodo, cum Terra ad t pervenerit.
Ductæ intelligantur rectæ st , pt , item sp , pt se mu-
tuo interfecantes in x puncto. In triangulo stx dan-
tur anguli tst ex Theoria Terræ & Tempore inter
observationes interjecto, & stp observata Elongatio
Planetæ à Sole, & latus st Distantia Telluris à Sole in
observatione prima : invenitur ergo sx ; & ideo xt ,
cum data sit sp Distantia Telluris à Sole in observatio-
ne secunda : Rursus, in triangulo txp datur angulus
 txp angulo txs in priori æqualis, & angulus stp
Elongatio Planetæ à Sole secundo observata, & latus
 tx modo inventum ; & proinde invenietur latus pt .
Denique, in triangulo stp datis lateribus ts , tp , cum
angulo comprehenso tps , invenietur sp Distantia Pla-
netæ in Nodo à Sole, & angulus tp , quem Nodi p
Locus

Locus Centricus (five è Sole visus) continet cum s positione data, nempe Loco Terræ è Sole viso tempore secundæ observationis; & huic oppositus est alterius Nodi Locus Centricus; hoc est, determinatur Positio Linæ Nodorum Nn .

Hinc Motus Nodorum Orbium planetariorum determinabitur, comparando Nodi cuiusque Planetæ Locum ex Veterum observationibus erutum cum ejusdem Loco ex recentibus observationibus definito.

Pari modo, si Planeta bis in alio quovis Orbitæ suæ puncto è Terra observetur, Planetæ Locus è Sole visus & à Sole Distantia determinantur.

PROPOSITIO XX.

Cujusvis Orbis planetarii Inclinationem ad planum Eclipticæ per observationes definire.

REferat s Solem; circulus NBN Eclipticam inter Tab. XX.
Fig. 4.
Fixas; & NAN viam propositi Planetæ è Sole visam inter easdem: Et recta Nsn erit Linea Nodorum (per Prop. præc.) positione cognita. Quando Tellus ad dictam Nodorum lineam pervenerit, quod bis quotannis fit, cujus Tempus per Prop. xviii. notum est; observetur (per xxvii. Lib. ii.) Planetæ P Locus Geocentricus A , cujus Latitudo AB arcus ad Eclipticam normalis, & Longitudo φB . Cumque nota sit Solis Longitudo φN , nota etiam erit harum Longitudinum differentia NB . In triangulo sphaerico ANB , rectangulo ad B , dantur latera AB , NB ; & igitur innotescet angulus ANB mensura Inclinationis plani NAN Orbis planetarii ad NBN planum Eclipticæ.

Yy

P R O.

PROPOSITIO XXI.

Ex observatione Planetæ in Oppositione aut Conjunctione cum Sole, ejus Secundam Inæqualitatem exuere, & à Sole Distantiam invenire.

PRæter Inæqualitatem in Planetarum motibus veram oculo etiam in Sole, Orbitalium omnium umbilico communi, posito conspicuam, datur nobis in Terra degentibus & alia Optica, ex motu Terræ annuo oriunda. Prior illa Planetis propria apto satis nomine *Inæqualitas Prima* appellatur; alia vero est Planetæ quasi secundaria, ideoque *Inæqualitas Secunda* apud Astronomos merito audit: Et hanc proinde exuere dicitur, qui Locum Planetæ indicat, quem è Sole spectaret Observator.

Tab. XX.
Fig. 5.

Referat s Solem, T Terram, P Planetam in sua Orbita, N B Eclipticam inter Fixas, N A intersecctionem Orbis Planetæ cum Sphæra Fixarum, N Nodum: Cumque Sol sit in plano Orbitæ cujuscvis Planetæ, erit recta s N Linea Nodorum. E Sole videatur Terra T inter Fixas ad B , & Planeta P ad A . Et quoniam Planeta vel opponitur Soli (ut in fig. 1.) vel eidem conjungitur (ut in 2^{da};) arcus circuli maximi puncta A & B conjungens est arcus circuli Latitudinis, & proinde ad Eclipticam perpendicularis. Et in triangulo sphaerico rectangulo A B N datur angulus A N B , mensura Inclinationis plani Orbis planetarii ad Eclipticam, per Prop. præc. inventæ, & latus B N ; inclinatio nempe rectæ T s (ex Theoria Terræ) positione datæ ad s N Lineam Nodorum (per Prop. XIX.) positione inventam. Innotescunt igitur latus A B Planetæ Latitudo Centrica & A N Distantia Planetæ in suo Orbe è Sole visæ à Nodo N , quod est Planetæ Inæqualitatem Secundam exuere. Porro, in triangulo rectilineo P s T dantur s T ex Terræ Theoria, & angulus P T s Latitudo Planetæ visæ aut ejus complementum ad

ad semi-circulum, & angulus $p s t$ Latitudo Planetæ Centrica superius inventa; quare innotescent $p s$ & $p t$ Planetæ à Terra & Sole Distantiæ.

PROPOSITIO XXII.

Ex unica Planeta observatione quacunque ejus Inæqualitatem Secundam exnere, & à Sole Distantiam invenire.

Observetur Planeta p , cujus Nodorum linea $n s$, *Tab. xx. Fig. 6.*
 ex Terra t cum Latitudine apparente $p t b$. Planum Latitudinis apparentis producat, donec secuerit planum Orbis planetarii in $p n$, & planum Eclipticæ in recta $b t n$. Ex p demittatur $p b$ perpendicularis rectæ $n b$, & ex t erigatur $t o$ eidem $n b$ perpendicularis, quæ (per Prop. xxxviii. Elem. xi.) plano Eclipticæ normales erunt, quia planum Latitudinis $p n b$ Eclipticæ plano rectum est. Ex t ducatur $t e$ perpendicularis rectæ $n s$, & jungatur $o e$, quæ eidem $n s$ normalis est; & angulus $o e t$ æqualis erit Inclinationi planorum Orbis planetarii & Eclipticæ. In triangulo $n s t$ dantur latus $s t$ & angulus $t s n$ ex Theoria Terræ & Nodi loco cognito, & ex observatione angulus $n t s$ Elongatio Planetæ à Sole in Ecliptica computata, aut ejus complementum ad duos rectos; innotescent igitur latera $t n$ & $n s$ & angulus $t n s$. In triangulo $t e n$ rectangulo ad e datur $n t$ & $t n e$; & proinde $t e$. In triangulo $o t e$ rectangulo ad t datur $t e$ latus modo inventum, & $t e o$ Inclinatione planorum Orbis planetarii & Eclipticæ ex Prop. xx. hujus cognita; invenietur ergo $o t$. In triangulo $o t n$ rectangulo ad t dantur $o t$ & $t n$ prius inventa; ideoque & angulus $o n t$. In triangulo $p n t$ datur $n t$ & angulus $t n p$, & etiam $p t n$ Latitudo Planetæ apparens observatione nota, aut ejus complementum ad duos rectos; idcirco innotescent $n p$. In triangulo $n p b$ rectangulo ad b , datis $n p$ latere & angulo

Yy 2

Tab. XX
Fig. 6.

angulo PNB modo inventis, reperientur PB & NB . In triangulo BNS , datis NB & NS & angulo BNS , notus erit NSB Longitudo Planetæ Centrica à Nodo suo computata, & etiam latus SB . Deinde, in triangulo PBS rectangulo ad B , notis PB , BS , innotesceat PS Distantia Planetæ à Sole, & angulus PSB Latitudo ejus Centrica. Denique, in triangulo PNS , datis omnibus lateribus, innotesceat angulus NSP Distantia Planetæ Centrica in Orbe suo à positione data (per Prop. XIX.) Nodorum Linea in Orbe suo computata. Exuta est igitur Inæqualitas Planetæ Secunda, ejusque Locus è Sole visus determinatus est: Sed & porro Planetæ Distantia à Sole inventa est in partibus Distantiæ mediæ Telluris à Sole, quæ pro mensura habetur.

PROPOSITIO XXIII.

Cujusvis Planetæ Tempus periodicum circa Solem definire.

Observetur Planeta propositus in Nodo, (ut Prop. XIX. factum,) & rursus cum ad eundem Nodum proxime revertitur: Tempus inter has observationes intermedium est proxime Planetæ Tempus periodicum quæsitum. Nam quoniam Nodorum lineæ sunt (per Prop. XLIII. Lib. I.) fere immotæ, quando Planeta totam descripsit Orbitam, ad eundem Nodum revertitur, & vicissim.

Non tantum ope Planetæ in eodem Nodo bis observari ejus Periodus determinatur, sed si bis in alio quovis Orbitæ suæ puncto Inæqualitate Secundâ exutus spectetur, periodicum Tempus patebit. Quod si Planetæ Locus Centricus ab Æquinoctiis computetur, habenda est ratio Præcessionis Æquinoctialium punctorum interim factæ. In Planetarum Temporibus periodicis definiendis utilis erit cautionem adhibere, quam ad Anni Tropici quantitatem exacte definiendam adhibuimus; nempe ut obser-

observationes adhibeantur quam maxime inter se distantes, ut error insensibilis fiat, divisione factâ per magnum revolutionum numerum. Ne autem in una integra revolutione peccetur, sufficit Periodum veræ propinquæ & numero rotundo novisse, quod fiet si in una Planetæ revolutione Loca Centrica bina aut plura quærantur in Oppositione vel Conjunctione cum Sole, (cum nempe Inæqualitate Secundâ caret,) & Tempus periodicum assumatur in ea ratione ad Tempus inter binas quasvis observationes elapsum, ut distantia inter Loca Centrica ad integrum circulum. Si non contingat Planetam in ipso Nodo, vel in ipsa Oppositione cum Sole observare, (quod plerumque fit ;) tum istud momentum ex observationibus ante & post factis determinatur.

Si Planetæ Periodus censeatur Temporis spatium, quo Planetæ Locus Centricus idem est rursus in spatio Mundano sive inter Fixas qui prius fuerat : licet accurate loquendo talis nulla detur, posito Nodos moveri ; hoc est, ipsa Orbium plana mutari ; tamen si hæc diversa fuerit à Periodo superius definita, poterit ea definiri (secundum Longitudinem considerata) ope observationum per Prop. præc. factarum, quando Planetæ Locus Centricus est prope easdem Fixas.

PROPOSITIO XXIV.

Longitudinem Axis majoris Orbita cujusvis Planeta primarii invenire.

HActenus planorum Orbium planetariorum situm ad se mutuo definivimus : ad ipsas nunc Orbitas in planis definitis describendas accedimus. Quod quidem variis modis faciemus, ut hic aut ille usurpetur pro observationum commoditate, & alter alterum correctiorem reddat ; & ut Orbitæ per omnes aut plurimos modos in unum collimantes determinatæ accuratiores habeantur. Ac

Yy 3 primo,

primo, quomodo illarum Axes majores definiantur, ostendimus. Capiendus est Orbitæ cujusvis Planetæ primarii Axis major ad Axem majorem Orbitæ Terræ, in subsesquuplicata ratione periodici Temporis propositi Planetæ (per Prop. præc. inventi) ad Tempus periodicum Telluris circa Solem per Prop. XIII. determinatum : Sic enim fient Cubi majorum Axium Orbitalium, Planetæ & Terræ, ut Quadrata Temporum periodicorum Corporum istorum circa Solem, quod demonstratum est (Prop. XL. Lib. I.) obtinere in corporibus circa idem centrum revolutis, & agitatibus Vi Centripetâ quæ est quadrato distantie ab isto centro reciproce proportionalis : hanc vero esse conditionem Planetarum primariorum circa Solem revolvendum ostensum est Prop. XLII. Lib. I.

PROPOSITIO XXV.

Datis tribus Locis Centricis Planeta & Tempore periodico ; ejus Orbitam describere, & Temporis momentum quo Planeta Aphelium tenebat invenire.

Eodem modo quo Prop. XIV. ex datis tribus Telluris Locis ex Sole visis (hoc est, Telluris Locis Centricis) & Tempore periodico, Orbitæ Telluris Species & Positio linæ Apsidum determinatur, simile ex iisdem datis in Planeta proposito fiet, & Orbita sic descripta per methodum Prop. XV. indicatam corrigetur. Et sicut Telluris Orbita descripta est in plano Eclipticæ prius (Prop. XIX. Lib. II.) determinato, ita planum Orbis Planetæ propositi, in quo describenda est ejus Orbita, determinatum est per Prop. XIX. & XX. Porro, ex Temporibus periodicis Telluris & Planetæ invenitur (per Prop. præc.) ratio majorum Axium Orbitalium eorundem : ex assumpta igitur majore Axe Orbitæ Terræ (sive hujus semisse Telluris Distantia media à Sole) habebitur magnitudo Orbitæ Planetæ : penitus igitur determinatur Planetæ

netæ Orbita. Et Tempus, quando Planeta hic Aphelium tenebat, similiter determinatur, atque idem in Planeta Tellure Prop. XIV. factum.

Quoniam Orbitæ Planetæ Ellipticæ Species sola ex datis determinatur, (ut ex Prop. XIV. constat,) & ejus Orbitæ magnitudo respectu Orbitæ Terræ ex comparatione Temporum periodicorum horum Planetarum per præc. concluditur; idem poterit aliunde inferri; faciendo nempe ut Orbita certæ Speciei (ex tribus Locis Centricis determinatæ) ex Sole ut Umbilico descripta, transeat per ipsum Locum Planetæ in linea Nodorum per Prop. XIX. hujus inventum: Hoc namque punctum, in Planetæ Orbita datum, tantundem valet ad illius magnitudinem respectu magnitudinis Orbitæ Terrestris determinandam, atque ejusdem Axis major supra definitus: Istius enim puncti Distantia à Sole in partibus linearum Orbitæ Telluris determinata est; potestque alter horum modorum describendi Orbitam per alterum examinari & corrigi.

Et hinc motus Apſidum cujusvis Primarii definitur; nimirum eodem modo quo prius Nodorum motus.

PROPOSITIO XXVI. LEMMA.

Datis umbilico & longitudine axis majoris, describere Ellipsin per data duo puncta transcurrentem.

SIt s figuræ describendæ umbilicus, A P longitudino axis majoris, i. & l duo puncta per quæ Ellipsis transire debet. Centro L distantia æquali excessui rectæ A P supra rectam L s describatur circulus C F; & similiter centro l distantia æquali excessui rectæ A P supra l s describatur circulus R F priorem secans in F; erit F Ellipseos describendæ umbilicus alter: Hisce igitur umbilicis s & F, & axe majore æquali rectæ A P, descripta Ellipsis erit ea quæ quaeritur. Quoniam enim L F æqualis est A P — L s, erit L s + L F æqualis A P. Pari modo A P æqua-

Tab. XVI.
Fig. 1.

ue

Tab. XXI. tur $l s + l f$: Unde (per Prop. LII. Lib. tert. Fig. 1. *Conicorum*) Ellipsis umbilicis s & f descripta , axem majorem habens aequalem rectæ ap , transibit per puncta L & l .

Facile est ex hujusmodi constructione Geometrica calculi modum Astronomiæ accommodatum excogitare. Ex datis enim tribus punctis s , L & l , hoc est, ex datis tribus lateribus trianguli $s L l$, innotescunt anguli. Rursus, in triangulo $L l f$ dantur omnia latera; nempe $L l$ ut prius, $L f$ differentia datarum rectarum ap & $l s$, & $l f$ differentia ipsarum ap , $l s$; innotescit igitur angulus $f L l$: sed prius notus erat $s L l$, ergo dabitur angulus $s L f$. In triangulo igitur $s L f$, è datis $L s$, $L f$ cum angulo $s L f$ innotescet latus $s f$ distantia focorum, & angulus $L s f$ inter $L s$ positione datam & axem majorem; datur ergo axis hic positione; sed & magnitudine datus est: unde omnia ad Ellipsin pertinentia eliciuntur.

PROPOSITIO XXVII.

Datis duobus Locis Centricis Planeta & à Sole Distantiis, una cum ejus periodico Tempore, Orbitam Planeta determinare.

Fig. 2. Sit s Sol; sint Planetæ duo Loca Centrica data in rectis $s L$, $s l$ positione datis, & Planetæ Distantiæ à Sole sint rectæ $s L$, $s l$ magnitudine datæ. Unde L & l sunt puncta per quæ Ellipsis transire debet. Porro, ex Tempore periodico noto (per Prop. xxiv.) determinatur pa Axis major Orbitæ Ellipticæ. Describatur igitur (per præc.) Ellipsis, cujus Focus s , habens Axem majorem longitudinis datæ, quæ transeat per data puncta L & l . Loca Centrica Planetæ ejusque Distantiæ à Sole vel in Oppositione aut Conjunctione cum Sole determinantur, ut Prop. xxi; vel ex observatione ubivis facta,

facta, ut Prop. XXII. Ille tamen assumi poterit, qui determinatus est Prop. XIX, dum Orbis planetarii situs Ellipticæ respectu definiretur. Quod si plura quam duo Loca Centrica cum Distantiis à Sole correspondentibus suppetant, tum ex quibulvis binis definita Orbita, videndum num sic definitæ congruant, illaque retineatur (si discrepent) quæ à pluribus Observationibus probatur: ut in calculo Astronomico fieri consuevit.

PROPOSITIO XXVIII. LEMMA.

Ad Ellipsos A L P majorem axem A P ex umbilicorum al. Tab. XXI. vero s erigatur normalis s R Ellipsi occurrens in R, per fig. 3. quod acta recta D R Ellipsin contingens cum axe A P producto concurrat in G; & ex G ad axem ducatur perpendicularis G F. Hisce positis, si ex quovis Ellipsos puncto L inclinemur dua rectæ L S, L E, altera L S ad assumptum umbilicum S, altera L E ad F G normalis; dico L E esse ad L S in data ratione G P ad P S.

PER punctum L ad axem A P ducatur normalis L C axi occurrens in C & tangenti D R in D, & huic ex P parallela P N: Eritque C D æqualis rectæ S L (per Prop. CXXXIX. Lib. IV. Gregorii à S^{ro}. Vincensio) & P N ipsi P S. Sed G C est ad C D in data ratione, nempe G P ad P N; & igitur E L est ad L S in data ratione G P ad P N, sive G P ad P S.

Hinc sequitur G A esse ad A S in eadem dicta ratione G P ad P S; qui est casus particularis hujus Propositionis, nempe cum libere assumptum punctum L coincidit cum A: Et hoc exinde etiam patet, quod (ex Prop. XXXIV. Lib. I. Conicor.) ob R G contingentem, A S est ad S P ut A G ad G P; unde permutando & invertendo G A est ad A S ut G P ad P S. Propositio hæc etiam obtinet in reliquis Coni Sectionibus.

PROPOSITIO XXIX. LEMMA.

Ellipſin circa datum umbilicum deſcribere, qua tranſeat per data tria puncta.

Tab. XXI.
fig. 4.

DEntur puncta L , l , λ , & focus s . Jungatur recta Ll , & producatur ad F ita ut ſit LF ad lF ut sL ad $s l$. Item juncta λl producatur ad f , ut λf ſit ad lf ut $s\lambda$ ad $s l$. Jungatur recta Ff in quam ex L & s demittantur normales LE , SG , dividatur SG in P ita ut GP ſit ad Ps ſicut LE ad Ls , & producatur ad A ita ut GA ſit ad As in eadem ratione: verticibus A & P & foco s ; hoc eſt, axe majore PA & latere recto quadruplo ejus rectæ quæ eſt ad SP ut sA ad AP , (per *Prop. LIV. Lib. I. Conic.*) deſcripta Ellipſis tranſibit per puncta L , l & λ .

Ex l & λ in FG demittantur perpendiculares le , λe . Quoniam ex conſtructione eſt LF ad lF ut sL ad $s l$; erit etiam (ob parallelas LE , le) LE ad le ut sL ad $s l$, ſive LE ad sL ut le ad $s l$. Sed ex conſtructione eſt etiam GP ad Ps , item GA ad As ut LE ad sL ; & igitur ut GP ad Ps ita eſt le ad $s l$. Pari modo eſt per conſtructionem λf ad lf (hoc eſt, λe ad le) ut $s\lambda$ ad $s l$; adeoque λe ad $s\lambda$ ut (le ad $s l$; hoc eſt, ut modo demonſtratum, ut) LE ad sL . Cum igitur sL ad LE , item $s l$ ad le , & etiam $s\lambda$ ad λe , ſit ut GP ad Ps , ſive ut GA ad As , atque hæc ſit Ellipſeos proprietas Lem. præc. demonſtrata; patet puncta L , l & λ eſſe in Ellipſi, cujus focus s & axis majoris extrema, ſive vertices, A & P . Atque hinc facile conſtat, quando Problema eſt impoſſibile, & quando loco Ellipſeos Parabola aut Hyperbola exit.

Si deſideretur calculus Aſtronomis familiaris, illum ex præcedente conſtructione facile erit elicere, modo, *ex. gr.* ſequenti.

sequenti. Quoniam $s\lambda$ est ad $s l$ ut λf ad $l f$; erit Tab. XXI
Fig. 4.
dividendo $s\lambda - s l$ ad $s l$ ut λl ad $l f$: dantur autem ex datis punctis s, l, λ priores tres termini analogiæ; innotescet igitur quartus $l f$. Similiterque, quia $s l . s l :: l f l f$, dividendo erit $s l - s l . s l :: l l l f$, & ex datis primis tribus notus erit quartus terminus; nempe $l f$ recta. Porro, ex datis trianguli $s l \lambda$ tribus lateribus datur angulus $s l \lambda$, & ex trianguli $s l l$ lateribus notis innotescit $s l l$; ergo datur & angulus $l l \lambda$ horum differentia vel summa, & huic ad verticem æqualis $f l f$. In triangulo igitur $f l f$ datis lateribus $l f, l f$ modo inventis, una cum angulo comprehenso $f l f$; inveniatur angulus $f f l$, & proinde hujus complementum ad rectum $f l e$. Sed ex prius noto $s l \lambda$ angulo innotescit ejus complementum ad duos rectos $s l f$: dabitur ergo angulorum notorum $s l f, e l f$ summa vel differentia $e l s$, ac proinde illius (propter parallelas $e l, g s$) ad duos rectos complementum $l s g$; nempe inclinatio axis majoris ad rectam $l s$ positione datam. Porro, in triangulo $f e l$ rectangulo ad e dantur omnes anguli, una cum latere $f l$; innotescit ergo $e l$, sive $g m$, posita $l m$ ad $g s$ normali. Similiter in triangulo rectangulo $s m l$, datis angulis & latere $s l$, datur $s m$; ipsarum autem $g m, m s$ summa vel differentia est $g s$. Rursus, quoniam per Lem. præc. $e l . l s :: g p . p s$, erit componendo $e l + l s . l s :: g s . s p$, & datis tribus primis hujus analogiæ terminis, notus erit quartus $s p$: Similiter, quoniam $e l . l s :: g a . a s$, erit dividendo $e l - l s . l s :: g s . a s$; unde innotescit $a s$: Ipsarum $p s, s a$ summa est Axis major. Alter Ellipseos Focus tantum distat ab a , quantum s à p . Datis Focus & Verticibus a & p , reliqua non latebunt.

ASTRONOMIÆ PHYSICÆ
PROPOSITIO XXX.

*Datis tribus Locis Centricis Planeta & à Sole Distantiis,
ejus Orbitam Ellipticam describere.*

Tab. XXI.
Fig. 1.

DEntur Loca Planetæ Centrica, ejusque à Sole Distantiæ correspondentes; nempe, posito s Sole, rectæ sL , sI , sA positione & magnitudine. Per præcedentem describatur vel calculo determinetur Ellipsis, cujus focus s , transiens per puncta L , I , A . Erit hæc Orbita quæsitæ. Hujus autem respectus ad Telluris Orbitam ideo notus est, quod linearum sL , sI , sA magnitudo datur in partibus mediæ Distantiæ à Sole, & situs plani Orbitæ respectu plani Eclipticæ ex Prop. XIX. & XX. determinatus supponitur.

Huic Propositioni innititur methodus Cl. Halleyi Planetarum Orbitas determinandi, *Transact. Philos. An. 1676. N^o. 128* tradita. Si nempe Planeta quivis in eodem Orbitæ suæ puncto (quod quando fieri contingat, ex ejus Tempore periodico præterpropter noto satis innotescit) ter observetur à Terra, habebuntur tria Loca Terræ è Sole visa, & tres Distantiæ Telluris à Sole correspondentes in partibus Distantiæ Planetæ à Sole expressæ; adeoque ipsa Telluris Orbita per præc. determinata: Quâ cognitâ, si Planeta quivis bis in eodem Orbitæ suæ puncto à Terra observetur, ac proinde (per Prop. XIX.) ejus Locus Centricus & à Sole Distantia determinentur, atque hoc in aliis duobus ejusdem Planetæ Locis repetatur; habebuntur tria Orbitæ planetariæ puncta, ex quibus una cum Focorum altero (Solis nempe loco) datis ipsa Orbita (per Prop. præc.) determinatur. Si periodicum Tempus satis exacte sit notum, idem conficietur ex duobus Locis Centricis & à Sole Distantiis notis, quæ ex bis binis observationibus Planetæ in iisdem duobus punctis quibuscunque observati per Prop. XXVII. colligere

gere licet: Eâdemque operâ Locus Nodorum & Orbis Inclinationis ad Eclipticam per Propositiones XIX. & XX. determinantur.

PROPOSITIO XXXI. LEMMA.

Invenire diametros conjugatas Ellipseos, qua per data quinque puncta transeat.

SInt data quinque puncta N, M, L, K, H , per quæ transeat Ellipseos perimeter; inveniendâ est Ellipseos istius diameter quædam FE , ejusque conjugata TY , magnitudine & positione. Ductæ intelligantur rectæ data puncta conjungentes, (ut in schemate,) quarum duæ quædam aut parallelæ sunt, aut duæ nullæ. Hoc autem facile perspicitur; cum enim dentur puncta N, M, L, K, H , dantur rectæ omnes ea omnifariam conjungentes, & anguli inter rectas istas comprehensi. Si ergo deprehendatur angulos duos alternatim positos (ex.gr. KMH, MHN) esse æquales, concludetur rectas duas MK, NH , in quibus prædicti anguli alternatim sunt positi, esse inter se parallelas.

Tab. XXV.
Fig. 6.

Cas. I. Ponatur primo duas quasdam MK, NH esse parallelas. Bifecentur hæ in B & A , & juncta BA producat, donec Ellipsi occurrat in F & E ; erit hæc (ex *Elementis Conicis*) Ellipseos diameter, & quidem (per 26. *Dat.*) positione data; quippe per data puncta B & A transiens. Ducatur per L ipsi EF parallela LX , Ellipsi in X , rectæ MK in D , & NH in C occurens. Et junctæ XK, LM occurrant rectæ HN (si opus est productæ) in punctis P & G . Per Prop. XVII. *Lib. III. Elem. Conic. Apollonii* est rectangulum $XD L$ ad rectangulum MDK ut ZFq ad ZYq . Item $XCL.NCH::ZFq.ZYq$. Et igitur $XD L.MDK::XCL.NCH$. Sed (ut infra ostendetur) est $XD L.MDK::XCL.GCP$. Et igitur (per Prop. IX. *Elemen.* V.) est NCH rectangulum æquale

Tab. XXI.
Fig. 6.

æquale rectangulo GCP . Atqui rectangulum NCH datur, quoniam ejus latera NC , CH dantur; tota enim NH initio datur tam magnitudine quam positione, item recta LC positione, (per 28. *Dat.*) quare (per 25. *Dat.*) dabitur & C punctum: item recta GC , quippe cujus termini G & C dantur; datur ergo (per 57. *Dat.*) CP magnitudine: sed & positione; ergo ipsum P punctum datum est. Datur etiam & K punctum; ergo & puncta illa conjungens recta KP positione datur, & proinde (per 25. *Dat.*) punctum X in Ellipsi (ubi positione data LC , KP concurrunt) etiam datum est. Jungantur rectæ NX , LH diametro BF (si opus est productæ) occurrentes in R & S : critque (per supra citatam *Prop. xviii. Lib. iii. Elem. Conic.*) tum NCH ad $XC L$, tum NAH ad EAF , sicut ZYq ad ZFq ; unde $NCH \cdot XC L :: NAH \cdot EAF$. Et per inferius demonstratum est $NCH \cdot XC L :: NAH \cdot RAS$; quare (per 19. *El. v.*) RAS rectangulum rectangulo EAF æquale est. Sed RAS datur, (cum tria puncta A , R & S dentur, A quidem ut supra ostensum, R & S per 25. *Datorum*; nempe data positione rectæ EF cum positione datis rectis XN , HL concursus;) rectangulum igitur EAF datum erit. Simili ratione invenietur EBF rectangulum: & dantur puncta A & B ; ergo & ipsa EF magnitudine, ut deinceps ostendemus: Sed prius inventa erat ejus positio; quare diameter EF positione & magnitudine data est. Porro, ZYq est ad ZFq ut NCH ad $XC L$, ut supra ostensum est; hoc est, (per 1. *Dat.*) in ratione data, ob data NCH , $XC L$ rectangula; quare & prioris subduplicata ratio, nempe ratio ZY ad ZF (per 24. *Dat.*) etiam data est: sed datur BF , ut supra ostensum; ergo per 2. *Dat.* dabitur ZY magnitudine. At positio ejus datur per 28. *Dat.*; quippe per datum punctum Z medium data positione & magnitudine rectæ EF , ad datam positione rectam NH parallelæ:

parallelæ: igitur dantur, tam positione quam magnitudine, rectæ EF, TY, diametri nempe conjugatæ Ellipseos per data quinque puncta N, M, L, K, H transeuntis.

Cas. II. Sed non sint parallelæ rectæ linæ MH, NK, ^{Tnb. XXII} neque aliæ quævis duæ: hæ ergo MH, NK (productæ ^{Fig. 7.} saltem) se mutuo secabunt, puta in i puncto, quod per 25. *Dat.* dabitur. Ducatur per L recta LV ipsi M H parallela, rectæ NK occurrens in Q, quod (per 28. & 25. *Dat.*) iidem datum erit: Eritque ratio rectanguli N Q K ad rectangulum L Q V datæ, eadem nempe (per *Prop.* XVII. *Lib.* III. *Elem. Conic.*) quæ est dati rectanguli N I K ad datum M I H. Sed rectangulum N Q K datum est cum ejus latera N Q & Q K dentur, & igitur rectangulum L Q V etiam est datum: Unde, cum data sit L Q, per 57. *Dat.* recta Q V magnitudine data est; sed & etiam positione, quippe per datum punctum Q datæ positione rectæ M H parallela; ergo ipsum V punctum, per 27. *Dat.*; cum detur rectæ Q V magnitudo & positio & altera extremitas Q. Quare devenimus ad casum priorem; dantur nempe quinque puncta N, M, L, V, H, vel M, L, K, V, H, per quæ Ellipsis transeat, talia tamen ut rectæ duæ LV, MH sint parallelæ. Ex prædictis ergo inveniuntur istius Ellipseos diametri conjugatæ. Q. E. F.

Sint dua recta inter se parallela GP, MK, in quas incidat recta linea XCDL, & à quibuscumque ejus punctis X & L ducantur utrunque recta LMG, XPK parallelis occurrentes in M, G, P & K: dico rectangulum XDL esse ad MDK ut XCL ad GCP rectangulum.

Rectanguli XDL ad rectangulum MDK ratio (per *Prop.* XXI. *Elem.* VI.) componitur ex ratione XD ad ^{Fig. 8.} DK & ratione LD ad DM; & ratio rectanguli XCL ad rectangulum GCP ex rationibus XC ad CP & LC ad CG. Sed propter parallelas MDK, GCP est XD. DK::XC. CP; item LD. DM::LC. CG. Cum igitur rationes componentes æquales sint erunt & compositæ æquales;

les; hoc est, XDL ad MDK sicut XCL ad GCF .

Tab. XXI. *Fig. 9.* Si detur utrumque rectangulum EAF , EBF , & data sint A & B puncta; datur etiam E & F puncta, posita EABF recta.

Rectangulo enim EAF æquale ponatur rectangulum BAC , & rectangulo EBF rectangulum ABD : Adeoque, cum (ex hyp.) EAF & BAC dentur, datur (per 57. *Dat.*) AC . Similiter ob data EBF & ABD dabitur AD . Propter priorem æqualitatem erit (per XVI. *Elem.* VI.) $\text{FA} \cdot \text{AB} :: \text{AC} \cdot \text{AE}$, & per conversionem rationis $\text{FA} \cdot \text{BF} :: \text{AC} \cdot \text{CE}$. Rursus, propter posteriorem æqualitatem est $\text{EB} \cdot \text{BD} :: \text{AB} \cdot \text{BF}$, & componendo $\text{ED} \cdot \text{BD} :: \text{FA} \cdot \text{BF}$. Unde (per *Prop.* XI. *El.* V.) $\text{AC} \cdot \text{CE} :: \text{ED} \cdot \text{BD}$: & idcirco rectangulum contentum sub AC & BD æquale est rectangulo sub CE , ED . Atqui rectangulum sub AC & BD datur, (utraque enim recta data est;) ergo datum est etiam rectangulum sub CE , ED . Et quia datum hocce rectangulum applicatur ad datam rectam CD (nempe ex datis partibus CA & AD constantem) deficiens figurâ quadratâ, dabitur (per 38. *Dat.*) CE ; & consequenter AE (per 4. *Dat.*) Et propter datum ab initio EAF rectangulum dabitur etiam AF recta; hoc est, ipsa E & F puncta data erunt.

PROPOSITIO XXXII. LEMMA.

Invenire umbilicos & vertices Ellipseos, qua per data quinque puncta transeat, & Ellipsin proinde per data quinque puncta transcurrentem describere.

Fig. 10.

P Appus in *Lib. VIII. Collect. Math.* hoc Probl. & præc. in usus Architectonicos proponit & construit; ut nempe portione superficiei recti Cylindri datâ, cujus nulla pars in circumferentiis basium integra servatur, inveniantur Cylindri crassitudo. Hæc Astronomi deinceps in usus suos converterunt. Per præc. Lem. inveniantur
duz

duæ quævis diametri conjugatæ Ellipseos, quæ per data ^{Tab. XXI.} ^{Fig. 10.} quinque puncta transeat, sintque hæ AB, CD se mutuo bifecantes in centro E . Producat BA in H , ut sit EAH rectangulum æquale quadrato ex DE ; unde (per 58. *Dat.*) datur BH . Ex hujus medio puncto K erecta normalis KL concurrat cum MAG recta per A ad DC parallela, in L puncto, quod proinde datur ob rectas MG, KL positione datas. Centro L per E vel H ducatur circulus rectam MAG in M & G interfecans, cujus proinde diameter MG datur tam positione, (quia per A punctum datum datæ positione rectæ CD parallela est,) quam magnitudine, (cum sit dupla rectæ data puncta E & L conjungentis.)¹ Junctæ rectæ GE, ME etiam dantur, tam positione quam magnitudine. Harum autem positio eadem est cum positione axium quæstitorum: Nam quoniam rectangulum EAH (per xxxv. *Elem.* 111.) æquale est rectangulo MAG , & per constructionem EAH æquale quadrato à DE ; erit EDq æquale MAG , sive (per *Prop.* xvii. *Elem.* vi. ED media proportionalis inter MA & AG ; ac proinde (per *Prop.* lxxxviii. *Lib.* 111. *Greg. à S^{to}. Vincentio*) Ellipseos super conjugatas diametros AB, CD descriptæ axes sunt in EG, EM rectis. Axium autem magnitudo sic expedite determinatur. Per A ad EG, EM demittantur normales AQ, AN , quæ proinde dantur. Sumatur in EG recta EO media proportionalis inter EG, EQ ; item in EM, ER media inter EM, EN : erunt rectæ EO, ER (per 24. *Dat.* datæ) Ellipseos semi-axes per *Prop.* xxxvii. *Lib.* I. *Conic.* Si in E producta capiatur EP æqualis EO , & in ME producta ET æqualis ER , erunt positione & magnitudine datæ OP, RT Ellipseos axes, dataque puncta O, P, T ejusdem vertices principales. Porro, si axis major PO ita dividatur in s & f , ut rectangulum sub fs & so , item rectangulum sub pf & fo æquale sit quadrato ab R & descripto, erunt (ex *Prop.* l11. *Lib.* 111. *Elem. Conic.*) puncta s & f Ellipseos umbilici. Hæc vero puncta sic inventa (per 58. *Dat.*)

Aaa

data

data sunt. Datis autem axibus & umbilicis, Ellipsis describitur per *Prop. LIV. Lib. 1. Conic. Apollonii.*

Non opus est hic subungere formam calculi Trigonometrici, Problemati huic accommodati: Geometris enim satis est notum, quæ per *Euclidis Data* eruuntur facillime per calculum eodem prorsus modo progredientem similiter crui, & quidem plerumque Trigonometrico quod hic accidit: Et revera investigatio Problematis cujusvis ope *Datorum Euclidis* universalis est modus illud determinandi, Veteribus familiaris.

PROPOSITIO XXXIII.

Datis quinque Locis Centricis Planetae. & à Sole Distantiis, ejus Orbitam describere.

IN præcedentibus, dum Planetarum Orbitas determinaremus, nihil supposuimus quod non sit observationibus exacte institutis, æque ac causis Motuum physicis Lib. 1. demonstratis, congruum: Quod nempe Planetae cujusvis Orbita sit Ellipsis, cujus Focorum alter est immotus Sol, quodque Planeta hanc ita percurrat, ut arcus seu sectores inter rectas ad Solem ductas & arcus Ellipticos comprehensi sint proportionales temporibus, quibus dicti arcus à Planeta describuntur. Licet enim *Prop. XIV.* supposuimus aliquantisper cum *Celeb. Wardo* Planetam Orbitam suam ita describere, ut æquabilis sit motus angularis ad Ellipseos Focum à Sole diversum; hoc ideo solum factum est, quod in Orbita Telluris haud valde excentrica ista sit approximatio non contemnenda ad æquabilem arearum descriptionem à radio ad Solem ducto, ut *Prop. v.* ostensum est: Et Telluris Orbitam ex ista hypothesi definitam sequenti *Prop. xv.* quantum libet correximus: In hac autem *Prop.* ne istud quidem supponemus, quod Sol in umbilico cujusque Orbitæ collocatur; sed Orbitam describemus ex datis quinque Locis Centricis, totidemque

demque à Sole Distantis, etiam independenter ab illo : Sic enim præcedentium veritas clarius elucet, cum Sol in Orbitarum sic descriptarum communi Foco collocatus deprehendetur.

Ex datis Planetæ Locis Centricis dantur positione rectæ, in quibus hic è Sole videtur : Sint istæ $s N$, $s M$, $s L$, $s K$ & $s H$. Et ex datis correspondentibus Distantiis à Sole dantur (per 27. *Dat.*) puncta N , M , L , K & H . Per puncta hæc (ope præc. Lem.) describatur Ellipsis, quæ erit Planetæ Orbita quæsitæ. Et per idem Lem. inveniuntur Vertices, Foci, Positio Axis majoris & reliqua quæ in Planetæ Orbita quærentur. Q. E. F.

Tab. XXXIb
Fig. 1.

PROPOSITIO XXXIV.

Ad datum Tempus Planetae propositi Locum Centricum & Distantiam à Sole determinare.

PLano Orbis Planetarii, Positione Lineæ Apsidum Specieque Orbitæ planetariæ ex præcedentibus determinatis ; hoc est, ipsâ Orbitâ in proprio situ circa Solem descriptâ, quæ sit ex. gr. $A L P$: ex cognito præterea (per Prop. xxv.) momento quo Planeta aliquando Apsidem tenebat, & Planetæ Tempore periodico per Prop. xxiii; notum erit Tempus elapsum ex quo Apsidem (*v. g.* A) proxime tenuit, sive nota ratio dicti Temporis ad Tempus integrum periodicum ; hoc est, ex lege motus Planetarii Lib. I. demonstrata, supposito L Planetæ Loco, nota est ratio Areæ $A L S$ ad integram Ellipsin $A L P A$. Inveniatur ergo angulus $A S L$ per Prop. iii, iv, vi vel vii. Recta igitur $s L$ datur positione, cum in dato angulo inclinetur ad $P A$ Lineam Apsidum positione datam : Sed & magnitudine per easdem, (cum hæc detur in partibus Distantiæ Apheliæ $s A$, quæ supra definita est in partibus mediocris Distantiæ Terræ à Sole, quæ pro harum linearum communi mensura habetur ;) hoc est,

Fig. 2.

Tab. XXII est, Planetæ propositi Locus è Sole visus & ejusdem à
Fig. 2. Sole Distantia.

Vicissim Tempus invenietur, quo Planeta datum Locum Heliocentricum occupabit; ex data Anomalia coæquata (ex præcedentibus) mediam inveniendò, cui Tempus est proportionale.

PROPOSITIO XXXV.

Ad datum Tempus Locum Planeta Geocentricum, quoad Longitudinem & Latitudinem, & Planeta à Terra Distantiam invenire.

AD Tempus datum inveniat (per Prop. XVIII.) Locus Telluris Heliocentricus in propria Orbita, & (per præc.) propositi Planetæ Locus etiam Heliocentricus in sua Orbita, cum respectivis à Sole Distantiis.

Fig. 3.

Referat s Solem, τ Locum Terræ in sua Orbita, L Locum Planetæ in sua. Planorum harum Orbitalium sit recta sN communis intersectio, quæ per Solem extenditur, (quia Sol est in utroque plano,) cujusque positio per Prop. XIX. datur. Porro, ex Telluris Loco τ dato, dantur recta $s\tau$ & angulus τsN in plano Eclipticæ; & ex Planetæ Loco L , recta sL & angulus $L sN$ in plano Orbis planetarii. Ducantur per L & s atque per L & τ plana circulorum Latitudinis Eclipticæ plano recta, quorum communis intersectio LE recta (per Prop. XIX. *El.* XI.) est Eclipticæ plano normalis. Ducatur in plano Orbis planetarii recta LN ad sN perpendicularis; juncta EN erit (per *Convers. Prop.* XI. *El.* XI.) eidem sN etiam perpendicularis.

In triangulo SLN rectangulo ad N dantur sL & NSL ; unde dabitur latus LN . In triangulo LEN rectangulo ad E dantur latus LN modo inventum & angulus $LENE$, qui (per *Def.* VI. *El.* XI.) æqualis est Inclinationi Orbis planetarii ad Eclipticam, per Prop. XX. inventæ; dantur igitur LE &

& EN. In triangulo porro LES rectangulo ad E dantur latera LE & LS; ideoque datur latus SE, *Tab. XXXIX Fig. 3.* Distantia Planetæ à Sole Curvata. In triangulo ESN præter rectum ad N dantur ES & prius inventum EN; dabitur ergo angulus ESN, Planetæ Longitudo Heliocentrica in Ecliptica à Nodo N computata: Sed datur Nodi Locus in Ecliptica; quare & Planetæ Locus Heliocentricus in Ecliptica notus erit. Rursus, in triangulo TSE data est ST ab initio, & modo inventa est SE; datur etiam angulus TSE, (æqualis summæ vel differentię datorum angulorum TSN, ESN, quia tres rectæ ST, SE, SN sunt in plano Eclipticæ,) qui & *Angulus Commutationis* dicitur: Et propterea dantur reliqua, nempe angulus TES *Parallaxis Orbis* nuncupatus, & STE *Elongatio Planetæ à Sole*; hoc est, positio rectæ TE sive Planetæ Locus Geocentricus in Ecliptica, & ejusdem TE magnitudo. Denique, in triangulo TEL rectangulo ad E dantur latera TE & EL; innotescunt igitur TL Distantia Planetæ à Terra & angulus LTE Planetæ Latitudo Geocentrica.

SECTIO IV.

DE PLANETARUM ELONGATIONE MAXIMA A SOLE, DIRECTIONE, STATIONE & RETROGRADATIONE.

PROPOSITIO XXXVI.

Dati Planetæ Elongationem à Sole maximam, è dato superiore visam, ejusque Tempus determinare.

SI s Sol, TR Planetæ remotioris Orbita, vP propioris. *Fig. 4.* Ducatur utcumque propioris Planetæ radius vector sv, atque huic normalis vt remotiori Orbitæ occurrens in t, quæ proinde (per XVI. El. III.) Orbem circulem vP continget in v. Inferior in v à Sole maxime elongatus superiori in t videbitur: Nam recta ab alio quovis Orbitæ P v puncto (ut v) ad t ducta minorem

norem angulum cum τs comprehendet. In triangulo igitur $\tau v s$ rectangulo ad v datur laterum $s \tau$, $s v$ (datorum nempe Planetarum Distantiarum à Sole) ratio; innotescunt igitur reliqui anguli $\tau s v$, $s \tau v$, quorum hic est Planetæ Elongatio à Sole maxima, alter $\tau s v$ est Commutationis Angulus sive Distantia Planetarum Helio-centrica. Quandocunque igitur modo inventus Commutationis Angulus contingit, simul etiam contingit Planetam inferiorem è superiore visum à Sole maxime elongari.

Tab. XXII.
fig. 5.

Hactenus supposuimus utriusque Planetæ Orbitam esse circulem. Quod si ellipticæ earum figuræ ratio habeatur, Problema haud absimiliter solvitur. Datur enim angulus $s v \tau$, quem Orbitam tangens recta $v \tau$ comprehendit cum radio vectore $s v$ in assumpto angulo ad Lineam Apfidum inclinato; datur præterea $s v$ magnitudine, cum nota sit ejus inclinatio ad Distantiam Apheliam $s a$ magnitudine prius datam; & quoniam noti sunt anguli $a s$, $a s v$, item angulus $v s \tau$, (proxime æqualis illi, qui obtineret si utraque Orbita esset circularis;) notus etiam erit $a s \tau$ angulus, ac proinde $s \tau$ magnitudine nota; unde reliqua conficiuntur ut prius. In hoc casu Elongatio maxima muratur pro varia Distantia puncti v (ubi celebratur) ab Orbis proprii Aphelio: Major quippe est (cæteris paribus) in inferioris Aphelio a , minor in Perihelio π , mediocris in media longitudine; sed & manente inferioris loco v , varia est pro situ superioris in τ vel s .

PROPOSITIO XXXVII.

Planeta quivis Primarius ex alio quovis Primario spectatus, in aliqua Orbitæ suæ parte Stationarius, in aliqua Directione, in aliqua denique Retrogradus apparet.

Fig. 6. Sit s Sol, circa quem duo Planetæ à D per c versus B rotantur; Orbita propioris $P \tau$; remotioris $R z$; arcus ab illis æqualibus temporum spatii descripti $A R$,
 $P B$.

P B. Ducatur utcumque S R Orbitæ propioris in P OC. Tab. XXII. Fig. 6.
 currens. Inter S R & S P sit media Geometrica S M. Erit (per Prop. XXVII. Lib. I.) velocitas remotioris Planetæ ad velocitatem propioris ut S P ad S M : Sed spatia à mobilibus æqualibus temporibus descripta sunt ut eorum velocitates ; & igitur est A R ad P B ut S P ad S M ; unde A R quam P B minor est. Patetque possibile esse duas parallelas rectas H A D h , G R C g per A & R ducere tales , ut propioris Orbitæ arcus ab illis interceptus æqualis sit arcui P B. Ita enim duci poterunt rectæ parallelæ , ut quanto C D (æqualis ipsi P B) major est quam A R tanto obliquior sit , (daturque interioris Orbitæ arcus , qui ad parallelas per A & R quantumvis obliquus est ,) ut arcus C D , majore sui obliquitate majorem longitudinem compensans , utramque è parallelis rectis extremitatibus suis contingat. Quo posito , si Planetæ reperiantur in situ ad se mutuo qualis hic est A & D ; hoc est , si angulus Commutationis ad Solem æqualis fuerit A S D angulo , (quod patet necessario futurum bis inter duas proximas propositorum Planetarum Conjunctiones è Sole visas) alter ex altero spectatus toto illo temporis spatio ad easdem Fixas referetur ; hoc est , Stationarius apparebit. Nam superior ad A ex inferiore ad D versante videtur in recta D A H , & superiore ad R progressu inferior ad c progreditur , (cum ex hypothesi D C sit ad A R ut Planetæ Soli propioris velocitas ad velocitatem remotioris :) ille igitur ex hoc in recta C R visus ad eundem Locum inter Fixas referetur , ad quem prius referebatur , cum distantia inter parallelas D A , C R præ Fixarum distantia evanescat penitus. Et ob eandem rationem inferior Planeta arcum D C percurrens , è superiore arcum A R eodem tempore percurrens spectatus , etiam Stationarius apparebit. Similiter , si Planeta Soli propior sit ab altera parte puncti P , (in quo è Sole visus remotiori conjunctus videtur ; hoc est ,

Tab. XXII.
fig. 6.

est, in quo Sol & Planeta superior ex inferiore spectati oppositi cernuntur, & ubi inferior è superiore spectatus Soli conjunctus videtur,) tantumque ab illo distans, ubi nempe sensibilis alicujus temporis lineæ visivæ inter se rursus sunt parallelæ, v. g. ad *c d*, alter ex altero spectatus rursus Stationarius apparebit.

Dico porro, quod priusquam Planeta Soli propior ad supra dictum situm pervenerit respectu superioris, hoc est, superiore in *R* versante priusquam inferior ad *D* pervenerit; alter ex altero spectatus in consequentia moveri videtur. Sumatur enim arcus *DF* ipsi *PB* aut *DC* æqualis, junganturque rectæ *FA*, *DR*, & producantur utrinque in *KAF* & *IRDL*; hæ non erunt parallelæ sed ad partes ultra *RA* (respectu Solis) divergent, citra vero convergent & concurrent, puta in *L* puncto, ex quo rursus divergent. Nam quia (ex hypothesi) *DA*, *CR* sunt parallelæ, & *DF* æqualis est ipsi *CD*, sed ad *RD* obliquior quam *CD* est ad *RC*; patet *DR*, *FA* ultra *RA* divergere & concurrere citra *RA*; sc. vel retro *DF*, si hic sit in parte propioris Orbitæ ad *R* obversa, (ut in casu hujus schematis,) vel inter *RA* & *DF*, si in parte averfa. Si jam inferiore in *F* versante superior sit in *A*, hic ex illo in *K* videbitur: Inferiore ad *D* pervento superior ad *R* (ex hypothesi) progressus est, & ex illo ad *I* videtur. Ex situ vero *K* ad situm *I* pervenire est in consequentia Signorum moveri, sive Directum esse; siquidem Planetarum quivis ab *A* ad *R* vel à *D* ad *C* ex Sole visus in consequentia movetur. Sed & inferior ex superiore spectatus eodem tempore Directus videtur: Nam inferior in *F* ex superiore in *A* ad *k* videbitur: posteaque inferior ad *D* ex superiore in *R* ad *i* cernetur: Locum vero à *k* ad *i* mutare etiam est in consequentia tendere, siquidem Sol ex Planeta quovis spectatus in consequentia moveri videtur; nempe ex *s* versus *Q*. Similiter, postquam Planeta Soli propior Stationem secundam ad *d* est præter-

prætergressus, rursus Directus est, talisque manet donec ^{Tab. XXII.} inferior ad situm respectu superioris (qualis est D respectu A) denuo appellat; quod fiet peractâ integrâ revolutione à priore loco D, & insuper eâ alterius parte, quæ ad dictum (respectu remotioris Planetæ interim progressi) situm denuo recuperandum requiritur. ^{Fig. 6.}

Dico tertio, quod alter ex altero Retrogradus videbitur, postquam Planeta Soli propior supra descriptam Stationis primæ metam D C transierit, & ad secundam *c d* non pervenerit. Sumatur C E ipsi P B aut D C æqualis; ducantur rectæ C A, E R & utrinque producantur in O C A Y & N E R Y, quæ non sunt parallelæ, sed ad partes C E divergunt, & versus A R convergunt, & productæ concurrunt, puta in Y, quia ex hypothesi D A, C R sunt parallelæ, & C E æqualis est D C, sed ad R E minus obliquus quam C D ad R C. Si jam superiore in A versante inferior sit in C, hic ex illo in O videbitur, & vicissim ille ex hoc in θ : Cum vero superior ad R pervenit & inferior ad E invenitur, hic ex illo ad N, ille vero ex hoc ad π , cernetur. Patet vero quod ab O ad N videri moveri, vel ab θ ad π , est contra Signorum ordinem moveri; siquidem ab S ad Q vel ab A ad R sit secundum illum; nempe qua Primarius è Sole visus vel vicissim hic ex illo tendere videtur. Atque Retrogradatio hæc apparens superioris ex inferiore visi, vel inferioris è superiore, durat à Statione prima ad D C celebrata ad secundam ad *c d*: Sed, propter remotioris motum, Statio hæc secunda transponitur aliquantulum in consequentia, sive ultra locum *c d* hic depictum. Patet igitur Primarium quemvis ex alio Primario spectatum in aliqua Orbitæ suæ parte Directum esse, in aliqua Retrogradum, in aliqua denique Stationarium. Q. E. D.

COROLLARIUM I.

Ex Propositionis hujus demonstratione liquet Planetam
Bbb supe.

Tab. XXII. superiorem ex inferiore spectatum, simul Directum, simul
Fig. 6. Stationarium, simulque Retrogradum apparere, atque inferiore
 e superiore illo spectatum.

COROLLARIUM 2.

Quo inæqualior est ratio inter Orbitas duorum Planetarum, eo locus in inferioris Orbita, in quo inferior reperitur dum alter ex altero spectatus apparet Stationarius, propior est ejus puncto ex quo ducta recta ad Planetam remotiorem inferioris Orbitam tangit; hoc est, ubi inferior è superiore spectatus (per Prop. XXXVI.) à Sole maxime Elongatus videtur; & angulus major quo Sol & superior Planeta, ex inferiore visi, distare videntur. Nam quo major est ratio sR ad sP , eo major erit hujus subduplicata nempe ratio Rs ad Ms ; hoc est (per constructionem) ratio CD ad RA . Et ideo oportet lineam CD ad RC sive AD obliquiorem esse, ut DA , RC parallelæ evadant: Sed liquet CD eo esse obliquiorem quo propior est Orbitæ inferioris puncto, à quo recta ad R ducta hanc contingit.

Unde fit quod ad Stationem Saturni inducendam opus sit tantum parvâ Terræ recessione à puncto Orbitæ suæ, ubi recta ad Saturnum ducta hanc contingit, versus punctum ubi Terra mediam se sistit inter Solem & Saturnum; ad Jovis Stationem majore recessione à puncto contactus Orbitæ Terræ cum recta hanc tangente ad Jovem ducta; ad Martis maximâ. Saturni igitur Statio fit, cum hic è Tellure spectatus paulo plus quam quadrante distat à Sole; hoc est, inter aspectum Quadratum & Trinum; Jupiter stare videbitur in Solis Trino fere; Mars ultra Trinum.

Hinc etiam arcus Orbitæ Mercurii, interceptus inter punctum ubi Mercurius maxime à Sole Elongatus è Terra conspicitur, & punctum ubi ejus Statio proxima videtur, minorem subterdit angulum ad Solem quam arcus Orbitæ

Orbitæ Veneris inter hujus maximam à Sole Elongationem & Stationem proximam comprehensus : Et ideo cum & minorem subtendat angulum ad Solem, & ad minorem pertineat circulum, & præterea Terræ observanti obliquior objiciatur & ab illa remotior sit ; patet Mercurii Stationes esse suis maximis à Sole Elongationibus multo propiores quam Veneris.

COROLLARIUM 3.

Atque hinc rursus sequitur, ejusdem inferioris respectu, in duobus superioribus invicem collatis, quo remotior est Planeta superior à Sole, Retrogressum ejus diutius durare ; nam (per præc. Coroll.) citius incipit desinitque ferius : At angulus Retrogradationis minor est, quoniam dati inferioris Planetæ Orbita ex Planetarum superiorum remotiore visa sub minore angulo apparet, quam si ex propiore cerneretur : Ex Prop. autem hac xxxvii. liquet angulum Retrogradationis (comprehensum nempe inter binas rectas à superiore Planeta Soli opposito, ad loca Orbitæ inferioris ubi alter alteri Stationarius apparet) fere æquari angulo quo inferioris Orbita ex superiore videtur, cum prædicta Stationum puncta à contactuum punctis non procul absint.

Unde fit, quod è Terra visa Saturni Retrogradatio diuturnior sit, sed per arcum minorem facta, quam Jovis ; & hæc similiter quam Martis.

COROLLARIUM 4.

At ejusdem superioris respectu, in duobus inferioribus invicem collatis, quo remotior est Planeta inferior à Sole, Retrogradatio ejus & per majorem fit arcum & diutius durat. Prius ex Coroll. præc. liquet, cum Retrogradatio in duobus Planetis mutua sit per Coroll. 1 : Posterior hinc constat, quod Planeta à Sole remotior, dum

Bbb 2

Retro-

Retrogradus apparet, longiorem arcum tardior percurrat, & ideo majus tempus insumat.

Unde fit, quod è Tellure visa Venus & diutius Retrograda sit, & per majorem arcum, quam Mercurius.

COROLLARIUM 5.

Tab. XXII.
Fig. 7.

Hinc etiam sequitur, quod, quando Planetæ duo superiores ex inferiore spectantur conjuncti, si à Sole remotior Directus est, Soli propior etiam Directus erit; si Soli propior fuerit Retrogradus, à Sole remotior etiam erit Retrogradus. Referat S Solem; IT inferioris Orbitam; PZ , RV superiorum duorum Orbitas. Ducatur utcumque S I superiorum Orbitas in P & R interfecans. Sit B Locus in Orbita inferioris, in quo inferior versatur cum remotior Planeta in R Stationarius hinc videtur; sitque A Locus in eadem ubi inferior reperitur, cum propior in P ex inferiore stare apparet. Jungantur rectæ AP , AS , BR , BS . Ex Coroll. 2. patet Locum A ipsi I puncto propinquiorem esse quam B , & PAS angulum majorem esse quam $RB S$. Quando Planeta in R Directus ex inferiore apparet, oportet inferioris Locum magis distare ab I quam B Locus, puta in C . Ponatur jam superiorum propiorem, ex inferiori visum, remotiori conjungi; eritque ideo in E puncto, ubi recta CR Orbitam PZ intersecat. Per Prop. XXI. Et. 1. est angulus ECS minor quam $RB S$; ergo multo minor est quam PAS . Planeta ergo in E ex C spectatus Directus est; quia scilicet, ut Retrogradus sit, requiritur ut ECS major sit quam PAS ad ejus Stationem requisitus.

Inferiore vero inter B & A versante, remotior ad R Retrogradus apparebit, & propior illi conjunctus etiamnum Directus; quia Planeta spectator ad terminum A nondum pervenit.

Si vero superiorum propior ad P ex inferiore Retrogradus appareat, erit inferior inter A & I , puta in R .

Si

Si jam remotior huic conjunctus appareat, erit ille in recta DP ad Orbitam RV producta, nempe in F : Sed angulus FDS est major (per *Prop. XXI. El. I.*) quam PAS , qui rursus major est (ex modo ostensis) quam RBS . Et igitur Planeta remotior in F ex D spectatus Retrogradus appareat, cum ad hoc, ut Directus appareat, requiratur angulus ad inferiorem minor quam RBS .

Atque hinc fit quod ex Terra Saturno Directio viso Jupiter & Mars non possunt jungi, nisi & ipsi Directi fuerint; vel Jovi Directio Mars non nisi Directus: At Saturno Retrogrado jungi potest Jupiter vel Mars Directus, & Jovi Retrogrado potest Mars Directus conjungi. At Marti Retrogrado Jupiter & Saturnus conjungi nequeunt, nisi & ipsi Retrogradi fuerint; aut Jovi Retrogrado Saturnus non nisi Retrogradus.

LEMMATA.

Datus in quadrilatero $C G D K$ circulo inscripto (cujus unum latus CK est circuli diameter) latere CG & diagonali CD , item ratione inter oppositum latus KD alteramque diagonalem GK , (eadem qua inter datas rectas N & M), invenire angulum GCD comprehensum inter datum latus datamque diagonalem. Tab. XXIII. fig. 1.

QUoniam summa quadratorum à rectis CG & KG æqualis est summa quadratorum à rectis CD & KD , (utraq; enim summa est æqualis quadrato à CK ;) erit differentia quadratorum à rectis GK & KD æqualis differentia quadratorum à rectis CD & CG , & proinde data. Porro, quoniam GK est ad DK sicut M ad N , erit quadratum à GK descriptum ad differentiam quadratorum ab ipsis GK & DK sicut quadratum à recta M descriptum ad differentiam quadratorum ab ipsis M & N ; facta nempe ex illis in eadem ratione cum similiter factis ex his, quæ illis sunt proportionales: Dabitur ergo (per 2. *Dat.*)

Bbb 3 qua-

Tab. XXIII.

Fig. 1.

quadratum à GK descriptum; dabitur etiam quadratum ex CK , compositum nempe ex datis, quadrato nimirum à CG & quadrato à CG : Quare & ipsa recta CK & GK dantur; daturque etiam DK recta, quippe datam habens rationem ad GK . Geometris vero Theorema est notissimum, ab ipso *Ptolemao Lib. 1. Magnæ Constructionis Cap. 1X.* demonstratum, quod in quadrilatero circulo inscripto $CGDK$ rectangulum comprehensum sub CD & GK æquale est rectangulo sub CG & DK , una cum rectangulo sub CK & GD . Adeoque rectangulum sub CD & GK , dempto rectangulo sub CG & DK , æquatur rectangulo sub CK & GD . Dantur autem parallelogramma rectangula quæ sub datis rectis continentur, & datorum rectangulorum datur differentia; & proinde datur rectangulum sub CK & GD , & datur CK ; unde GD etiam datur. Datisque in triangulo GCD tribus lateribus, invenietur GCD angulus. Q. E. F.

PROPOSITIO XXXVIII.

Invenire Angulum Commutationis quo distant Planeta duo dati à Sole visi, & Angulum quo distant Sol & Planetarum alteruter ex altero visi, cum datorum Planetarum alter ex altero Stationarius appareat.

Fig. 2.

Si s Sol, datorum Planetarum Orbite RV , PT ; sintque CD , RA arcus à Planetis simul descripti dum alter ex altero spectatus stare videtur, qui (per dicta ad Prop. XXXVII.) dati sunt. Jungantur sR , sC , item RC , AD , quæ (per præc.) erunt parallelæ. Per C ducatur linea CG ad RA parallela, item per G recta GK ad RS , & per D recta DK ad CS parallela, quæ concurrant in K ; jungatur CK recta. Erit triangulum GKD æquiangulum triangulo RSK , (cum singula illius latera singulis hujus parallela sint,) & proinde simile. Quoniam Tempus Stationis Planetæ est parvum admodum
fi con-

si conferatur cum Tempore periodico etiam velocissimi, Tab. XXXII
 linea CD à recta differt insensibiliter, sicut & à fortiori Fig. 2.
 RA five CG . Illa igitur non differt ab HC recta Or-
 bitam PT in C tangente producta, & hæc producta erit
 recta CL ad SR normalis, sicut AR eidem normalis
 est. Porro, circulus diametro CK descriptus transit per
 D & G , quia anguli CGK , CDK sunt recti; quippe
 per constructionem rectis SLC , SCH æquales. $CGDK$
 igitur est quadrilaterum circulo inscriptum, cujus latus
 unum CK est circuli diameter, & in quo dantur latus
 CG diagoniumque CD ; item ratio inter oppositum la-
 tus DK alteramque diagonalem GK , eadem nempe quæ
 inter datorum Orbium semidiametros CS , RS . Et igitur
 (per præmissum Lemma) invenietur angulus GCD ,
 cui æqualis est angulus ad verticem HCL ; & huic
 rursus (per *Prop. VIII. El. VI.*) æquatur RSC , qui
 est Angulus Commutationis, quo distant Planetæ duo
 dati è Sole visi cum alter ex altero spectatus stare vide-
 tur. In triangulo porro RSC datis duobus lateribus SK ,
 SC & angulo ab illis comprehenso RSC , invenientur
 anguli SRK , SCR ; quorum ille est angulus quo in-
 ferior à Sole distat dum è superiore Stationarius appa-
 ret, hic angulus quo superior distat à Sole dum ex in-
 feriore stare videtur.

Hanc Methodum Stationum puncta definiendi calculo
 aptam & spectatoris motui circa Solem magis naturalem
 & quasi innixam demonstravi, Geometricam hujus Prob-
 lematum constructionem transiens à *Ptolemao Lib. XII.*
Almagest. consignatam, immobilis Terræ hypothese accom-
 modatam, quam jam olim *Apollonius Pergæus* tradidit,
 quam nihilo secius suis congruere principiis de motu Tel-
 luris ipse testatur *Copernicus Lib. v. Cap. xxxv. de Re-*
volut. quamque apud prædictos Auctores videre licet.

Si duarum Orbitalium non sit idem planum, altera ad
 alterius planum reducatur, demittendo à singulis Orbitæ
redu-

reducendæ punctis perpendiculara ad istud alterum ; quo pacto Orbita circularis elliptica evadit, elliptica in alteram Ellipticam vel forsan in circulum mutatur. Verum nova Orbita facilius ducitur (ope Prop. xxxiii.) per quinque puncta, quorum duo sunt eadem cum duobus Orbitæ ad cuius planum altera reducitur, communes nempe illius sectiones cum hoc ; tria alia inveniuntur quærendo Distantias à Sole Curtatas, ut Prop. xxxv. factum. Quod si Orbita altera vel utraque post reductionem elliptica sit, Problema pari modo in illis construitur, & calculus præcedens similiter ad casum istum applicatur, quo in Prop. xxxvi. factum est in casu non absurili. At ad inveniendam rationem inter RA & CD adhibenda est Prop. xli. Lib. I. loco xxvii. ejusdem adhibitæ in casu quo utraque Orbita est circularis.

SECTION V.

DE PLANETARUM PRIMARIORUM TABULIS, ET EARUM USU.

Propter similes rationes iis, quas ad Sect. ix. Lib. II. attulimus de construendis Primi Motûs Tabulis, Artifices construunt etiam Tabulas ad Planetarum situm, tum inter se tum respectu Fixarum, ad datum Tempus expedite inveniendum, quarum Artificium & condendi modum ex antecedentibus, Ordinem ex sequentibus, colligere licebit.

PROPOSITIO XXXIX.

Tabulas describere, quarum ope cujusvis à Planetis primariis Locus Heliocentricus & Geocentricus ad datum Tempus expedite definitur.

Primo ponitur *Tabula Equationis Temporis* duabus partibus constans, de quibus actum est Prop. xviii. Et

Et quoniam in multiplici calculo opus esset tædii plenum binas partes componentes cum suis signis excerpte, & pro occasione invicem addere: aut subducere, unicam Tabulam ex illis invicem commistis constatam construunt, ad Calculatoris ævum aptatam, cum in eo situs punctorum Eclipticæ ad Terræ Aphelium sensibilibiter non mutetur.

Quamvis Tabula hæc Æquationis Temporis universalibus annumerari queat, cum ad cujusvis mobilis Locum determinandum Tempus adhibere oporteat, & quidem indicatum per aliquod æquabiliter latum; Tempus autem omne communiter (& aptissime) per Solem numeretur; oportet hujus motum naturâ suâ inæqualem ad æqualitatem reducere, hoc est, hujusmodi Tabulâ uti: Tamen cum ista Æquatio Temporis, per Solem indicata, pendeat ex duplici capite à situ Telluris ad Solem, hæc licet usu generalis, & tam in Fixarum motu ex Lib. præc. quam Secundariorum ex insequente determinando necessaria, ex sua natura Planetarum primariorum Tabulis accensenda est.

Deinde Tabulæ pro unoquoque sex Primariorum, Saturno nempe, Jove, Marte, Tellure, Venere & Mercurio scorsim condendæ. Licet hic (hujusve inversus) sit Ordo Planetarum verus, & eorum Tabulæ (scorsim singulæ) sint naturaliter secundum illum disponendæ; apud nos Telluris incolas ut ipsæ Telluris Tabulæ principem locum teneant necesse est, cum quod per hæc Motus Telluris quaratur, unde Solis (Planetarum choragi) apparentis motus pendet; tum quod hic propter Temporis Æquationem inde pendentem, & etiam immediate ad alterius cujusvis motum definiendum imprimis necessarius sit.

In Planetarum uniuscujusque Tabulis primo omnium constituenda est Radix Motûs dicti Planetæ; hoc est, ad assumptum Temporis mediî punctum celebre in loco, cui Tabulæ aptantur, numeratum notatur ex præceden-

Ccc

tibus

tibus Longitudo Heliocentrica dicti Planetæ; Aphelii Nodique ascendentis ejusdem; quarum prima, nempe Distantia Planetæ ab Æquinoctio ex duabus constat partibus heterogencis; distantia nempe Aphelii Planetæ ab Æquinoctio, per angulum expressa, & distantia Planetæ ab Aphelio expressa per arcum suæ Orbitæ.

Secundo, Motus Medii ab Æquinoctio ipsius Planetæ, Aphelii & Nodi pro Annis, horum decadibus, centenariis &c. item pro Mensibus, Diebus, Horis & Horæ partibus in Tabulas disponuntur.

Tertio, subnectitur Tabula exhibens Planetæ Anomaliam veram ad singulos gradus Anomalix mediæ ejusdem. Hæc construi poterit vel per III. Prop. vel approximando per IV, VI, vel VII. pro natura approximationis quam quisque adhibere velit.

Quarto, Tabula exhibens Distantiam Planetæ à Sole (per easdem Propositiones, una cum Prop. XXI. inventam) in partibus, quarum mediocris Distantia Terræ à Sole continet 10000, ad singulos Anomalix mediæ gradus. Hæ duæ Tabulæ commode in unam coalescunt, cuilibet Anomalix mediæ abscribendo congruam, veram Anomaliam & Distantiam congruam. Distantiis hisce, ad calculi facilitatem, adduntur Logarithmi correspondentes; vel etiam Distantiarum Logarithmi soli in Tabulas disponuntur, cum illi ad calculum sufficiant.

Quinto loco ponitur Tabula exhibens Latitudinem Centricam, sive Inclinationem Planetæ ad planum Eclipticæ ad singulos gradus Distantiæ à Nodo proximo, quæ Distantia à Nodo ab Astronomis *Argumentum Latitudinis* vulgo nuncupatur.

Sexto, Tabula *Reductionis* dicta, quâ Planetæ Locus in propria Orbita ad Locum in Ecliptica reducitur, ostendens quanto promotior est aut minus promota in hac quam in illa.

Septimo, Tabula ostendens quantum intervallum Plane-

te

tæ à Sole in propria Orbita curtandum est, ut ad Eclipticæ planum reducatur, demittendo à Planeta perpendicularum in illud. Cumque tres hæ (nempe Inclinatio, Reductio & Curtatio) ad singulos gradus Argumenti Latitudinis aptentur, tres præcedentes Tabulæ in unam commode coalescent; ut prius de tertia quartaque dictum. Tria hæc per vulgarem Trigonometriam expediuntur ex determinata Orbis planetarii Inclinatione ad Eclipticam, quod fit per Prop. xx.

Octavo, commode ponitur (per Prop. xxxviii. inventus) Angulus Commutationis, efficiens in isto Planeta Stationem ex Terra apparentem. Et quoniam neque Planetæ neque Terræ Orbita est circularis; nec idem Angulus Commutationis in omni casu inservire potest, immo non idem in binis Stationibus proximis; Anguli Commutationis, Planetæ Stationem tam primam quam secundam producentes, ad quatuor octove Anomalias principales in Tabulam disponuntur.

In inferiorum unoquoque commode adnecti poterit (per Prop. xxxvi. constructa) Tabula, cum priore coalescens, Angulorum Commutationis in maxima Planetæ Elongatione à Sole tam ad Orientem quam Occidentem ad easdem Anomalias aptatorum. Adnectitur etiam Profunditas Solis sub Horizonte in articulis Ortus Occasusve Heliaci. Atque hæ sunt Tabulæ communiore ab Astronomis conditi solitæ, ad Planetarum Loca expedite inveniendæ.

PROPOSITIO XL.

Cujuslibet Planeta Locum, tam Heliocentricum quam Geocentricum, secundam Longitudinem & Latitudinem ex supra descriptis Tabulis ad propositum Tempus prompte supputare, ejusque Passiones definire.

Primo omnium propositum Tempus æquatur, ut Prop. xvii. ostensum est; & Telluris Locus è Sole visus
Ccc.2 ejusdem.

ejusdemque à Sole Distantia ad Tempus istud medium inveniuntur, ut in XVIII. Cumque ex prima Tabula ad Epocham assumptam dentur distantiae propositi Planetæ, ejusque Aphelii & Nodi ascendentes ab Æquinoctio; & ex secunda horum Motus Medii facti inter dictam Epocham Tempusque propositum, ut dictum est, æquatam; dabuntur Planetæ Distantia media ab Æquinoctio Distantiæque Aphelii & Nodi ab eodem. Intervallum duarum priorum est Planetæ Anomalia media, cui ex tertia Tabula excerpatur congrua vera sive angularis Distantia à suo Aphelio Heliocentrica; & ex quarta Distantia ejusdem à Sole. Dabitur similiter Planetæ Distantia à Nodo, sive Argumentum Latitudinis, cui ex quinta excerpatur congrua Inclination, sive Latitudo Centrica; & ex sexta Reductio, quæ ad Eclipticam reducitur; & ex septima Curtatio, quæ subducta à Distantia Planetæ à Sole in sua Orbita, prius ex Tabula quarta excerpta, relinquitur Distantia Planetæ à Sole Curtata.

Hoc modo habentur sequentia in schemate Prop. xxxv;
Tab. XVIII. fig. 3. sc. recta sT magnitudine, nempe Distantia Telluris à Sole; eadem positione, nempe Locus Telluris Heliocentricus; recta sE magnitudine, Curtata sc. Distantia Planetæ à Sole; & eadem positione, nempe Planetæ Locus ad Eclipticam reductus: Daturque proinde tsE angulus, inter datas positione rectas comprehensus, qui & Comutationis est; invenietur igitur angulus sTE Elongatio Planetæ à Sole è Tellure visa. Sed datur locus Solis è Terra visus; & ideo dantur Planetæ Locus Geocentricus in Ecliptica & TE Distantia Planetæ à Terra.

Rursus, quoniam LE est normalis ad Eclipticæ planum $tsNE$, triangula sEL , TEL sunt rectangula ad E ; & ideo tangentes angulorum ETL , ESL sunt in eadem ratione cum ES , ET : Sed ESL est Latitudo Planetæ Heliocentrica prius ex Tabula propria deprompta, & ratio ES ad ET datur; dantur enim ipsæ rectæ, (sed & harum

rum ratio eadem est cum ratione sinuum oppositorum angulorum *s t e* Elongationis, & *t s e* Commutationis;) quare *B T L* Planetæ Latitudo Geocentrica innoteſcit.

Porro, ex supra inventis Angulo Commutationis & Planetæ Anomalia, invenitur in octava Tabula num dictus Planeta sit in Statione prima vel secunda. Quod si Commutationis Angulus minor sit quam qui in hoc Planeta Stationem facit, erit Planeta Retrogradus; si major, Directus; ut superius ostensum. Eodemque modo ex eadem Tabula invenietur num Venus aut Mercurius sit à Sole maxime Elongatus. Et ex Planetæ loco supra invento, & cognita Depressione Solis ad hoc requisita, Tabulæ huic subnexa, determinabitur (per Prop. xxxviii. Lib. ii.) num Planeta oriatur occidatve Heliacæ, aut sub Solis radiis lateat. Et denique per eandem methodum, quâ Lunæ Phasis delineata est Prop. xvii. Lib. i, delineabitur Martis, Veneris vel Mercurii Phasis ad Tempus datum. Jupiter vero & Saturnus semper pleno orbe fulgent; ut Prop. ix. Lib. i. dictum est.

In Propositione hac ad casuum omnium varietatem non attendimus; sc. num arcus hic ab illo, aut vicissim ille ab hoc sit subducendus; nec ad diversa symptomata Inclinationis & Latitudinis Borealis & Australis, Elongationis Orientalis aut Occidentalis, & reliquorum hujusmodi; neque quomodo, ex duobus hinc inde numeris, Tabularis numerus quaesitus intermedius per proportionem sit inveniendus: Non enim calculi præcepta tradimus Supputatori ad litteram observanda, sed ejus principia Geometrica.

SCHOLIUM.

Licet Tabulæ superius descriptæ naturales sint satis & vulgo adhibitæ, tamen ad Planetarum Loca promptius invenienda hoc modo aut simili commode construuntur Tabulæ ab iis, qui Aphelia & Nodos Orbium planeta-

riorum pro immotis habent ; ut *Streetius* de Planetis omnibus, D. *Flamstedius* faltem de Telluris Apfidibus.

Pro Planeta unoquoque constituendæ sunt Radices ; non Longitudinis Planetæ ejusque Aphelii & Nodi ut prius, sed Anomalix mediæ Planetæ : Et Motus Anomalix pro Annis expansis & collectis, Mensibus, Diebus, (vel potius ad singulos Dies singulorum Mensium currentium,) Horis &c.

Hiscæ adduntur sequentia, quæ eadem semper manent, Orbis planetarii situm definientia ejusque Theoriam integram per numeros expressam exhibentia ; nempe 1. Distantia in Ecliptica computata Aphelii à Fixarum aliqua, (puta Arietis prima,) sive differentia Longitudinis dictæ Fixæ & Aphelii planetarii, quæ & *Longitudo Aphelii à Fixa* vocatur ; 2. Longitudo Nodi ascendentis Planetæ ab eadem Fixa ; 3. Inclinatio Orbis Planetæ ad Eclipticæ planum ; 4. majoris Axis Orbitæ planetariæ ejusque Excentricitatis Magnitudines expressæ in partibus, quarum Distantia à Terra mediocris continet 100000 : Ex hisce enim, per Propositiones respectivas, inveniuntur ad quamlibet Anomaliam Planetæ mediam Planetæ Longitudo ab Arietis primi, Inclinatio sive Latitudo Heliocentrica Borealis vel Australis, & Distantia Planetæ à Sole Curtata. Ex quibus Anomalix mediæ, cui congruunt, secundum artem adscriptis Tabulæ conficiuntur ; loco tamen ipsius Distantiæ Curtatæ ad calculum sufficit ejus Logarithmus. Nam quia (per Prop. XLIII. Lib. 1.) Fixæ & Orbium Planetariorum situs mutuus manet, sive Nodorum Apfidumque Linæ quiescunt, (saltem ab hujus artificii Auctoribus pro immotis habentur ;) ad idem ejusdem Orbitæ punctum, hoc est, ad eandem Anomaliam mediam, hæc tria in eodem Planeta eadem & invariata manent. His ex Tabulis excerptis, reliqua sunt ut supra in Propositione. Longitudo autem primæ Arietis ad Tempus datum invenitur ex Tabulis Fixarum, de quibus

quibus Prop. LXVIII. Lib. II. Reliqua de Planetarum Passionibus similiter exequenda atque superius.

Quæ prædictis ad usum paratiores sunt Tabulæ, *Mercurii Cælestium Ephemerides* vocantur, ex perpetuis supra descriptis ad certos Annos supputatæ, Planetarumque singulorum Loca secundum longum & latum, Passiones, & Aspectus mutuos tam ex Solis quam ex Terræ centro visos, ad singulos dies ostendunt; quibus adduntur Lunæ Loca etiam ad dies singulos computata, ejusdem Phases, Solis Lunæque Defectus, aliaque ex Libro sequente reperta.

PROPOSITIO XLI.

In Planetis primariis invicem collatis Quadrata Temporum Periodicorum sunt ut Cubi majorum Axium Orbitalium Ellipticarum, quas circa Solem describunt.

REferat s Solem; $MFTN$ Orbitam Terræ, cujus ^{Tab. XXI, 1.} Apsides M & N ; $AEPB$ alterius cujusvis Planetæ ^{Fig. 4.} Orbitam, cujus Apsides A & P , quæ ita in schemate annexo delineata intelligantur, ut linearum MN , AP eadem sit inclinatio ad invicem, quæ ex præcedentibus inter dictorum Planetarum Lineas Apsidum in Cæloprehenditur; & eadem ratio inter illarum Cubos, quæ intercedit inter Quadrata Temporum periodicorum eorundem Planetarum. Dico, quod manente Orbitâ Telluris, alter Planeta nequit moveri in alia quavis Orbita præter modo descriptam $AEPB$. Si enim fieri potest, sit dicti Planetæ Orbita $\alpha\pi\beta$ diversa; hoc est, major vel minor quam Orbita $AEPB$. Designet P punctum in Orbita Terræ, in quo Tellus versatur cum Planetæ alteri juncta est Heliocentrice. Ducta sf (& si opus est producta) ostendet in Orbita $AEPB$ punctum B , in quo alter Planeta tum reperiretur si in Orbita hac moveretur; & in Orbita $\alpha\pi\beta$, quam describere supponitur, punc-

Tab. XXIII
Fig. 4.

punctum β , in quo revera reperitur. Digressâ vero Tellure ab F alteroque Planetâ à β , post certum tempus reperitur illa in T , hic in S : Junctâ S , occurret Orbitâ $AEPB$ in E puncto, in quo Planeta repertus fuisset si Orbitam $AEPB$ descripsisset, cum periodicum Tempus satis sit cognitum & certum. Ductis rectis ET , ST , erit angulus STE . Elongatio Planetæ à Sole ad dictum Tempus: Hæc autem Elongatio observatis non congruit, siquidem Elongatio STE (deducta ex hypothesi quod Planeta Orbitam $AEPB$ describat) iis congruat. Et igitur posita $METN$ Telluris Orbitâ, Planeta isto alter non describit Orbitam $\alpha\pi\beta$ ab $AEPB$ Orbita diversam. Orbitalium vero $AEPB$, $MFTN$ Axium majorum Cubi sunt ut Planetarum in Orbitis illis motorum Temporum periodicorum Quadrata. Idemque de aliis Planetis cum Tellure collatis, propter similes rationes, colligitur: Et igitur, ex æquo, in duobus quibuscvis Planetis primariis inter se collatis Quadrata Temporum periodicorum sunt ut Cubi majorum Axium Orbitalium, in quibus feruntur.

Et generaliter congruentia Locorum supputatorum cum observatis Orbitæ cujusvis Planetæ Situm verum & veram Speciem arguit æque ac Magnitudinem veram. Tam varie enim inter se miscentur Situs Terræ & aliorum Planetarum, ut errores notabiles in cujusvis Orbita & Theoria ordinandis admissi se quandoque manifesto proderent, sensibilesque admodum fierent: è contrario vero ex Tabulis dictis Theoriis innixis deducta Planetarum Loca observatis mire congruunt. Interim tantilla ab observatis discrepantia aliis causis debetur; Actioni nempe Planetarum in se mutuo, cujus effectus in Planetarum motibus perturbandis inferius considerandi sunt, & Orbitæ Planetarum inde rectificandi.

P R O.

PROPOSITIO XLII.

Dato Planeta Loco Geocentrico dato Tempori congruo, ejusdem Locum ex data in superficie Habitatione visum ad dictum Tempus ex Tabulis depromere.

SI Habitatio data non sit in eodem Meridiano Terrestri cum Loco, ad quem Tabulæ constructæ sunt, Tempus datum numeratum in illa reducatur ad Tempus numeratum sub hoc, ope Tabularum, Sect. ix. Lib. ii. descriptarum. Ad Tempus illud inveniantur (per Prop. xxxvi. Lib. ii.) è centro Terræ visâ ejus Altitudo supra Horizontem Habitationis datæ & Azimuthus. Altitudini sic inventæ congrua excerpatur Solis Parallaxis ex Tabula per Prop. xlvii. Lib. ii. constructa, ex Parallaxi unius Distantiæ uniusque Altitudinis, vel per aliquam Prop. Lib. ii, vel per aliquam è subsequētibz cognita: Eritque (per Prop. xlviii. Lib. ii. Parallaxis Planetæ in eadem Altitudine supra Horizontem ad supra excerptam Solis Parallaxin ut Distantia Solis à Terra ad Distantiam Planetæ ab eadem : Sed Distantiæ hæ in Planetæ Loco per præced. computando notæ erant ; quare & Planetæ Parallaxis Altitudini isti competens invenitur. Hæc ergo subducenda est ab Altitudine Geocentrica supra inventa, ut evadat Altitudo semel correctæ in Habitatione datâ. Altitudini per Parallaxin sic correctæ addatur Refractio congrua, ex Tabula Refractionis per Prop. lxxvi. Lib. ii. constructa, de cujus usu actum est Prop. lxxviii. ejusdem ; conficieturque Planetæ Altitudo apparens in Habitatione data, Azimutho primum invento manente immutatâ. Ex Altitudine hac apparente & Azimutho inveniantur per Propositiones xxxvi. & xxxvii. Lib. ii. Planetæ Locus, qui in data Habitatione erit apparens. Tempus propositum in Meridiano cui Tabulæ aptantur numeratum & postea ad Meridianum datæ Habitationis reductum, cum sit

Ddd medium,

medium, (quali opus est ad Tabularum usum,) reduci-
tur ad apparens per Prop. xvii: Itaque Planetæ Locus
apparens, ad datum Tempus nunc apparens factum, in-
ventus est.

SECTIO VI.

DE ORBIUM PLANETARIORUM MAGNI- TUDINE.

IN præcedentibus ipsos Planetas tanquam puncta in
Orbitis suis mota consideravimus; hoc est, ab illarum
Magnitudine abstraximus. Et in isto casu perinde est,
quoad Phenomena, cujus Magnitudinis ponatur cujusvis
Orbita, modo reliquæ omnes ad hanc rationem & posi-
tionem habeant quas in ipsa rerum natura obtinent. Ideo
communem Orbitalium omnium earumque partium men-
suram ubique posuimus Axem majorem Orbitæ, quam
Tellus (spectatoris domicilium) circa Solem describit,
aut hujus semissem, Telluris à Sole Distantiam medio-
crem, de hujus mediocris Distantiæ Magnitudine parum
solliciti. Nunc vero cum reliquorum Planetarum Magni-
tudo cum Telluris Magnitudine comparanda venit, opor-
tet prædictas Distantias cum Telluris Diametro compara-
re; quod ex cognita Parallaxi fiet, ut Lib. ii. est osten-
sum. Et licet Planetæ Parallaxis per aliquam Parallaxis
inveniendæ methodum Lib. ii. traditam investigari posset,
si quantumvis accurate observare liceret; quoniam tamen
plurima nimis obvia huic obstant, methodos duas pro-
ponemus, quibus observatio hæc, imprimis lubrica, abs-
que notabilis erroris periculo institui possit. In prima
per binas observationes in duobus Telluris Locis simul
factas; in secunda ope duarum in eodem Loco factarum
res conficietur.

P R O.

PROPOSITIO XLIII.

Ex duorum Planetarum Conjunctione, in datis duobus Terra locis observata, utriusque Planeta Parallaxin inveſtigare.

Sint Loca vera duorum Planetarum in Conjunctione ^{Tab. XXIII. Fig. 5.} Corporali (hoc est, ubi alter alterum contingere vel tegere videtur) observatorum L & E . Ductus concipiatur circulus AB per Locorum Terreſtrium vertices A & B . Ducantur verticales circuli AEM , ALO , BEP , BLN . Observentur Planetae à Locorum datorum altero (cujus nempe vertex est A) in O & M . Cumque dentur Loca ubi Observationes instituuntur, dabitur (per Prop. XXXII. Lib. II.) differentia Meridianorum ; adeoque nomina horarum, quibus idem quodvis temporis instans in dictis duobus Locis insignitur : & propterea idem temporis momentum poterit eligi ad observationem in datis Locis instituendam. Eodem igitur instanti, quo Planeta in O & M observantur è Loco cujus vertex A , observentur è Loco cujus vertex B , ex. gr. in N & P . Ducantur circuli maximi LE , OM , NP . Observentur quoque (vel per Micrometrum, vel, quod hujus instar est, fila varie in Telescopii foco tensa, vel etiam ope Icoscopii imaginem in planum projiciendo, vel alio quovis modo Artificis industriae relinquendo) arcuum NP , OM (qui in Conjunctione Corporali, ob parvitatem, erunt rectae) & angulorum PNB , NPB , AOM & AMO magnitudines. Datur jam, ex horum Planetarum Theoria, ratio Distantiarum eorundem à Terræ centro, ex qua & eorum Altitudinibus (exacte satis ad hoc propositum observatis) dantur (per Prop. XLIX. Lib. II.) rationes inter sinus arcuum LN , EP , LO , EM , & proinde (per 2. Dat.) dato uno innotescunt omnes. Ex puncto P in Azimuthum BN productum demittatur perpendicularis

Ddd 2

Tab. XXIII. Fig. 5. dicularis arcus PR : Et in triangulo sphaerico rectangulo PNR , è datis latere PN & angulo PNR , inveniuntur latera NR , RP & angulus RPN ; innotescit igitur angulus RPE . Ponatur (more Analyistarum) Sinus Parallaxis LN computationis Radix: Et è datis sinibus arcuum LN , NR inveniatur (per ea quæ tradit *Ptolemaeus Cap. IX. Lib. I. Almagest.*) sinus arcus LR eorum summæ. Deinde, in triangulo sphaerico $LP R$ rectangulo ad R , è datis sinibus laterum LR , RP , inveniuntur sinus lateris LP & anguli $LP R$: E datis itaque sinibus angulorum $LP R$ & $EP R$ (per ostensa à *Ptolemaeo* in loco citato) inveniatur sinus differentię eorum; nempe anguli LPE . Ex puncto L in Azimuthum BP demittatur arcus perpendicularis LT . In triangulo igitur sphaerico PLT rectangulo ad T , è datis sinibus lateris LP & anguli LPT , inveniuntur sinus laterum LT , TP : Datur igitur sinus arcus ET , differentię nimirum arcuum EP , TP . Et tandem in triangulo sphaerico ETL rectangulo ad T , è datis sinibus laterum LT , ET , inveniatur sinus lateris EL . Eodem prorsus modo inveniatur sinus lateris EL , è datis sinibus arcuum LO , EM , expressus per prius positam Radicem: Dabitur ergo æquatio inter sinum arcus EL primo inventum & sinum eundem secundo inventum, cuius resolutio dabit valorem Radicis, sive Sinus arcus LN ; unde omnia quæsitæ innotescunt.

Quod si eligantur Loca talia in Terra, ut Planetæ communem Locorum Azimuthum transeant, atque istud temporis instans in quo horum alter dictum communem Azimuthum tenet; constructio hæc migrabit in particularem istam *Prop. LXXXVII. Opt. Prom. Jacobi Gregorii.*

L E M.

LEMMA.

Datis intervallo duarum quantitatum & ratione inter illas, quantitates invenire.

Sumatur quantitas, quæ est ad notum intervallum sicut major terminus rationis datæ ad differentiam terminorum; erit hæc quæsitæ major: Nam in quatuor proportionalibus, facta ex duabus prioribus sunt in eadem ratione cum similiter factis ex duabus posterioribus. Si major multetur dato intervallo, relinquetur minor.

PROPOSITIO XLIV.

Ex Observationibus duabus ejusdem Conjunctionis Corporalis duorum Planetarum, in eodem Loco habitis, utriusque Planeta Parallaxin determinare.

Observetur, prope Conjunctionem Corporalem, motus visus duorum Planetarum ad Eclipticam reductus, à se mutuo (vel ad se mutuo) dato tempore factus: Et per notam, ex præcedentibus, utriusque Planetæ Theoriam determinetur eorum motus à se mutuo, in Ecliptica computatus, ex centro Terræ spectatus, eodem tempore factus; quod satis accurate fieri poterit, si tempus non sit nimis magnum. Ex hisce igitur arcubus datis, nempe vero & viso Planetarum motu à se mutuo eodem tempore facto, determinanda est utriusque Parallaxis.

Referat h o Horizontem, z Zenith & e c Eclipticam: *Tab. XXII. Fig. 6.*
Sique s v. arcus Eclipticæ, quo Planetæ (ex centro Terræ spectati) dato tempore à se mutuo moventur, ex eorum Theoria notus; & a b arcus Eclipticæ, quo à se invicem eodem tempore moveri videntur, observatione cognitus; datur ergo horum differentia. Per a & b intelligantur ducti Latitudinis circuli a d, b f, verticalibus

D d 3

libus

Tab. XXIII. libus ZH , ZO per s & v ductis occurrentes in D & F :
 Fig. 6. estque sA Parallaxis Longitudinis propioris Planetæ à re-
 motiore, five excessus majoris Parallaxis Longitudinis su-
 pra minorem in hoc situ; & vB excessus majoris Paral-
 laxis supra minorem in altero. Ratio arcus As ad ar-
 cum Bv componitur ex rationibus As ad sD , sD ad
 vF , & vF ad Bv ; ratio autem As ad sD innotescit,
 quia in triangulo rectilineo AsD rectangulo ad A datur
 angulus AsD , per Prop. xxxvi. Lib. II. inventus; ra-
 tio sD ad vF invenitur per Prop. xlvii. Lib. II; &
 ratio vF ad Bv invenitur ut prius ratio As ad sD ;
 quare ratio As ad Bv ex hisce composita nota est: Sed
 arcuum As & Bv nota etiam est differentia, eadem nempe
 cum data differentia arcuum AB & sv ; & igitur
 (per Lem. præc.) dabuntur ipsi arcus As & Bv . Adeoque
 (per 2. *Dat.*) dabuntur & ipsi sD & vF ;
 hoc est, excessus Parallaxis majoris supra minorem in
 Altitudine data: poterit enim Altitudo HD vel OF fa-
 ctis exacte ad istud propositum observari. Et inde ex-
 cessus majoris Parallaxis horizontalis supra minorem ho-
 rizontalem (per Prop. xlvii. & lxi. Lib. II.)
 etiam dabitur: Sed per Prop. xxxv. datur ratio inter
 Distantias datorum Planetarum à Terra tempore obser-
 variationis, (nam utriusque Distantia à Tellure in partibus
 mediæ Distantiæ Telluris à Sole exprimitur;) & ideo ra-
 tio Parallaxium horizontalium eorundem Planetarum etiam
 datur, quippe (per Prop. xlviii. Lib. II.) prioris
 reciproca: Et igitur (per Lem. præc.) dantur ipsæ Pla-
 netarum Parallaxes horizontales.

Atque hinc omnium Planetarum Parallaxes determinan-
 tur: Nam ex data Parallaxi unius Planetæ dantur Paral-
 laxes omnium per Prop. xlix. Lib. II; quia, ex præ-
 cedentibus, ad tempus datum datur ratio inter illorum
 Distantias à Telluris centro.

Quamvis duo quilibet Planetæ in qualibet Conjunctione (modo in Prop. præced. ostenso) adhiberi possint ad utriusque Parallaxin determinandam , inimo Planeta quivis (Mars v. g. in situ Achronychio Terræque proximo) conjunctus Fixæ, cujus Parallaxis est nulla, ad ejus Parallaxin (tum temporis maximam) definiendam sufficiat, inferiorum alter Solis discum transiens proposito est aptissimus ; præcipue Venus, cujus Parallaxis est maxime sensibilis, quippe tunc propioris, & Theoria, in quantum rei huic est necessaria, satis accurate nota.

PROPOSITIO XLV.

Orbitalium planetariorum Axes majores, Excentricitates &c. in mensuris notis determinare.

AD quodvis tempus (per præcedentium duarum aliquam vel aliam quamlibet praxin Lib. II. indicatam) inveniatur cujusvis Planetæ Parallaxis cognitæ Altitudini apparenti competens ; & inde dabitur ratio Distantiæ Planetæ à centro Terræ ad Semidiametrum Terræ ; eadem nempe (per Prop. XLVI. Lib. II.) quæ est inter sinum Distantiæ apparentis à vertice & sinum Parallaxis. Atqui (per Prop. XXXV.) datur ratio inter Distantiam Planetæ à centro Terræ & ejusdem Distantiam à Sole ad Tempus istud cognitum ; & (ex superioribus) ad idem Tempus datur ratio Distantiæ Planetæ à Sole ad Orbitæ Axem majorem ejusque Excentricitatem &c : Et igitur, ex æquo & per 2. *Dat*, dabitur ratio istarum rectorum ad Terræ Diametrum ; hoc est, dabuntur omnes istæ Orbitalium dimetientes rectæ per Terræ Diametros expressæ. Cumque ex Scholio Prop. XVII. Lib. II. Terræ Diameter cognita sit in mensuris notis & familiaribus, dabuntur eam prædictæ Orbitalium rectæ in iisdem.*

Hinc

Hinc ad Tempus propositum Distantiæ Solis & Planetarum primariorum à Terra per Terræ Semidiametros aliaſve menſuras notas expreſſæ innoteſcunt : Nam ad dictum Tempus diſtantiæ iſtæ expreſſæ in partibus mediocris Distantiæ Terræ à Sole notæ ſunt per Propp. xxxiv. & xxxv, & (per hanc) dicta mediocris Diſtantiæ Terræ à Sole in notis menſuris cognita eſt.

SECTION VII.

DE MAGNITUDE & DENSITATE SOLIS & PLANETARUM PRIMARIORUM.

PROPOSITIO XLVI.

Solis Planetarumque primariorum Magnitudinem deſignare.

Conſonum eſt ut hoc loco, poſt traditam Planetarum Theoriam, agamus etiam de illorum Magnitudine & Denſitate, ex quibus conjunctim Quantitas Materiæ in ſingulis pendet ; præſertim cum quædam in eorum Motu Orbiumque diſpoſitione hinc reſolvenda veniant.

Tab. XXIII.
Fig. 7.

Sit horum aliquis ABC , cujus centrum P ; ſitque O oculus Obſervantis. Jungatur recta OP , per quam ductum intelligatur planum ſecans Solis vel Planetæ corpus ſphæricum in ejus circulo maximo BAC . Ex O ducantur rectæ hunc tangentes OA , OB , & jungatur P A recta. Angulus AOB idem eſt cum diſti corporis Diametro apparenti ex O , ſecaturque hic bifariam per OP rectam. Obſervetur hæc per methodos Aſtronomis ſatis notas, quo pacto in triangulo AOP noti erunt omnes anguli : nam (per Prop. xvi. El. III.) A eſt rectus, & AOP eſt obſervatæ Diametri apparentis ſemiſſis ; unde innoteſcit ratio laterum OP & AP : Sed (per Prop. XLV.) datur ratio inter Terræ Semidiametrum & OP Planetæ Diſtantiæ ; & igitur, ex æquo, datur ratio inter Semidiametros Terræ & Planetæ ; ergo & hujus triplicata etiam eſt

est data, nempe ratio inter Terram & Planetam. Datur autem Terræ Magnitudo per Schol. Prop. XVII. Lib. II; & igitur Planetæ Magnitudo (per 2. *Dat.*) data est Q. E. F.

Si per Terræ & Planetæ centra T & P traductum planum ^{Fig. 5.} ~~pla-~~ ^{744 XXIII.} secet utrumque, erunt hujus plani cum istis corporibus sectiones communes circuli in illis maximi. Quod si ducantur tangentes rectæ TA , PD , & jungantur TP , TD , AP ; hæc duæ ultimæ coincidunt fere cum arcubus centris T & P & distantia TP descriptis; ac proinde sunt in eadem ratione cum angulis TPD , PTA quos subtendunt, quorum hic est Semidiameter Planetæ apparens, ille ejus Parallaxis horizontalis: & proinde inversè Diametæ Planetæ est ad Terræ Diametrum ut Semidiameter Planetæ apparens ad Parallaxin ejus horizontalem. Dantur autem tres posteriores hujus analogiæ termini; ergo & primus, Planetæ nempe Diameter.

SCHOLIUM.

Per methodum prædictam Solis Planetarumque præter Terram omnium Magnitudines inter se accurate comparari poterunt. Nam illorum Diametri sunt in ratione composita ex ratione Distantiarum & ratione sinuum semiangulorum sub quibus videntur, hoc est, fere, Diametrorum apparentium: Ratio vero Distantiarum per Prop. XXXV. inventa eadem est cum vera per Prop. XLI; & Diametrorum apparentium ratio ex observatione citra dubium constat. Verum comparatio Magnitudinum istorum corporum cum Magnitudine Telluris pendet à Planetæ aliqujus Parallaxi. Si hæc accurate non detur, dicta comparatio accurate institui nequit. Optimos ejus investigandæ modos supra propriis locis tradidimus: Sed horum ultimus Prop. XLIV. traditus ad praxin maxime accommodus videtur, si ad Venerem in Solis disco visam applicetur; quod nondum factum est, nec ante Annum 1761 (cum Venus in Sole secundo ab hominibus vide-

Ecc

bitur)

Tab. XXXIII
fig. 8.

bitur) fieri poterit. Si interim Terræ Diameter ex Sole visa statuatur mediocris inter reliquorum quinque Diametros ex eodem visas, (quod verisimillimum est à vero non multum aberrare, & porro Solis Parallaxi per Mercurii in Sole visi observationem, aliasque observationes aliter institutas, definitæ proxime congruit,) Planetarum omnium & Solis Magnitudines prodibunt illorum veris Magnitudinibus satis propinquæ, & pro veris habendæ, donec aliquid certius de Parallaxi Solis ex observationibus statuatur.

PROPOSITIO XLVII. LEMMA.

Invenire rationem Distantiæ dati Secundarii à suo Primario ad Distantiam dati Primarii à Sole.

Fig. 9. **R** Eferat s , Solem; τ Terram; p Planetam quemvis, cujus Satelles a . Observetur ex τ maxima hujus Elongatio à p , nempe angulus apt . Igitur in triangulo pat rectangulo ad a , dato angulo τ dabitur ratio lateris ap ad pt : & per Prop. xxxv. datur ratio pt ad ts , & ratio ts ad Distantiam alterius cujusvis Planetæ à Sole etiam est nota; & igitur non latebit ratio inter Distantiam dati Satellitis à suo Primario & Distantiam cujusvis Primarii à Sole.

Quod si Satelles propositus sit Luna nostra, Problema aliter solvi nequit quam (per aliquam ex methodis supra traditis aut similem) investigando Distantiam Solis à Terra, & (per eandem, aliamve vel hætenus traditam vel inferius Lib. iv. tradendam) Distantiam Lunæ ab eadem.

PROPOSITIO LVIII.

Invenire rationem Quantitatis Materia in Sole ad Quantitatem Materia in dato Planeta primario, circa quem Satelles revolvitur.

S It s Sol; P Planeta primarius datus, circa quem afflecla ^{Tab. XXIII. Fig. 10}
 Λ rotatur; sitque v alter quivis è Primariis ad libitum assumptus: fiat P B æqualis s v, & concipiatur corpus quodvis in B locatum: eritque (per Prop. xlix. Lib. I.) Quantitas Materiæ in s ad Quantitatem Materiæ in P, ut gravitas acceleratrix corporis v versus s ad gravitatem acceleratricem corporis B versus P. Et ratio gravitatis acceleratricis corporis v versus s ad gravitatem acceleratricem corporis B versus P componitur ex ratione gravitatis acceleratricis corporis v versus s ad gravitatem acceleratricem corporis A versus P, & ratione gravitatis acceleratricis corporis A versus P ad gravitatem acceleratricem corporis B versus idem P. Sed (per Prop. xxvi. Lib. I.) gravitas acceleratrix corporis v versus s est ad gravitatem acceleratricem corporis A versus P in ratione composita ex ratione rectæ s v ad P A rectam, & ratione duplicata Temporis periodici Satellitis A circa P ad Tempus periodicum Primarii v circa Solem; & gravitas acceleratrix corporis A versus Planetam P est ad gravitatem acceleratricem corporis B versus eundem in duplicata ratione rectæ P B (sive huic æqualis s v) ad rectam P A. Et igitur gravitas acceleratrix corporis v versus s est ad gravitatem acceleratricem corporis B versus P; hoc est (ut supra ostensum) Quantitas Materiæ in s est ad Quantitatem Materiæ in P, in ratione composita ex sequentibus tribus; viz. ratione rectæ s v ad rectam P A, duplicata ratione Temporis periodici Satellitis A circa Planetam P ad Tempus periodicum Primarii v circa Solem, & duplicata ratione rectæ

Ecc 2

s v

Tab. XXXIII.
Fig. 12.

s v ad rectam PA . Prima vero ratio componens & ultima faciunt triplicatam rationem rectæ s v ad PA : Unde Quantitas Materiæ in s est ad Quantitatem Materiæ in P in ratione composita ex triplicata ratione s v ad PA , & duplicata ratione Temporis periodici Satellitis A circa P ad Tempus periodicum Primarii v circa Solem. Utraque autem componens ratio datur; nempe ratio s v ad PA per præmissum Lemma, & ipsa Tempora periodica per observationem: non latebit igitur ratio composita; nempe ratio Quantitatis Materiæ in Sole ad Quantitatem Materiæ in Primario P .

Hinc invenietur ratio Quantitatis Materiæ in Planetis tribus Satellitio donatis; inveniendò sc. rationem Quantitatis Materiæ in illorum unoquoque ad Quantitatem Materiæ in Sole.

SCHOLIUM.

Similiter invenietur ratio Gravitatis Acceleratricis in superficie Solis ad Gravitationem Acceleratricem in superficie cujusvis Planetæ Satellitem habentis. Habentur enim ratio Gravitatis in superficie Solis ad Gravitationem in v , duplicata sc. rationis Distantiæ s v ad Semidiametrum Solis ex præcedentibus cognitæ, & ratio Gravitatis in v versus Solem ad Gravitationem in A versus Planetam, inventa ut supra; item ratio Gravitatis in A ad Gravitationem in superficie Planetæ P , duplicata notæ rationis quam habet Semidiameter Planetæ ad Distantiam Satellitis à Primario. Liquet jam rationem ex tribus hisce notis rationibus compositam eandem esse cum ratione Gravitatis in superficie Solis ad Gravitationem in superficie Planetæ P . Et hinc rursus, ex æquo, determinabitur ratio Gravitatis in superficie unius Planetæ ad Gravitationem in superficie alterius, si uterque Satellite gaudet.

P R O.

PROPOSITIO XLIX.

Invenire rationem Densitatis Solis ad Densitatem Planetæ cujusvis Primarii, circa quem Satellites revolvitur.

SI duo corpora A & B sint ejusdem magnitudinis, par. 1. xxiij. fig. 10. ter quantitatem materiæ in A esse ad quantitatem materiæ in B ut densitas ipsius A ad densitatem ipsius B: Et si ejusdem fuerint densitatis, quantitas materiæ in A est ad quantitatem materiæ in B ut corporis A magnitudo ad magnitudinem corporis B: Et igitur, licet neque magnitudines neque densitates æquantur, ratio quantitatis materiæ in A ad quantitatem materiæ in B componitur ex directâ ratione densitatum & directâ ratione magnitudinum eorundem. Unde ratio densitatis corporis A ad densitatem corporis B componitur ex ratione quantitatis materiæ in A ad quantitatem materiæ in B, & ratione magnitudinis corporis B ad magnitudinem corporis A; hoc est (in casu præsentî) Densitas Solis est ad Densitatem Planetæ in ratione composita ex ratione Quantitatis Materiæ in Sole ad Quantitatem Materiæ in dicto Planeta, & ratione Magnitudinis Planetæ ad Magnitudinem Solis. Sed (per Prop. præc.) datur componentium rationum prior, si Planeta Satellite gaudet; & (per Prop. XLVI) datur posterior; ergo datur ratio ex iis composita, nempe Densitatis Solis ad Densitatem Planetæ.

COROLLARIUM.

Hinc, ex æquo, habetur ratio inter Densitates trium à Planetis primariis, nempe Saturni, Jovis & Terræ. Trium reliquorum Densitates hinc analogice derivare licebit. Nullum est dubium, quin sapientissimus Mundi Conditor Deus O. M. Planetas in diversis à Sole distantiiis collocaverit, ut quilibet pro gradu Densitatis calore Solis majore vel minore fruatur: Materia enim densior ad

Ecc 3 ope-

operationes naturales obeundas majorem calorem requirit Sed & Magnitudinis Planetarum aliquis proculdubio est respectus, cum similium corporum minora, cæteris paribus, fortius intimiusque caleſcant; quippe respectu suæ molis majorem superficiem habentia, ac proinde plures radios excipientia.

PROPOSITIO L.

Orbitalium planetariorum Axes majores superius inventos corrigere.

Prop. xxiv. capti sunt Orbium Axes majores in ratione subſeſquuplicata Temporum periodicorum: nempe à Maſſis Planetarum abstractum est ut decuit ante illarum determinationem, & Planetæ pro punctis habiti in Ellipsis circa immotum Solis centrum in umbilico positum revoluti. Quoniam vero propter Solis & Planetæ Actiones mutuas, quibus fit (per Prop. LVIII. Lib. I.) ut Planeta Ellipsin describat cujus Focus est commune gravitatis centrum sui & Solis, similem (per Prop. LI. Lib. I.) illi quem circa immotum Solem viribus iisdem attractus describeret; & (per Prop. LIV. Lib. I.) ostensus est major Axis Ellipseos, quam Planeta quivis describit circa Solem simul circa commune centrum gravitatis revolvantem, esse ad Axem majorem Ellipseos, quam idem Planeta circa Solem quiescentem eodem Tempore periodico describere posset, in subtriplicata ratione summæ Maſſarum Solis & Planetæ ad Maſſam Solis; ideo Orbitæ cujusque Planetæ Axis major (per Prop. xxiv. inventus) augendus est in dicta ratione subtriplicata summæ Maſſarum Solis & Planetæ ad Maſſam Solis, ut evadat correctus. Datur vero (per Prop. XLVIII.) ratio inter Maſſas Solis & Planetarum; & igitur datur ratio, in qua Orbitalium Axes majores (per Prop. xxiv. inventi) sunt augendi, ut evadant correcti.

P R O.

PROPOSITIO LI.

Errores motûs Planetarum circa Solem à mutua Actione oriundos æstimare.

SI s referat Solem, *A B C E* & *D L* duorum Planetarum...
Orbitas; patet, dum Soli propior est in *A* remotior-
que in *D*, (Planetis nimirum ad Conjunctionem Heliocentricam tendentibus,) per mutuam Attractionem Soli propiorem aliquantulum accelerari, remotiorem retardari; & cum post Conjunctionem ad situm qualis est *c* & *d* pervenerint, remotiorem accelerari, propiorem retardari; & prope Conjunctionem Heliocentricam Distantiam remotioris à Sole minui, propioris augeri. Cumque Massæ Solis & utriusque Planetæ (per Prop. XLVIII.) datæ sint, & Distantiæ mutæ ex superioribus etiam sint datæ, & quidem (per Prop. præc.) correctæ; dabitur ratio Attractionis cujusque in Solem ad Attractionem in alterum, & inde ratio Erroris à mutua Attractione oriundi ad effectum Vis ejus, quâ quisque in Orbe proprio circa Solem retinetur.

Quod si Error omnis in Planetam à Sole remotiorem rejiciatur, propioris Orbitâ manente, hoc fere fiet (per Prop. LVIII. Lib. I.) constituendo umbilicum Orbis exterioris in communi centro gravitatis Solis & interioris.

Errores isti in Jove & Saturno maxime sunt sensibiles, propter ingentes istorum Planetarum Massas.

SCHOLIUM.

Sunt & inæqualitates ex mutua Actione Primarii & suorum Satellitum oriundi: Nam (per Prop. LXIII. Lib. I.) non Primarii centrum, sed centrum gravitatis Primarii & Satellitum, Orbitam Ellipticam circa Solem describit. Quoniam vero hæc à quantitate materiæ in istis Secundariis pendent, cujus determinandæ ratio ad Librum sequentem proprie spectat, de illis nunc tacemus.

S E C.

S E C T I O VIII.

DE FIGURA SOLIS & PLANETARUM.

PROPOSITIO LII.

Determinare Telluris Figuram; hoc est, rationem quam ejus Axis habet ad Diametros eidem normales.

Libro primo Prop. xxxi. generatim, ex causis propriis; est ostensum Solem & Planetas Figurâ indutos esse versus Polos depressâ, versus medium inter Polos circum elevatâ, ad Sphæroidem prolatam accedente. Nunc ad Figuram hanc ex observationibus determinandam accedimus. Ac primo Telluris Figura definienda est.

*Tab. XXIII.
Fig. 11.*

Referat Figura $APEP$, cujus centrum C , Tellurem; PP ejus Axem; AE Aëquatoris Diametrum quamvis Axi normalem. Mensurentur longitudines Pendulorum dato temporis spatio in Cycloide oscillantium in locis A & P : erunt AC , PC reciproce ut dictæ Penduli longitudines, adeoque in ratione nota. Idem fiat in loco quovis intermedio B , cujus Latitudo (sc. ACB angulus) per Prop. xviii. Lib. II. innotescit; eruntque AC , BC reciproce ut longitudines Pendulorum pari temporis spatio in locis istis A & B oscillantium, & proinde in ratione data.

Concipiatur enim canalis fluido plena inflexa ab A ad C , & inde ad P . Ex fluidi quiete manifestum est fluidum in canalis crure AC in æquilibrio esse cum fluido in ejusdem crure PC , vi centrifugâ ex motu circa Telluris Axem ortâ & majore à centro Terræ distantia attollentibus & retinentibus fluidum in crure CA ad majorem altitudinem quam in CP crure. Unde & portio quælibet fluidi in CA in æquilibrio est (sive æqualiter gravis est) cum simili & similiter posita fluidi portione in crure CP , (quod proinde etiam verum est de corporibus quibuscvis homogeneis, etiam si fluida non sint;) & suprema

prema crurum puncta A & P similiter in cruribus sita sunt: Et igitur corpora homogenea in A & P constituta, quæ sunt ut $A C$, $P C$, æquigravia sunt versus Terræ centrum. Sed gravitas corporis in A positi, quod est ut $P C$, est ad gravitatem alterius homogenei ibidem consistentis, quod est ut $A C$, sicut $P C$ ad $A C$, (nempe homogeneorum corporum juxta positorum pondera ut ipsa corpora;) & igitur corporum homogeneorum æqualium in A & P positorum gravitates sunt ut $P C$ & $A C$; hoc est, reciproce ut distantia à centro. Simili prorsus ratione ostendetur gravitas corporis in B ad gravitatem æqualis & homogenei in P ut $C P$ ad $C B$; etenim fluidum in canale $B C P$ immotum permanebit, ut in priori $A C P$: Unde, ex æquo, æqualium & homogeneorum corporum in Telluris superficie ubicunque consistentium gravitates absolutæ sunt reciproce ut distantia à centro. At corporis gravitas acceleratrix est ut ejus gravitas absoluta applicata ad ejusdem molem: Adeoque corporum in Telluris superficie constitutorum gravitates acceleratrices sunt ut locorum distantia à centro inverse. Porro, quoniam oscillatio corporis penduli ad A positi, & in Cycloide moti, æquidiuturna ponitur (ex observatione) cum oscillatione alterius ad P ; & (per *Prop. xxv. Part. 11. Horologii Oscillatorii Christiani Hugenis*) tempus descensus liberi per Cycloidis axem datam habet rationem ad tempus oscillationis in ista Cycloide; & (per *Prop. vi. & vii. Part. 111. dicti Libri*) axis Cycloidis, quam grave Pendulum describit, datam habet rationem ad longitudinem fili dictum grave suspendentis; & proinde tempus descensus liberi per axem Cycloidis datam etiam habet rationem ad tempus descensus liberi per fili longitudinem, nempe prioris subduplicatam: erit tempus descensus liberi per longitudinem penduli ad A positi æquale tempori descensus liberi per longitudinem penduli ad P positi. Sed spatia ad A & P , æqualibus temporibus

Fff

casu

casu libero percurſa, ſunt ut gravitates acceleratrices in dictis locis A & P , ſc. effectus ut cauſæ; & dictæ gravitates acceleratrices hæcenus offenſæ ſunt ut diſtantiæ à centro Terræ inverſe; & igitur longitudo penduli ad A eſt ad longitudinem penduli ad P æquali tempore oſcillantis ut $C P$ ad $C A$. Similiterque oſtendetur longitudo penduli ad B eſſe ad longitudinem penduli ad P æquali tempore oſcillantis ut $C P$ ad $C B$: Unde, ex æquo, erunt univerſaliter longitudines pendulorum æqualibus temporibus oſcillantium reciproce ut diſtantiæ locorum à centro Terræ. Cum igitur inventæ ſint ratio ipſius $A C$ ad quamlibet $B C$ & inclinatio dictæ $B C$ ad $A C$, ac (inter cætera) ratio ipſius $A C$ ad $P C$; definita eſt natura Figuræ $A P E P$, ſectionis nempe Telluris cum plano Meridiani, cujus rotatione circa Axem $P P$ ipſa Telluris Figura gignitur. Q. E. F.

Si Terræ figura modo ſupradicto deſignanda ſit, non opus eſt menſurari longitudinem penduli dato temporis ſpatio oſcillantis ad ipſum Polum P : per plures enim ejuſmodi longitudines obſervatas in diverſis Latitudinibus tuto concludetur longitudo penduli dicto temporis ſpatio oſcillantis ad ipſum Polum. Rurſus, in ſolvendo hoc Problemate non opus erit in diverſis locis pendulum ita aptare, ut eodem temporis ſpatio oſcillationes ſuas peragat: ſufficit pendulum uni loco aptatum ita ut ejus oſcillationes ſingulæ dato temporis ſpatio reſpondeant, in alia loca transferre, & notare quantum horologium, cui dictum pendulum eſt pro libratorio, tempore unius revolutionis apparentis Fixæ ad eundem locum, retardetur aut acceleretur, prout loca, in quæ transfertur, Æquatori aut Polo viciniora ſunt quam eſt iſ cui aptatum eſt automaton, & ex iſta retardatione aut acceleratione calculo colligere quâ opus ſit penduli longitudine, ut oſcillationes ſingulæ pari tempore peragantur quo peractæ ſunt in loco, cui pendulum primo erat aptatum.

COROL.



COROLLARIUM.

Hinc sequitur, si (iisdem manentibus) intervallo $C A$ ^{Tab. XXIV. Fig. 1.} vel $C B$ describatur circulus, & producat utcumque ducta $C B$ ad D , esse $D B$ ut incrementum gravitatis acceleratricis in recessu ab Æquatore versus alterutrum Polum, sive ut incrementum supra longitudinem penduli dato tempore ad Æquatorem oscillantis loco B congruum. Nam supra est ostensum, si $A C$ exponat gravitatem aut longitudinem penduli ad Polum, quod $C P$ repræsentabit gravitatem aut longitudinem penduli pari tempore oscillantis ad Æquatorem; & ideo (productâ $P P$ ad F & G) $P F$ repræsentabit incrementum gravitatis aut longitudinis dicti penduli ad Polum P . Similiter, si $C B$ exponat gravitatem aut longitudinem penduli ad A , $A C$ (hoc est, $D C$) exponet gravitatem aut penduli longitudinem ad B ; & consequenter $D B$ excessum sive incrementum gravitatis longitudinisve penduli ad B , supra gravitatem pendulive pari tempore oscillantis longitudinem ad A .

Si $A P E P$ sectio Telluris cum plano Meridiani sit Ellipsis, erunt gravitatis pendulive longitudinis incrementa in diversis locis superficiei Terræ, supra gravitatem pendulive longitudinem ad Æquatorem, quamproxime in duplicata ratione sinuum rectorum Latitudinum istorum Locorum. Per D ducatur $D M$ Axi $P P$ parallela, Ellipsi in L rectæque $A E$ occurrens in M puncto, ex quo in $C D$ demittatur perpendicularis $M K$; sumatur $D H$ æqualis $P F$, unde $C H$ æqualis $C F$, & jungatur $L H$. Quoniam $A P E$ est Ellipsis, est (per *Prop. XXI. Lib. 1. El. Conic.*) $C P q$ ad $M L q$ ut rectangulum sub $A C$ & $C E$ ad rectangulum sub $A M$ & $M E$: Et, per eandem, in circulo $A F E$ est $C F q$ ad $M D q$ etiam ut rectangulum sub $A C$ & $C E$ ad rectangulum sub $A M$ & $M E$; & ideo $C F q$ erit ad $M D q$ sicut $C P q$ ad $M L q$. Unde $C F$ est ad $M D$ sicut $C P$ ad $M L$; adeoque (per *Prop.*

Fff 2

XIX.

Tab. XXIV:
Fig. 1.

El. v.) $P F$ est ad $L D$ sicut $C F$ ad $M L$; hoc est, $H D$ est ad $L D$ sicut $C H$ ad $M L$; & igitur (per *Prop.* 11. *El.* vi.) $L H$ parallela est ad $C M$; & proinde triangulum $L D H$ simile triangulo $M D C$, & similiter positum. A trianguli autem $C M D$ angulo recto M ducta est ad hypotenusam $D C$ perpendicularis recta $M K$, quod etiam quamproxime factum est in triangulo $H L D$, existente curvæ *Eclipticæ* particulâ $L B$ & fere rectâ, & ad $C D$ normali, propter *Ellipsin* $A P E P$ non multum abludentem à circulo $A F E G$: Unde $C D$ similiter dividitur in K atque $H D$ in B divisa est; id est, $H D$ est ad $D B$ sicut $C D$ ad $D K$, sive $P F$ ad $B D$ sicut $C D$ ad $D K$. Rursus, propter triangulum rectangulum $C M D$ divisum per rectam $M K$ ad $C D$ normalem (per *Prop.* viii. *El.* vi.) erunt $C D$, $D M$, $D K$ proportionales, sive ratio $C D$ ad $D K$ duplicata rationis $C D$ ad $D M$; hoc est, rationis $C F$ ad $M D$. Sed hactenus est ostensum esse $P F$ ad $B D$ sicut $C D$ ad $D K$; & igitur $P F$ est ad $B D$ in duplicata ratione $C F$ ad $M D$: Sed $C F$ est sinus totus, & $M D$ sinus rectus anguli $A C B$, nempe Latitudinis loci B ; & $P F$, $B D$ sunt incrementa gravitatis vel longitudinis penduli dato tempore oscillantis locis P & B congrua, supra gravitatem pendulive longitudinem ad *Æquatorem*: Et igitur, posita $A P E P$ *Ellipsi*, incrementum gravitatis vel longitudinis penduli ad Polum, supra gravitatem pendulive longitudinem ad *Æquatorem*, est ad simile incrementum in alio quovis superficiei Terræ loco B quamproxime in duplicata ratione radii ad sinum rectum Latitudinis dicti loci B . Atque idem ostendetur de alio quovis loco in Terræ superficie: Et igitur, ex æquo, si $A P E P$ fuerit *Ellipsis*, erunt gravitatis pendulive longitudinis incrementa in diversis locis superficiei Terræ, supra gravitatem pendulive pari tempore oscillantis longitudinem ad *Æquatorem*, in duplicata ratione sinuum rectorum Latitudinum istorum locorum quamproxime.

S C H O.

SCHOLIUM.

Præmissa omnia vera sunt ex hypothefi quod Terra ex materia uniformi & æquidensâ conitat. Supposuimus enim fluidum, quo canales ACP , BCP impleti sunt, uniforme esse & homogeneous. Verum si materia, ex qua Terra constat, deniior sit ad centrum quam versus superficiem, prædicta incrementa distantiarum à centro pergendo à Polis ad Æquatorem, hisque proportionalia incrementa gravitatis longitudinisque penduli dato tempore oscillantis pergendo ab Æquatore ad Polos, maiora erunt quam pro calculo superioribus innixo; & Terræ Axis minor erit respectu Diametrorum eidem normalium. Nam si materia ista versus centrum, quâ Terra ibi densior est, subducta concipiatur, aut potius seorsim spectetur ut materia reliqua sit ubique æquidensâ; ex præcedentibus patet gravitatem acceleratricem in diversis superficie Terræ hujus æquidensâ locis esse reciproce proportionalem distantie à centro. Sed dicta gravitas acceleratrix adhuc augetur propter materiam istam redundantem circa centrum; & quidem (ut ex Lib. I. patet) quamproxime in inversa duplicata ratione distantie ab istius, id est, Terræ centro. Cum igitur in casu Terræ uniformiter densâ illius superficies versus Æquatorem eleveatur, versus Polum vero deprimatur; gravitasque ad Æquatorem minor sit quam ad Polum in ratione distantie Poli à centro ad Æquatoris semidiametrum; & porro, ad prædictam materiam redundantem circa centrum gravitas ad Æquatorem minor sit quam ad Polum in ratione duplicata distantie Poli à centro ad Æquatoris semidiametrum, quæ ratione priore simplice minor est, cum ratio ista sit minoris inæqualitatis; & igitur ex utraque simul causâ, sive in casu Terræ versus centrum densioris, gravitas ad Æquatorem, ex prioribus binis composita, minor est quam gravitas ad Polum in ratione minore, quam est ea quam

Fff 3

distan-

Tab. XXIII.
Fig. 12a

Tab. XXIII

Fig. 12.

distantiâ Poli à centro habet ad Æquatoris semidiametrum. Et ideo ex minore hac gravitate ad Æquatorem, respectu ejus quæ obtinet ad Polos, Tellus magis ad Æquatorem elevabitur quam pro superioribus. Idemque obtinet in longitudine penduli dato temporis spatio oscillantis; quippe quæ superius ostensa est gravitati acceleratrici proportionalis.

PROPOSITIO LIII.

Determinare rationem, quam Solis aut dati Planeta Axis habet ad Diametros eidem normales.

INveniatur per Prop. xxvi. Lib. 1. ratio Vis Centrifugæ in medio inter Polos circulo Solis dative Planetæ ad Vim Centrifugam in Æquatore Terræ: Datur autem ratio inter Vim Centrifugam in Æquatore Terræ ad gravitatem in Terræ superficie, eadem sc. cum superius inventa ratione quam habet excessus Diametri Terræ secundum Æquatorem ad ejusdem Axem; & ex *Schol. Prop. xlviii.* datur ratio gravitatis in Terræ superficie ad gravitatem in superficie Solis dative Planetæ: Et igitur dabitur ratio ex datis hæc composita, nempe ratio quam habet Vis Centrifuga in medio inter Polos circulo Solis dative Planetæ ad gravitatem in superficie ejusdem. Atque hæc eadem est cum illa, quam habet excessus Diametri Æquatoris Solis vel dati Planetæ supra ejusdem Axem ad dictum Axem, cum (per Prop. præc.) excessus iste à Vi illa Centrifuga sola proveniat, & proinde sit illi proportionalis: Dabitur igitur (per 6. *Dat.*) ratio inter Solis dative Planetæ Axem ejusdemque Diametrum Axi normalem.

SECTIO IX.

DE DISTANTIA FIXARUM.

PROPOSITIO LIV.

Distantiam Fixa per Observationem determinare.

DE finitis Distantiâ & Magnitudine Solis & Planetarum primariorum, restat ut de Fixarum Distantia paucis differamus. Et licet Fixarum Distantia tam immense major sit quam Telluris Diameter, ut hæc præ illa evanescat penitus & insensibilis evadat; adeoque omnes methodi hoc Libro & præcedente traditæ ad Phænomeni cujusque Parallaxin, & consequenter Distantiam, inveniendam in hoc negotio inutiles sint: videri tamen poterit Diametrum Orbitæ, quam Tellus spatio annuò circa Solem describit, etiam cum Distantia Fixarum comparari posse; cumque nos Terra vestrî nunc hoc nunc illud Diametri dictæ Orbitæ extremum teneamus, sensibilem admodum oriri debere Fixarum Parallaxin ex adeo sensibili Observatoris translatione. Observatio commodissime modo sequenti aut simili instituetur.

Referat s Solem, $A M B$ Orbem magnum. Eligantur duæ Fixæ propinquæ invicem c & f non procul ab Ecliprica sitæ. Observetur harum Distantia cum illarum altera c Soli opponitur, sc. angulus $f A c$. Observetur rursus illarum Distantia cum c est Soli conjuncta, nempe $f B c$ angulus. In triangulo igitur $f A B$, ex datis omnibus angulis, datur ratio laterum; nempe $f A$ Distantiæ Fixæ ab A ad $A B$ Diametrum Orbis magni per Prop. XLV. notam; determinatur igitur $A F$. Similiter cruetur Fixæ Distantia, si observatio secunda Distantiæ Fixarum apparentis instituatur cum c non est Soli conjuncta, (quod forsân, propter Solis splendorem, difficile foret,) sed in alio quovis noto Telluris situ, v. g. dum

Tab. XXIX.
Fig. 2.

dum hæc est in M : Nam AM recta, ejusque ad notam A B ratio, per supra citatam Prop. XLV. innotescit.

Definitâ semel Fixæ alicujus Distantiâ, illius Magnitudo definietur per methodum Prop. XLVI. traditam, modo Fixæ Diameter apparens sit sensibilis.

SCHOLIUM.

Quoniam supra descriptæ observationes, similesve ad Fixarum Distantiam definiendam necessariæ, tam lubricæ sunt tantamque requirunt subtilitatem, ut hanc se consecuturos Artifices spondere non audeant; insignem tamen victoriam reportasse videantur, si esse aliquam Fixarum Parallaxin, magni Orbis respectu, observatione ostendant: sic enim Telluris Motum ultra dubium ponerent, quod operæ pretium esse agnoscunt omnes. Hoc autem haud incommode fiet modo sequenti.

Tab. XXIV.

Fig. 3.

Reliquis manentibus, Fixæ duæ F & C non sint prope Eclipticam. Per illas & Solem traductum planum fecer Telluris Orbitam in A & B , quæ satis exacte ad præsens institutum ex dictis in præc. Lib. dabuntur. Observentur anguli CAF , CBF (sive Fixarum F & C Distantiæ apparentes, visæ ex Tellure in A & B versante) qui satis notabiliter diversi erunt, si A B respectu A C sit sensibilis & Stellæ C & F admodum inæqualiter à Sole distent, quod in Stellis diversæ Magnitudinis obtinere verisimillimum videtur. Immo si loco binarum Stellarum C & F , binæ, quales sunt C & D , conspiciantur, (quod in tanta Syderum multitudine contingere poterit,) ex A videbitur D ad unam à C plagam, ex B ad alteram; vel fortasse videbuntur duæ Stellæ unâ Anni tempestate coincidentes, alterâ notabiliter inter se distantes: in quo casu, absque ullo instrumento ad Stellarum intercapedinem observandam necessario, solius Telescopii beneficio patebit Telluris circa Solem Motus Annuus.

Prædicta

Prædicta observandi ratio, præterquam quod omne recipiat incrementum, quod hæcenus instrumenta quævis recipere aut in posterum recipient, nullius iere est sumptus, cum solo Telescopio Micrometro instructo indigeat; nullus requiritur Observatorii apparatus, nulla Perpendiculari rectificatio, quæ omnia admodum sunt incerta, cum æque muros licet firmissimos, neque ipsas rupes montesque eundem perpetuo situm servare certissimum sit. Huc forsan referenda sunt, quæ de Fixis ab Oculatissimo & Celeberrimo Astronomo D. Cassini noviter detecta sunt; quod nempe Arietis prima aliquando in binas æquales intervallo Diametri utriusvis distantes divisa appareat, quod & de præcedente capite Geminorum itidem observavit; & aliæ quædam, ut Pleiadum aliquæ mediæque in Orionis gladio, quandoque triplæ aut etiam quadruplæ appareant.

PROPOSITIO LV.

Orbis magni Parallaxin observare per accessum & recessum Fixæ à Polo Æquatoris diversis Anni tempestatibus facit.

REferat s Solem; н м е Orbitam Telluris, cuius puncta e & н sunt Telluris loca in Solstitiis. Sit porro f Fixa Polo Mundi vicina, hoc est, Telluris a т в Axis a в cum recta Tellurem Fixamque connectente angulum в н f aut в e f satis parvum comprehendat; sitque Stella hæc non procul à Coluro Solstitiorum, adeoque Soli in Solstitiorum altero fere conjuncta, sive planum e ф н rectum ad Eclipticæ planum н м е. Patet angulum в н f Distantiam Fixæ à Polo Mundi, cum hæc Soli opponitur, minorem esse angulo в e f ejusdem Distantiæ à Polo, cum Fixa Soli conjungitur. Et è converso, si angulus в н f observatione minorprehenditur quam в e f, inæqualitas hæc in

Ggg Orbis

Tab. XXIV.
fig. 4.

Orbis Annui Parallaxin refundenda est. Fixæ vero Distantia inde hoc modo elicitur : Differentia angulorum BEF , BHF æqualis est angulo F ; & in triangulo FEH datur alter angulus F & H ; Fixæ nempe Latitudo ad Tempus, quo Tellus est ad E : Unde innotescet ratio inter HE Diametrum Orbis magni & HF Fixæ Distantiam.

S C H O L I U M.

Hanc methodum Orbis magni Parallaxin per observationes eruendi adhibuit solertissimus Observator D. Jo. Flamstedius, atque sic respondet objectioni illorum, qui cum Ricciolo motum Telluris circa Solem negant, quia hic per Orbis magni Parallaxin observatam non confirmatur. Stellæ quippe Polaris distantiam à Polo Mundi Boreo majorem invenit circa Solstitium Æstivum quam Hyemale circiter 40 aut 45 scrupulis secundis, idque ope Observationum per continuos septem annos factarum, post consideratas instrumenti correctionem & Loci Stellæ mutationem propter punctorum Æquinoctialium regressum : sicut acute disserit D. Flamstedius in Epistola ad Cel. D. Wallisium 20 Dec. An. 1698. data, in *Oper. Math. Wallisii Tom. III.* edita. Verum methodus hæc Fixæ Parallaxin determinandi supponit Telluris Axem AB sibi exactissime esse parallelum, cum hæc in E & H punctis suæ Orbitæ versatur, quando observationes instituuntur. Et licet Axis Nutatio ista exigua, quæ consequitur exinde quod (per *Coroll. XX. Prop. LXVI. Lib. I. Phil. Nat. Princ. Math. Cel. Newtoni*) inclinatio Eclipticæ & Æquatoris ad Solstitia minuatur, ad Æquinoctia augetur, observationi huic minime obstat, sicut ipse D. Flamstedius in dicta Epistola notat ; alia aliunde orta Nutatio totam hanc Stellæ Polaris à Polo distantiam diversitatem producere poterit : Si nimirum Hemisphærii Terræ Australis paulo major sit densitas quam Hemisphærii Bo-

rii Borealis, (vel propter minorem illi Æstatem quam huic majusque frigus, vel propter continentium Terræ ad Polos positum inæqualitatem, vel aliam causam quandam nobis ignotam,) cum in Solstitio Hyemali Polus Austrinus A annuat ad Solem & simul illi propior sit quam est Polus Boreus B , cum tempore Solstitii Æstivi hic ad Solem annuit, inclinabitur HA magis ad Eclipticæ planum tempore Hyemali quam EA Æstivi; unde BHF minor erit quam BEF , licet ipsæ rectæ HF , EF parallelae forent. Cum igitur totum, quod per D . *Flamstedii* observationem conficitur, illud sit quod BHF angulus minor sit quam BEF ; atque hoc ex duplici causa oriri possit, nempe ex rectarum HF , EF concursu ad partes F , si Terræ Axis in observationum una parallelus sit eidem in altera, (quod à D . *Flamstedio* supponitur, & in Figura Prop. LV. designatur,) vel ex rectarum HA , EA concursu ad partes G partibus F contrarias, positis rectis HF , EF parallelis, ut in figura annexa; ex observatione illa Fixarum Parallaxis non evincitur, quoniam Observatio integra consistere potest, rectis EF , HF parallelis manentibus; hoc est, Orbis magni Parallaxi positâ nullâ.

Immo hæc observatio ne vel Telluris Motum Annuum immediate astruit: Nam licet Tellus in medio maneat, (circa Axem ut in Systemate *Semitychónico* rotata cœlestium Motum diurnum apparentem efficiens;) Sol in Signis Australibus Hemisphærium Terræ Australe, propius & forte densius, Soli tum obversum ita attrahere poterit, ut angulus BHF , Distantia Fixæ à Polo, minor sit quam BEF , cum in Signis Borealibus Sol remotior ejus Hemisphærium Boreale, etiam forte minus densum, minus attrahit.

Idem similiter de varia Distantia Fixæ à Zenith dicendum, quo modo $Cl.$ *D. Hookius* Fixarum Parallaxin olim rimabatur. Nam si Axis Terræ directio mutatur, alte-

rius cujusvis rectæ in Terra (cujus positio ad Axem datur) directio similiter mutabitur: Et Terræ motus circa Solem, ex varia inclinatione rectæ Fixarum & Terram conjungentis ad rectam istam in Tellure, certo concludi nequit. Optandum igitur est ut oculatissimi Observatores deinceps observationes suas ad Motum Terræ Annuum hoc modo astruendum secundum Prop. præc. ejusve Schol. dirigant: Nam sic tandem Fixarum Parallaxis respectu Orbis magni (modo sensibilis fuerit) certo elicietur, cum angulorum istorum mutatio ex alia causa, præter mutatum Telluris locum aut Fixarum inter se situm, oriri nequeat; Fixarum vero idem ad se invicem situs principii loco habeatur ab omnibus, qui illarum Parallaxin investigant. Interim rationes Propositione sequente explicandæ me movent, ut cum *Copernico* credam Orbis magni Diametrum respectu Fixarum (etiam proximarum) Distantiæ insensibilem esse.

PROPOSITIO LVI.

Distantia Solis à Terra, respectu Distantiæ Stellæ Fixæ (etiam proximæ) à Terra, evanescit fere & insensibilis est.

Cum Sol & Stellæ Fixæ sola sint magna Mundi corpora luce propria gaudentia, jure à Philosophis ejusdem generis habentur, & ad similes usus destinata; & hominis est res suas plus æquo æstimantis credere Solem esse illorum omnium maximum. Ponantur igitur æqualia, cum excessus hujus supra illud nulli iudamento innitatur.

Tab. XXIV. Fig. 7. Sit T Terra; AEB Sol, cujus centrum s ; CGD Soli æqualis Fixa, cujus centrum f . Cumque argulus BTs , quo semidiameter Solis ex Terra spectatur, excedat 16 scrupula prima, erit BS , vel illi æqualis CF , pars fere ducentesima ipsius ST ; sive 200 CF ipsi TS æquales.

In

In triangulo FST rectangulo ad s est sinus anguli sFT ad latus ST sicut radius ad latus FT : similiterque in triangulo CTF sinus anguli CTF est ad latus CF ut radius ad latus CT ipsi FT æquale: Unde (ex *Prop. xi. Elem. v.*) sinus sFT est ad ST sicut sinus anguli CTF ad CF . Cumque, in parvis hisce angulis, anguli ipsi sint sicut eorum sinus, erit vicissim angulus sFT ad CTF angulum ut recta ST ad CF rectam; & ideo 200 CTF ipsi sFT æquales, sive 100 CTD ipsi TFS . Acutissimus vero Observator *Christianus Hugenius* (in *Systemate Saturnio*) asserit se adjutum Telescopio (cujus ope speciei per Tubum visæ ad eam quæ nudo oculo percipitur ratio secundum diametrum est centupla) Fixarum etiam maxime splendorum Diametros nullâ unquam magnitudine cernere potuisse, sed tantum minimi puncti instar; hoc est, angulum DTG centuplo majorem factum etiamnum esse insensibilem; sive centuplum CTD (hoc est, sFT) sensu percipi non posse. Semidiameter igitur Orbis magni ST ex Fixa proxima (qualem splendidissimam æstimare oportet) visâ minimi puncti instar appareret; hoc est, TS respectu sF vel TF evanescit & insensibilis est.

Tab. XXIV:
Fig. 7.

Parvitas hæc apparentium Diametrorum Fixarum in causa esse videtur Scintillationis earundem: Corpuscula enim opaca minima, per Atmosphæram semper mota, Fixam quamvis penitus tegunt, statimque retegunt; hoc est, Scintillantem reddunt.

SCHOLIUM.

Quoniam ST ad sF comparata insensibilis est, perinde est ex quonam Orbis magni puncto Fixæ observentur; totus quippe Orbis magnus quasi punctum est respectu Distantiæ Fixarum: Cumque Saturnus Planetarum extimus à Sole non distet decuplo amplius quam Tellus, immensa erunt Spatiâ inter extimum hunc Planetam proximasque

Ggg 3

masque

maſque Soli Fixas, in quæ Cometarum Orbes admodum excentrici excurrant, de quibus Prop. xxxv. Lib. I. dictum eſt: Sed & propter immenſam hanc Diſtantiam ſit, quod Fixæ nullos edunt ſenſibiles effectus in noſtri Solis Syſtema, Planetasque inibi contentos non perturbent.

Quia igitur Fixarum Diſtantia per obſervationes in diverſis Orbitæ Terræ locis factas determinari nequit, reſtat ut illa ex rationibus Opticis æſtimetur: cujus faciendi modos duos proponemus; alterum *Jacobi Gregorii* Anno 1668 editum, alterum *Chriſtiani Hugeni* in ſua *Cosmotheoria* traditum.

PROPOSITIO LVII. LEMMA.

Ejuſdem ſphæræ illuſtrationes, in diverſis à lucido corpore diſtantiis, ſunt in reciproca duplicata ratione diſtantiarum.

Tab. X^{IV}.
Fig. 8.

Licet Propoſitio hæc facile conſequatur ex Prop. XLVIII. Lib. I. libet illam hic demonſtrare. Sit A corporis lucidi punctum quodvis ad libitum ſumptum; ſitque BC ſphæræ illuſtratæ diameter radiis directe objecta, in minore diſtantia à lucido; $\beta\gamma$ eadem diameter in majore diſtantia: hoc eſt, ſit AE radius ad centrum E pertingens ipſi BC normalis, & $A\beta$ ipſi $\beta\gamma$: Jungantur AB , AC , & productæ concurrant in D & F cum $\beta\gamma$ etiam producta. Centro A , diſtantiâ AD vel AF deſcribatur circuli arcus DF , cui $A\beta$, $A\gamma$ & $A\gamma$ productæ occurrant in H , G & K ; concipiaturque figura hæc ſuper axem AG rotata. Patet radios omnes in ſphæram cujus diameter BC incidentes, illâ ablatâ, in ſphæram cujus diameter eſt DF ſpargi: & ideo illuſtratio ſphæræ, cujus diameter BC , eſt ad illuſtrationem ſphæræ, cujus diameter $\beta\gamma$, ut omnes radii intra ſectorem ſphæricum rotatione ſectoris circularis ADG genitum contenti ad omnes radios intra ſectorem ſphæricum rotatione ipſius AHE genitum

gènitum contentos; hoc est, ut superficies sphærica rotatione arcûs DG producta ad superficiem sphæricam rotatione arcûs GH productam; hoc est (per *Propositio XLIX. Lib. I. Archimed. de Sph. & Cyl.*) ut circulus radio DG ad circulum radio HG , sive in duplicata ratione DG ad HG . Sed in parvis angulis, quales supponimus DAG & HAG , DG est ad HG quamproxime ut D , ad B : & ideo illustratio sphæræ, cujus centrum in B , est ad illustrationem ejusdem vel æqualis sphæræ, cujus centrum in A , in duplicata ratione D ad B , sive D ad BE , sive A ad AE ; hoc est, in reciproca duplicata ratione distantiarum. Cumque ideam propter easdem rationes verum sit de alio quovis lucidi corporis puncto æque ac de A , patet propositum.

Similiter, ejusdem sphæræ illustrationes ab æqualibus corporibus lucidis inæqualiter distantibus factæ sunt in reciproca duplicata ratione distantiarum à corporibus istis lucidis.

PROPOSITIO LVIII. LEMMA.

Omnes Radii Solares in Planetam unum incidentes sunt ad omnes Radios Solares in Planetam alterum incidentes in duplicata ratione chordarum Parallaxium horizontalium Solis ex Planetis istis spectati.

REferat S Solis punctum quodvis radians; AB , CD sphæræ, quarum centra T & P , sint Planetæ bini quivis. Jungantur ST , SP , per quas traductum planum secet sphæras in circulis AB , CD ; & ex S ducantur rectæ dictos circulos contingentes. Centro S , distantia quavis ducatur arcus circuli rectis SA , ST , SB , SC , SP & SD occurrens in F , E , I , H , G & K ; jungantur rectæ EF , GH . Figura $AFSET$ rotata concipiatur circa ST axem, & $CHSGP$ circa SP axem. Erunt omnes Radii ex S puncto manantes qui in Planetam T incidunt (sc. omnes intra conum ASB) ad omnes in Planetam P in-

*Tab. XXX.
Fig. 8.*

Fig. 9.

Tab. XXIV.
Fig. 9.

P incidentes (nempe omnes in cono CSD) ut superficies sphaerica rotatione arcus EF descripta ad superficiem sphaericam rotatione arcus GH descriptam; hoc est (per *Prop. XLIX. Lib. I. Archimed. de Sph. & Cyl.*) ut circulus radio EF descriptus ad circulum radio GH descriptum, sive in duplicata ratione rectarum EF , GH : Sed EF & GH sunt chordæ angulorum AST , CSP ad radium SE , & dicti anguli sunt Parallaxes horizontales Solis s ex Planetis T & P spectati; & igitur Radii omnes ex s puncto manantes & in Planetam T incidentes sunt ad omnes in P incidentes in duplicata ratione chordæ Parallaxis Solis ex T spectati ad chordam Parallaxis Solis ex P spectati. Cumque idem similiter verum sit de Radiis ab alio quovis Solis puncto manantibus, patet propositum.

Loco chordarum ipsi arcus, si sive proportionales anguli quos subtendunt, possent assumi, ut in præcedente.

SCHOLIUM.

Pari modo sphaeræ lucidæ & undiquaque radiantis radii omnino omnes sunt ad radios ejus omnes in sphaeram datam incidentes illamque illustrantes in duplicata ratione diametri (sive chordæ semicirculi) ad chordam parallaxis horizontalis corporis lucidi ex sphaera illustrata spectati; sive ut quadratum diametri ad quadratum chordæ dictæ parallaxis horizontalis. Et consequenter, (sumendo antecedentium dimidia,) semissis radiorum omnium sphaeræ lucidæ, sive radii omnes ab hemisphaerio radiante manantes (posito altero hemisphaerio opaco) sunt ad radios ejus omnes incidentes in sphaeram illustrandam, cui illud pleno orbe fulget, ut semissis quadrati diametri (hoc est, quadratum circulo inscriptum) ad quadratum chordæ parallaxis corporis lucidi ex sphaera illustrata spectati.

P R O.

PROPOSITIO LIX. LEMMA.

Ratio Illustrationis Terra à Sole ad ejusdem Illustrationem à Planeta pleno Orbe fulgente componitur ex duplicata ratione chordarum Parallaxium Solis ex Terra & Planeta isto spectati. & ratione quadrati circulo inscripti ad quadratum chorda Parallaxis horizontalis dicti Planeta à Terra visi.

R Adii, quibus Planeta Terram illustrat, illi sunt qui à Sole primitus manantes à Planeta reflectuntur in Terram. Supponimus igitur Planetam quemvis radios omnes Solares in se incidentes undiquaque reflectere; hoc est (ad majorem facilitatem) supponimus Planetam (lucidi primarii instar) radios à sui hemisphærio Soli obverso undiquaque emitte, tot sc. quot à Sole in illum incident. Palam est Illustrationem Terræ à Sole esse ad Illustrationem ejusdem per Planetam pleno Orbe fulgentem ut radii omnes Solares in Terram incidentes ad omnes radios à Planeta manantes in eandem incidentes: Sed ratio radiorum Solarium in Terram incidentium ad radios Planetarios in eandem incidentes componitur ex ratione radiorum Solarium in Terram incidentium ad radios Solares in Planetam incidentes, (hoc est, omnes radios à Planetæ hemisphærio manantes,) & ratione omnium radiorum à Planetæ hemisphærio manantium ad omnes ex illis qui in Terram incident. Et componentium harum rationum prior, sive ratio radiorum Solarium in Terram incidentium ad radios Solares in Planetam incidentes, æqualis est (per Prop. præc.) duplicatæ rationi Parallaxis horizontalis Solis à Terra spectati ad Parallaxin horizontalem Solis ex isto Planeta spectati; posterior vero, nempe ratio radiorum omnium à Planetæ hemisphærio Terram illustrante manantium ad omnes ex illis qui in Terram incident eamque illustrant,

H h h æqualis

æqualis est (per Schol. præc.) rationi quam habet quadratum circulo inscriptum ad quadratum chordæ Parallaxis horizontalis dicti Planetæ ex Terra spectati. Et igitur ratio Illustrationis Terræ à Sole ad ejusdem Illustrationem à Planeta pleno Orbe fulgente componitur ex duplicata ratione chordarum Parallaxium horizontalium Solis ex Terra & Planeta isto spectati, & ratione quadrati circulo inscripti ad quadratum chordæ Parallaxis horizontalis dicti Planetæ è Terra visi. Q. E. D.

PROPOSITIO LX.

Stella Fixa Distantiam definire.

ELigatur Fixa ejusdem quamproxime splendoris cum Planetarum aliquo, quando pleno Orbe fulget; quo casu Terra ab istis duabus Stellis æqualiter illustratur. Sed ex cognitis (per Prop. XLV.) Solis, Terræ & Planetæ Distantiis mutuis ad Tempus observationis prædictæ, & (per Prop. XLVI.) horum trium corporum Magnitudinibus, innotescunt (per Prop. XLVIII. Lib. II.) Parallaxes horizontales Solis & Planetæ è Terra visorum & angulus quo dictus Planeta ex Sole videtur, cujus semissis est Parallaxis horizontalis Solis ex isto Planeta visi. Ac proinde (per Prop. præc.) innotescit ratio illustrationis Terræ per Solem ad ejusdem illustrationem per dictum Planetam; hoc est, ratio inter illustrationes Terræ per Solem & per Fixam: Sed (per Prop. LVII.) illustratio Terræ per Solem est ad illustrationem ejusdem per Fixam (Soli æqualem & æquilucidam) in duplicata ratione Distantiæ Fixæ à Terra ad Distantiam Solis ab eadem: Innotescit igitur ratio inter Distantias Fixæ & Solis à Terra; ac proinde ipsa Distantia Fixæ à Terra nota est.

S C H O-

SCHOLIUM.

In prædictum usum commodè assumentur Jupiter in situ Achronychio & Stella Sirii, quæ (si alia quævis) Soli æquiparari poterit. Cum autem Jupiter in dicto situ splendore Sirium superet, & præterea radii Solares in Jovem incidentes non sine debilitatione in Terram reflectantur, sed plurimi ad Jovis superficiem suffocentur; Distantia Sirii hoc modo definita minor erit verâ.

PROPOSITIO LXI.

Stella Fixa Distantiam aliter asstimare.

CUM Fixæ etiam splendidissimæ Diameter nequeat per Tubum Opticum ullum hætenus fabricatum eousque ampliari, ut sensibilis evadat & cum Solis Diametro conferatur; saltem Solis Diameter eousque minuatur, ut illius sic minutæ lumen (sensuum judicio) non sit majus lumine Sirii noctu scintillantis, quod fiet si in Tubum ejus radii admittantur per foramen satis parvum; vel si ejus imago ope Lentis eousque minuatur, vel partim hoc modo partim illo: Imaginis enim Solis sic minutæ Diameter licet insensibilis, (si immediate aspiciatur,) ex datis foraminis Diametro, Lentæ & situ oculi, calculo Opticæ & Dioptricæ superstructo innotescit. Atqui Solis imaginis, oculo positione dato æquilucidæ atque Sirius, æqualis est Diameter Sirii Diametro; innotescit igitur per calculum Sirii Diameter apparens prius insensibilis: Sed Sol & Sirius æquales ponuntur; eorumque proinde Diametri æquales: eritque ideo Distantia Sirii ad Distantiam Solis ut sinus Diametri apparentis Solis ad sinum Diametri apparentis Sirii, sive (ob parvitatem horum angulorum) ut Diameter Solis apparens ad apparentem Sirii Diametrum; notaque proinde erit Sirii Distantia. Q. E. I.

H h h 2

ASTRO.

... 1912 ...





xxxv
E. 1.